



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Paralipomena Mariana Quorundam quæ in hisce Annalibus omissa sunt in primo seculo, suis annis, & locis reponenda.

urn:nbn:de:hbz:466:1-42840

PARALIPOMENA MARIANA

Quorundam quæ in hisce Annalibus omiffa sunt in primo seculo, suis annis, & locis reponenda.

ANNO 1544.

*In dubijs
consultri-
cem Dei-
parâ ad-
hibere .*

2. Nou.

*Christo ad
defatiga-
tionem usq;
seruire.*

884 *Ioannes Nunnez* Lusitanus, Abbas, postea Societate IESV in itâ Æthiopiæ Patriarcha, cum hoc anno incertus animi, ac deliberabundus hæretet quænam viuendi ratio ad beatam vitam esset magis expedita & DEO grata, rogabat assiduè Dei Matrem, optimam nutantium cordium consultricem, vt consultationem totam ipsa regeret. Narrabat postea *Ioannes Melchiori* germano suo; sibi felicem illam sui consilij præsidem postridie kalendas Nouembris ipso die fidelium animarum augustâ & amabili specie coràm spectabilem adesse visam cum Patre quopiam de Societate IESV, quem illa sui *famuli* nomine honorabat, iubebatque Conimbricam proficisci, & ab eius Patris ore consilijque pendere. Alij ex *Oliuero Manaræo* probatæ fidei, atque illius ætatis viro rem ita narrant, vt *Deipara* Ioanni per quietem inter Patres hinc *Petrum Fabrum*, inde *Franciscum Stradam* conspecta, eum interrogârit: *Visne Filio meo ad defatigationem usque seruire?* Annuenti deinde dixisse; vt duos illos suos comites sequeretur. *Ioannem* demum in *Petrum Fabrum* incidisse, atque ab eo ipsidem propè verbis interrogatum; *Visne Christo ad defatigationem usque seruire?* Vtrumque est ad rem nostram; docetque debere consuli à nobis, & coli *Deiparam* obsequijs Christo impensis, ac impigritate amoris plenâ, seu amore minimè otioso. Ita *Ioannes* in Societate factus est & ipse *famulus* Virginis; cui seruire, est Deo obedire.

AN-

ANNO MDXLVI.

885 S. P. Ignatius hoc anno Romæ Petro Ferro febris per sexaginta tres dies illum exurentibus ad extrema perducto prædixit fore ut breui à Beatissima Virgine sanaretur. Adfuit nocte proxima, ut refert Orlandinus, hist. l. 6. n. 9. cum sensibus totis vigilaret ægrotus, amictu candido spectabilis Virgo Mater, quam cælestes virgines cingebant choro insigni; quæ expressam sui oris effigiem, similem eius quæ ad cryptæ Ferratæ piè colitur, ægro dedit; eamque iussit admoueri præcordijs: quâ ille ad pectus adnotâ, somno est consopitus; dein excitatus, & sanatus, postridiè à S. Ignatio visitatus est, dicente: *Nonne ego dixi, fore, ut Dei Genitrix te sanaret?* Hoc ex ipso Petro iureiurando id affirmante postea compertum; qui certior factus est, illam Ignatij prædictionem ortam ex eiusdem precibus, *quas ille Virginis ante genua pro sui salute fundere sit visus.*

886 P. Petrus Faber hoc anno 1. Augusti vitam felici, sed acerbâ, morte confecit Romæ. Hic est ille Deiparæ famulus, Deiparæ comes, & pro consiliario datus ab eadem Ioanni Nunnio. P. Frater Ioannes dela Parra scribit quandam Dei Matris imaginem, coram qua Petrus Faber supplex Gandiæ precabatur, ei oranti locutam. Aliàs etiam, eandem Deiparam, cum P. Petrus piè oculos in illam defigeret, ait oculos hæcenus demissos, & ferè clausos, in P. Petrum amanter conuertisse; neque postea clausisse, aut demississe, verùm ita ut eos aperuerat retinuisse, ac eapropter ab eo tempore illam imaginem dictam *Nostram Dominam de miraculo*; atque nunc etiam Madriti apud Sanctimoniales in pretio reuerentiâque haberi.

Illam in morbo tenere colere.

Laudatus in vita B. Borg. à Io. Nier. Hist pag. 55. Imagines Deiparæ impensè reuereri.

AN-

ANNO MDLV.

*Respectus
humanos
eius amo-
re supera-
re.*

887 P. Ignatius Martinez hoc anno in Catechesi cum de B. Virgine loquens, inuitansque auditores, diceret: ecquis vellet honori Virginis Salutationem Angelicam *Aue MARIA* publicè recitare, cum omnes tacerent humano quopiam, alioiè respectu, ecce tibi in omnium oculis tener infans qui è Matris amplexu pendeat, licet per ætatem loqui adhuc nihil sciret, aut posset, disertè tamen ac scitè *Aue MARIA* pronunciauit, quemadmodum ex ijs ipsis qui adfuere accepimus. *Quidlibet potes*, ait illam laudans Græca Ecclesia, *ut Mater illius qui omnia potest*.

*Menea
7. April.*

ANNO MDLVII.

*Vis. Tur-
sell. hist.
Lauret.
l. 3. c. 14.*

888 Laureti hoc anno Patrum de Societate non nemo sermonem de more ad Canonicos habebat. plerique Patrum, confessiones excipiebant aduenarum: nonnulli *in augustissima Virginis cella* Deo supplicabant: cum repente (quod habet Tursellinus) è summo tholo cælestis flamma, cometæ instar, emicare visa dicitur; atque inde supra sacellum lapsa, parumper ibi stetit: hinc ad concionem progressa, cunctis miraculo ac stupore torpentibus gratum præbuisse spectaculum: demum flexo in diuersum cursu, ad destinatum confessionibus locum (pœnitentiariam appellant) supra Sacerdotum, pœnitentiumque capita discurrissè. Seu tua, seu aliorum peccata expies, siue ad concionem dicas aut alium dicentem audias, siue ores; vbique ignis à Deo per Dei Matrem petendus est, qui te illuminet ac inflammet, quæ à S. Cath. Senensi dicitur *Portatrix ignis*.

*Deiparâ
pro con-
fessione, et
concione
inuoare.*

*in orat. in
fine Dial.*

*Sacch.
n. 65.*

889 P. Iacobus Ledesma de Societate ineunda atque puritate perseuerantiaque retinenda sollicitus,

Bri-

Brixia (nā danda fides Sacchino) in duplici ea cura defixo præbuit sese videndam Dei Genitrix Virgo. Species erat Sole pulchrior : comites aderant tres, Maria Magdalena, Catharina Virgo & Martyr, & Catharina Senensis. Dulcissimè affatur cæli Regina; nec modò pudicitiam & perseverantiam pollicetur, sed etiam rursus ad vitæ finem suam se illi speciem commodaturam; tumque intellecturum, sibi vera pollicitam, quàmque excellens sit cordis corporisque mundicia, & quantam gloriam allatura. Idipsum blando vultu adpromittere visæ tres comites: quæ mox dum sensim recedunt, suavissimè concinentes castimoniam prædicabant. Ex quo cantu simplices hosce versiculos refert Ioannes Ferdinandus, qui Romæ Theologiam tunc explicans interfuit cùm Ledesma moriens hæc prodidit: *Quantum est, canebant sacræ illæ de cælo hospites, quantum est donum castitatis quod Deus confert pietatis?* Alij eisdem canentium Sanctarum versus ita referunt:

Diuina res est castitas,

Diuina sunt & premia

Quæ continenti dat Deus.

890 Hoc anno Collegium Lauretanum (inquit Sacchinus) DEI erga se, *Matrisque Sanctissima* miram benignitatem expertum. A Rectore pauxillum farinae, & saccari, & aliquot oua missa ad Ludovicam honestam sceminam, vt in solamen ægrotantium aliquid placentularum conficiat. Ludovica, filia, & neptis, dum vnà officiosi laboris delibant partem, mirâ quadam pietate succendi ac impleri cœperunt, & sentire massam dum tractant intra manus quodammodo augeri. Inde numerum ingentem bellariorum conficiunt: & postremò

I I I

dum

Curâ sue puritatis illi per Christum committere.
Item perseverantia.

Sacch. à n.94.

Rei domesticæ illâ præficere.

Labores manuum illi dedicare.

dum mastram euerunt collecturæ si quid farinae resederit, propè discum in quo fuerat allata, denuò complent. Oliuerius Manaræus Rector, qui per paucas placentulas, pro materia præbita, expectabat, ubi magnum canistrum plenum aspicit, ac de farina nihil penè detractum, rei nescius, de Ludonicâ grauer questus est, quòd sibi fidem fefellisset. Etenim serio sceminæ interdixerat, ne quid de suo, præter operam, adhiberet. Illa verò & puellæ constanter asseuerant, præter aquæ rosacæ exiguum quiddam, & aliud nescio quid ad condiendum addi solitum, omninò additum nihil; imò farinae totum id planè quod remisserant superfuisse. Cæterum ex insolito ardore pietatis, copiâque dulcedinis diuinæ (quantam ne in augustissima quidem DEI Genitricis cella inter preces ante gustassent) facile aduertisse se DEI præsentiam aliquid supra vires naturæ agentis. Omitto reliqua quæ ibi ad rem per plures cum accurate omni examinatum refert Sacchinus. Etiam sub ipsum SS. Eucharistiæ vel sumendæ, vel sumptæ tempus, & postea per omnem vitam nil significauère aliud omnes illæ, nisi eius temporis beatam sibi vsuram fuisse: ac planè sensisse, dum massa tractaretur, eâ manum magis ac magis impleri.

*In mensa
Deiparæ
meminisse*

891 Ibidem panum quoque numerum in trichinio auctum refert, idque non semel, & citra vllam fraudis suspicionem. Gubernator Lauretanus, & is qui rationum tabulas conficiebat palam sunt professi, biennio quo Lauretum Societas aduocata esset, magnam summam, ad bina ferè millia aureorum nummum in tabulis expensi patere amplius quàm in accepti tabulis extaret: & tamen nihil æris alieni esse contractum; nec perspici quos

mo

modo tabulæ non conuenirent, cum rerum singularum ratio constaret optimè, nec quicquam esset acceptum quod non esset diligenter in tabulas relatum. Quare apertè illi rem B. Virgini tribuebant, cuius in gratiam Filius, qui fecerat olim ex aqua vinum, nummos nunc in erario multiplicasset.

ANNO MDLVIII.

892 Hoc anno ea quæ ad *Scalam* dicitur Conimbricæ B. Virginis imago P. Sebastiano Barradas, tunc adolescenti, disertè dixisse fertur; vt Societati IESV nomen daret.

*Vocatio-
nem suam
illi com-
mendare.*

893 Ioannes de Cruce Coadiutor Hispanus hoc anno Societatem amplexus Florentiæ, vir simplex, & rectus, inducere animum non poterat ad confessionem generalem de totâ vitâ instituendam; idque dissimulanter in eo habitum est tantisper; quippe cum id ab eo fieri constaret sinè vlla suspitione maliciæ. Sperabatur fore, vt sensim ad hoc adduci posset, postea magis condoces factus. Et verò ita euenit. Nam Ioanni nocte intempestâ in lectulo suo vigili adfuit conspicua Regina gloriæ vultu seuerâ maiestate minaci: & *Quæ*, aiebat, *hæc tua refractariola mens ad parendum est, Ioannes, quòd præter morem alijs vsitatum, audeas in Societate mei Filij degere, vitæ antea noctis per generalem confessionem minimè expiatis?* Hisce minaciter dictis, abibat illa ex oculis: & Ioannes clamore sublato abeuntem inclamans, promittebat se confestim imperatâ facturum. Concurrere vicini clamore illo excitis & ille id quod erat palam omnibus narrans, confessionem à Deipara imperatam est executus.

*Valtrinus
m. f. 5. 4.*

*Confessio-
nem gene-
ralem ali
quando
instituere.*

894 P. Cornelio Vishauæo hoc anno coram B. Virginis imagine petenti vbi P. Petrum Fabrum

spiritualis suæ viæ ducem futurum , sed antehac ignotum , reperiret; diuinitus è cælo allata vox , illum ad dexteram in platea , & ad tertiam sinistrae partis domum mittere videbatur . Ibi quæsitum, P. Petrum Fabrum reperit, ductu Virginis consultricis .

895 P. *Consalvus Sylueria* Monomotapam ap-
liff. orient. pulsus, elegantem , quam secum habebat , Deipara
f. 30. 31. imaginem Regi petenti & venerabundo dedit , ut
 lo Regio adornauit . Narrant, ipso Rege id illis
 testato, Lusitani noctibus deinceps circiter quinque
 Reginam cælorum eâ ipsâ specie quam tabula
 ostenderet , diuinâ circumfusam luce , suauique
 splendore fulgentem, augustissimo simul , ac iucun-
 distimo aspectu dormitanti Regi adstitisse: quod
Imagines ille manè Matri narrabat rei nouitate vehementer
Deiparæ attonitus; itemque Lusitanis , qui rem statim Con-
venerari. saluo renunciabant. Postremò Rex Consaluum ip-
 sum accersit ; ait se mirum in modum angi , quòd
 sermonem Reginæ eius quæ secum singulis nocti-
 bus loqueretur , non intelligeret . cui Consalvus ,
 cum eam esse linguam diuinam dixisset , quam ne-
 mo cognosceret , nisi qui sacrosanctis eius Reginæ
Inspirati- Filij legibus pareret , quinto circiter & vigesimo
onibus post aduentum Consalui die Rex & Mater à Con-
lonis pa- saluo sunt baptizati .
tere.

ANNO MDLXI.

896 Ægidius Montanns culpam quam contra
ab. 1561. obedientiam commiserat (quod est in Societatis
 historia) ritè eluit, ac Romæ tertiæ in Grammatica
 classi præfectus est . Narrauit ille deinde sub mor-
 tem Patri Emmaneli Sà , & alijs; sibi nocte qua-
 dam intempestâ vigili visum cubiculum in quo
 iace-

iacebat totum magno iucundoque completum,
lumine: deinde visum sibi, cubiculi tecto patefacto,
ita vt cælum pateret, sustolli in altum, & quasi
plumbeâ circumdatum veste; quæ vestis, tanquam
colliquefcente sensim, & collabente plumbo, quò
ipse altiùs attollebatur, hoc fiebat leuior: cùmque
euectus tandem ad solium augustissimum DEI esset,
nec auderet oculos ad eius conspectum erigere,
iussim à Deo bono animo esse, seque intueri: iam
condonata noxam cuius puderet. Cùm ergò
animo ex ijs verbis sumpto fixisset in DEVM oculos,
eoque spectaculo fruitus aliquamdiu esset, cognouit
se, die Annunciationis Deiparæ horâ diei supremâ sibi
moriendum; & annuo circiter spacio duos insignes
Collegij homines ereptum iri. Hæc Sacchinus.

*De propi-
tatio pec-
cato non
esse sine
metu.
n.65.*

897 Hoc anno P. Bernardino Realino diuina
in se beneficia expendentis, ex apertâ serenâque nu-
be videri visa est & loqui Augusta cæli Regina
manum porrigens, & dicens: *Veni, amice, Veni!*

ANNO MDLXII.

898 P. Antonius Martinez Rosarij MARIANI pie-
tatem in sacra quadam Societatis expeditione ar-
denter explicabat, omnesque ad illam cohortaba-
tur, à populo dictus *ceruus ardens Beatissimæ Virginis*,
cognomento inde nato, quòd eam Antonij pieta-
tem palàm honorasse dictus sit Deus. Per eos
enim dies quibus hæc agebat Antonius, illustris
candela super B. Virginis imaginem ardere diuini-
tatis conspecta est, symbolum cordis & linguæ Anto-
nij puro MARIA Deiparæ amore ardentis, & alios
accendentis.

*ob. 1562.
6. Julij.*

*De B.V.
ardenter
loqui.*

ANNO MDLXIII.

899 P. Confaluo de Mello moris fuit, vt in iti-
neribus ad Beatissimæ Virginis amorem se liberaliùs
per

*ob. 1563.
14. May.*

*Per iter
illam ora
re.*

per varias preces effunderet. Id aliquando per iter agente illo, videre sibi videbatur socius comitem inisse in excelsa Deiparam velut æquis cum illo passibus ambulantiem, & annumerantiem singula quæ Consalvus agebat officia pietatis.

ANNO MDLXIV.

*Gloria
Deipare
gratulari.*

900 Alphonsus Rodriguez Coad. die Assumptionis B. V. post communionem gratijs agendis intentus, Deiparam, stipantibus eam Angelis, ab æterno Patre in altum eleuatam, coronatamque aspexisse fertur in vita quam plures edidère, ubi etiam dicitur, quòd ipsa Regina gloriæ Alphonsum manu prehensum, coram Angelo custode, & S. Francisco (quem ille unice colebat) æterno Patri obtulerit, velut munus, repente in loco excelsa & lucidissimo collocatum.

ANNO MDLXVII.

*ob. 1567.
4. Martij.*

n. 91.

*Mortem
suam illi
unice com-
mendare.*

901 Aliquot ante P. Emmanuelis Mionæ migrationem diebus, cum in eius cubiculo, inquit Sacchinus, causa nulla odoris, neque à morbo, neque à senectute hominis, neque à ministrorum curâ esset; adeò tamen ex ipsomet decumbente suavis afflatus odor dicitur, vt vehementer qui aderant mirarentur. Relictam ab Virgine ferebant eam suauitatem, quæ clientem suum benignè inuisisset. Idem P. Emmanuel, cum agens animam oculos in cælum, præter solitum, intendisset, quærenti quid hoc sibi vellent, respondit; se Deiparam intueri.

*Sacch.
n. 235.*

902 Eodem hoc anno Goæ die S. Iacobi morienti P. Ludonico Goëz cum dicerent quidam, vt in ipsos conuerteret oculos; Sinite, inquit, ita esse: Nam coram me Sanctissima Virgo adstat. Et creditum id esse ait historia: adeò excellenti religione eam coluerat.

AN-

ANNO MDLXVIII.

903 Apparuisse sibi dixit B. Stanislaum Kostkam aliquando vnâ cum Beatissimâ DEI Matre Armenus Schismaticus qui contra Catholicam fidem quidpiam tricarum machinabatur; & Deiparam orasse, vt Armenum illum iuberet rem Catholicam non turbare. Monitum se à Deipara factus est Armenus eorum quæ viderat luculentus testis; & ostendit Deiparam promptam esse Stanislai rogatu id agere quod ad fidei Catholicæ bonum, quod ad DEI gloriam postulamus.

ob. 1568.

Illam orare contra hereticos.

904 Ethnicus vir nobilis, à nostro quodam ipso S. Iacobi die visitatus, cum ab eo fidem Christianam sibi suaderi audiret, admisit consilium; vtque pareret, se cælo autore permotum dixit. Nam nocte proximâ, cælesti Regina, quam coram aspexisset, monitu id se cepisse consilij; cum illa sic diceret: Crastino matutino Christianus sacerdos hac iter habebit. Tu quicquid ille autor erit, facito. Aduenit Pater, iuxta id quod Virgo prædixerat; & ille vnâ cum domo suâ vniuersa se Patris consilio gubernandum, ac sacris aquis lustrandum obedienter dedit.

*Sacch. n. 248.**Patri spirituali obedire.*

ANNO MDLXX.

905 Dabo hic verba historię Societatis anni huius de Amurate Roberto, postea Ioanne Thoma Lauretano. Hic Laureti in tugurio Eremitarum instar, habitans, orationi diuinisque mysterijs operam dabat: ac reuiuiscere paulatim religiosæ vitæ cupidine, vehementer retardabatur offensione pristinâ animi quâ Societatem abhorrebat deinde etiam metu, ne si se obligaret obedientiâ, Laureto migrate cogereetur. Has intercuras fluctuanti, die S. Thomæ Cantuariensis sacro,

n. 13.

*Obedien-
tia illam
celere .*

*Inspira-
tionibus
bonis obe-
dire.*

*Pietatem
erga Dei-
param, obe-
dientiam
expolire .*

6. Ian.

cro, cum septies ad opem S. Spiritus implorandam hymnum *S. Spiritus*, pronunciaffet; succurrit prompta S. Petri obedientia, qui naui ac retibus relictis, Christi Domini vocem illicò secutus est: ea-que cum secum in suo tugurio volueret, vocem sibi audire visus est increpantis: O miserum! nonne vides te nihil posse. Ad me conuertere, & audi. Ad quam vocem cum sustulisset oculos, B. Virginis eâ specie quâ Romæ in Basilica ad Nives cernitur (vt postea obseruauit) os venerandum vidit; deiectisque præ reuerentiâ oculis, attentas eius sermoni aures præbuit. Illa non vt homines vulgo, qui vnum, deincepsque alterum, atque tertium, deinde alia ordine verba promunt, sed totas semel sub aspectu simul sententias coniiciens (similiter atque nummulariorum peritissimi, qui non singillatim nummos dum numerant, sed vno iactu complures in mensam effundunt) breui momento permulta dixit. Exprobrauit collata in eum beneficia; nominatim multa commemorans, quæ tum primùm ille animaduertit: obiurgauit, quòd illius mallet facelli sui mutis affixis hærare saxi, quàm ex ignobilitate, ac vilitate eorum humilitatem ac paupertatem addiscere, iussit disertè Societati nomen dare, magnoperè minitans, ni pareret; diemque sacrum Epiphaniæ nominauit, quo domum se ad Patres reciperet; addito, vt minimè grauatè iret, si aliò ex obedientiâ vocaretur; quando & pastores & Reges (quanquam vehementer infantis Dei cunis tenebantur) tamen quòd latius manifesta fieret diuina gloria, ab Sacro præsepi, & amabilissimo diuini oris aspectu recessissent. Quæ, aliaque non pauca, cum dixisset; visa est, tanquam benedictura,

bra-

brachio protenso, explicatâque dextrâ addere:
I celer; teque totum obedientiæ subde. Huc te
ego perduxi, nec deseram; sed quâ cæpi tutelâ
ad extremum vsque spiritum prosequar. His di-
ctis desijt apparere; & ille ad Societatem recep-
tum sextâ Ianuarij impetrauit.

*Consilij
B.V. pa-
rere.*

906 Hoc anno *Ioannes Ximenez* Coad. à B. Vir-
gine monitus dicitur in impressa eius vita, vt ani-
marum purgatorij memor esset, vt dicam an-
no 1579.

ANNO MDLXXI.

907 Hoc anno Tornaci Societatem iniit *Fer-
dinandus Bacqueros* Hispanus miles, vir nobilis.
De hoc P. *Ægidius Bauarius* in tyrocinio cum illo
versatus, hæc verba adnotauit, ab ipso audita:
Cum in altero femore vlcus horridum contraxisset,
iamque chirurgi lanienam expectaret, DEI Matrem,
quam flagranter implorârat, vidit; quæ tetrum
illud vlcus molli manu mulcens persanauit: & *Fer-
dinandus* nomen Societati dedit.

*In morbo
se illi co-
tum de-
dere.*

908 Iulio ineunte Pragæ P. *Ægidius* Anglus
horâ quâ ipse prædixerat, è vita migravit, mirum
in modum exultans. Biduo ante huius mortem
2. Iulij coquus Collegij, simplex & pius coadiu-
tor, dum, vt *Sacchinus* refer, historiam Visitatio-
nis Deiparæ secum meditaretur, totum vidit oculis
corporeis quasi sole clarissimo splendere locum vbi
orabat; eâque in luce Christum Dominum, qui
dextro brachio *Ægidium* sustinebat.

n. 61.

*Et in
morte.*

*Charitati
studere.*

909 Hoc anno inter peste infectos, cum eis
ministraret, morienti P. *Ioanni Martinio* Deipara
Virgo solatorum plena, vt aiunt, adfuit, pulchrum
preçium heroicæ charitatis.

910 *Franciscus Hernandez* Mauris parentibus

K K K

in

Illi obedire.

in Murcia Regno natus, cum puer tum adhuc opilio, oves pasceret, Deiparæ illustri maiestate fulgentis, a spectu recreatus, dixisse fertur; iussu ab illa esse Murciam se conferre. Francisce, aiebat illa, relictis, quibus illicò. Murciam iter intende: ibi Sacerdotes quosdam sanctimonia vitæ insignes reperies: illorum dictis, obedienter attende, & iussis pareas: atque aduerte, vitæ tuæ cardinem in eo verti. Abijt illa, ex oculis; & Franciscus ad Societatem Murcia rectà contendit; rem omnem exposuit, ad nos, admitti petijt, impetrauit; & nobiscum persanctè versatus, diem suæ mortis duodecimo ante die ex vero prædixit.

ANNO MDLXXII.

*ob. 7. Oct.
1572. L. n.
cicilius t. 2.
op. 17. n.
129.*

911. B. P. Francisco Borgia per Ioannem Texendam ord. Min. dici voluit Beatissima Virgo, vt Societatem Iesu ingrederetur.

ANNO MDLXXIII.

*Annus
dier illustrium
Romæ impressus.*

912. P. Martinus Gutierrez hoc anno inter carceris hæretici ærumnas obiit. Inter eximias eius virtutes eminebat aduersus DEI parentem cæli Reginam propè inenarrabilis obseruantia, inde vsque à prima ætate suscepta. Neque indulgentissima Mater clientis sui vincebatur officijs. Certum est, (vt quidem de illo affirmat impressa Societatis historia,) ostendere se illi perbenignè solitam; atque inter alia, aliquando visam sub augustissimo pallio Societatem vniuersam in singularis patrocinijs symbolum contegentem. Mortuo illo ingressam honestam matronam cum linteo candido ferunt: cumque diceret ad socios, auditum sibi, habere eos demortui socij corpus, rogasse, vt eius ad sepulturam componendi curam sibi permitterent: quod cum impetrasset, piè id grauitèque.

*Societatem
illi commendar e.*

que composuiffè : statimque egressam, nec postea inuentam : vt eorum qui interfuère nemo dubitârit, quin id benignissimæ cæli præsidis erga exuias clientis sui beneficium fuerit. Sic Societatis historia. Elias à S. Teresa ex inclyto Carmeli ordine pius scriptor : *Pater*, inquit, *Martinus Gutierrez*, Beatæ Virgini erat deuotissimus : cui eadem cæli Regina habitu regali se conspiciendum exhibuit : habitu, inquam, pretiosissimo & gemmis instructissimo, gemmis Solis instar relucen-
 bus. Et sub pallio eius regali, quod expansum cernebat, contuebatur illa Societatis alumnos ; ei significans, se illorum esse Matrem, eosque omnes in suam protectionem suscepisse ; veluti gallinam pullos suos. In Calvinistarum carcere in Gallia vitam cum morte commutauit ; quod mortis genus octiduo ante ei Beata Virgo prædixerat. S. Mater nostra Teresa longè inde in Hispania existens, animam eius in ipso mortis articulo vidit ouantem, & martyrium aureolâ donatam, cælum rectâ conscendere. Hæc ille.

913 Aduit aliàs quoque Martino suo innocenti, sed accusato, familiaris Deipara (vt habet hist. Coll. Madritensis) & maternæ suauitatis plena : *Eccur merore turbaris ? An nescis manifestè constare Filio meo, & mihi, à te in ijs quæ contra te afferuntur, per omnem vitam tuam dilectum Filium meum nunquam fuisse offensum ? Quid ergo times ?*

914 Plures perhibent, quòd cum idem P. Martinus Gutierrez de minimis quibusdam eorum quibus præerat labeculis anxius coram DBO quereretur, inter exigendas vesperi suæ conscientiæ rationes Beatissimam Virginem viderit, quæ suo Martino argenteam lancem exhibuit, in qua cor ia-

lib. 2. legationis pro animabus purg. c. 31. n. 61.

Illam vt matrem colere.

l. 4. c. 8. Afflictis rebus ad illam confugere.

In calumnijs. Aliorum errata moderate ferre.

*Illam pro
ijs orare.*

*Cor gene-
rosum ab
illa petere*

*In dolore
capitis il-
lam orare*

*Orandi
donum
per illam
petere.*

*Purita-
tem suam
illi com-
mendare.*

*ob. 1573.
28. April.
Consultri-
ce illa uti*

ob. 1575.

cebat perexiguum, rugis contractum, ac defor-
matum, quod geminæ cruoris stillæ absorbebant:
alterum item cor amplum, vastumque, & cuilibet
difficultati non impar: doctusque ab illa est, prio-
ri esse simile *cor* ipsius; posteriori, *cor* DEI quod
tot passim sceleribus per terrarum orbem non mo-
dò non obrueretur, sed improbos ad frugem ex-
pectaret. Addit m. s. Relatio, simul illi patefa-
ctum fuisse diuinitus, eos omnes qui id temporis
ei suberant, æternâ felicitate donandos.

915 Eidem tam sæpè, tamque familiari otio
se spectandam dedisse ferunt Deiparam, ut colo-
rem vultus eius, & lineamenta notaret; diceret-
que interdum, hanc vel illam imaginem præ aliâ
illâ, quam monstrabat, diuinæ Matris vultum
magis referre. Coram quadam eius imagine
orans, cum acerrimo capitis dolore cruciaretur,
admirabilem in reliquos quindecim vitæ annos
orandi facilitatem est consecutus. Officio de ea-
dè recitando intentus primâ Iulij, siue pridie Vist.
B. V. eadem Virgine Deiparâ significante cogno-
uit, absentis (qui ad vicinum oppidum missus
fuerat) Coadiutoris castitatem à procaci mulier-
cula sollicitari ad flagitium; cui ut opportunè sub-
ueniret ipse tunc Rector Collegij, literas illicò ad
eum destinavit, quibus iubebat eum domum con-
festim, omissis omnibus negotijs, remeare.

916 P. Iacobus Cerrutus Deiparæ beneficio cla-
rè se cognouisse aiebat; diuinæ voluntatis esse ut
in Societate permaneret; non verò ut ad solita-
rium quendam ordinem, quò inclinabat, transfiret.

ANNO MDLXXV.

917 P. Iacobus Ledesma P. Piscatori confessario
suo paulò ante mortem retulit; sibi de Societate
in-

meunda cogitanti, verum de ardua necessariaque puritatis integritate, atque de retinenda in Societate constantia valde anxio, Augustæ Vindelicorum Christum dulcissimum consolatorem visum, adesse spectabilem; à quo æquo animo esse iussus, tam puritatis, quàm retinendæ in Societate constantiæ prælargam promissionem acceperit. Brixiæ quoque sibi eadem animo cogitanti adfuisse, pulcherrimâ luce amabilem DEI Matrem, puritatis atque constantiæ præstitem fidelissimam: & cum illa cælestes comites SS. Mariam Magdalenam, & Catharinam alteram Alexandrinam Martyrem, alteram Senensem Virginem, idipsum quod Regina Virgo Mater promittebat, blando vultu adpromittentes: Regina cæli Iacobum dulcissimè allocuta, non modò pudicitiam (vt loquitur Societatis historia) & perseverantiam pollicita est; sed etiam rursus ad finem vitæ suam se illi speciem commodaturam. & reliqua quæ anno 1557, fuisse narraui.

p. 2. lib. i.
n. 65.

918 Maceratæ hoc anno *P. Raphael Riera* Lauretanæ Virginis Ecclesiastes typis vulgavit *Miracula B.V. Lauretanæ*. Hic est ille qui in Domo Lauretanâ quodam de Societate ad concionem dicente, ignem de cælo sacræ Dei Matris ædiculæ imminentem, ac deinde super attonitos qui concioni aderant circumfusum, cæloque iterum receptum vidisse refertur à Turfellino in *Hist. Lauretanâ*, vt dixi.

Ignem cælestem à Deo per illam pertere.

ANNO MDLXXVI.

919 Hoc anno Gandiæ diem extremum *Franciscus Hernandez* Coad. eo ipso die obiit, quem sibi supremum fore duodecimo ante die prædixerat. Huic tum adhuc oues pascenti puero Deipara magni-

Illi obedire.

gnificè gloriosa conspecta fertur dixisse: *Francisce, relinque has oves; & vade statim Murciam, ubi sancta vita Sacerdotes inuenies.* Paruit, & in Societate pro beneficio gratus vixit. Vide num. 910.

ANNO MDLXXVII.

920 Moriens hoc anno *Ioannes Baptista Carandinus* Seminarij Romani Conuictor, Deiparam præsentem spectasse dicitur à Sacchino, ab eaque didicisse; *Innocentium Fontanam* votis potiturum. Optabat ille Societati adscribi: sed non deerant quæ obstarent. Rogauit Carandinum ut cuidam suo negotio felicem à Deipara exitum impetraret. Et *Ioannes, Clementissima, inquit, Mater hoc ait; te id quod optas assecuturum.* Et est assecutus, ut latè refert Sacchinus in hist. Societatis.

ob. 1577. 921 *P. Ioannes de Zunniga* cum extremo in morbo doleret spem sibi aliquam sanitatis potius quam mortis afferri, postea visam sibi dixit Beatissimam Virginem amanter promittentem, fore, ut proximo suo festo die hinc emigraret, mortalitate solutus. Et verò 2. Februarij Limæ abiit, seu nos præcessit.

ANNO MDLXXVIII.

ob. 1578. 922 *Didacus de Mendoza* ante mortem, Deiparam quam se coram intueri aiebat, Feliciter, inquit, ac benè veneris, Domini mei Mater, ac Domina mea. Vnde mihi benignitas, & indulgentia tanta.

ANNO MDLXXIX.

ob. 1579. 923 *Ioanni Ximeno* Coadiutori coram imagine Immaculatae Conceptionis oranti serupulus incidit, quòd erga animas in purgatorio horrendis tormentis afflictas parùm liberalis esset, atque propensus. Hæc secum ipse voluens, ecce velut consultricis Deiparæ hortamentum accepit, cum vocem audire sibi

sibi visus est apertè dicentem : *Ximene*, memor esto animarum purgatorij. Promisit, & præstitit. Idem P. Balthasari Alvarez cùm redderet conscientia rationem, factus est, se Beatissimæ Virginis allocutione nocte quadam ad studium perfectionis accensum adeo, vt nesciret quid amplius desiderare posset. *Macte animo, Ximene*, aiebat Virgo illi loquens; *age vt agis: perge prosperè per hanc ipsam quam tenes arreptæ: obedientia cæcæ viam. Hac rectis itineribus, & regia via pergis.*

Obedientia cæcæ illam colere.

924. Hunc eundem Ioannem triplex ille ad salutationem Angelicam pulsus deprehendit in saxo sursum voluendo occupatum. Audito signo Ioannes mox dimisit saxum, vt Deiparam salutaret. Stupuit socius qui aderat, & videbat, quòd saxum licèt à nemine teneretur, tamen deorsum pondere suo præceps non descenderit.

P. Simonem Rodriguez Beatissimæ Virginis pulchritudinem cogitantem, raptum ferunt, molem ipsam membrorum animo subleuante, pectorisque incendio inflammante vultum erectis in cælum oculis tollebat in sublime, subductus à terra; rursusque deprimebatur impetu spiritus tanto, vt artuum tota compages dissolui propemodum concussu collisue videretur.

ob. 1579. Hist. Soc. n. 290.

ANNO MDLXXX.

925. P. Balthasarem Alvarez Româ in Hispaniam reducem fama est Laureti Deiparam religiosè veneratum à Dei Matre consiliū accepisse, vt S. Iosephum magno studio coleret. id quod ille sub mortem haud obscure postea testatus, Patrum cuiuspiam S. Iosephi cultum suadenti, & eiusdem imaginem ad venerationem offerenti, dixit: *Optimè dissis: sic enim hæc Domina mihi dixit.* Patre Eduardo Mer-

ob. 1580.

S. Iosephū colere.

*em J. P.
Andree
Caxerla
misso Ro-
mam ad
Assist. Hi-
spanie.
mibi pag.
14. & 15
Consl. B.
V. confes-
sio accu-
rata.
Mors.*

Mercuriano (qui hoc anno obiit Præp. Generalis) Societatem in Belgio gubernante, ibidem in Vrbe quapiam quidam de Societate, seu moriens, seu quorundam opinione iam mortuus, repente sibi redditus exclamauit: se à Deipara contra dæmones defensum, cum diceret: *Sinite istum, finite. est enim è Societate Filij mei: & bene exercuit obedientiam.* Iussumque se ab illa accuratiùs confiteri. id quod prætitit: adiecitque; eodem tempore quo ipse à Deipara defensus fuerat, quendam in eadem vrbe clericum (hominem palàm malæ notæ) à dæmonibus abreptum ad æterna incendia. Inuestigauit Euerardus; num eo tempore clericus quispiam è vita migrasset, certòque compertum est eadem horâ infamem quendam è clero viuere desijisse.

926 Hoc anno 1580. 27. Ian. obiit Ioannes Brionius Coad qui se à Beatissima Virgine in imagine depicta manifesto nutu capitis ad Societatem accersitum dixit.

ANNO MDLXXXI.

*Sacchinus
hic.*

*Superiores bonos
per illam
petere.*

927 P. Claudium Aquaiuiam Societati à B. Virgine datum Generalem ita memorant nostri facti. Ipso in comitio Claudius Matthæus Franciæ Prouincialis, dum secum ipse preces de more ante suffragij lationem facit; videre sibi visus est Aquaiuiam hinc D. Bernardo, hinc B. Ignatio cingentibus latera, à Beatissima Virgine Deo Patri, Christoque Filio commendari, eique Societatem à Domino in manus tradi. Camilla Cardia Florentiæ magna in opinione sanctitatis Matrona, rogata, vnderem (de Claudio Aquaiuia Generali, vt aiebat, ipsa, creando) tanto ante prænosset; dixit; visum sibi inter Sanctos Augustinum, atque Bernardum videre medium Claudium; atque in conspectu Beatissimæ

Vir-

Virginis Christum Dominum ei Societatem commendasse. Parisiis P. Richardus Flaminius P. Iacobus Tirio pridie quam Claudius Romæ Generalis Præpositus renunciaretur; Hac, inquit, nocte, cum ad orandum tantisper surrexissem, comitiorum successum DEO commendaturus, visus mihi sum à Beatissima Virgine introduci ipsam in aulam, ubi Patres laturi suffragia confidebant: ibique dum adsto, Sanctissima DEI Mater Patrem, quendam ætate iuuenem humeris apprehensum, in medio confessu statuit; & ad electores conuersa, Claudium, inquit, Aquaiuiam Generalem dicite. Romæ Silvester Blancodius, postea Episcopus Montis Murani, dum pernoctat in precibus, ut Societati, quam plurimum amabat, Deus creationem Præpositi secundaret, vidit B. Ignatium, qui stringens paterno amplexu Claudium, eum fore Generalem aiebat: & *Claudij* nomen schedæ inscripsit, signavit, Ioannæ Caietanæ dedit, præfatus, qui scriptus inibi esset, eum Præpositum Societatis fore. Caueret tamen ne prius quam in comitium Patres includerentur, schedulam aperiret. Ita vetare B. Virginem. Iulio quoque Mancinello in magna agri planitie anno 1578. Romæ ostensus est Claudius ad Societatem verba faciens è suggestu. lux ingens in concionantem, eique fauentes labebatur è cælo. En Claudium à DEO per DEI Matrem Societati datum.

928 Eodem hoc anno cuidam ad Societatem aspiranti, seu candidato, sed antequam illam inire posset, in Seminario Romano 17. kal. Octobris cum insolita quadam oris luce decedenti quiddam præstitit Virgo Mater, vnde documentum tumamus ut illam enixè precemur ne nos deserat

*Agonem
suum illi
unicè cõ-
mendare.*

*In siti il-
lam inuo-
care.*

*Hic num.
14.*

*ob. Land-
spergæ
1581. 25.
Iulij.
In recrea-
tione il-
lius me-
minisse.*

*1581.
1. Dec.*

*In dolo-
ribus il-
lam ora-
re.*

in agone pleno periculi. Fuit is Iacobus Philippus Transemannus Spoletinus 17. annos natus; qui Beatissimæ Virginis (quam coram se videre aiebat) interuentu se liberatum dicebat à demonibus, à quibus præcipitandum sibi videbatur in abyssum flammarum fumo formidando exundantium, cum iam super cratem è ferro clavis igneis confitam sternetur. Tum enim Deiparæ Virginis præsentiam est usque adeò animatus, ut cruce obiecta demonibus insultaret. Mox edita fidei professione, sumptoque diuino viatico, cum aqua illi porrigeretur ad os abluendum, aiebat; à cæli Reginâ calicem sibi porrectum plenum sanguine sui Filij IESU Christi: ac subinde etiam de suis sanctissimis vberibus gustandam dulcedinem præbuisse, iussisseque bono animo esse: mox profecturum in cælum. Hac ferè Societatis historia.

929. *Matthias Marius* cum Ingolstadij Philosophiæ nauaret operam, in horto stellas quasdam vidit; & penes illarum vnâ etiam Deiparæ spectare sibi videbatur effigiem in alto vndequaque radijs collucentem, materno vultu in Matthiam iucundè amanterque conuerso. Breuiter æger decessit, quasi iam tunc ad cælum eo aspectu Virginis inuitatus.

930. *P. Alexander Ioannes Briantus* postea Londini in fidei Catholicæ odium suspensus, dixit se ante tormenta recitato Beatissimæ Virginis rosario delicijs cælestibus mirificè fuisse perfusum; in tortura item vltima tranquillum ac recreatum, neque doloris quicquam persensisse.

ANNO MDLXXXII.

931. *Fzminæ* apud Iulienes Peruanos hoc anno laqueum è quo se suspenderet apparanti, Bea-
tissi-

iffima Virgo Mater apparuisse fertur, eamque
 Filia quoque nomine blandè appellasse, mollius
 accusasse, quòd pristina erga se Filiumque suum
 pietatis oblita, in exitium rueret voluntarium:
 deinde grauitèr coarguisse de peccato quodam in
 confessione occultato; neque aliter in ipsam da-
 monem potestatem fuisse habiturum. Denique
 laqueo de miseræ collo detracto inuisse, cuidam è
 nostris Sacerdoti, quem nominatim designauit,
 peccata omnia confiteri: id quod illa obedienter
 fecit.

*Confes-
 sionem
 quam op-
 time im-
 pletur.*

ANNO MDLXXXIII.

932 Benedictus Goëz hoc anno ad Societatem
 quam anno 1584. iniit, amplectendam hoc viso
 permotus est, vt plures perhibent qui hæc typis
 etiam prodidère. Anno 1583. templum Deipara
 forte ingressus, visâ istic Beatissimæ Virginis
 Iesum in sinu confidentem tenentis imagine, mi-
 litaris suæ vitæ licentiam effusè detestatus, coram
 ara de genibus suppliciter Virginem orauit pro ve-
 nia scelerum à IESV impetranda. Tum paruulus
 (quasi Mater exorata veniam à Filio impetrasset)
 in lacteas lachrymas abundè solui est visus, quibus
 tota circum ara copiosè immaduit; testibus ad
 hæc oculatis liquore illo sudariola imbuentibus.
 Addunt annuæ; quòd sit visus, lachrymante par-
 uulo, è manibus Matris emicare fons aquæ.

*Per illam
 petere
 gratiam
 contra ritio-
 nis*

933 Georgius Gilbertus nuncuparis hoc anno
 Societatis votis extinctus est. Is Patrum cuidam
 sub arcani fide silentij dixit, visam sibi Deiparam
 sereno vultu iucundam, quæ suam obedientiam
 approbavit, cum paulò ante ipsum sententiæ suæ
 plus equo adhærescentem vultu haud satis hilari ac
 benigno aspexisset. Mox ac dicto obedienter au-

*Obedien-
 tia illam
 colere.*

diens fuit, conspectum à se vultum Deiparæ hilaratum.

ANNO MDLXXXIV.

pag. 319.

*Ægris
eruire.*

934 Ad seruendum ægris impensius, & ad alios ad idem efficacitate maiore cohortandos, vehementer se incitatos senserunt Mexicani Patres eo quod in literis huius anni narrant exemplo Deiparæ cum SS. Catharina & Magdalena in valetudinario cibum in os ægræ sœminę ingerentis, & eam perfanantis. vnde fama obtinuit, sedem in eo Nosocomio sibi Deiparam delegisse. Alijs quoque infirmis cibum ibidem præbere visa est Dei Mater, Catharinâ & Magdalenâ nunc mappam, nunc lances manu sustinentibus, ac ægros confirmantibus.

An nua
pag. 331.

*Pro confessione
benè per-
agennâ
opem à B.
V. petere.*

935 Hoc item anno exemplo didicit Mexicanus quidam Pater, eos qui confitentur, ad B. Virginem supplices ire debere. Is Indum à peccatis nō statim absoluerat, vt perfanaret; sed iusserat pellicem primū dimittere, ac præstitutis certis corporis afflictationibus animum ad serium fructum pœnitentiæ præparare, ope Deiparæ imploratâ. Obedienter fecit omnia Indus; cūq; se vesperi Deiparæ Matris in fidem perdiligenter commendasset, eâ nocte se illi monstrare ac loqui videbatur in gloria paruulus eius frater olim vitâ functus qui eum ad pœnitentiam hortabatur: item Christus de Cruce minaciter eum obiurgans; denique circumdata splendidâ maiestate Deipara cū Sanctis Petro ac Paulo Apostolis Christo pro peccatore supplex, ac eius nomine meliora spondens. S. Petrus illum simul grauissimis verbis obiurgabat, simul in spem erigebat, dicens; fore vt si præterita licenter commissa castigaret, Beatæ Mariæ deprecatione

veniam facillimam impetraret. Tum tremendas inferorum pœnas conspexit, à dæmonis insidijs per S. Michaelem Archangelum liberatus. Denique cœlestem quoque gloriam introspectit: ad Patrem redijt, visa narrauit, & accuratè dolenterque confessus, ipso etiam emendatissimæ vitæ suæ tenore ostendit quid opis ab implorata Deipara veniat ijs qui se pœnitentiæ Sacramento per illam parant.

936 Goæ miles ad internas DEI vocantis voces diu refractariolus, eoque animi anxius, auxilium reperit apud DEI Matrem: coram cuius imagine prostratus, externâ etiam quadam luce circumfusus alijs quoque conspectus est; ac tantum haufit luminis interni atque animi, vt statim & peccata per confessionem abiecerit, & Societatem IESV tandem inierit; ad quam interno DEI vrgentis instinctu, & lumine vocabatur.

ANNO MDLXXXV.

937 P. Matthæus Albenoza DEI Matrem insigni obseruantia colebat: vtque se verum Matris amabilis filium, etiam moribus præberet, placida quadam in illo & propensa erga omnes voluntas, erga seipsum duritia eluxit. Morientem dulcissimis delicijs impleuisse dicitur conspecta illi cum S. Petro Apostolo DEI Mater.

938 Annuæ Nolanae hoc anno perhibent, ipsam Deiparam fœminæ cuidam conspectam illi consultricem fuisse ac peramanter monuisse, vt Sacerdoti de Societate confiteretur: ita sanam, & lætam fore. Nunquam sinè magno operæ pretio ab illa opem flagitant ad benè fungendum magno illo officio tam confessarij quàm ij qui peccata confitentur.

939 Salmanticensis literæ hoc de argumento hoc

*Vt te per
uincas, ad
illam re-
currere.*

*ob. Bilbili
22. Ian.
1585.*

Mors.

pag. 57.

hoc ipso anno sic habent: Quidam inter peccatorum confessionem cecidit intermortuus; adhibentur illicò medicamenta quæ hominem restituant, & ad vitæ reducant officia. Cum inania, & inertia essent omnia; ad extremum factos sancti Evangelij lectione mirabiliter reuiuiscit. Rogatus postea, in ea animi defectione si quid ei accidisset; respondit: Delatum se esse cuiusdam iudicis ante tribunal, vbi ab alijs accusaretur, defenderetur ab alijs: in eoque iudicio grauem apparuisse Matronam, specis decoram, & misericordiâ pietateque præstantem; quæ nescio quid in aures iudicis insusurrans, oculis sese hilarioribus intueretur, & animum spe compleret. Sic ibi.

*Illam
pro aduocata habere.*

Confessio

940 Legionenses autem aiunt quòd cum Sacramentum pœnitentiæ quidam nescio vbi locorum perperam adhiberet, visus sibi sit videre cæli Reginam irato quasi vultu imperare vt certo quodam in loco ad statam horam adesset, ac Patribus istic repertis conscientiam vniuersam animo candido aperiret. Paruit: & eo in loco apud Patres Societatis conscientiam expiauit.

ANNO MDLXXXVI.

In scrupulis, illam confulere.

941 Iam olim à suis magistris in Scholis nostris didicerat, vt consultricem Deiparam vbique inops consilij adhiberet Patavinus quidam gymnasij nostri alumnus, qui (vt literæ de illo perhibent) cum magnis conficeretur solitudinum aculeis, scrupulisque ex recordatione vitæ prioris nullamque animo prorsus ægro & faucio quietem capere posset, spem omnem salutis suæ in Beatissimæ Virginis præsidio repositam habebat. Ergo eam precatur suppliciter, orat, vt ferat laboranti opem, mœstoque succurrat: ei se commendat etiam

etiam atque etiam quotidie . in quo cum perseue-
raret studiosius , hanc sibi vocem articulatè ad au-
res peruenisse commemorat ; *Noli , fili , amplius co-
gitare de peccatis tuis .* Quo audito , impetratæ spe
venix sese erexit ; omnisque quâ vrgebatur cura
continuò refedit .

942 *P. Ioannem Ramirium* hoc anno 4. Aprilis
extinctum , anno 1575. vehementes calculi dolo-
res ad laniens experimentum vrgebant . Sæua
nimum carnificina visa ; eoque abstinendum illâ
esse censuere Patres à Rectore consulti . At Rami-
rius coram Deiparæ imagine consilium à Matre,
quæ est solatium afflictorum petijt , deberetne rem
tanti doloris ac periculi plenam experiri ? Annue-
re visa imago Deiparæ . Sed suspectos oculos suos
habens Ramirius , quasi errarent , rogare Virgi-
nem institit : ecquid consilij capessendum ; adhi-
benda laniens , nec ne ? Demittere visa est imago
caput profundius , vt certius annueret , ac Ioanni
dubitationem eximeret . Ergò ille tacito Virginis
consultricis , & annuentis consilio , rem Rectori
hactenus id non probanti , hic Patribus ad con-
sultandum proponit : & mutatâ sententiâ visum
instinctu interno omnibus , vt adhibeatur etiam
tam dura carnificina . Adhibita est , & suc-
cessit .

943 *P. Iacobum Benedictum* Deiparæ impensè
addictum , Deipara Virgo (vt probabilis opinio
est) in cubiculo visitavit , eumque mutuis collo-
quijs ad teneriorem cultum accendit .

ANNO MDLXXXVII.

944 Anno 1587. narrant annuæ Legionenses,
quendam , qui duodecimum iam annum agebat
Rosario Deiparæ quotidie percurrendo addictus,
ita

*Valetudi-
nis siue
curam
illi com-
mittere.*

*Imago
B. V.*

*ob. 1586
17. Dec.*

*Rosarium
B. V.*

ita de seipso testatum. Ipsi quindecim, seu viginti noctibus visam sibi Matronam venerabili specie (Beatissimam Virginem sibi persuadebat fuisse) à qua excitabatur his vocibus. *Legionem contendit tuorum delictorum veniam à Iesuita aliquo per integram confessionem pete-* Nec vanum fuisse visum interior animi motus ostendit.

945 P. Rodericus Alvarez sæpè à Christo, vt ferunt, sæpè à Beatissima Christi Matre inuisebatur. Cuidam, qui magnam nescio quâ perturbatione agitabatur, se in preces commendanti, post breuem moram, atque silentium; Vade, inquit, ad Matrem DEI: & meo nomine illam roga, vt te tranquillet. Abijt ille vt iubebatur; & fastus postea est, se in eodem temporis articulo quo se ad preces coram imagine Deiparæ collocauit, ab omni suo turbamento liberatum.

946 Marcus Antonius Coad. dicitur taurum ferocè Rosario & cruce signans repente cõpescuisse.

947 P. Ioannes Sangenotius noctu à Christo eiusque diuinam Matre coram conspectis recreatum se manè retulit Præposito Prouinciali; adiecitque asseueranter, se triduo post migraturum è viuorum numero: & migravit.

948 P. Bartholomæus Cochius Patri suo nescio quid pro rei familiaris subsidio flagitanti, Beatissimæ Virginis Rosarium dedit; adiecitque, se hoc nihil habere præstantius.

949 P. Claudius Matthæus DEI Matris cultui perquisitè addictus, cum Romæ Deum ac Deiparam flagrantius precaretur in comitio generali, vt Euerardo Generali successor optimus legeretur; Beatissimam DEI Matrem conspexisse sibi est visus cum S. Bernardo è cælo venientem, quæ P. Claudium

Confessi o.

ob. 1587.
14. April.

Imago B.
V.

ob. 1587.
Rosariū.

ob Burde
galæ 1587
10. Aug.
Mors.

ob. 1587.
22. Iulij.
Rosariū.

ob. 1587.
An conæ
24. Dec.

dium Aquaiuam Christo sistebat, & pro suprema Societatis praefectura vnicè commendabat, vt suo loco dixi.

950 P. Ioannes Ignatius, Hispanus, duo habuit in quibus excellebat: alterum quòd legum instituti ad omnem amissim esset seruantissimus; alterum quòd eminuerit singulari planè Deiparæ Virginis cultu, cuius etiam præcipuè in honorem se Societati dedicauit. inde illi aureum calcar fuit, vt eodem MARIANI amoris incitamento ad Societatis leges totum se vndequaue componeret. Vbi legis cuiuspiam laxandæ se se offerebat occasio, mox illi monitor in corde Theologus dicebat: *Isud contra legem est: abstine*. Et illicò abstinebat; hac etiam arte suum erga DEI Matrem cultum obseruantiamque testatus, vt cuius amore Societatem capessuerat, eiusdem opè illius institutum perdiligeret totis moribus tueretur.

ANNO MDLXXXVIII.

951 Franciscus de Otazo Compluti hoc anno 1588. B. V. Sodalit, perpetuo æternæ damnationis timore suspensus nomen suum in atro immortalis mortis libro sibi quasi legere videbatur: quæ res illi etiam corpus conficiebat inacie longè tristissimâ; cum ne in ardentissimo quidem orandi vsu quietem ab ea cogitatione reperiret, etiam Deiparæ nomine implorato. In lectulum ergò abiectus, quasi tædio sopitus indormijt; & Beatissimam Virginem seu vidit seu se videre arbitratus est cum eorum quos ille cultu & amore præcipuo prosequeretur cælitum comitatu. Liber erat in manibus Virginis longè pulcherrimus; quem illa Francisco ostendens, & maternâ voce illi blandiens, dicebat: *Hic est liber vitæ, in quem eorum relata sunt*

ob. 9. Dec.
1587.

Regule.

In mero-
re illam
orare.

Liber.

nomina, quibus Filij mei misericordia, & sua virtus locum in beato calitum numero iam destinavit. Tu lege. Legebat ille in ipso libri initio aureis exaratum characteribus *Francisci de Otazo* nomen, & se ibi agnouit; legens iterum ac relegens nomen suum lætitiâ tantâ quantam cogitando potius quàm scribendo assequi fortè possis. Tum Virgo: Lege porrò consequentem nominum seriem. Hi quoque omnes ad æternæ felicitatis gaudia, & tuâ quidem ope industriâque, peruenient. Legebat; sed ignora nomina. Clauso libro Virgo Mater benè sodali suo precatâ discessit ex oculis: ille Societatem amplexus, in Philippinis postea præclara multa gessit in negotio animarum.

952. Hoc anno Monachij sodalis (ita ut in cœtu Mariano didicerat) Deiparam orabat ante confessionem, ut peccatâ singula benè confiteri posset, ne vno quidem prætermisso: & ecce tibi è sublimi ante facièm orantis pagella decidit (uti fertur) candore eximio, quæ minutis quidem literulis, sed elaboratis, quoddam illius peccatum expresserat, hoc addito: si illud aperiret, pièque Rosarium recitaret in honorem Deiparæ, benè secum actum iri. Auxit admirationem, quòd cum sodalis alter, eius æqualis, parens, Parochus, alijque conarentur, nunquam chirographum illud intelligere potuerint.

953. Ab Eborensibus nostris in missione quadam ad sex millia imaginum B. Virginis distributa, veneratione tantâ & fructu, ut earum attacku morbi quoque sint depulsi.

954. Neapoli hoc anno femina, cuiusdam de Societate hortatu, ad B.V. imaginem manus tendens; *Dei Mater*, inquit, sanitatem petenti res-

sti-

stitue; vt valenti corpore & animo valeam tibi in posterum deservire. Hæc eum dixisset, conspiceret per quietem sibi videbatur eximiâ pulchritudine, sâminam, quæ leniter apprehensam manu obuertit in alteram lectuli partem: deinde bono animo esse iussit, quasi quod sperârat adeptam. Nec vanum fuisse quod viderat, fides secutæ valetudinis firmavit.

ANNO MDLXXXIX.

955 Neapoli quidam (aiunt literæ huius anni) piam vitam egerat diu: quam paulatim in tepefcens etiam posthabuit; hoc iam deterior, quod non vitijs modò prouehabatur, sed & prauâ animi contentione. Adit ad eum ingrauescente valetudine vnus de Societate, quasi per officium: persuadet; vt ex veteri consuetudine confugiat ad auxilium DEI Matris, & Sanctorum quos olim Patronos habuisset. Nec frustra. A desse visa illi est ore placidissimo Beata Virgo confessionem præcipiens. Idem fuit S. Ioannis Euangelistæ, & Francisci de Paula admonitum, qui eidem se obtulerunt videntes. Narratur visum familiaribus. reuocatur Sacerdos, & ille peccata confessus piè decessit.

Tepidos per illam suuare.

956 Eadem literæ narrant; Sodali cuidam, qui se ordini nostro aggregare constituerat, vitam fuisse Deiparam, quæ potionem præbuit decumbenti; eumque à febris postea persanauit.

pag. 23. Aegros recreare.

ANNO MDXC.

957 Matriona nostri ordinis studiosa (inquiunt eadem literæ anno 1590.) cum longè ægrotaret ab Vrbe, & consumptis viribus non longius à morte distaret, cupiebat extremum spiritum effundere, in aspectu nostrorum. Tum conuersa ad imaginem DEI Genitricis, ei consimilem quæ colitur

Imago.

nostro in templo Domus professæ ; *O Iesuitarum*, inquit, *Virgo, impetra mihi à Filio tantulum vite, ut te reuisam!* Moriar libens. Correpta dein somno, videre ipsa sibi visa est expetitam effigiem quam in mente habebat. Quare cum admirabilem cepisset voluptatem animo, corporis quoque valetudinem recepit.

Confessio.

958 Extra Urbem item Sodalis B. Virginis, implicitus morbo, qui ei fuit supremus, octavo ante obitu die Virginem, ut aiebat, vidit sanctissimam eâ effigie quâ cernitur in sodalium sacello, audiuitque præcipientem ut instante iam morte generali confessione animum perpugaret.

959 In Sede Angolana Lusitanæ annuæ hoc anno aiunt quandam fallam, se dum sibi vellet laqueo collum obstringere, prohibitam à Matrona pulcherrima: idque se facturam fuisse, nisi obstinisset, inquit, *Domina illa quam colimus in templo Societatis.*

Charitas.

960 Duo Nouitij hoc anno Lauretum Nouellariâ peregrini, ut adhuc recentes à seculo, nescio quid verborum, aut dissensionis inter se habuerant. Hi se à Beatissima Virgine specie modestissimæ adolescentulæ se in conspectum dante admonitos dicebant. Verba monentis fuere: *Maturemter vos lites, & iurgia. Vel, ut alius refert; Et vos filij?*

Agere quod illi gratum putas.

961 Dolanæ Annuæ narrant, iuueni qui à Sodalitatis Præfeto rogatus nomina sodalium attentè ac diligenter exscribebat, se obtulisse spectandam Deiparam dicentem: *Hoc age: rem mibi gratam facis: nec ego usquam tibi abero.*

962 E Vaxatenfi apud Mexicanos Collegio Patrum quidam piæ, sed pauperi faminz animam agen-

agenti aderat. Hæc miris gaudijs delibuta, dicebat; adesse sibi præsentem ac spectabilem Deiparam Patribus nostris cinctam. Sinite, aiebat, me iucundissimo DEI Matris conspectu frui. En ipsam aspicio cum insigni comitatu Patrum huic similitium qui mihi adstat ad lectum.

*Aegros vi
sere,*

963 Per iter, habendam in DEO, Deique Matre fiduciam tenerrimè suadet ipsa Deipara quæ nostros cuiusdam liberalitati commendavit, hoc anno, ut habent annuæ. Res ita habet: In Maxico cum à nostris adirentur maritimi populi, incidit Sacerdos noster cum socio in copiosum virum, & probum, qui nunquam antea è Societate quenquam aspexerat. Is excepit illos ut amicos & notos omni significatione humanitatis. Benignitatem tam effusam mirantibus, & causam quærentibus, dixit: Conspecta mihi DEI Mater comitantibus aliquot viris eadem veste quæ vos utimini, præcepit, ut vos adiuvarem quibus rebus possem. Hoc eodem anno erat Ioannes Baptista à Prato adolescens, Dilingæ in convictu, ubi lues quædam ex vrbe hausta, & contactu vulgata, quinquaginta adolescentes infecerat. Eorum vnus fuit Ioannes hic noster, qui Sacramentis ad mortem comparatus, & confessorio de B. Virgine tempore apta dicenti attentus, post breuem quietem, ò Pater, inquit, quid vidi? Tabulam conspexi opere fabrefactam elegantissimo, in qua tabula B. Virgo nomen mihi plerorumque sodalium aureis descriptum literis ostendit, spemquem fecit certissimam, me post breuem in flamma purgante moram, inter calites receptum iri. Hanc Patronam meam, mi Pater, multis stipatam Virginibus à me nunc discedentem sequi est animus. Per ego
te

pag. 709.

*Fiducia
singulari
erga illam
ferri.*

*Aegros vi
sere,*

*Sed parth
l. 3. c. 10.*

te diuina: Matris amorem rogo, inquit noster, vt
vbi inter caelestes recentus fueris, morbo depopu-
lanti finem à Deo impetres. Receptit Ioannes id
se facturum: & abiit è vita. Mirum dictu! Ab
eius excessu mali vis ita remisit, vt nemo postilla-
fuerit eo tentatus. Ita de hoc partim annua, par-
tim Lechnerus.

ANNO MDLXXXI.

Confessio.

964 Annua sedis Pasuarenfis ex ipsorum
ore quibuscum res gesta est, narrant, inueni profligata
vitae draconem horribili specie videnti, & opè
coniugis inclamanti, ac eius monitu Deiparam
vocanti, fugiente spectro vocem auditam: Abij-
ceret sarcinam peccatorum: adiret Societatis Pa-
tres de tota vita consilium daturus.

*Sod l. 1. c.
9. & im-
pressa ei
vita.*

965 De P. Emondo Augerio hoc anno Comi
extincto, singulari Dei Matris cliente, ita Lachne-
rus: Quo tempore animam agebat, piæ cuidam
personæ oblata est lata quadam de ipso species.
Videbatur enim videre sibi Angelos circumsistentes
lectulum Patris: moxque abeuntem animum in
cælum deducere ingenti lætitiâ, pulcherrimo pue-
rorum sodalitio (quale ipse instituerat olim in
Gallia) celebrem pompam prosequente. Nempe
quos ad Dei Matris cultum ducimus, ab iisdem
ad cælum deducimur.

*Ibid l. 3.
c. 2. pag.
459.*

966 Eodem autore, duo è sodalitio adolescen-
tes, die festo, aut Dominico, pomeridiano tem-
pore, captato ex amœnitate cæli præsidio, nauem
conscendunt, vt in Pado Italiae flumine lusitabun-
di reliquum diem exigant. Dum id agunt, dixit
eorum alter alteri: Quin hoc in otio sodalitatis pen-
sum persoluimus, & B. Virginis horarias preces
legimus? Respondit alter: leges sodalitiij non obli-
ga-

*Officium
B. V.*

gare sub peccato ; & sibi precandi animum non esse . Orat ergò vnus ; negligit alter . Ortâ nescio vnde tempestate , & cælo in turbinem verso , ecce nauis agi toto flumine , concuti ac demergi : ambo in flumen excuti , ambo MARIAM inclamare . Adest (vt affirmabat ipse postea socio superstes) pulcherrimâ specie ei qui preces legerat , DEI Mater : & prehensâ manu , eum periculo eripit . Ad alterum verò simile subsidium implorantem conuersa , toruèque intuita ; Iam , inquit , non obligabaris me colere ; nec ego obligor te morte eximere . Et cum amarulento verbo miserum iam cum morte luctantem deseruit .

967 Neapoli hoc anno cultus Deiparæ Virginis factus est magister ad misericordiam alijs exhibendam . In Domo Professa ad nobiliorem sodalitatem sub patrocínio Virginis accessere Principes viri duodecim . Eorum tyrocinium præcipuè ponitur in subleuandis collectâ stipe familijs claro genere ad inopiam dilapsis .

*Operibus
misericordie
illarum
honorare.*

968 Placentiæ Deiparæ Virginis templum , ex voto , nostri cuiusdam hortatu concepto , inuisit Virgo quædam , & ab impudico demone quietem inuenit , cum ille innocenti illius menti multas per hebdomadas , diu noctuque obijceret visa infamia , gestus , modos haud pudicos , vocesque infandas . Post votum , illicò & ab assiduo terrore oculorum , & ab aurium ludibrio est liberata .

Cassitas .

969 Annuæ Collegij Potosini apud Pernanos, pag. 741. narrant quendam de Societate promissum egro cuiuspiam . Aiebat æger , visam sibi noctu mulierem , eximiâ pulchritudine in candenti veste : prædixisse de aduentu Sacerdotis auxilio multis ac solatio futuri , qui etiam eorum linguam calleret . proinde

*Consilia
illius sa-
qui.*

de eluerent apud illum conscientiaē labes, eiusque consilio vterentur. ipsum quidem, si hoc fecerit, non multo post, conualiturum. Adfuit Pater à Collegio Potosino quàm magnâ populi ab ægro id prædicente moniti expectatione ac desiderio, tam nobili fructu: & æger quoque ille conualuit.

ANNO MDLXXXII.

*ob. 1592.
2. Febr.*

970 P. Hieronymum Ruiz de Portillo virum humilitate, ac orandi studio singularem Deiparæ clientem in morte inuisit gloriosa cæli Regina stipata elegantissimo cælestium Virginum comitatu, ut est constans eorum qui ei adfuerē opinio.

*Suis con-
silijs illā
præficere.*

Hoc anno à Prouinciæ Romanæ Patribus Vrbeueteri mos est inductus Deiparæ Virginis consalutandæ, quoties, ad æris campani signum publicum, inicitur à Magistratu consilium: quo commodius & felicius deliberatio transigatur ab omnibus; quam illi sententijs, cæteri precibus adiuuent.

*Annua
pag. 51.*

*Constan-
tem esse
in penso
B. V. per-
soluendo.*

971 In Aquitanica verò Prouincia Petrocorij quidam, qui iam tres & viginti annos quotidie recitare coronam B. Virginis, eiusque diebus festis obire Sacramenta solebat, semel incuriâ quadam piam hanc consuetudinem intermisit. Noctē quæ diem illum consecuta est, homini dæmon manus iniecit: eumque nescio quo raptabat, cum præsto adesse visa illi est B. Virgo, quæ eum in diuersam partem retraxit. Ita liberatus, adeo est emendatus, ut in eius animo magna diligentia, constantia, pietatis, cæterarumque virtutum semina excreuerint.

972 In Prouincia Toletana quidam, ut ferunt literæ, se Deo exosum putabat, eoque de turri se in Tagum daturus erat præcipitem, nisi primum

ab

ab eleganti paruulo fuisset prohibitus qui ex oculis euauit. Iterum id cogitantem, reuocauit Deipara, fecitque ut Talabricam accederet ad nostrum Sacerdotem, atque ex eius consilijs acciperet constantem quietem, & perfectam animi sanitatem.

ANNO MDXCIII.

973 Quidam, ut annuæ Brunenses narrant, de suscipiendo sacrae vitæ instituto (vnâ exceptâ Societate, à qua mirum in modum abhorrebat) secum, deliberans, in grauem mœrorem incidit. Is cum angore animi vrgeretur, visus est sibi per quietem à B. Virgine admoneri, ut si mœrore illo liberari vellet, ad Christum (qui oppressus ærumnis adesse videbatur) confugeret. Christum ergo afflictum, ac iacentem adolescens subleuare cum niteretur, eius vocem sibi audire visus est, dicentis: *Confide fili, quoniam me subleuasti; ipse vicissim à me subleuaberis.* Quâ ille voce permotus, incredibili cupiditate Societatis exarsit. Hæcibi.

*Afflicti.**In mœrore, illam consulere.*

974 P. Emmanuel Fernandez octauo ante mortem die diem suum extremum prædixit. Morientem visitauit, & solata est (ut ferunt) Virgo Mater: id quod ille ipsâ suæ mortis horâ Francisco Lopez Coadiutori disertè dixit.

*obijt 25.
Dec 1593
Fremonæ.
Mors.*

ANNO MDXCIV.

975 Hoc anno nonis Nouembribus euocatus est ex hac vita P. Franciscus de Petris, qui paucis ante obitum diebus, inquit Trigautius, fratrem è nostris adiutoribus ad constantiam in religione retinendam adhortatus, aiebat se vocem DEI Matris ad se loquentis audire visum, cuius hæc fuerint verba: *Ingrederere agedum Filij mei Societatem, & in ea vocatione perseuera.*

*Expedit.
Sinica l. 3
c. 8. pag.
280.**Vocatio.*

9. Martij. 976. Collegium Palentinum in Castellana Provincia mortem narrat P. Ioannis Fernandij. Hic olim puer cum ad mercaturam à Patre vrgeretur, Toleti in sua patria, coram DEI Matris imagine, fufus in preces à cælesti Matre flagitabat, ne à literarum studijs auelleretur: & leni somno occupatus, sibi visus est audire diuinam Matrem ex ipsa imagine loquentem; sibi que perennem, quem petebat, studiorum cursum pollicentem: insuper Societatis IESV. alumnum futurum prædicere, à qua tamen voluntate erat ille in præsens alienus. Experrectus, Sanctissimæ Matri perpetuam virginitatem vouit; quam ad finem vsque & corpore & animo seruauit. In Societate sex totos annos humi decubuit. S. P. Ignatium bis vidisse sibi est visus; ac S. Mauricij & sociorum aspectu, ac denique diuinæ Matris cum Sancto cælestium Virginum comitatu præsentia recreari. Cum paupertati magnoperè studeret, somnauit, se ab Æthiope quopiam pelli, ac templum ingredi pro asylo: ibique Beatissimam Virginem inter Angelos, cælitum choros, & Societatis Religiosos adesse; ac se ad eorum chorum admitti, dicente sanitore; *Ingrederere circa metum. hac enim vestis tam pauper, testis est quòd sis. è Societate. IESV.* Ingresso Ioanne repente vestis illa pauperrima concidit, & ipse cultu longè splendidissimo se amictum aspexit. Aliàs quoque Sanctas Virgines, & Angelos diuinæ Matris laudes canentes audiuisse sibi est visus. vii & secundâ die Martij, Christum, & Beatissimam Virgineam; & tunc se admoneri, pararet se morti: neque enim illi plus quàm octo dierum spacium superesse in vita. Ita se pro illo tunc venturos polliciti abiére. ille verò præstituto die decessit.

Hoc

Imago
B.V.Annua
pag. 602.Pauper-
tas.

Mors.

977 Hoc eodem anno migravit e vita Vallisoleti P. Franciscus de Morales Christo, & Virgine illius Matre persæpè spectatis (vt fertur) felix. Honori Virginis, coram Christo in Eucharistia abscondito, per multos annos quotidie de genibus Rosarium recitabat.

20. Febr.

Rosarium

ANNO MDXCVI.

978 P. Martinus Alberrus dum in templo, ante initam tunc adhuc Societatem pro tuenda pauperis cuiusdam puellæ pudicitiam satageret, adeo placuit pius hic eius labor Deiparæ Virgini, vt Martino eam apparuisse referat eius vita (impressa Hispanicè) lætâ & amabili maiestate, ac eidem incredibilem quandam in animo propensionem reliquisset, vt Societati se totum transcriberet: aliàs eundem in campo precibus vacantem inuisisse. Cum Valentina Domus Professa verreretur, à socijs qui verrebant, id impetravit, vt ipse sordes colligeret, ac efferret. Hoc aliquando piè agenti adfuit (vt ille sibi visum asseuerabat) augusta cæli Regina Mater; & maternâ manu Martini faciem blandè mulcens, Martine, inquit, scis Domus sordes colligere? Fili, valde, valde in hoc mihi places. Fac hoc usque dum quiddam aliud de te fiat. Fessus ingenuè postea est Martinus, per annum integrum durasse suauissimam animi voluptatem quâ tota illi mens inebriabatur ab vbertate verborum illorum à DEI Matre illi dictorum. In quadam vigilia Assumptionis B. Virginis, adfuisse fertur P. Martino Mater DEI, & dixisse; Fili. Nec plura. Sed vnica ea vox illi cor totum tenerrimè penetravit. Erat illi vocabulum illud fluvius voluptatis & pacis.

ob. 1. Sept.

Humilitate illam colere.

979 Aliàs in conclau suo attentè flagranterque oranti Martino conspectam aiunt gloriosam Virginem,

Imago B.V.

N N N 2

nem,

Nierem.
pag. 551.

nem; & gratum sibi fore dixisse, si talem suam imaginem pingi curaret qualem ipsam tunc videbat. Tunica illi erat candida, pallium cæruleum, capilli per humeros prolixè fusi, manus ad pectus iunctæ, pedes Lunam prementes. Hinc Pater, inde Filius illam coronantes, & in alto imminens illi Spiritus Sanctus instar columbæ in medio. Ioannes pictor Valentia illâ tempestate insignis Martino confessorio utebatur. Hic, Martini hortatu, diuinis prius mysterijs expiatus atque refectus, tandem talem Deiparæ imaginem pinxit.

Sabbato.

980 Idem vno ante obitum mensè die Sabbati orans in cubiculo Deiparam videre, & sibi in hæc verba locutam audire est visus: Martine, volo ut intra triginta Filius meus præmium reddat tuis laboribus. Hæsit ambiguus Martinus quid illud sibi vellet, *intra triginta*; num annos, menses, hebdomadas, dies præsignificaret. Re cum ijs quorum intererat communicatâ, iussus est petere ut ipsa Virgo enucleatè verbi eius numerique mysterium explicaret. Ab oratione redux Martinus ad Patrem quem consuluerat: Iam scio, inquit, Pater, secretum: *intra triginta dies est mihi moriendum*. Interea ea quæ officij erant exequabatur accuratè; atque præclare ad mortem instructus, eam trigesimo postea die (1. Septembris) oppetit.

Mors.

Auricula de
B.V. pag.
368.
Mors.

981 *Franciscus Cardinalis Toletus* hoc anno extinctus, in morte in summo salutis discrimine auxilio diuinæ Matris emerfit, ut id ipse testatus est. Post mortem visus cuiusdam dicitur dixisse: Ego auxilio magnæ Dei Matris sum saluus.

30. Dec.

982 *P. Emmanuel Sà* visitandæ in suis templis Deiparæ, eidemque quâ pijs de illa colloquijs quâ artibus alijs colendæ addictus, hoc anno viueret.

de-

desijt . Hunc aliquando IESVS paruulus, & Virgo Mater, morientem verò eadem Deipara & S. P. Ignatius inuisere, vt fama communis increbuit.

Mors .

ANNO MDXCVII.

983 Hoc anno 21. Sept. obiit *Celsus Finettus* Schol. in Collegio Romano; & breui post hunc (ita vt Deipara Finetto prædixerat) *Marcus Antonius Ridolphinus*. Nihil modestius illis, nihil religiosius, nihil obedientius fuisse ait Sacchinus. *Celsus* apparuisse sibi Beatissimam Virginem dixit, & denunciaffe; *Ridolphinum* obiturum breui, & bien- nium illi ad purgandas noxas, sibi verò quadri- nium præfinitum. Bonitatem adolescentis, & im- pensum in B. Virginem cultum digna fuisse quæ fidem his impetrent, ait Societatis historia, & an- nales.

Mors .

Purgato- rium.

984 *P. Iosephus Anchieta* (qui & ipse hoc anno vitæ finem inuenit) cum in oratorio B. Virginis no- ù oraret, Sacellum visum est admirabili splendore circumfusum: splendor è tegulis, valuis, culmine, fastigio, totâque porticu emicabat: concentus præ- terea vocum sono vocum admirabili audiebatur.

Vita l. 3. pag. 295. In Sacel- lo illius attentè precari.

985 *P. Iosephus Ioannem Fernandum* fabrum ægrum visens ita fertur allocutus more illo suo san- cto: *Beata Virgo Mater nostra me misit ad te, vt te in Societatem nostram admittam, vnâque nobiscum, perseueres: tibi que id oneris impono ob gratiam, tanti beneficij quo te hodie illius amore afficio, vt mei memor sis, cum ad conspectum sanctissimæ Ma- tris perueneris septimo ab hoc die. Et verò septi- mo post die decessit Ioannes in Collegium iam illatus.*

lib. 4. pag. 336.

986 In Mondenio, seu montis Regalis, Pro- uincia Mediolanensis Collegio Deiparæ cultus do- mi

*Annue
pag. 26.*

*Illam con-
tra dæmo-
nis insi-
dias inuo-
care.*

*Annue
pag. 169.
Rebus itē
amissis.*

*Annue
eius Coll.*

mi forisque increfcit occasione sacræ ac mirabilis
iconis MARIANÆ in vico extra Urbem sitæ; ad quam
confluentibus audiendis dant operam duo Patres
qui eapropter ibidem resident. Est ibi ad vitæ fi-
nem versatus, durissimus laborum perpeffor P.
Ambrosius Morefcus Astensis, qui semper hærebat
operi, etiam ager. Ibidem hoc anno dæmon Ga-
brielis aliàs specie personatus, ausus est etiam cul-
tu alio apparere, ac se, ipsam B. Virginem nominare
coram Virgine cuius pudicitia illudere volebat.
Aiebat videndam ab illa Dei Matrem in certo quo-
dam loco (nempe idoneo ad insidiosas illecebras)
modò ad eum locum se conferret, ac nostro templo,
nostrorumque consuetudine abstineret: certum alium
opportuniorem fore ducem ad virtutem. Et ve-
tabat hæc etiam confessario euulgari. Sed inno-
centi Virgini persuadere non potuit, Deiparam id
velle ut à Societatis templo, ac à sociorum consue-
tudine, atque à rectione confessarij abstineret.
Quare licet illo precatoriam ei coronam suffurante,
se illi ad confessarium eunti serpentis instar obij-
ciente, eamque domi ferreis mucronibus cruciante,
aliàsque mirè ac variè vexante, perstitit illa obe-
diens & pudica, tandemque victoriosâ pace poti-
ta est.

987 Oeniponti rusticus cum oblatum ad in-
ueniendas oves amissas de malefico consulendo
consilium non admitteret, nostros consulit. Sua-
sere ut certas B. Virgini preces offerret. Accepto con-
silio, syluosum collem reperijt; obuiasque quas quæ-
rebat oves habuit.

988 Pauperibus verecundis subueniendi mo-
dos quærere, est gratum Deiparæ obsequium exhi-
bere. Quæsiuere nostri in Montis Regalis Collegio
in

in Prouincia Mediolanensi; eaque de causâ hoc anno Sodalitium virorum nobilium sub Annunciatae Deiparae nomine instituere. Quod studium *Virgo Mater* manifestè visa est approbasse, quâdo, vt fama perhibet, huius cœtus primo Sodali ægro se coramstitit, spectandam dedit, solata est, eum Filij nomine appellauit. Cùm enim demissè illam rogaret, vt quàmprimùm tot tantisque cruciatibus eriperetur, respondit illa: *Fili, per angores multos calum attingendum est.* Hoc viso, ac voce, ad morbi dolores, & mortis ictum extremum æquo & libenti animo excipiendum, se firmatum esse dixit.

Charitas.

In morbo, illius se- qui consili- um.

989. Ibidem Dominicus Balurius voto B. Virgini de Monte regali nuncupato, cùm limen templi attingeret, cuidam de Societate confessus, manum aridam (vno alteroq; digito excepto) ostendit. Postridie eius diei à nostro illo Sacerdote probè edoctus, preces ad Virginem fundit ardentius, & inter precandum manum pristinae sanitati restitutam sentit.

ANNO MDXCVIII.

990. Morte absumptus est hoc anno *P. Ignatius Martinius* è Sebastiani Regis concionatore catechista MARIANUS. Hic in Lusitania Conimbricæ, cùm frequentem concionem in catechesi ad *Aue MARIA* publicè, pro more catechetico, pronunciandum inuitasset, ac omnes humano quodam respectu, seu noxio pudore absterriti tacerent, diuino nutu factum aiunt frequentissimi qui adfuere, vt sex tantum menses natus infans pendens à Matris pectore, in templo, erecto repente capite, disertè *Aue MARIA*, totamque Angelicam illam salutationem, ad finem vsque pertexeret, omnibus qui aderant amabili rei admirabilitate attonitis.

28. Febr.

Respectu humanorum contemnere.

P. Ber-

Vita l. 3.
a. 4.

1634

1634

1634

Obed. cæca

991 P. Bernardino Realino, (quemadmodum eius vitæ autores affirmant) in lectulo quiescenti adfuit hoc anno Deipara, & illi diuinum infantem IESVM porrexit in sinum; quem ille dum inter lachrymas cordi adstringeret, ab excitatore in sanctis illis singultibus est repertus. Huius anni mense Iunio die 17. Neapoli cuidam Virgini supra vulgaris virtutis laudem commendatæ, in templo nostro pro Societate post communionem impensius precanti Christus visus est è tabernaculo altaris prodire. Adfuisse videbatur & cæli Regina Christi Mater, ac S. P. Ignatius. Aiebat Christus; se Societatem gestare in corde: velle se in illa vigere cæcam obedientiam. Et mox ad Matrem suam conuersus, omnes illi de Societate, ceu Matri filios, vnicè commendauit; vt singularem illorum curam susciperet. Hæc è P. Ludouici Mansonij ea ex ipsius Virginis ore audita conscribentis commentario habere se iuratus affirmat P. Nicolaus Lancicius Lituaniæ Prouincialis, chirographo suo & sigillo, anno 1634. 8. Octobris.

ANNO MDXCIX.

ob. 1599.
Vallisoleti.
Nieremb.
vita pag.
774.

992 P. Ioanni del Castillo apparuisse per quietem fertur S. Agnes, quæ illum ad magna quæque fortiter ferenda impensè animauit, idque nomine Christi, & Sanctissimæ eius Matris. Certam illi opem ab illis pollicita est, quicquid in illum auderet iufertus. Digressâ sanctâ, se magno animi robore præditum sensit: & mox ingressi dæmones, magno tumultu illi horrenda contra Christum, eiusque Matrem Virginem suggerebant. At Ioanni semper inter pugnandum creuere animi, atque victoria, & lux quædam interna, quæ illi præclara quædam in SSS. Trinitate, ac Beatissima Virgine abscon-

abscondita explicabat. Fuit, cum datam illi à Patre quodam Deiparæ Virginis imaginem combussit dæmon, dicens; se, si id posset, manum etiam illius combusturum. Sæpè suavissima Christi & eius Matris imagini oscula imprimebat, aliquando vicissim osculum ab imagine sibi visus accipere. Sed nihil harum deliciarum admittebat, nisi probante spiritus magistro, cuius nutui adhærescebat, ne sibi prudens videretur. Ex ijs quæ à dæmonibus de Matre DEI dici audiebat, sapienter fructum legebat. Demittebat se profundè coram illa, spemque singularem concipiebat, cum ad celebrem B. V. Gamonalensis imaginem dæmon diceret: Quomodo ego tam despectus, ad maiestatis Dominam ire, ad illam oculos attollere auderem? Addebat dæmon; Perire mundum ex quo DEVS rerum gubernacula vni fœminæ tanta ex parte commisisset. Hoc verò dæmones ferre non posse. Tantum enim potestatis Dominæ illi datum, ut animas quæ iam in inferni portis positæ viderentur, illa inde abducat. Disertè fassi sunt dæmones se Ioanni adeò esse infensos (& erant modis varijs ac molestis) quod Beatissimam Virginem tam propensa voluntate, amore, cultu prosequeretur. Minatis illis se illum ad tartarum pertracturos; Ego verò, aiebat, satis me ad vos peruincendos armatum inuenio vel solo meæ Dominæ nomine vobis opposito. At ne illos eo nomine cruciaret; negabant illi se eum abrepturos. Sabbato quodam cum quandam Deiparæ imaginem in suo cubiculo per dies aliquot colendam inferret, dæmon tempestatem, & grandinem excitauit. Dixit Ioanni aliquando dæmon; se cane peius & angue odisse quicquid cum Deiparæ nomine vel cultu coniunctum est. Hinc

pag. 777.

Imago
B. V.

pag. 776.

pag. 777.

O O O

ad

ad locum quendam *Sancta MARIA* dictum proficiscenti Ioanni minaciter dixit: Caueret eò ire, nisi vapulare vellet. Perrexit porrò Ioannes: at se per auia & deuia errasse aduertit, donec serò tandem eò appulsus est.

ob. 1599.
15. Ian.
Laureti.

993 *Ioannes de Cruce* Coad. in itâ Societate, confessionem generalem necdum pro more obierat, Sed libenter id fecit postquam illi noctu vigili visa Deipara eum vultu ac verbis increpare visa, terruit, quòd auderet in Societate sui Filij degere animo per generalem exomologesim minimè perpurgato. S. Ioannes Damascenus ad B. V. *In tranquillitate*, inquit, *conserua cor meum.*

m. f. Sabb.
ode 6.

ANNO MDC.

994 Hoc anno Mediolanense Collegium ait quòd Virgo Deipara quendam de Societate sui Sacerdotis nomine appellârit, quando cuidam foeminae erubescenti scelus confiteri illa se obiecit, & dixit: *Et quin meo te aperis Sacerdoti?* Fecit id illa, quæ monebatur, Sacerdote nostro, qui istac intermissionis causâ faciebat, reperto; & gauiso quòd à Deipara sui Sacerdotis nomine fuisset vocatus. Felices nos, si sumus *MARIAE* Sacerdotes, quæ Mater est summi omnium Sacerdotis.

Se pro Sacerdote
B. Virginis gerere.

995 *Viennæ Austriae* adolescens è Scholis nostris tertio iam die in mortis agone sine vitæ spe iacebat, cum de Societate quispiam Patri Catholico, Matri hæreticæ tandem persuasit vt voto concepto per *DEI* Matrem pro salute filij agerent apud *DEVM*. Concepit votum adolescens, & verba vt cunque refracta pronunciauit; ac peracto voto, stupore attonitis omnibus ita sensim ad vires redijt, vt postridie cibum caperet, quem per plures dies ne gustârat quidem, breuique conualuit.

Ægris illius pietatem suaderet.

Ne;

996 Nedezij in Hungaria quidam Neo catho-
licus tepidus, ob humanos respectus deficiebat sen-
sim à fide. Hic in morbo graui nocte quadam
clamabat se à dæmonum caterua trahi ad inferos,
iamque pedes suos illo igne ardere. Adfuit illi, vt
ipse postea testatus est, Virgo Mater, cum vno ad-
latus comite Sacerdote de Societate IESV; & mise-
rum hominem è dæmonum vnguibus ereptum Sa-
cerdoti illi de Societate tradidit, monuitque vt
peccata ritè confessus, in suscepto Catholicæ reli-
gionis proposito firmus persisteret. Obtemperauit
ille, ac Patri qui istuc ad sacram expeditionem
itabat rem exposuit, & Sacramentis firmatus est.
Cracouiæ quoque puellæ in domo hæretica degen-
ti venustissima Deiparæ species obiecta dicitur,
& locuta. nominatim autem illam compellauit,
monuitque vt se ad capeffenda orthodoxæ fidei
dogmata præpararet. Paruit illa, & in templo no-
stro apud Patres Professos id executæ est.

997 Cuidam magnâ virtute palàm illustri, &
obeundis S.P. Ignatij exercitijs se accingenti, iam-
que incipienti, vt affirmat Ludouicus hoc anno
1600. Angelus Gabriel se à Deipara missum dixit,
quò ei nunciaret, gratum esse DEI Matri obsequium
quòd Exercitia illa obiret, quorum nempe ipsa
fuerit author Ignatio ea scribenti, atque adiutrix.
Singulari, inquit, in hoc Regina nostræ præstabis
obsequium. Significat enim tibi, se fuisse, & esse
Patronam & Fundatricem illorum Societatis exer-
citorum: nam à se adiutum, edoctumque fuisse
B. Ignatium vt ita fierent; seque illis rebus medi-
tandis fuisse occupatam in vita. Hoc agunt Exer-
citia quod S. Io: Damascenus petit: *Domina, eleua me
à tenebroso somno ad tuam glorificationem.*

*Tepidas
illi com-
mendare.*

*Item ani-
mas qui-
buscum
agimus.*

*De Ponte
vite P.
Balth. Al-
uarez
c. 43. S. I.
Exercitia
S. P. Igna-
tij attentè
obire.*

*Inter can-
tica fol.
403.*

Rogare S.
P. Ignatium ut B.
Virginem
ad orandum pro
nobis inducat.
Annua
Auenion.
1601.

998 Hoc anno 6. Septembris Auenionensis Vicarius æger, à medicis postea planè depositus, dixit visam sibi Deiparam minacem, & exprobrantem sibi mores inquinatos: illa ipsa quæ in Deiparæ honorem fecisset labem sædam traxisse à moribus, nec præmio esse digna. Ergò Patri è Societate accito peccata vitæ totius fateri incipit: sed vires deerant. Cùm interspirat, ecce iterùm irata Virgo cum Christo, cuius illa hians latus manu claudebat. Sed solatio illi fuit quòd ponè videret S.P. Ignatium toto eo quò hæc agebantur tempore, coram Christo & Virgine supplicem pro suo cliente infirmo, qui se pro illo vadem dabat atque sponso rem, fore ut fidem deinceps non falleret. Tum Virgo annuens Ignatio, ægrum benignè rogat; ecquid facturus esset, si vitam contingeret prorogari? Promisit æger singultiens omnia quæ Ignatius suo nomine promittebat: & mox visus sibi est à Virgine, manu in Christi latus profundè demissâ & tinctâ, totus perungi: ac persanatus rem omnem in Collegio narrauit; Ignatii imaginem in templo affixit. Roga Ignatium ut oret Deiparam pro te tuisque amicis; & modum inueniat te ac tuos constabiliendi in bonis propositis, perungatque cor tuum, ac ea quæ agis omnia, sanguine Crucifixi, ut ei deinceps viuas. Athanasius, *Ista inquit, noua Eva Mater vitæ appellatur ad primicias vitæ immortalis omnium viuientium*. Agamus nos in terris id quod in cælo agere visus est Ignatius.

999 P. Thomas de Soto quotidie Deiparæ Rosarium & officium recitabat, flagranterque rogabat ab illa in filium recipi. Videre sibi visus est illam aliquando in campo amœno eâ specie quæ illius coram qua orare consueuerat imaginem referre.

ob. 1660.
20. Aug.
Nier. 1. 2.
pag. 29.

tebat, & ab illa difertis verbis *domum* inuitari. Mater Thomæ querebatur amissum à se anulum, seu lapidem pretiosum. Thomas Beatissimam Virginem rogauit vt prouideret; eamque in rem *Magnificat*, Deiparæ canticum, aliquoties recitauit; & ecce annulus, seu lapillus (ignotum quâ manu) depositus in manibus eius Matris apparuit. Verè MARIA, S. Andrea Cretenfi Archiepiscopo id benè affirmante, *obsignati à Deo thesauri custos, munitissima spei arcana turris est*. Idem P. Thomas nocte quadam ante diem Expectationis Partus Deiparæ opinabatur se esse in cæli luce pulcherrimâ, Angelos & Beatos diuina canentes audire; atque his ad magnos in virtute progressus est mirificè incitatus.

1000 Hoc anno, teste Marracio in Biblioth. Mar. excusus est P. Thomæ Vvorthingtoni libellus de *mysterijs Rosarij Deiparæ*. diem verò obiit P. *Saluator Sotomaior* die à Beatissima Virgine illi, vt aiunt, prædicto, eo apparatu ad mortem qui fructus fuit illius perpetuæ in cæli Reginam pietatis.

ANNO MDCI.

1001 Colemus Deiparam suadendo sodalibus, Coadiutoribus, alijsque vt labores suos illi lubentes impendant, & eius amori dedicent. Hoc anno Guinifus in m. f. Societatis historia adnotauit Veronæ Sodalem B. Virginis, coram eiusdem imagine accendendæ lampadi intentum & cum scalis ruentibus labentem perterritis incolumem, dixisseque postea; sibi tunc videri visam in luce manifestam B. Virginem quæ manu exporrectâ scalam iam ruentes attinuerit. *Debemus lampades, obsequia, gratias tibi*, vt ait Athanasius, *tibi gratiosæ Domine nostræ Regina, Heræ, Matri DEI, arcæ Sanctuarij*
Ibid.

Petere
ab illa
admitti
in nume-
rum fi-
liorum.
Pro rebus
amissis ad
B. V. re-
currere.
m. f. orat.
3. in Dor-
mit. B. V.

38. Oct.
Mors.

Honori
B. V. la-
borare.

In Euang.
de SS.
Deipara.

Peccato-
res instrue
re.

In proba-
go Contē-
plat de
B. V

pag. 703.

In deli-
berando
illius opē
implo-
rare.

Hymno
laus Ma-
ria.

ob. Mes-
sanae 20.
April.
1601.

Ibid. narrat Guinifus, ægro cuiusdam contra de-
monis in eius fauces insipientis impetum opem à
B. V. flagitanti vocem è cælo auditam, quâ ad Pa-
tres Societatis IESV ire, ac peccata istic fateri iube-
batur. Fecit, & à dæmonis insidijs conquieuit,
Ista, inquit Idiota, preces, & sacrificia servorum
& maximè quæ illi exhibentur, representat in conspe-
ctu diuinæ maiestatis.

1002 Mortificatione, ac oratione velut bilan-
ce agendum esse apud Virginem cum de aliqua re
deliberamus ostendit nobilis ille in Brunensibus
annis adolescens, qui varijs ac diris modis car-
nem affligens, Deiparâ orabat ut sciret quid vel-
let Deus in eligendo vitæ statu. Somniavit ille
adesse sibi cæli Reginam cum S. Ioanne Baptista,
qui radians IESV nomen gestabat manu, & S. Ia-
cobo, qui coronam, seu sphæras Angelicarum
salutationum. En, inquit Virgo, signum tibi datum
est sub quo succenturiatus Filij mei auspicijs milites
en turmam cui te adiungas. Aliàs in vesperis iterum
de hoc dubitanti Virgo; Quamdiu, ait, claudica-
cabis? Quousque me tentabis? Sic meis signis non
credis? Aliàs pro eo spiritu conseruando, Deipa-
ræ coronam attentè recitanti adesse visa est illa cum
IESV paruulo, & benè precari. Iterum tentato vox
per quietem audita dixit: Fac citò, quod debes. Ita
paruit. Hanc voca consaltricem, & cum Bona-
uentura illi dic dum deliberas: Ave, Virgo, rumpe
moras, & ad omnes semper horas mihi custos & adiu-
trix esto, digna Dei nutrix.

1003 Mag. Franciscus Caietanus, olim Marchio
antè Societatem initam, tum adhuc puer B. V. hor-
norî Sabbato ieiunabat, & Feriâ 3. à cœna absti-
nebat: officium, & Rosarium B. V. flexis genibus
quo-

quotidie recitabat valdè attentus . Cùm nihil aliàs habere vellet, vnam tamen è charta imaginem habuit, in qua DEI Mater septem gladijs fauicia spectabatur . Hæc illi pro vexillo erat vt se vbiq; generosè peruinceret . Certè moriens dixit; sibi Deiparam adesse cum Angelis & Sanctis suis . Hac Præsede vicit . Ita Nicopœia illa , seu victoriosa B. V. imago Constantinopoli semper ferebatur ad pugnam , eoque dicebatur adiutrix inuicta , belli socia , imago insuperabilis commilitonis DEI . De eodem tum adhuc paruulo octo tantum menses nato aiunt , eum tunc *Aue MARIA* didicisse , atque in cunis recitasse . Iam tum ille se per illam ad cœlestia dona disponebat , de qua sapienter Idiota laudatus: *Donis , & charismatibus edificat seruos suos , vt superbenedicti Filij sui , & spiritus s. digna fiant habitatio .*

Paupertate, oratione, mortificatione illam colere.

Gumppeberg in Atlante Mariano p. 1. pag. 18.

In prologo .

1004 Iacobus Ruiz per annos 30. cocus, DEI Matrem officio quotidiano vsu attrito honorabat, quod officium nobili cuidam postea magno in pretio fuit . Labores suos Deiparæ dedicabat: & per totos 30. annos nunquam petijt domo exire, quò plus laborare ac orare posset . Pro hoc mortuo coronam Deiparæ tertio recitans Alphonsus Rodriguez , illum ad latus Reginae cæli sibi videre est visus in gloria . Vega Theologiæ Marianæ n. 126. refert Photij verba dicentis: *Cùm Lycurgo instare mors videretur , se in Matris Deum delubrum deferri iussit .* Nos cum Iacobo fimus ad latus Matris DEI .

ob. 1. Iun. 1601.

Labores per orationem Deiparæ dedicare . Raro exire .

1005 Petro Stopello Coadiutori ægro adfuisse, ferunt præclarâ specie DEI Matrē & dixisse; plus ei adhuc in ferendis pro DEO laboribus exantlandum , Inde illi eo quo adhuc vixit decennio mi-

ob. Medio Iani 3. Sept. 1601.

ra-

*Labo-
bus illam
colere.*

*ob. 1601.
Rosarium
B. V. de-
fendere.*

*Scalita-
res foue-
re.*

*Annua
pag. 47.
152. 340.*

*Res amif-
se.*

*Illam cõ-
sulere.*

*Illius be-
neficia
etiam in
scena ce-
lebrare.*

*Ab illa
petere
Ducem
spiritus.*

rabilis fuit ad labores alios ex alijs continuandos assiduitas.

1006 P. Petrus Thyraus edidit, vt habet Mar-
raccius in Biblioth. Mar. *Apodixim thesium de
Rosario B. V.* Apud Aletinos egregia Sodalitatis B. V.
in Collegio florentis laus est illa quòd ipsa celi
Augusta cuidam Sodalitatis desertori, monstrato
dæmone Æthiope qui homines in frustra concide-
bat, dixerit, vt ferunt literæ: *Quamprimum sanissi-
mas huius Æthiopis manus experiere, nisi ad pristinum
vitæ genus redieris.* Expergefactum, & ouantem
inuisit eadem niueo amictu gloriosa, ac iussit So-
dalitij cœtum repetere, si exitium vellet euadere.
Sodali Mutinensi, qui rosarium amiserat, rogata
Deipara dicitur adfuisse ornata & facie splendida,
eumque solata, rosarium vbi sit commonstrasse,
vbi euigilauit, loci à Deipara ostensi memor, ibi
rosarium reperit quod amiserat. Alij Viriduni
obiectã aiunt vigilanti speciem Deiparæ Virginis,
quæ manu coronam eximij splendoris porrigens
monebat, vt eam si obtinere vellet, religiosum
vitæ statum amplecteretur.

1007 Hoc anno Vallencenense Collegium
de Beatissima Virgine tragicomœdiam dedit, cu-
ius argumentum fuit *Salus vrbi* abhinc annis 400.
grassante sinè modo pestiferâ lue per aliam Dei
parentem restituta. quod etiam beneficium quotan-
nis ipso Deiparæ natali die recolitur.

1008 Hoc anno 1602. Ingolstadij quidam
iuratus affirmavit, sibi per quietem visam Dei
Matrem veste candidâ, monentem vt ea salutis via
incederet quam ei vnus de Societate ostendisset. Se-
quamur hanc stellam quò nos ducit, & eò alios
ducamus. Huic S. Bonauentura, Tu, ait, es vir-
ga,

ga, tu es stella, tu es gratia fluius, Deitatis munda-
cella.

*hymn.
laus Ma-
rie.*

1009 Alius graui peccato onustus, dum ab eo
exonerari flagitaret, secundum quietem Virginem
magno lumine circumfusam, & mirè exornatam,
conspexisse se dixit, benignè admonentem; Oeti-
gam concederet, & Societatis Sacerdoti crimen,
patefaceret: sic enim futurum, vt quietis com-
pos fieret. Nec vanum id fuisse euentus pro-
bauit.

ANNO MDCIII.

1010 P. Petrum de Anasco grauiter ægrum
implorata DEI Mater cum dulcissimo in sinu par-
uulo inuisit, solata est, & promissâ corporis sanita-
te ad militandum Christo incitauit, vt feruat de
illo elogium, & annales.

*ob. 1603.
12. Apr.
In morbo
illam ora-
re.*

1011 P. Andrea Perez extinctum oculorum
lumen restituit DEI Mater, materno illum affectu
semper complexa. Ægrum dæmon ad lectulum,
præfens horrendo bestię spectro formidabilis ter-
rebat: sed adfuisse aiunt cum paruulo suo Virgi-
nem Matrem, & fugato spectro Andream dulcissi-
mo erga se amore accendisse.

*ob. 1603.
30. Sept.
Oculos
suos illi
dedicare.*

1012 Hoc anno 1603. apud Lugdunenses ado-
lescens ne Societatem capesseret maternis lacrimis
impediebatur. Ergo eam cui semper impensè ad-
dictus erat Deiparam supplex orauit vt illa obicem
salutis suæ amoliretur. Et ecce sub idem tempus
absens Mater vocem hanc sibi audire visa est; Pec-
catum hoc tibi imputabitur. Quæ vox tantum potuit,
vt Filio potestatem fecerit, & à marito quoque be-
nedictionem impetrârit.

*Impedi-
menta vir-
tutis per
illam tol-
lere.*

1013 Hoc anno 1603. 27. Septembris nautis
periclitantibus, & Beatissimæ Deiparæ Chestocho-

*Annus
dier. illust.
30. Sept.*

*Hortari
alios ad
cultum
B. V.*

uiensis honori vota concipientibus P. Martinus La-
terna, anno 1598. in fidei odium cæsus, videri est
visus in aëre sublimis, ac saluos fore prædixit; eos
disertè hortatus, vt eorum quæ Deiparæ promise-
rant implendorum fideles, pij, atque accurati me-
minissent, nec eorum quicquam omitterent.

*Pro cre-
bra con-
fessione il-
lam imple-
rare.*

*Annua
p. 459.*

1014 Lucernæ dæmon aspectu horridus foemi-
næ nunc funem, nunc ferrum offerēbat; vt se interi-
meret, semper illi infestus, eò quòd & crebrò &
nostris confiteretur. Hunc illa MARIÆ nomine im-
plorato semper vicit: & quò magis id illum agrè
ferre videbat eò crebrius ad nostros aduentabat ad
conscientiam expiandam.

ANNO MDCIV.

*ob. 1604.
Ad breuiã
dum pur-
gatorium
eius opem
poscere.*

1015 P. Hieronymo Carualio purgatorium anxii-
mente timenti se obtulisse fertur Virgo Mater, &
ponere metum iussu, dixisse; se peccatoribus & hinc,
& in igne purgatorij auxilio esse. Neque se ferre
posse, vt cui ipsa adeò cordi fuisset semper, illis
pœnis diu torqueretur. Adiecisse; post annos xv.
migraturum è vita: quod ipsum illi magno fuit
compendio ad purgatorium breuiandum. *Spes no-
stra, inquit S. Bonauentura, Spes nostra solida es, Virgo,
MARIA.*

*Super Sal-
ue Reg.*

1016 Narrabat saucius ille pictor de quo num-
395. dixi, se ope Deiparæ perfanatum, voce illa
noctu audirã: *Esto bono animo: iam sanus factus est.
vulnera quæ excepisti sunt instar spineæ coronæ, vt in cæ-
lum conscendas; Videreque sibi tunc visum Angelos,
coronam gestantes. Res est publico testimonio con-
signata.*

*Dolores
cali cogi-
tatione so-
lari.*

*In tenta-
tione illã,
& Patrẽ
spirituale
consulere.*

1017 Barcinonæ iuuenis coram B. V. imagine
supplex, & petens extingui in se cæcos ignes quibus
inuitus assidue ac turpissimè vrebatur, vocem sibi

au.

audire videbatur; Patrem illum adiret qui verberaturis sese in templo nostro de more narrat exempla, eique dicto audiens esset. Paruit, & flammam illam frequente verberum, ac Sacramentorum vfu restinxit, castitate religioso etiam voto postea illigata. Hæc Virgo nos à serpente illo blandè mordente tuebitur. Nam, vt bene S. Io. Damascenus, *ad hunc paradisum serpens aditum non habuit.*

1018 Ad SSS. TRINITATIS cultum, ad eminentissimã cordis immaculati puritatem, ad mortis adeoq; vitæ immortalis desiderium ducit suos discipulos MARIANUS amor: id quod expertus est P. Ioannes Hieronymus, qui, vt aliàs narraui, Hispali in exercitijs cùm SSS. TRINITATEM in throno, Deparam, S. Michaelem, & Angelorum ac Beatorum ordines videre sibi videretur, aiebat se tunc plenam peccatorum veniam fuisse adeptam, & dulcissimã electionis arrhã cordi suo impressã donatum. Postulanti autem sibi vt vel in gratia confirmatus peccare iam non posset, vel de vita tolleretur, impetrasse. Et breui decessit. *Passionum mearum stirpes euelle,* ait ad B. Virginem S. Ioseph Græcus, *diuinasque cogitationes germinare fac ex anima mea.*

1019 Neapoli Sodales B. V. docentur vt rudibus doctrinæ Christianæ elementa tradant. Id adurus nauim conscenderat Sodalis. Huic in tempestate sopito Deipara conspecta læto vultu loqui est visa, & dicere: *Gratissimum sibi opus esse quod aggregeretur: proinde nihil mortis faciem vereretur.* Pedes Virginis osculari dum pararet, euigilauit, & mare conuenit.

ANNO MDCV.

1020 Genuæ Partheniorum vnus cùm puerili pudore Societatis nostræ desiderium suppresseret,

orat. 2^{us}
Ass. 1^{us}.

ob. 1604.
In pretiosis occupacionibus
c. 6. n. 9.
Celere
SSS. Trinitatem, et
illam pro corde mudo.
3. Sept.

pag. 33.
Catechismo rudem instruere.

Vocationis suæ negotium illi committere.

ret, à B. Virginis specie (quam se videre putabat) iussus est animum aperire. Adeò feliciter cadit quicquid nobis est ad salutem, si illius simus quæ etiam desideria nostra exaudit.

pag. 59.

Confilium
am anio
re petere
au Virg.

1021

1021
S. de Fu-
rif. B. V.

p. 463.

Confilium
B. Virgi-
nis sequi
in Iesu no-
mine. ite-
rando.

1021 Carbinij in Prouinc. Neapolitana, fœminæ è primarijs in templo precanti (quæ Societatem nec oculis, nec auribus nôrat) Beatissima Virgo cum duabus è cælo asseclis Virginibus visa dicitur hæc dixisse: *Propediem hic Patrem habebitis è Societate IESV: ei quæ tibi acciderunt exponito; eiusdem consilio acquiescito.* Adfuit breuè Pater in missione: & illa quæ viderat iureiurando testata, paruit consilio **DEI** Matris, tanto voluptatis intimæ sensu perfusa, ut sibi non in terris amplius, verùm in cælo esse, videretur. Prudenter tractandum est salutis nostræ negotium. Ad illud feliciter agendum, iuuabit nos *Virginis prudentia* (quod ait S. Ambrosius) *non humana industria fulta, sed spiritu diuinitatis afflata.*

1022 Zebuani apud Philippinas Insulas Collegij literæ aiunt gratum **DEI** Matri fuisse consilium cuiusdam è Societate cum homine quopiam de diuinis rebus colloquentis, eidemque impensius commendantis nomen **IESV**. Cùm cubas, inquebat, appella nomen **IESV**; cùm expergisceris, appella nomen **IESV**; cùm è lecto surgis, appella nomen **IESV**. Et identidem die ac nocte quantum potes appella nomen **IESV**. Hæc Pater cùm diceret, respondit homo, ut erat simplex: *Rectè tu quidem, Pater; namque hæc eadem Beatissima Virgo MARIA mihi commendauit. Mihi, nil tale merenti. Nam cùm elemosynam Sacerdoti, ut missam xenialem (quam vulgo de Aguinaldo vocant) pro me **DEO** offerret, dedissem, sacrificioque ipse interesset; enixè à B. Virgine petiui, ut Xeniorum tempore Xe-*

nia-

niale donum (Aguinaldo dictum) mihi tribueret. Concessit illa liberalissime. Nam sequenti nocte, per quietem Sanctissima Virgo visa mihi est, & blandissime allocuta dulcissimum Filij sui nomen, sic animo impressit, ut neque eius obliuisci vlllo vnquam tempore possim; & cum te idem ipsum inculcantem audio, gestire mihi præ lætitiâ videor. Quare cum Beatissimæ Virginis hortatui tuus etiam inopinatus hortatus accesserit, retinebo illum altè in animo meo, memoriâ tanti nominis sempiternâ. Placent DEI Matri sermones nostri quibus spiritua- lia tractamus, & ea docemus alios quæ ipsa Virgo doceret, si nobis ipsa loqueretur. Amat etiam si ame- mus IESV nomen, ac honoremus. B. Laurentij moni- tum est: *Ipsam honoremus in Matre: & Matrem honore- mus in Filio.*

*in Natiu.
B.V.*

*Per iter,
& in mor-
bo totum
se in illi^o
fidem com-
mendare.*

*Spec. B.V.
fol. 49.
col. 4.
ob. Valen-
tia 11.
Feb. 1606*

1023 Hoc anno Treuirenses Annæ Rainerij Statij Nouitij meminere, qui cum Treuiros ad tirocinium profisceretur, & repente æger Deiparam imploraret, ei visa est adfuisse instar speciosissimæ Matronæ pia Mater magnâ luce circumamicta, collaudatoque pio Societatis ineundæ desiderio, Treuiros tandem ad metam destinatam peruentu- rum prædixisse, ibique ad meliorem vitam migra- turum. Quare ille ad tirocinium iam appulsus, & æger, medicinas parari cum videret, frustra, inquit, ista: iam enim de vita hîc finiendâ præmonuit me DEI parens, eademque breuî cum Filio, & Angelis aderit, ad immortales sedes me deportatura. Ita- vixit. Audi Bonauenturam hortatorem: *Omnis moribundus dicat cum Anselmo: Anhelat moribundus spiritus meus ad tantæ benignitatis respectum.*

ANNO MDCVI.

1024 P. Michaëli à Fontibus in India fesso sacris
la-

p. 120

Labores
suos Deo
per illam
dedicare.

Fer. II.

Contempl.
c. 5.

laboribus & iacenti, fulgentem MARIAM Virginem se se palàm ostendisse ferunt literæ Valentini, ac ut bono esset animo iussisse: fidem etiam fecisse, penas in vlttricibus flammis purgatorij non daturum; quin rectâ post mortem, beatorum sedes conscensurum. Quo ille mirificè recreatus, ærumnas quascunque in posterum æquo animo tolerare non dubitavit; quin dum vixit, beneficij memor (fortè feriâ 2. illi hæc dixerat Virgo Mater) secundâ cuiusque hebdomadæ feriâ humi sedens prandebat, canabatque, lances detergebat. Experimento comperit tunc Michaël id quod pius ac doctus Idiota de MARIE nomine olim scripsit: *Super omnia Sanctorum nomina reficit lassos, sanat languidos, illu minat cecos, penetrat duros, recreat fessos, ungit agonistas, & iugum diaboli extrudit.*

1025 Idem P. Michaël cum in Vrbe quadam per iter concionaretur, perconctatus est quidam eximie sanctitatis Religiosus, quis, & cuius Ecclesiastes ille esset, cui satisfactum cum esset, subiunxit: se diuinitus accepisse, ideòque certum sibi, hunc ipsum Societatis IESU Patrem cælestis Patriæ ciuem esse designatum. Aliàs, quidam vir & pietate & doctrinâ præstans è nudipedum, ut vocant, S. Francisci filiorum familia, cum apud Antistites à Pontifice destinatos de S. P. Ignatij sanctimonia testimonium perhiberet; Paucis, inquit, retrò annis ex hac vita migravit è Societate quidam, cuius anima cæli regna conscendens obuios habuit Deiparam, Apostolorum Principem, S. Ioannem, S. denique Patrem Ignatium. Gestabat veneranda Mater suis ipsa manibus coronam, quâ mox beatam illam animam honoris ergò donauit. Hanc verò animam P. Michaëlis à Fontibus fuisse aperuit
idem

idem postea Archiepiscopo sciscitanti.

1026 Mag. *Carolus Casarius* anno penultimo suæ vitæ, 2. Febr. animam suam nuptiali ferè ritu Sponso IESV, præsentè Beatissimâ Virgine, & custode Angelo desponsatam fuisse sub secreti silentij fide, retulit ei cui suæ conscientiaæ arcana pandebat.

ANNO MDCVII.

1027 Pragæ viceProuincialis Transyluaniae peste correptus, cum ei seu iniquo loco, seu imperitè aperta fuisset vena, & medicus eam solam plagam ad hominem enecandum sufficere affirmaret, votum B.V. Lauretanae ac B.P. Ignatio nuncupavit; qui eadem nocte ab emissio voto ad lectulum affluere illi sunt visi, eumque ad spem salutis haud dubiam animare. Conualuit, & votum, acceptâ à Superioribus potestate, expleuit.

1028 P. *Philippo Pantaleoni* ægro P. Petrus Antonius Spinellus Prouincialis, piam teneramque fiduciam suadebat erga Virginem DEI Matrem. Tum Philippus citra iactantiaæ periculum se dicturum suauissimè affirmavit, quare dulcissimâ erga illam fiduciâ plenus esset. Ipsa, inquiebat, illa me puerum olim dignata est ad se accipere, & mihi blandiri, ac dicere: Tu es *exceptio Dei, & Filius Crucifixi*. Eidemque Crucifixo me stitit; qui & ipse mihi blanditus est. *Exceptionis* vocabulum (infirmo etiam annuente) interpretatus Spinellus, aiebat, *exceptionem* esse segregationem à massa perditionis. *Audite hac omnes gentes*, inquit Psalmista, ille Marianus, *auribus percipite qui ingredi cupitis Regnum Dei, Virginem Mariam honorate, & inuenietis vitam & salutem perpetuam*.

1029 P. *Gabriel Vasia* pro frequentissima sua iaculatoria oratione vsurpabat illud, & crebriùs

ob. 1606.

2. April.

Parma.

Animam suam coram B.V.

Christo dare.

Annua

p. 757.

ob. 1607.

18. Aug.

De illa colloqui.

Fiduciam erga illam in se ac in alijs excitare.

S. Bonau.

ps. 48.

ob. 1607.

11. Iunij

Gerunda.

re-

Nier. t.3.
p.782.
Iaculato-
rijs illam
colere.

repetebat; *Monstra, Monstra, Monstra te esse Matrem.*
Eius moris in morbo quodam oblitus, aut negli-
gens, Beatissimam Virginem coram se videre se
arbitrabatur, quæ illum eius negligentia, multâ
maternæ suavitatis & vultûs hilaritate admonuit.
Ita mos ille illi suavior factus, fecit vt caelestem
quandam vitam duceret in terris oratione assiduâ.
*Te, inquit ad B. Virginem S. Ioseph Græcus, vnam
diuinitatis manna continentem agnouimus; te pontem ad
diuinam vitam transcendentem.*

m. f.
10. Dec.

ANNO MDVIII.

ob. 1608.
in Sardi-
nia.

1030 *Patri Sebastiano à Campo* cum sæpè aliàs,
tum verò potissimùm Rosarium B. V. flexis humi-
genibus recitanti, se ostendisse fertur niueo cultu
splendida Virgo Mater in ipso carcere in quo tunc
Sebastianus captus ab infidelibus tenebatur: eum-
que impensè hortata est, vt omnes captiuos ad
retinendam in Catholica fide constantiam, & ad
cultum Virginis incitaret: Simulque plurima illi
Rosaria porrexit plenâ manu; quæ ille iussu Deiparæ
ipsius distribuit, omnes ad illud quotidie reci-
tandum enixè hortatus. Inde illi, & illis libertas,
ope Deiparæ: *Quam S. Bonauentura portam liber-
tatis vocat; & addit: Verba cuius, sunt argentum; lin-
gua, laudis instrumentum.*

Nier. t.4.
p.93.

in Psalt.
minore.

Annuæ

p. 577.

Illam pro
confessa-
rijs, & pœ-
nitentibus
implorare

1031 Quidam qui procul Zagrabiâ, Vrbe
Croatia, distabat, aiebat se à semestri spatio vrgeri,
& aliquando etiam in somnijs à Deipara Virgine
impelli, vt si quietam conscientiam habere velit, se
ad Societatis Patres conferat Zagrabiâ, istic vt
quærat medicos, qui animæ morbos sanent, & anti-
dota præscribant.

Rudes fi-
dei elemē-
ta docere.

1032 In Philippinis sceminam à quodam So-
cietatis Patre baptizatam dicitur ipsa Beatissima
Vir-

Virgo docuisse orationem Dominicam, salutationē Angelicā, & symbolum Apostolorū. Vide Andradā fol. 124. de Baptismo B. V. vbi fol. 127. mirum quid, de sodalis innocentia: admirando modo defensa.

1033 P. Sertorium Caputum cuidam charo suo Romā redeunti ea ipsā qua obiit nocte visum, memoriæ peditum est. Inter alia quæ illi dedit documenta, fuit vnum de B. Virgine, quo illum ad teneram instar filij pietatem erga illam Matrem misericordiæ inflammavit. Nicolaus Lepidi vir nobilis porrectum sibi à sorore suā anulum pretioso lapide ac plano insignem in digitum Patris Sertorij in sandapila iacētis inseruit, & sorori mox reddidit. illa piē anulum venerata, aduertit à digiti illius contactu impressam diuinitus lapillo illi imaginem Beatissimæ Virginis. Ita ipsa retulit, & alij qui vidēre, ac stupuēre, cum id adeo breui tempore ars nulla efficere potuisset. Certum autem erat, multis id affirmatē contestatis, in annulo antea nihil omnino fuisse sculptum.

ob. Aquila 1608. 11. Sept.

Discere à mortuis colere B. V.

In annulo B. V. effigiem gestare. Illam cordi insculpere.

ANNO MDCIX.

1034 Sanctum esse, si dolores, vitam, ac mortem in DEI voluntate per manus Beatissimæ Virginis deponamus, ostendit Anicij hoc anno vitam explens P. Claudius Panceottus; cui ægro duos Angelos ad pedes adstitisse affirmant annuæ candenti corporis habitu, vultu speciosissimo: qui in fumis morbi doloribus posito nunciabant, notas illi molestias superesse deuorandas, & faucibus plenioribus potiones anxias hauriendas, quas in phialis aquā turbidā repletis coram miscebant; cum interim tertius adest, qui angoris terminum ait adesse: sic Regina cælorum visum; de cuius imperio & autoritate significabat se fuisse missum:

p. 205.

In morbo se illi totum dedere.

Qee

nc-

neque enim ipsammet longius abesse. Desierat loqui, simul ac B. Virgo cum Filio IESU spectabilis adstitit. Comitabantur Dominum Beati Claudius & Ignatius, hic parens, ille patronus: adhærebant aliquot de Societate Patres è cælo beati; qui omnes, lectulo proximi sponderunt futurum, breuè ut ducibus ipsis ad æternæ salutis portum inueheretur. Triduum superuixit. Hisce lectis dicamus cum S. Ephræm Syro: *Sub alis pietatis, atque misericordie tue protege, & custodi nos.*

S. de mar-
garita
pretiosa.

Accurate
vivere
ad legum
amissim.

L. de vir-
ginit. B.
V. c. 6.

Deipara
ac San-
ctorum
ope uti
contra
demonem.

1035. Inter perquisitas Deiparæ colendæ artes est, amore Beatissimæ Virginis ad officium suum exquisitiùs perficiendum accendi. Ioannes Verutia Coad. post auditam, ut ipse sibi visum aiebat, terriò vocem in solitudine; *Vel religio te manet, vel infernus;* tirocinio nostro adscriptus (quod Guadaxarienses literæ narrant), B. Virginem inter duos senes venerabiles meruit intueri: quæ placidè tirocinii renidens, vadem se obtulit pro eo nouam Filij sui militiam ingresso. Hoc Deiparæ aspectu adeo firmatus est Ioannes ad virtutem, ut ad regulæ perpendiculum fuerit semper in oratione assiduus, in opere indefessus. Audeamus & nos magna sperare à Virgine; dicamusque illi cum S. Ildephonso: *Adaperi os meum, & reple illud confessione misericordie tue. Tange os, & auriculam cordis mei.*

ANNO MDCX.

1036. Contra dæmonem quoquomodo infestum Deiparæ, S. P. Ignatius, ac Sancti quorum reliquias colimus, implorandi. Mutinæ dæmon è femina clarissimis ortâ natalibus pellebatur, ad ipsum S. Geminiani corpus in templo. Nocte ante festum Deiparæ proximâ tandem discessit, priùs falsus expelli se à tribus; à Deipara, Geminiano, Ignatio.

Vlyf.

1037 Vlyssiponz, feminae, vt se precipitem ageret, formidolosae altitudinis ascensum iterum, ac tertio molienti oborta lux, & conspecta species augustae Virginis candenti veste, ac eximio decoro spectabilis; quae desperantem coarguens, docuit, vt *Patres Societatis conueniat*. Turiasonenses quoque duo nostri cuidam à Beatissima Virgine, auro gemmisque conspicuam in somno perlanato promissi sunt, cum illa diceret; *pacem se ei reddituram per duos Religiosos viros ei submitteudos*. Experrectus ille in sacello, vbi tunc pernoctarat, eos ipsos de Societate vidit ingredienti quos ei B. Virgo promiserat, & quidem eorum alterum videbatur sibi conspiciere circumfuso splendore insignem. Expiatus, pacem inuenit.

*Consilium
& consul
torem ab
illa pete-
re.*

pag. 462.

1038 Ad generalem exomolegesim hortari eos quos eam egere opinamur, prius tamen ope Dei parae imploratam, Melitae socijs cessit feliciter: quorum hortatu quidam cum id agere destinaret sed difficillimum putaret; intempestae noctis silentio expergefactus, vigil, & apertis oculis B. Virginem MARIAM contueri sibi, audireque est visus, suauissimis verbis exordientem, & singula ordine peccata quae antea primo generaliter confitentis memoriam fugiebant, ob oculos ponentem: quae deinde primo diluculo statim Sacerdoti aperuit. *Aue*, inquit ad B. V. S. Ephraem Syrus, *aue porta calorum, & scala, ascensusque omnium. Aue clavis Regni calorum.*

*Annua
p. 22.*

*Illius au-
xilium pe-
tere, pro
generali
confessio-
ne optime
obeunda.*

*De Mar-
gar. pre-
tios.*

1039 Hoc anno Aquilae Beatissima Dei Mater ad quandam Virginem IESVM infantem attulit, se illi spectandam praebens, vt ferunt impressae annuae literae. Videbatur sibi etiam intueri longam seriem splendidae supplicationis quam noster cum vexillo

pag. 44.

Qqq 2

illu-

*Societate
Christo
per illam
commen-
dare.*

illustri præcedebat stellâ splendidâ in fronte notatus, socijs alijs item fidere corusco in fronte micantibus, & omnem turbam ad rectum iter dirigentibus quâ ibatur ad cælum. Hos IESVS è MARIÆ sinu dicebat è Societate suâ esse, qui alios ad cælum industriâ & labore suo deducerent, instruerent, vrgerent, dirigerent. Et uerò illa Virgo, viso postea de Societate quodam, agnouit quid hoc vestis esset, ac dixit: vestes à se in spectaculo illo visas illi fuisse simillimas. Orandus cum MARIA IESVS, vt hoc in Societate decus pro gloria sua perficiat.

*ann. p.
367.*

1040 Friburgi hoc anno ad ægrum adolescentem vocatus de Societate confessarius, illi quædam de B. Ignatio, & P. Canisio suggestit, vt illum ad confessionem accuratam induceret. Votum concepit adolescens, confessionem totius vitæ instituendi: & ecce nocte proximâ offerri visa est illi species Beatissimæ Virginis inter duos è Societate Patres mediæ, ac dicentis: Nostine, adolescens, qui latus meum hinc & hinc cingant? Ille responsi anxius, aiebat postea sibi ab eo quem B. Ignatium credebat vestem oblatam, vt eam indueret. Confessus conualuit, & Societatem amplexus est.

*In fine
operis de
Mar.
Deip.*

Verissima est illa P. Canisij ad B. V. oratio: *Augustissima Regina, eademque fidissima Mater MARIA, quam sine fructu nullus implorat, & cui mortales omnes beneficiorum memoria sempiterna deuincti sunt.*

*ann. p.
472.*

1041 Hic annus Granatæ supremus inter viuos fuit Baptista Coadiutori magnâ planè virtute præcellenti. Is olim è primâ probatione (in quâ diem quinquagesimo versabatur) grauissimo dæmonis impulsu fugam per solitudinem meditatus, cum respexisset, adesse sibi videre visus est Beatissimam

Vir-

Virginem MARIAM (quam stipabant hinc S. Petrus Apostolus, inde S. Barbara quibus Baptista iam pridem erat additus) benigno vultu hortantem, ut eâ sorte statuque contentus perfeneraret, in quo vitam esset consecuturus æternam. Quo ille solatio confirmatus, cœptis insistere quantâ posset contentione corporis animique decrevit. Et id præstitit læuolenter.

1042 Bartholomæus Camerlenghus Coad. sub vite finem candidè significauit, Beatissimam Virginem cum pulcherrimo paruulo IESV sibi coram sæpè adesse visam. Hinc illi fluebat admirabile quoddam lumen, in quo noxarum suarum atomos vsque adeò peruidebat, ut confessionem non nisi magno cum singultu, & lachrymis exequeretur.

ANNO MDCXI.

1043 Pulchræ dilectionis, & sanctæ spei Mater est Virgo Deipara. Per illam rogandus Deus; *Domine, adauge nobis spem.* Occubuit hoc anno Neapoli Marc. Ant. Rinalta, cui (cùm Patauij Nouitius versaretur) inter quietem Beatissima Virgo, Campaniensis dicta, salutem ac beatitudinis brauium pollicita fuisse narratur.

1044 Magistri Jacobi Mlocki hoc anno defuncti assiduam in pia lectione cōstantiam, patientiam, Angelici exempli modestiam, preces post sumptam diuinam synaxim ad horæ spatium extensas posteaquam laudauêre Rigenses literæ, quomodo, & quanto felicitis operæ pretio Deiparam coluerit, sic exequuntur: B. Virginem præcipuâ veneratione prosequeretur, officium & rosarium ei indies velut ordinarium pensum persoluens. Ipsa sanè benignissima Patrona solatio suo ipsum dignata, extremum etiam mortis diem ei apertè prædixit. Nam de-

Constan-
tia & hu-
militate
illam co-
lere.

ob. 1610.
10. Febr.
Regij.

Lumen
pro tene-
ritudine
conscien-
tiæ per il-
lam à
Deo pete-
re.

ann. p.
27.
Mors.

ann. p.
669.

Constan-
ter illius
officium,
& rosa-
rium reci-
tare.

*Purif. B.
V.*

*Patientia
illam co-
lere.*

orat. 2.

*ob. 1611.
Pro con-
cione opē
illius im-
plorare.*

*Laborare
pro salute
animarū.*

decem circiter diebus antè obitum (erat is Virgi-
nis purificatæ sacer) cū Sacerdos quidam è no-
stris re diuina peracta è templo rediens ad ægrum
reuiseret, sciscitatus hic, num & in templo B. Vir-
go adfuisset, affirmante Patre subiunxit Iacobus,
quemadmodum ferunt annuæ; Reuera & hâc me-
cum, duabus alijs comitata Virginibus, fulgenti
admodum forma, & decore fuit, significans me
breui hinc ad cælestium Societatem migraturum:
modicum interim adhuc ferendum. Biduo antè
mortem alij cuidam; Magnos, inquit, hîc habuimus
hospites, exhilarante me præsentia sua Beatissima
Virgine: & iam mihi abeundum erat, nisi dilatio
exigui temporis fuisset concessa. Adiecit; quòd cur-
rus B. Virginis quo animas in cælum auertere so-
leat, in medio conclauis consisteret. Postridie de
ijs quæ dixerat, monitus, dixit se eorum optimè
meminisse; non dormiuisse, pacatoque animo ea
omnia dixisse. *Paratus interim, inquit, sis moro
ad tempus designatum.* Nempe ei quot adhuc annos
esset victurus, vt ferunt, prædixerat. Oremus illam
vt nos eò ducat, quæ S. Andreae Cretensi dicitur
currus DEI.

1045 P. Bernardo Colnago 8. Decembris de
B. Virgine dicere iussu, & inter sacrificandum opem
à DEO ac DEI Matre ad id petenti, Angelus è cæ-
lo veniens clausam schedam glutendam dedisse
fertur. Glutiuit Bernardus, & dixit seipsum quo-
que mirificè supergressus.

1046 Aliàs de illa qualem illam à se conspe-
ctam putaret loquens; Imposita, inquit, meo pecto-
ri sua manu, mihi dixit: labora nauiter & indefes-
sus pro salute animarum: & affer, atque adducas mi-
hi animas: hoc enim obsequium præ omnibus est
mihi

mihî longè acceptissimum, atque charissimum.

1047 Falsus aliquando est, illam sibi in altari videri visam cum sacrificium offerret Deo. Aliàs cum clausis portis idem faceret coram celebri B. Virginis imagine, ministro quoque iussu tantisper abstinere, visus est ab ijs arbitris qui clam per portæ rimas quid ageret introspiciebant, nudis genibus repere ad altare: tum sacrificij ipsius tempore chartam (tanquam memoriale, vt vocant) Beatissimæ Matri porrigere. Idem fecit postridie: & gaudio iucundè gètiens, ecquid lætitiæ id esset rogatus, respondit: Hodie certior sum redditus amicum quendam meum damnari non posse. Taceo anes, illius, vt aiunt, iussu, IESV MARIA cantantes, de quo in vita.

In sacro.

In sacello B. V.

1048 Crucifixi amorem per MARIAM esse petendum, & huius amorem vicissim à Crucifixo esse flagitandum suadet id quod sequitur. Paula Pellirona Caranensis manè sub auroram videre sibi visa est Iesum in cælo aperto, collucentibus pedum, lateris, ac manuum quinque pulchris vulneribus. Ad Christi verò dexteram Beatissimam Virginem iunctis piè ac modestè manibus cum maiestate stantem, defixo in Filium Iesum obtutu. E regione IESV, & MARIE denique P. Bernardum Colnagum vitâ iam ante functum, splendidâ Societatis Iesu veste gloriosum. Hæc illa coram sacris iudicibus ritè cum testaretur, aiebat sibi hæc narranti cor imbuti sensu tenero liquidissimæ voluptatis.

A Crucifixo petere amorem erga B. V.

1049 Thomas Cannonius Coad. mira charitatis coniunctione Deiparæ adstrictus esse diuinitus est ostensus. Ad huius mortui cadaver visam ferunt eum Angelis è cælo descendere DEI Matrem, Angelis.

ob. 1611.

17. Iun.

Mortem
suam illi
cruce cora
mendare.

pag. 103.

Spes sa-
luis.

Confessio.

ode 6. de
B. V. fol.
415.

lis sandapilam corona cingentibus, & sparso odo-
re cœlesti honorantibus.

ANNO MDCXII.

1050 Cum ijs qui graui peccatorum onere,
pressi desperanter ferè cogitant de salute, blandè
ad spem erigendis laborandum suadet exemplo suo
ipsa Virgo Deipara. Puellæ grauibus noxis op-
pressæ cogitatio desperationis frequenter iniicieba-
tur; cui magna Mater, cum se præsentem stitisset
(vt perhibent annuæ Castellanae) blandissima ora-
tione spem fecit salutis; Societatis Iesu Patres desi-
gnauit, quibus se Sacramentis expiandam traderet.
Sed non paruit seu pudore, seu dubitatione nisi
oblatis prohibita, donec iterum à Virgine Mater
clarius increpita, vix cœperat exequi quod iussa
fuerat, cum eam desperationi succedens suauissima
dulcedo animi recreauit, quæ deinceps quoque
perseuerauit. Mexici etiam hoc ipso anno. Inda-
mulier octo iam annos peccata quadam confessa-
rio suo celabat ea spe seu errore, vt eorum impu-
nitatem à Virgine impetraret, quam eo nomine iei-
unio crebro ac precibus sibi studebat demereri.
Errorem illum Beatissima Virgo vti depelleret, per-
quietem ei se dicitur ostendisse, ac dixisse; gratas
sibi adhuc preces fuisse. Tum postridiè manè Se-
minarium nostrorum petere iussisse. Egressurum
statim in templum Sacerdotem, interrogaturam-
que; num quid velit? Ei respondeat: Confessio-
nis causa se venisse. Ita omnia euenère. Ibidem
cuius, Angeli custodis primùm, tum diuinæ paren-
tis iussu (si fides ipsi id affirmanti neganda non est)
peccata apud Sacerdotem nostrum expiauit. Imi-
temur suauitatem Matris misericordiæ his tam-
propitiæ: quam laudans S. Ioannes Damascenus,
cir-

circa illam dulcia vult esse omnia, etiam ipsas nubes quas ita compellat: *Nubes, pluite dulcem latitiam omnibus hominibus.*

1051 P. Gaspar Federichus Panormi æger in Collegio medicinas quaslibet obedienter accipiebat cum ei diceretur; hoc illi à Beatissima Virgine Matre mitti. Nocte quâ decessit, cuidam dictum ferunt diuinitus: Nunc cælesti gloriâ donari, eamque ingredi religiosum Panormi nocte illâ extinctum. Hisce verbis auditis, mox Collegij æs campanum quo P. Gasparis mors nunciabatur, auditum est. Nec alius quisquam religiosorum eâ nocte istic decessit.

1052 Burdigalæ tirones duos in Societate retinuit Virgo Mater, cum eorum votis sollicitata, vtrique sanitatem restituit; febre ab altero depulsâ, infestissimâ sex mensium grauedine ab altero.

ANNO MDCXIII.

1053 P. Sebastianus Sarmiento Deiparæ laudum variè ac scitè celebrandarum studiosissimus, à demonibus aspectabili specie sæpè se oculis obijcipientibus crebrò vexatus, à Beatissima Virgine contra illos etiam extremo in morbo defensus fertur; fama enim est eam illi vnâ cum Christo apparuisse, eumque solatam esse, Angelis cæleste carmen canentibus. Atque inter hæc delicias desijt viuere inter mortales.

1054 Quicquid admirabilium deliciarum vel beneficentiæ cuiuscunque Sodalibus suis exhibet DEI Mater, id Societati hortamento est ad eos in eius cultu per omnem industriam educandos. Plenæ horum beneficiorum sunt annuæ. Hoc anno apud Vlyssiponenses lectulo affixum Sodalem grauis morbus, at maximè nauſea, enecabat, cum de-

R R R

plo-

Obedien-
tia.1612,
Mors.

ann.

p. 707.
Valetudinem suam
illi committere.
ob. 1613.
8. Aug.
Burgis.
Contra
dæmones
ab illa
opem postulare.

p. 734.

*Aegros vi-
sere.*

*Speculi
fol. 39.*

*Annua
pag. 218.*

*Dei Ma-
tris opem
exposcere
pro here-
ticis con-
uertendis.*

*Annua
pag. 301.*

*Item in
morbo.*

ploratâ iam valetudine aiunt ægro blandiri visam,
Deiparam, & puerum pomorum calathum illi ob-
tulisse, ac nauseam illi omnem, morbumque abster-
fisse. Sint Sodalitates, imò animæ nostræ, ancillæ
huius Dominæ. S. Bonaventura, *Ancilla*, inquit,
Dominæ MARIÆ est *quælibet anima fidelis*.

ANNO MDCXIV.

1055 Etiam hoc anno Virgo Mater operâ no-
strâ uti dignata est quando puellam Lutheranam,
ad quendam de Societate Patrem dicitur direxisse,
ut ab eo institueretur in fide. Virgo Norimber-
gensis, aiunt annuæ Rhenanæ, honestis, & copiosis
nata parentibus, Lutherano in ritu, Angelicæ Salu-
tationis formulam ex Catholico didicerat, eamque
DEI Matri studiosè recitabat. Quo genere officij
assecuta est, ignara licèt, ut Deiparam sibi concilia-
ret; cuius per quietem admonitu iussa est Bamber-
gam proficisci erudienda Catholicis instituti-
bus ab eo de nostris Patribus *qui designabatur*. Cu-
ius nocturni visi ut maior constaret fides, *ille idem
Sacerdos noster à Beata Virgine iussus est* (ut ipse aiebat)
aduenientem puellam excipere, ijs indicatis argumen-
tis, vnde posset agnosci; adiectis etiam ad ceteras
notas singularibus euentis, quæ Virgini Lutheranæ
omni vitâ obtigerant, vel ijs quoque, quorum vnum
DEVM conscium haberet. Aiebat hæc postea tum
iam Catholica; nulli hæretico posse accidere, ut cum
hæresi è vita decederet, cui cælorum Regina fuisset
in honore.

1056 In huius anni literis Antuerpiæ B. Virgo
Aspricollina, Fratris nostri, diris tetri morbi crucia-
tibus conflictati, *vois sollicitata* eum derepentè
persanauit, in quem summa Medicorum ars suam
vim omnem frustra expromperat. Et ad strangu-
siz,

ria, cruentique vomitus & laterum acerrimos dolores, accesserant atrocissima frequentium conuulsionum cruciamenta: vt ex copia fetidi puris ab ore manantis, & intolerabili immanium dolorum carnicinâ, medici conijcerent ei omnia viscera fœdis abscessibus, aut grangrænæ pestibus, tabida frustillatim decidere: vnde nulla vis humana eum ad vllam spem saniratis vnquam excitaret. Itaque quò minus præsidij sibi reliquum factum vidit æger in mortali ope, hoc acrius & confidentius animum erexit ad immortalium Patronorum exoranda subsidia; sed nominatim Magnæ Matris Aspricolinæ: cui, bonâ præsidum veniâ, cum vota nuncupasset, euestigio consanuit. de cuius morbo, & sanatione iurati Medici scripto suo & chirographo deinde responderunt: grauitatem multiplicis mali eam fuisse, cuius efficiendæ sanationi non repentinæ modò, sed cuiuscunque, ars nulla humana par esse potuerit. Sic Antuerpiensis epistola.

1057 Valencenensium quoque sociorum horatu pro ijs qui in subterraneis lapidibus cædendis laborant erectum in propinquo Sacellum DEI Parenti. Eiusdem è Sichemiensi quercu elegantissima efficta sigilla varijs in templis, eorundem Patrum operâ, collocata continuò celebrari cœpta sunt, multiplici depulso morborum prodigio.

1058 Talabricensium sociorum vni, dum in pagana missione versatur, ægramque visens in putri scabello sedet, ita locutam ægram aiunt annuæ Toletanæ: Nocte superiore se vidisse Angelorum Reginam cælitibus comitatam, quæ sibi totâ nocte ad auroram vsque adstiterat, in eo ipso scabello, in quo Sacerdòs sedebat. Recordabatur omnium quæ Beata Virgo dixisset: nimirum collau-

pag. 616.
Ægror e-
ius exem-
plo inui-
sere.

Rosariū. dare mulieris deuotionem, quòd singulis diebus recitasset Rosarium, confessionem frequentasset & sacram synaxim, labores sustinisset patienter; ac tandem monuisse ut cum aliquo de Societate rem certam tractaret, cuius in confessione oblita esset annis superioribus. Perseueraret porrò in sua deuotione; seque apud IESVM filium ei patronam futuram. Inter quæ verba cum ægra complecti præ amore DEI Matrè cupiuisset, ipsa Virgo derepentè sublimis abiuit in cælum, multâ pompâ eam comitante.

Confessio. 1059 Occubuit hoc anno in via Mag. Gabriel Bayle Vrgeliam Gerundâ missus, ut humaniores literas doceret. Oppidani eius virtutem admirati, eum Sanctum appellabant. Morti proximo (ait Gerundense Collegium) oblata est *Deipara*, cælitum frequentissimo septa comitatu, ac deinde Christus ipse manibus texens corollam; quibus spectandis incredibiles animo iam prægustaret delicias. *Maxima portarum cæli MARIA*, inquit Rupertus Abbas Tuitiensis. Hæc vnâ cum IESV patuit Gabrieli hinc egressuro.

Ad confessionem benè faciendam eius opem exposcere. pag. 638. 1060 Apud Tarraconenses quidam post obitam confessionem, & sumptam Eucharistiam, dubitare cœpit an ritè fuisset expiatus; adhibuitque sibi Beatam Virginem, ut eius ope doceretur, si quid omisisset; cui per somnum indicata sunt certa quædam peccata, quæ iubebatur recollere apud Sacerdotem. Redijt ergò ad nos, aiunt literæ Toleranæ, ac multo cum fletu iterùm confessus, animo deinceps acquieuit, egregiè memor accepti à magna Matrè beneficij.

pag. 634. 1061 In Boetica verò quendam peccata ferè opprimebant. Sed illi opitulari visa est Virgo Mater. Eius enim ope implorata, grato sopore correptus,

reptus, videre sibi visus est Angelum, benè sperare, inbentem, & hortantem *ut adiret ad nostrum Collegium Cazorlanum, ubi apud Ministrum Collegij sarcinam deponeret.* Tum experrectus, ad Collegium, accurrit, Ministrum offendit, & magna voluptate, conscientiam expiat, DEI Matri, Angeloque obediens.

1062 Hoc anno Vallisoletanorum in Mexico Sociorum vnus repente conualuit, imploratâ DEI Matris ope, & eius sacri conceptus imagine capiti adhibitâ, cum antea salutem ipsius medici conclamassent, vt scribit Prouincia Mexicana.

Item in morbis.

1063 Lusitana demum quiddam affert quod omnes qui confessionem peccatorum instituunt ad implorandum IESV, ac MARIE auxilium blandè inuitat. Fœminam peccata sua nullius auribus in Sacramento vnquam committere audentem, quòd de secreti fide anxie dubitaret, iamque furenter extrema omnia molientem dæmon variè trahebat in barathrum, portentis quoque obiectis. Atque quiescenti adesse visa est seuerior Virgo Mater cum paruulo in sinu IESV, qui duos è Societate illi monstrans, Eia, inquit, hosce vide minimè suspectos quibus peccata tutò credas. Benè manè in templo Societatis, ante IESV & eius Matris aram supplex, ecce tibi duos illos de Societate videt tum primùm in oppidum appulso, templumque ingressos. Et imperata fecit, toto animo expiato.

*pag. 740.
In confessione.*

1064 Lublini Vngarus vir nobilis, sed ab auita fide alienus, à quodam de Societate inuitatus, vt postridie se susteret de fidei controuersis disceptaturus, & responsurus. Interim tamen, vt veteris Vngarorum erga Deiparam pietatis memor, se-
det

Legere libros qui illi placent.

non qui obsint legenti.
pag. 406.

Illam pro hereticis orare.

In scrupulis illam orare.

serm. 4. in Nat. B. V.

det in preces, eamque Præsidentem deligat disputationis, unico veritatis studio instituendæ. Digressus Vngarus, codicem accipit à ministro hæretico, se concertationi paraturus. Prius tamen paret bono Patris consilio, & se in conclaue ac preces dat, effusus in genua; vt illa veritatis Mater, veritatem quærenti, veritatis magistra, & conscientiæ sequestræ esset apud Filium: se certè in eius potestate tuturum. Inde assidens, inquit annuæ, suam lectionem aggreditur; sed ei vix oculos in apertum volumen demittenti, augusti oris formosissima Virgo adstitit (seu visa est assistere) excussitque procul è manibus damnati argumenti codicem, intentatis minaciter pœnis, si pergeret porrò legere: qui tamen siue audacia, siue ab impotentia mentis librum humi colligit: quam ad contumaciam excandescenti similis Virgo iterum, sed asperius, librum deiecit, additque seueræ expostulationis hæc verba: Hæcine promissorum fides, quibus te adstrinxisti, cum inter precandum me conuideres? Tantum verborum locuta cum indignatione, lumen extinxit, & abiit, vehementer emollitâ hominis contumaciâ. Postridiè hæresim est execratus.

1065 Eodem hoc anno Limanum tyrocinium scribit; adolescenti de antea acta vita molestâ religione stimulo, & sæpè cum lachrymis precanti visum noctu per quietem, quasi Christo è cruce pendenti à Matre Virgine sisteretur, eiusdemque clientelæ commendaretur, ac eiusdem Virginis hortatu ad ordinem nostrum impelleretur, si quidem absolui cuperet animi angustijs, & humanæ vitæ periculis. Hugo de S. Victore: *MARIAM, inquit, sæpissimè salutemus. Sæuit mare, fremunt venti, surgunt fluctus turbulenti. Tu nos Mater, Perenates libera.*

Vlti-

ANNO MDCXV.

1066 Ultima Ianuarij die hoc anno extinctum est magnum Societatis lumen P. Claudius Aquauina. Is prius quam in Præpositum Generalem eligeretur, quindecim diebus ante, Florentiæ à Camilla Cardì, magnæ virtutis fœmina, P. Petro Blanca Rectori Collegij prædictum est, fore vt ipse legeretur. Is P. Gregorio Mastrillo rem retulit. Vbi Roma de illo electo literæ appulere, Camilla interrogata, quomodo id futurum rescuisset, dixit: sibi oranti visum P. Claudium inter SS. Augustinum & Bernardum (quos Claudius impensè colebat) & cum Beatissima Virgine Christum etiam adfuisse, eique Societatem commendasse. Scripsit hæc Romam P. Carlo Mastrillo Gregorius; & ab illo accepit, etiam in Congregatione visam P. Claudio Matthæo Prouinciali Franciæ DEI Matrem. Oranti enim illi vt videret quem eligeret, visum P. Claudium Aquauinam inter S. Bernardum, & B. Ignatium (in cuius Ignatij complexu etiam sub idem tempus ab alio visus est Claudius) à Beatissima Virgine æterno Patri, ac Filio commendari. Accepit Matris commendationem Christus, & P. Claudio Societatem commisit. Secuta suffragatione electus est. Hac etiam eligendi Claudij diem antecedente nocte, Parisijs in Collegio quid viderit P. Richardus Flaminius Hibernus, retulit sequenti die P. Iacobo Tyrio. Etenim illi oranti pro felici Generalis electione, Beatissima Virgo videri est visa, à qua ipse sibi induci in suffragationis faciendæ comitium videbatur. Ibi eadem Virgo iuuenem quendam Patrem in medio stitit, & ad Patres electores; Ecce, ait, Claudium Aquauinam: illum in Generalem eligit. Consensere Patres & visum eua-

Superiores bonos à Deo per illam petere.

Et ab illa.

euanuit . quod verum fuisse literæ postea Roma redditæ nunciauere . Vide hæc , ac his plura anno 1581. pag.448.

ob. 1615.
14. April.
De Soc. B.
V. sacra
p. 307.
Vocatio.

1067 *P. Sebastianus Barradas* cuidam in religiosa vocatione vacillanti expressè dixit , inquit *Burgesus* ; *Beatissima Virgo* , mi-frater , iussit me ingredi *Societatem IESV* . identidemque hoc abrep- tus feruore repetijt : *Ipsa DEI Mater* mihi imperauit ipsi : ipsa me iussit ingredi *Societatem IESV* . Et rumor percrebuerat aliquando , *B. Virginem Patri Barradio* locutam fuisse ; vtque *Societatem Filij sui* ingrederetur , imperasse . Quis inde abeat quò suos *Virgo* mittit ?

ob. 1615.
Molinis .
2. Febr.
Vocatio.

1068 *Mag. Nicolaum Hagais* de *Societate* in- eunda deliberandum , ac timentem ne esset parum idoneus , *Beatissima Virgo* coram solari visa *S. Patri Ignatio* commendauit , suumque illi auxilium , promisit semper adfore in vita , & in extremo vita .

ob. 1615.
Tarraco-
na .
Benedi-
ctionem
ab ea pe-
tere .
ob. Romæ
1615.

1069 *P. Ignatium Blancum* fama est conspectum fuisse genibus nixum penes *B. Virginem* , quæ illi apparebat ; eidemque in suam fidem accepto suum auxilium promittebat . De *P. Petro Antonio Spinello* refert *Cæsar Dengenius* in sua *Neapoli sacra* pag. 231. chartam , quæ pro imprimendo eius de *B. Virgine* tomo veniebat , solam fuisse ab aquis intactam , teste typographo , cum reliqua charta omnis in nauis permaduisset : idque bis euenisse . In *Domo Lauretana* duas noctes duxit vigil , vt honorem quendam à se arceret .

ob. 1616.
Consilium
ab illa pe-
tere .

ANNO MDCXVI.
1070 *P. Bernardinus Realinus* adolescens tunc adhuc , deliberans ecquem è religiosis ordinibus capefferet , coronam *Deiparæ* attentius recitabat .
cuna

cum ecce tibi consultrix Virgo magni consilij Angelum puerum IESVM tenero sinu gerens, illi se visa ostendere consilium dedit, vt se vexillo Filij sui in Societate IESV addiceret. Eadem illi postea Neapoli, iam Societati adscripto, dicitur adfuisse; & mirum quoddam puritatis nullâ deinceps rebellionem tentatâ donum à suo Filio impetratum, dedisse.

1071 Ingressus erat diuinorum beneficiorum seriem altâ mente perpendendam idem P. Bernardinus anno 1561. 3. Iulij manè, cum claram ac serenam nubem coram se aperiri, & in illa MARIAM augustâ maiestate nobilem atque amabilem videre se arbitrâbatur, quæ porrectâ illi manu dicebat: *Veni amice, veni!* sensitque se moueri loco, cum tunc sederet.

1072 Eundem Litanijs recitandis vnâ cum reliqua Patrum coronâ intentum coram imagine Deiparæ (quæ nunc in eius cubiculo in B. Virginis sacellum verso seruatur) Beatissima Virgo fertur inuisisse, ac ad flagranter precandum ipso illo suo aspectu accendisse. Fuligatus in eius vita ait illam ei frequentissimè spectabilem adfuisse.

1073 Aiebat Iosephus Papina sibi in tentatione IESVM & MARIAM e Realini formulâ innocanti adesse visum ipsum Realinum, tunc licet absentem, idem sibi eo iam mortuo contigisse, seque ab illo etiam verbis contra hostis tentamenta firmatum. Inter natales Christi ferias in tenuissima veste obrigescens, iussus ad suum conclauem se contulit. At præuenisse fertur eum qui Bernardino carbones afferre iussus fuerat Coadiutorem Virgo Mater, & inter caelestes Angelorum canentium choros, illum qui ignis consumens est, IESVM paruulum Bernardino

Et donum puritatis.

Bonas inspirationes sequi.

3. Iulij

Litanias attentè recitare.

cap. 16.

In tentatione.

In frigore.

dino in amplexus iam olim notos dedisse. Media ferè hora illi lapsa erat inter illas delicias, cum Coadiutor ignem afferens, Bernardinum inuenit mirificè æstuantem, ac hæc identidem repetentem: Adhuc paulum, Domina; adhuc modicum. Ac totâ deinceps hieme frigus nullum sensit. *Ad te venio.* (verba sunt S. Ildephonsi ad B. V.) *ut facias me diligere gloriam virtutis tuæ: ut reueles mihi multitudinem dulcedinis filij tui.*

Libro de
virginit.
B. V. c. 12.

1074. Moriente P. Bernardino Realino referunt processus, vt vocant, Thomam Santorum. Notarium in lecto quidem, sed vigilè apertis planè oculis vidisse picturam elegantem, in qua viridi veste amicta Beatissima Virgo, & parvulus in sinu Iesus augusto maiestatis aspectu videbantur. Ad Matris cælestis dexteram erat S. P. Ignatius, qui Reginz cæli P. Realinum offerebat pone de utroque genu supplicem, Virgine Bernardinum aspectu osculoque dignatâ, eumque libenter accipiente in fidem. *Beatus populus qui celebranda beatitatis tuæ desiderio flagrat.*

S. P. Ignatius.

S. Ioseph
conf. 7.
Martij
ad B. V.

1075. Franciscus Marius Sacerdos sædis vlceribus coopertus, dixit visam sibi videri Beatissimam Virginem, quam prostratus in genua P. Realinus (tunc iam mortuus) pro ægri salute orabat. Annuit, & promisit illi ægri sanationem Virgo; sed simul imperauit, vt æger vngeretur oleo lampadis MARIANÆ. Fecit imperata æger, & intra octo dierum interuallum planè consanuit. Corporis, & animæ sanitatem ab ea poscens, Ioannes Damascenus *Fluctus*, ait, *mitiga ærumnosissimæ animæ meæ, & dolores carnis seda, tu quæ sola sine dolore amatorem hominum Deum peperisti.*

In morbo.

Dom. ad
vesp. ode.

1076. P. Ludouicus de Alabes Indus, hoc anno in.

in odium fidei trucidatus, Deiparæ colendæ per-
studiosus, ab ea ei ter locuta ex imagine certior
factus fertur, fore ut in odium fidei cæderetur, die
quoque nominatim præstituto, ut retuli in Anno
dierum, mortiumque illustrium.

ANNO MDCXVII.

1077 Quanto operæ pretio sit cohortatus
P. Martinus Guttierrez Patrem *Franciscum Suarez*,
hoc anno extinctum, ad B. Virginis gloriam su-
pra omnia omnium Sanctorum gratiæ & gloriæ
decora Scholastico etiam ingenio celebrandam,
quàmque id benè præstiterit Franciscus, audi è
P.F. Elia à S. Teresia sic scribente: Quin & aliquan-
do B. Virgo P. Martino Guttierrez actum gratias
veniebat quòd Francisco Suarezio autor fuerit, ut
in sua prælectione publicà professus fuerit; plus gra-
tiarum, & donorum eam solam recepisse quàm reli-
quos omnes Sanctos simul.

1078 Thomam Stilintonum Messanæ in tiroci-
nio morientem sacra obedientiæ religione coactum
hæc de se dixisse restantur qui illi adfuere. Aiebat
se in Flandria inter precandum de salute satagenti,
& absorto videre sibi visum Beatissimam Virgi-
nem Matrem DEI inter Beatos Patres Ignatium,
atque Xaverium; à qua Thomas duci sibi videba-
tur manu prehensa per viam aliquam pulcherrimæ
amœnitatis, ad fabricam quandam insigni operæ
augustam. Huc ingredi, aiebat Virgo Thomæ:
hæc erit habitatio tua. Augustam illam molem
aiebat Thomas fuisse templum Societatis. Tum
oratione ad Beatos PP. Ignatium & Xaverium
versa dicebat Virgo: Hic iuuenis vester est: habe-
te illius curam: ego illum vobis committo. Ita
videri Virginem, & omnia, desijste. Pulcherrima

S s s 2 sunt

18. Nou.

Ingenio
illam co-
lere.

Legatio-
nis l. 2. c.
31. n. 61.

1617.
15. Sept.

Vocatio.

cit. lib. de
virginit.
B. V.

ob. 1617.

Contra
illusiones
illam ora
re.

In dubijs.

In rebus
afflictis.

In Bac-
chanali-
bus.

In men-
sa.

sunt illa S. Ildephonsi IESVM alloquentis: Ita ser-
uam Mari tuæ, ut ex hoc ipso probes me seruisse
tibi.

1079 Alphonfus Rodriguez, cùm anno 1606. fe-
b. 2. Pent. coram patente SS. Sacramento ardere se
totum, ac diuina pati sentiret, Deiparam rogauit
ne ab his deciperetur, si fortè illa non è fonte pu-
ræ lucis manarent. Aduisse aiunt sic oranti MA-
RIAM; & dixisse: *Cui, Fili mi, non credis? Super aspi-
dem, & basiliscum ambulabis, & conculcabis leonem,
& draconem. In manibus portabunt te, ne fortè offen-
das ad lapidem pedem tuum.*

1080 Idem Alphonfus absterfa quadam dubi-
tatione per B. Virginem (quam putatur coram
vidisse, & loquentem audisse) eadem iubente ca-
nentes Angelos dicitur audiuisse hæc verba: Quo-
niam in me sperauit, liberabo eum: protegam
eum, quoniam cognouit nomen meum. Clama-
bit ad me, & ego exaudiam eum: cum ipso sum
in tribulatione: eripiam eum: & glorificabo eum.
Longitudine dierum replebo eum: & ostendam illi
salutare meum.

1081 Idem Alphonfus cùm toto illo ante cine-
res triduo coram SS. Eucharistia supplex procum-
beret, non semel sibi videre est visus Beatissimam
DEI Matrē plurima comitum Angelorum societa-
te gloriosam DEO adstantem; quasi tunc Virgo cum
custodibus mortalium Angelis pro eius tridui sce-
leribus veniam precaretur.

1082 Idem inter vespendum aliquando ita su-
spirabat: *ò Domina, ah Domina! si ego sim olim
tam felix qui te videam in cælo! Respondisse dici-
tur illi Virgo: Alphonse; ita fiet. Videbis me in
cælo.*

An-

1083 Anno 1563 in Segouienſi Collegio inter agendum gratias poſt Euchariftiam ipſo Aſſumptæ in cælos Deiparæ die perceptam, iterum coram ſpectare ſibi viſus eſt cæli Reginam, ſtipante illam innumera vi Angelorum, ab æterno Patre maiestate, admirabili eleuatam, & coronari coronâ omnis pretij granditatem ſupergreſſâ. Tum Alphonſum Virgo manu apprehendere, ac Angelo tutelari, & S. Franciſco (quem Alphonſus religioſe colebat) comitibus, æterno Patri veluti munus offerre videbatur, repente in altum eleuatam, & in loco lucidiſſimo collocatam. Deinceps illi terrena omnia ſordium inſtar erant; & mirabatur mortales his capi. Nesciebat verò an hæc ſecum geſta eſſent in corpore, an extra corpus. Offeramus nos DEO per illam de qua Auguſtinus: *Tecum Dominus in corde, tecum in utero, tecum in auxilio.*

1084 Cùm portam aperiret, ac omnes cum reuerentia velut IESVM, & MARIAM alloqueretur, non ſemel illi ſe ſpectandos IESVS, & MARIA cum aula cælitum obtulere, vt communis fuit opinio.

1085 Sæpè cum B. Virgine illi adeſſe videbatur etiam B.P. Ignatius. Vnde ipſe ita ſcribit: IESV & MARIÆ comes erat B. Ignatius, magnoque numero Angeli.

1086 Ad ſpem ſibi erigi aliquando viſus eſt à Deipara, ſic loquente: Alphonſe, vbi ego ſum, ibi non habes quod metuas. tua enim curo & tueor, Faciam quod petis. Fidelis ero tibi qui mihi eſ fidelis. Eidem pro captiuis apud barbaros quibusdam precanti dixit B. Virgo ſe illi exhibens; illos curæ ſibi fore & cordi. Omnes in libertatem aſſerti ſunt. S. Bonauentura: *Domina, benedicta ſit dulcedo miſericordie cordis tui.*

Eidem

*Aſſumptæ
B. V.*

*Poſt com-
muni-
nem.*

*Terrena
contemne
re.*

*tomo 10.
ſ. 2. de
Annunc.*

*Omnes re
uereri.*

S.P. Ign.

*Fiducia
tenere in
illam fer-
ri.*

*Pro capti-
uis orare.*

Ps. 8.

*Per iter
illius me-
minisse.*

*In mensis
24. Mar-
tij.*

*Horas
suas illi
dedicare.*

*Amorem
erga illi
desidera-
re, petere.*

*Illi se fi-
dere.*

*Deo ser-
uire ala-
criter.*

1087 Eidem cum Patrum quopiam domo ex-
eunti, sudanti, ac inter orandum suavissimè la-
chrymanti, Beatissima Virgo dicitur adfuisse, &
candidissimo linteo sudorem illi, lachrymasque
amanter absterfisse. S. Sabbas illam vocat *Recrea-
tionem generis nostri*.

1088 Beatissima DEI Mater bis monuisse fertur
Alphonsum, ut in DEI amorem & gloriam descri-
beret precum catalogum quas quotidie recitaret:
Paruit; & est iste: 1. Corona B. Virginis 2. Lita-
niæ B. V. 3. Officium immaculatæ Conceptionis
quod mente tenebat. 4. Duodecies *Salve Regina*
& 12. *Aue MARIA*: ut singulas horas honori Con-
ceptionis illius dedicaret, ad impetrandam gratiam
ne DEVM vlllo grauiore peccato vnquam offende-
ret.

1089 Alphonso dicenti ad B. V. Ah si me tan-
tum quantum ego te amo amares! quàm felix vi-
uerem! Respondisse aiunt Deiparam: Falleris, Al-
phonse. Plus te amo quàm ipse me ames. De meo
erga te amore non est quod ambigas, cum abs te
tantoperè diligar, & sit amoris præmium redama-
ri. Aliàs verò: Quantum te diligo, Alphonse fili
mi? quantum te diligo! O quali charitatis ardore,
Alphonse fili, te requiro.

1090 Idem cum semel ac iterùm internā qua-
dam voce se insidiosè moneri aduerteret, ut *lentiùs*
festinaret, mæstus rem Deiparæ commendauit; quæ
illi, ut aiunt, ita locuta est: Alphonse, vbi ego sum
ne time. Confide, perge, perge Christo Filio meo
seruire alacriter: iuuabo ego, & particularem tui
curam geram.

1091 Aliàs leuis illius quidem, sed cordite-
nero importuni cuiuspiam sui delicti memor, cum
illud

illud expiare illicò haud posset, neque ramentem conscientia quiesceret, opem Deiparæ imploravit. Adfuisse illâ confestim Alphonso aiunt eius vitæ scriptores, & de venia huius ac omnium peccatorum securum esse iussisse etiam quoad pœnam. Affirmasse dicta suæ Matris Christum Alphonso amplexum dantem, cum lateri admouentem, oculoque dignatum.

Conscientiam tenentem operam operam illius conservare.

1092 Vehementibus doloribus vrgebatur aliquando Alphonso, & se diuino arbitrio dabat totum, cum ecce illi præsens adesse visus est IESVS & MARIA; & ille cælestibus plenus delicijs sanus illicò surrexit.

In morbo.

1093 Inter recitandum Rosarium MARIANUM, iisdem testibus, cælo repente aperto descendentem ad cor Iesum vidit, MARIA partem pectoris alteram occupante.

Rosarium

1094 Nouitium ad vomitum vt rediret à Patre tentatum cum DEI Matri commendaret Alphonso, videre sibi videbatur velut seueram Virginem, & mœstum illum coram illa Nouitium; nempe tunc ille paternis pellectus illecebris non nihil animo fluctuabat. Sed intendente preces Alphonso, MOX & MARIA serenior & Nouitius apparuere. Iterum rem vrgente apud filium Nouitium Patre, visum Alphonso & Patri tentanti, & tentato Nouitio tetram dæmonum caliginem imminere; at vincente Nouitio totam dissolui, ac euanescere; Angelos verò in cælo triumphum pro reportata à Nouitio de Patre victoria celebrare.

In tentatione.

1095 Idem Alphonso cum pro se, ac pro ijs de Societate qui ad diuinam synaxim ituri erant, DEI Matris, S. Ioachim, S. Annæ, & S. Iosephi, ac omnium Beatorum opem expolceret, post diuina.

In com-
munionē.

na peracta mysteria visum ei est delabi e cælo in fratrum singulos pulchrum lumen, & in illo illis insidentem, & acquiescentem admirabilem DEI optimi maiestatem.

Post com-
munionē.

1096 A percepto diuino Sacramento quiescebat in arcano silentio, *Te laudamus recitabat*; in quo silentio sæpè à IESV & MARIA visitabatur, eos etiam conspiceret sibi visus.

In morbo.

1097 Idem Alphonfus, olim tum adhuc puer paruulus, iacebat aliquando à sensibus alienus, & MARIE nomen inclamans, oculis semper apertis.

S. Casimi-
rus in
hymno.

Dixit postea, sibi eo tempore sæpius visum de suo pectore nescio quid grani sinapis intar prodire, quod in cælum sese surrigeret, atque sensim in templi vsque molem excresceret. Nempe MARIA- nus amor iacit in nobis alta sanctimoniz funda- menta, eius ope quæ est DEI templum, & exemplum totius iustitiæ.

Rosarium

1098 In Rosario recitando *Pater noster* attente pronuncianti Alphonso ostensa diuinitus videbatur rosa purpurea; *Aue MARIA* dicenti autem rosa candida. His rosis coronanda est illa quam saluans S. Basilius Selenciæ Ep. dicit: *Aue florentissime virginitatis paradise.*

orat. 39.
seu de
Annunc.

1099 Idem pro Leonora matrona ob naufragiū filij afflictâ orans, certior factum se affirmabat à Beatiss. Virgine; breui adfore illi solatium. quod etiam Collegij Rectori dixit Alphonfus, asseuerans breui Româ duos Leonoræ cognatos solatio ei futuros; quippe qui redituri sint salui, & aucti Ecclesiasticis dignitatibus. Ita omnia euenere.

Pro affi-
ctis orare

¶ pro cõ-
cionatori-
bus.

1100 P. Ignatius Blancus, & P. Melchior Mi- rellus, Ecclesiastes vterque insignis, se per Alphon- sum Deiparæ commenderant impensius. Pro vtro- que

que

quis oranti Alphonso visa est MARIA benignæ Matris maiestate amabilis, & coram illa duo illi pro quibus Alphonfus orabat Patres, quorum capitibus manus suas Deipara imponebat in pignus præfidij. Et verò illi se cælesti quodam flumine plenos experiebantur ad dicendum; haustâ nempe aquâ cælesti ab ea de qua Chrysippus Presb. Hierosolymitanus: *Aue nubes pluviæ potum animis sanctorum exhibentis. Aue quæ es puteus semper viventis aque.*

orat. de
S. Maria.

1101 Anno 1601, 1. Iunij Maioricæ morbo decesserat Iacobus Ruiz cocus; pro hoc tertiam Deiparæ coronam recitans Alphonfus, illum ad Beatissimæ Virginis latus videre sibi est visus in cælo gloriosum, & id alijs quoque narrare iustus est à Deipara. *Oramus te, inquit Bonaventura, Angelorum Domina, ut eis quos purgatorius ignis examinat, impetres refrigerium.*

Item pro
defunctis.

1102 Idem Alphonfus videbatur sibi post communionem, à B. Virgine, Angelo suo Custode, & S. Francisco sissi æterno Patri, & commendari. *Quando igitur, inquit S. Basilius Seleuciæ Ep. Deum incarnatum enixa Deipara dicitur, ad Deum precationis ope dirigar, ut verba mihi præeat.*

Opusculo-
rum fol.

Lxij. orat.
post Lit.
B.V.

Post com-
munionē.
orat. 39.
in An-
nūc. B.V.

1103 Idem quo tempore cum Beatissima Virgine tunc illi adspectabili sibi esse videbatur, audiuit are campano signum dari ad examen conscientie. Tum illa eum dimisit, iussitque id agere obedienter quod eo signo iuebatur. Aiunt illum etiam monitum à Deipara ut adverteret, se oculos per inconsiderantiam in quadam fœminam coniecisse. Introspexit conscientiam Alphonfus, & agnouit se in officina quadam casu id fecisse, adeoque indoluit, ut totis 44. annis nunquam fœmi-

Examen
conscien-
tie facere
diligenter

Obedire.

Oculos cu-
stodire.

m. f. fct. 2.
ode 1.

nam in facie deinceps aspexerit. S. Ioannes Damascenus ad B. V. *A passionum mearum sterquilinio, inquit, me erigas.*

Pro agris
orare.

1104 Pro Ioanne Prorege infirmo precanti Alphonso se ostendere, & loqui visa Deipara Ioannis cadauer velut in sinu habere videbatur, dicebatque se curam illius suscipere pro quo ipse oraret: intellexitque Ioanne mortuo, illi, ob ea quæ imminabant pericula fuisse vtilius tunc emori. Egregiè S. Io. Chrysostronus: *Nunc Matri Domini vos omnes addicite. Mater vitæ nostræ vitæ rescriptionem nobis attulit.*

serm. m. f.
in hypa-
pantem. et
S. in Nat.
B. V.
in morbo.

1105 P. Petrus Vragonitius è nobili sua domo in Societatem IESV transgressus, æger à vulnere quopiam cum pro deplorato haberetur, videre sibi visus est Christum specie resurgentis; ac vnà Beatissimam Virginem. Desiderabat ille quidem, ac petebat ire cum illis; at Beatissima Virgo ad Christum; *Quid huic, aiebat, an id quod petit faciemus? Cui Christus: Sine, Mater, modicum opus est vt laboret. Conualuit: & modicum illud fuere 30. anni, per quos in Vngaria, & Croatia insignitè docendo ac dicendo laborauit. Cabalista aiunt, quandam facierum Reginam Deo semper pro mortalibus Patronam assistere. Hæc pro nobis assistit.*

Pascha.

ob. 1617.
11. Aug.
Lugduni.
Oratio.

1106 In *Francisci Caguini* Coadiutoris elogio illud est singulare, quòd ei Beatissima Virgo sepersèpe spectandam præbuisse, neque illi petenti quicquam vnquam negasse dicatur.

ob. 1617.
22. Aug.
in Mexico
Vocatio.

1107 P. Ioannes Ferrus cum coram B. Virginis imagine Maceratæ in templo nostro ardentius ac sæpius precaretur, vocem sibi audire visus est, quæ distinctè monebatur, vt se in securum Societatis portum reciperet; eique facilem aditum promittebat.

Ma-

ANNO MDCXVIII.

1108 Maria Nateria è ditione Genuensi feriâ
2. Pent. casu quodam in mare delapsa, iam in-
altum ferebatur. Ergo in tanto suo periculo Bea-
tissimam Deiparam, & S.P. Ignatium implorat, sex-
to ante illum diem die visæ per quietem imaginis
recordata, in qua sibi videre videbatur, se B. Virgi-
nis & S. Ignatij ope de graui maris periculo ereptam
fuisse. Quare ad S. Ignatium aiebat: O Beate
Ignati, iuua. Non ignoras me in religione tua
duos fratres habere. Vt primùm sic orauit; maris,
periculi, mundi oblita, nube candidâ & suauissimâ
luce illustri circumdata sibi videbatur. Varia ibi
caelestium spirituum species inexplicabili pulchri-
tudine totum illius animum occupabat. Videba-
tur illi, quasi videret & ipsam cæli Reginam augu-
sto sinu lumen pleno splendore fundentem; & vo-
catum iterum Ignatium, è cælo apertis brachijs
vultu flammeo emicantem; quem etiam Beatissima
Deipara porrecto digito indicabat, & dicebat; opem
periclitanti ab eo afferendam. Dixerat illa olim
fratri suo Societatem ingressuro; scur Ordinem
talem iniret cuius Fundator necdum esset Sancto-
rum catalogo ritè adscriptus. Eius dicti veniam
petenti dixit Deipara: Nunc vides quomodo Igna-
tius sit Sanctus; & quomodo ad iuuandum te vo-
catus aduenerit: eius ope salua eris. Interea il-
lam arridente cælesti vultu benignè semper contui-
tus Ignatius, intimis lætitijs perfundebar, cum illa
super aquas per plures horas instar tabulæ fluita-
ret. Hæc, atque his plura examinata sunt, & pro-
bata, in processibus, ac impressis gestis S.P. Ignatij,
posteaquam Nateria in tutum euasit, Matre hæc
omnia spectante, atque stupente. S. Io. Damasc.

*In pericu-
lis illam
implorare
ac S. P.
Ign.*

m. f. Do-
minica
ode 5.

Te, ait, firmam spei anchoram, & tegmen, & murum, & pontem inducentem in regnum habemus.

In tenta-
tionibus.

1109 P. Iulius Mancinellus hoc anno in vigilia B. V. Assumptæ, ita vti plures ante annos dicitur prædixisse, extremum diem vixit. Is cum iam 67. ætatis, & 44. in ita religionis anno ab impuris imaginibus generet anxius animi nullâ vnquam grauioris noxæ labe scædati, SSS. Trinitatem rogauit, vt ab ijs liberaretur. Pudebat illum vehemētissimè quòd à sordibus illis affligeretur. Ergò ab æterno Patre benigno nutu remissus ad Filium; ab hoc ad Beatissimâ Deiparâ; Sancti Spiritus gratiâ à Patre Filioque persusus est. Ad Virginem Deiparam vbi venit, ab illa materno amplexu accipi sibi visus, dulcissima quæque in corde persensit quæ homini loqui non licet.

ab. 1618.

1110 P. Iacobus Rem in Sodalitate Colloquij cum B. V. Litanijs, quæ canebantur, adesset, petensque à Deiparâ ecquis Virginæ ac maternæ illi maiestati ex omnibus Lauretanarum Litaniarum titulis magis placeret? illam augusto in splendore præsentem videre sibi est visus cum Mater admirabilis caneretur. ac certior factus est hoc esse dilectum illud DEI Matri elogium.

ANNO MDCXIX.

oâ. Neap.
1619.
26. Maij.
Innocen-
tem con-
scientiam
petere.

1111 Antonius Loffredus virtute B. Aloysio propè suppar, fertur vidisse aliquando semitam pulchritudinis admirandæ ad cælum vsque porrectam. Et in eius capite, seu meta, B. P. Ignatium coram cæli Regina supplicem, & vniuersæ Societati vitæ ac morum innocentiam exposcentem.

ob. 1619.
6. Dec.

1112 P. Franciscus Costerus Carolum Groben- donque, nobilem adolescentem, anno 1617. vltimâ Septembris Mechliniam ad tirocinium comitatus, per

per iter in curru illi dixit; sibi humilitatem, obedientiam, lætitiã, tria illa (quæ à S.P. Ignatio in monitis acceperat) exequi fatagenti, & vt id posset, à Deipara opem petenti, ac sollicito quomodo commendatam illam sibi ab Ignatio lætitiã seruare posset, si podagrâ vel alijs doloribus premere-
tur, illam adesse ac sic loqui visam: Francisce, promittas mihi quòd semper sis futurus *obediens & humilis*; & ego vicissim tibi promitto, quòd nunquam sis æger futurus, & retinere possis lætitiã quam Pater tuus tibi commendauit. Promisit Francisce; & seruauit: atque vicissim auxilio Deiparæ sanus fuit semper. Et adiecit ad iuuenem: Si quis tibi dixerit P. Costerum ægrotare, scias fore mendacium iniuriosum B. Virgini, quæ in suis promissis fidelis est; adeòque idem erit Costerum ægrotare, & mori. Ita factum testatur suo chirographo ipse P. Carolus Grobendonque.

Humilitate, & obedient. illâ colere.

Lætitiã ab illa petere.

1113 Hoc anno literis è Peruana Prouincia datis à P. Martino Deschamps accepimus, quòd Beatissima Virgo, cuidam apud Cuscenses è peccatorum veterno post 33. annorum sacrilegia emergenti videri sit visa; & disertè locuta, ei Pater Martinum ostenderit per quietem hebdomadâ sanctâ, & illi iusserit arcana sua omnia dolenter ac enucleatè fateri. Videbam (aiunt literæ ex ore hominis illius sua illa visa P. Martino narrantis) forum Cuscense perstrepen-
te hominum multitudine confertum. Et mihi rei causam sci-
scitanti respondit nescio quis: Tu solus in Vrbe tanta nescis procedendum nobis ad Societatis IESV Collegium, eiusdemque summi Iudicis illic sententiam audiendam? Age, & tu eodem me sequere: ne pœna grauis in absentem statuatur. Sequor animo

Confessio.

mo parum volente: & pro templi foribus excessa-
 subsellia video, & vestra Societatis Patres confi-
 dentes, Christumque in eorum medio. Erat autem
 Dei Mater, quam mihi Patronam semper habui,
 Filio proxima. Infra stabant mali daemones in ac-
 culationem intenti, & cum sua ciuibus objecerent
 male facta, exaggerabant quantum Societatis Pa-
 tres eorum causam frustra laborassent: mea mihi
 grauissimè expungebant, & exponebant iudici.
 Hinc ille me severo vultu, & oculis ignem spi-
 rantibus intueri; ego sententiam fulmen expectando
 pallere, & horrore concuti; magis autem aspectu
 teterrimorum satellitum accedentium ad me, vi-
 cisque ferreis nitentium me ad ianum inferorum
 barathrum abripere. Sed blande inuentem mihi
 veteri clienti suo Virginem Matrem conspicatus, ad
 illius me pedes abieci, obtestatus, vt mihi apud
 Filium deprecatrix adesset. Adfuturam illa dixit,
 si modò spondeam, Sacerdotio, quem designabat
 (tu autem is eras, mi Mater) omnia quæ per vitam
 peccassem, confiteri. Spondeo, tanti discriminis
 metu: & eam gratiam liber dimissus sum.

ob. Lugd.
1619.

1114 P. *Benedictus Martellangus* Angeli Cu-
 stodis, vt aiunt, conspectu, & Deiparæ cultu fuit
 insignis. Olim puer lapsus fuerat in puteum, &
 repente, ope Dei Matris, in putei crepidine in alto
 à suis repertus est.

ob. 1620.
8 Marij.
Illam ora-
re cum
Sanctis.

ANNO MDCXX.
1115 P. *Octanius Caietanus* videre sibi visus est
 preces Societatis Patrum & Fratrum à supplice
 coram Beatissima Virgine S.P. Ignatio, eidem Vir-
 gini Matri offerri.
 1116 Idem cum decimo ferè ante mortem
 anno 31. Octobris in cruento sacrificio operaretur,

visus est circumdatus effusâ è cælo multitudine Angelorum. Sub consecratione conspectam ei dicunt in sinu præsentis Deiparæ quandam velut idæam templi, seu tabernaculi; è quo prodibat elegantissimus paruulus. quod spectaculum duravit vsque ad communionem. quo tempore visus est amabilis ille puer IESVS cum nobili & accensa face in manu. Ecce MARIA, tabernaculum DEI cum hominibus. O Domina, inquit ad eam S. Io. Damasc. *qua panem celestem peperisti, qui nutrit omnium fidelium corda; satia infelicem animam meam esurie laborantem.*

1117 Thomas Athinas Coad. die quodam Sanctissimæ Virgini Matri sacro, cum ante noctis medium fundendis ad DEVM precibus vigil incumberet, visam ab eo aient admirabilem Christi Matrem cum paruulo suo in sinu, & S. P. Ignatio in illustri quadam & plenâ maiestatis aulâ præsentem. Et quidem Virgo reidentibus oculis benignè illum, compellans bono animo esse iussit, vtpote cuius curam ipsa susceperit. Tum sermone ad S. P. Ignatium conuerso, Thomam istuc præsentem illius fidei commisit, ac mirè commendauit. Accepit eum Ignatius, & dixit sibi Thomam hoc maximè nomine inter nominatim commendatos cordi futurum.

1118 P. Iulio Vrsino Beatissima Virgo loqui visa pollicita est; sibi eius castimoniam curæ fore; se illius custodem & præsidem esse velle.

ANNO MDCXXI.

1119 Cum Laureti tenerrimas inter amoris erga Deiparam significationes moreretur P. Odoardus Bernauellus, qui amore Virginis Iosephus Marianus voluit appellari, eodem tempore Asculi in Pi-

In sacro.

m. f. adez. Sabb.

ob. Flexia 1620. 29. Aug. Noctis orare.

Vocatio.

ob. 1620. Intentione.

ob. 1621.

Mors. Piceno, summo manè cuidam Patri sub aureo Reginae cæli pallio videri est visus in veste Societatis, illâ eum suum filium esse, disertè, iterùm ac tertio affirmante. Agnuit P. Odoardum esse is qui hæc videbat: & de Odoardi morbo ac morte postridiè Laureto literæ appulêre.

*P. Nic. O-
borski in
miraculis
illius Cra-
couia im-
pressis an-
no 1630.
pag. 23.
Illam pro
pace orare*

1119 In Collegio Califfiensi conspectus est hoc anno 10. Octobris B. Stanislaus in cælo in curru de genu supplex coram B. Virgine IESU parvulum sinu complexâ, & eodem curru vectâ. Eo die pacis pæctio inter Polonos ac Turcas est inita. Hæc ex iplo qui id vidit Patre habuit eius confessarius P. Seuerius Branscensis.

ANNO MDCXXII.

In campo 1120 P. Paulus Iosephus Ariaga Madriti cum literis operam daret, ac in campum prodeambulatum prodijisset, à Beatissima Virgine, quam coram illi spectatam aiunt literæ, iussus est se Societati dare.

*ob. 1622.
16. Aug.
Huesi.* 1121 P. Franciscus de Otago de salute sua sollicitus & Deiparæ opem incitatus implorans, magno ab illa solatio perfructus est, cum illam sibi videre est visus cum corona Sanctorum; quæ Francisco librum splendidum ostédens, *Hic est, aiebat, liber vite, in quem relata sunt nomina electorum. Tu lege.* Legit ille in libro suum ipsius nomen, & alia quedam ignota nomina, de quibus Virgo: Fili, dicebat, hos quoque ad beatam patriam tuâ operâ deducet DEVS.

*In perturbatione
animi.*

*Vid. annū
1588.*

Fiducia.

1122 Eidem in Philippinis postea multos ad fidem reducenti, & se suosque ab illa protegi petenti respondere visa est Virgo: *Francisce, ne metuas: ego te iuuabo: perge.*

Atque hæc de primo seculo Societatis IESU Utinâ patritam illam, auitamque Maiorum nostrorum

rum

rum in solido, ac peringenioso Deiparæ cultu hæ-
reditatem legitime adeamus, quâ possideamus hoc
Sanctarium DEI: & crescat cum Societatis ætate,
hæc etiam virtus, atque industria.

Societatis IESV seculum secundum.

ANNO MDCXLI. Soc. tot.

1123 Annæ Paraquariæ huius & proximo-
rum annorum in Reductione Apostolorum, Inda
Virgo, aiunt, cum varijs morbis vexaretur, hor-
tabatur ægram Pater è Societate, vt ad Deiparen-
tem conuersa, eam infimis precibus obsecraret;
vellet se discipulam tanto quidem magisterio indi-
gnam, de illis capitibus erudire, quibus summa
doctrinæ & honoris Christo eius Filio debiti con-
tinetur; eam quæ primum homini DEO in terris
domicilium præbuisset, omnium rectissime tradi-
turam quo animi cultu ac sensu DEVS hospes sit à
Virgine excipiendus. Paruit innocens animus; ac
non ita multo post quàm Sacerdos ægræ domum
deseruit, adesse denuò Patrem, & ab eo sterni si-
bi diuinam mensam iussit. Percontanti dein Pa-
tri; num omnia subinde fuisset affecta quæ postu-
labantur, plena solatio respondit: se à Deipara,
quam è præscriptâ formula innocasset, ordine do-
ctam, quid credere, quid adorare in hoc negotio
deceret: eaque se memoriâ complexam exquisitè
callere. Sacerdos sciscitatus, comperit eam nihil
earum rerum ignorare. Ergo illam diuino pane
impertijt; & illa abiit ad Magistram. Docebit nos,
si id ritè petamus, ad mensam Eucharisticam reli-
giosè accedere illa, quæ S. Bonauenturæ dicitur
Deliciarum DEI dapifera.

*Ad Eu-
charisticam
se illius
ope para-
re.*

*in Lit. ad
B.V.*

1124 In Paraquaria, in Reductione trium
SS. Regum Sodales B. Virginis, interposito eius-
dem

Vincere
se in hon.
B. V.

In Nat.
B. V.

cap. 4.

Cor suum
illi per 10
ram heb-
domadam
offerre.

pag. 79.

lib. 6. c. 11.
12. 13. 14.
15.

dem nomine adeo permouere nostri, ut vanam cala-
riem magnæ Matris amore præciderint, capillos pe-
dibus eiusdem subiecerint. B. Laurentius Iustinia-
nus illam appellat *Sanctitatis perlucidum speculum*.
in hoc speculo ostendamus eius clientibus quam
turpe sit vana sectari.

1125 Hoc anno Neapoli typis edita in lucem
est Siderei, seu *P. Vincentii Caraffe* pars 2. itineris ad
cælum, quæ est de B. Virgine. Docet ibi pietatem
erga Deiparam acquiri, meditatione virtutum,
& eminentiæ illius. 2. lectione. 3. oratione, 4.
exercitatione. Die Dominico offert DEO cor suum
vnâ cum corde DEI IESU & MARIE, petendo ab
his cordibus puritatem mentis & corporis. Fer. 2.
offert cor suum B. Virgini vnâ cum cordibus om-
nium Martyrum, & cum corde Christi; petendo
verum spiritum mortificationis. Fer. 3. offert ei
suum cor cum cordibus omnium Confessorum, &
cum humili corde Christi; petitque humilitatem.
Feriâ IV. offert cor cum cordibus SS. Patriarcha-
rum, & Christi; petitque fidem viuam. Feriâ V.
cum cordibus Prophetarum, & cum corde Chri-
sti; & petit spem. Feriâ VI. offert cor cum cordi-
bus SS. Apostolorum, & cum corde Christi; pe-
tens amorem DEI, & proximi. Sabbato offert cor
suum cum corde Christi, & cordibus SS. Angelo-
rum; petitque cor verè Christiferum, ad manus
porrigendas proximo, & cor DEO. Accipe, ait,
Domina mea, cor meum: laua illud, munda, &
sanctifica, sanguine Filij tui dita illud.

1126 Hoc anno Tomaci elegans primi seculi
Soc. IESU Synopsis prodijt, autore *P. Iacobo Da-*
miano. Ibi Societatis progressiones per Europam,
Asiam, Africam, Americam explicatæ. Ibi inter
noua

nova Inuenta, Mater IESV ut septem doloris fontes, sic & Stationes habet suas opera sociorum. Ibi Ioannes Carlerius Gallobelga singulis MARIAE appellationibus totidem insigniuit institutos, agrestium catus. Ibi nobili compendio descriptæ Congregationes sub patrocinio Deiparæ: cultus Deiparæ explicatus, & late porrectus etiam templis Europæis, Asiaticis, & Americanis, in vtraque India. Ibi Patrum laus & Virginis cultu quasi è radice nobili.

1127 Ioannem Busch Coadiutorem tepidus quidam languor, & inconstantis animi labe eò adduxerat, ut de vocatione deferenda deliberaret. Seruauit illum tamen DAVS Matris suæ precibus exoratus; utpote cuius honori Ioannes vnicam sibi Sabbato quouis refectionem, eamque mendicatio corrogatam, indixerat, & seruârat. S. Ioannes Damascenus locis hîc sæpè laudatis: *A malicie dormitatione nunc occupatus, in peccati somnum delapsus sum: sed tu, ô castissima, vigilantibus precibus tuis, illumina, exuscita, & salua me.*

ANNO MDCXLII. Soc. 102.

1128 Inspirationes diuinas sequi est egregius Deiparam colendi modus & ars. Neapoli hoc anno adolescens quidam cum à DEO ad Societatem capeffendam inuitaretur, à spe quapiam blandiente illigatus, anxius animi quid consilij caperet dubitabat. Huic noctu coram Deiparæ imagine studij quidpiam agitanti videri visa est seuerior præter morem, blanda aliàs, illa diuinæ Matris effigies, ipso supercilio illum velut increpante quòd esset rebellis lumini. Abijt ad alium conclauis angulum adolescens; & ibi quoque obiurgantis Virginis oculos vidit, & timuit. Locum iterum alium ex alio capeffenti, eadem, & quidem irata, imago

Nomen
Mariae
colere.

lib. 5. c. 11.
l. 6. c. 7.
pag. 302.

ob. 1641.
Sabbatum
mortifica-
tione sin-
gulari co-
lere.

Inspira-
tiones bo-
nas sequi.

Imago
B. V.

videbatur minaciter ob oculos ponere quòd nollet Deo obedenter annuere. Ergò Deo manus, & Societati nomen dedit.

1129 Romæ Domus professa, ex occasione allatæ è Sicilia statux Drepanitanæ B. Virginis, hoc anno, 3. Augusti ad Sacellum B. V. de Strada seu de via dictæ, penes altare sub quo est conditum corpus S. P. Ignatij, cœpit ex altiore loco, Sabbatho quouis, & per octauam Assumptionis, atque ad festa Deiparæ Patrum quempiam sistere, qui appositum aliquod ad mœurs formandos de B. V. exemplum narret, ac inde scitè documenta eliciat. Sequuntur postea Litanix Lauretanæ. Res est grata, & utilis. Hæc verè est MARIA IESV. Nam hoc fuisse Deiparæ nomen atque cognomen testis est S. Ildephonsus. Et huic templo ad IESVM est nomen: ad quem IESVM idem Sanctus: IESV, hoc diligam de Matre tua quod tu in me compleas de dilectione tua.

*Sabbatis-
nis exem-
plis illam
colere.*

*Tomo 3.
Bibl. vet.
PP. edit.
Paris. pag.
5. ad S.
Ioannem.
ep. 1. & 2.*

*Ib. lib. de
virginit.
B. V. c. 12.*

*Illam sa-
cra pœsi
laudare.*

*lib. 2. c. 6. 7
S. S. 10.
13. 14. 15.*

*lib. 2. pag.
78.*

1130 Tolosæ hoc anno typis lucem vidit P. Antonij Chanut MARIA Virgo; siue, Paraphrasis capitulum, 8. Prouerbiorum, & 24. Ecclesiastici, de augustissimâ Virgine MARIA. Ibi MARIA omnium virtutum via, ab æterno vexillata, & vexillum generis humani, cardo mundi &c. Addit carmina Regia de precipuis Augustissimæ Virginis MARIE mysterijs. Madriti verò prodijt Hispanicè P. Alphonsi de Andrade liber Dux ad virtutem, de imitatione B. Virginis pro omni statu. Ibi ostendit eius cultum esse monile, signum electorum: esse utilem, delectabilem. disquirat, in quo consistat. Adolescenti cuidam sæpiùs dicenti illud: Monstra te esse Matrem; ait responsum esse ex imagine à Deiparæ: Monstra te esse Filium. Lugduni quoque hic annus

luci

luci publicæ datum aspexit tomum *P. Andree Pinto Lusitani de Deipara ab originis peccato præservata.*

1131 *P. Albertus Mescinski*, antequam in fidei odium cæderetur, anno 1642. 2. Iulij die B. V. Visitantis, ex itinere Iaponico ita scripsit: *Vadolatus, confusus brachijs omnipotentis, & patrocinio Deiparæ, Domine mee; per quam mihi admirabilis gratia, & alia omnia toto vitæ tempore fluxerunt: cui, tanquam Admirabili, gratias ingentes persoluo; & omnes ad illius deuotionem, quæ tam fuit erga me peccatorem liberalis, inuito.*

1132 *P. Bartholomæum Sanchez* coram B. Virgine, & S. Xauerio (quibus totum se transcripserat in clientem) supplicem, aiunt vocem audisse, quâ mœrorem omnem, solitudinemque ponere, ac in eius cui se in fidem dederat Virginis & Xauerij manibus se relinquere iuebatur.

1133 *P. Antonius Fernandus* scripsit *Beatiss. V. vitam*, lectissimis, vt de illa scribit *Alphonfus Æthiopiæ Patriarcha*, historijs & digressionibus ad confutandos Æthiopiæ errores, & mores componendos ressellatam. Antonium Deiparæ impensè fuisse addictum, scribit idem. Tertiâ post mediam noctem horâ è lecto surgebat, seque acriter flagellabat, orationi hac se arte accingens. Totos quindecim dies ante festum Assumptæ Virginis Matris, *MARIANO* ieiunio dedicabat. Cæterum quantâ flagrantiam honor Deiparæ in Æthiopia, quâ ab *Alphonso Patriarcha*, nostro & ipso, quâ ab *Antonio* eius Vicario sit propagatus, patet è m. s. codice latino à Patriarcha eodem de expeditione Æthiopica conscripto: vbi in ipso Patrum in Æthiopiam ingressu *Aue maris stella &c. sub tuum presidium &c.* pronunciatum à socijs: defensa contra

Iu-

*Ad aspera se ope
B. V. parare.*

*ob. 1643.
in Mindanao.*

Fiducia.

*ob. Goæ
1642.
12. Nou.*

*Noctu
orare.
Mortif.
Ieiun.*

Iudæum Deiparæ Virginis Matris integritas; & tanta in Deiparæ Virginis amorem excitata propensio voluntatum, ut ipsa epistolarum exordia à Deiparæ laude ducere aliquibus placuerit; quale est illud epistolæ ab Imperatoris germano scriptæ exordium:

lib. 2. c. 33. *Summis laudibus extollatur Virginalis puritas SS. Virginis MARIÆ Genitricis, Domine nostræ.*

ob. 1642. *Malle mori quàm contra B. V. aliquid dicere. Laudare illam cum vituperatur.*
 1134 P. Laurentius Passokius in Lipsiensi conflictu, ab hoste victore, confessionem faucij tribuni audire deprehensus, rogatusque quis esset, ac simul MARIAM Deiparam execrari iussus, se Sacerdotem Catholicum esse dicens, & MARIAM summis quibus poterat laudibus extollens, ab hoste illâ audaciâ exacerbato, ense percussus, & grande plumbeâ eodem in loco peremptus est. Dixi de illo 2. Nouembris in Anno dierum illustrium.

ob. 1642. 22. Dec. *Quotidie per illam proficere in uirtute. Humilitas.*
 1135 P. Thomas Hollandus cum puer in Audomarensi ephelio degeret, cum duobus e Sodalitate B. V. delectis in præstitutum aliquem locum ibat, ibi fusæ ad B. V. præces, mistaque de illa vltro citroque colloquia, seu sermones. Tum in eiusdem honorem ea exercitatio inita est, ut vicissim alter alterum commonefaceret de erratis, quæ fortè aduertit, fructu egregio & demissionis, & emendationis. Hæc iam sub prælo erant, cum à R. P. N. Goluino Nickel, atque à P. Francisco Vanderuecken, testibus oculatis, certior fio, Rosarium S. Xauerij Colonix in Collegio seruari. De quo fusè Colonia in suis ad me datis P. Martinus Sibenius, ubi laudat Ægidium Gelenium de hoc latè scribentem lib. 3. de admiranda sacra & civili magnitudine Colonix, syntagmate 40. de Collegio, templo, & gymnasio Soc. IESV: ubi narratur quomodo ex India in Europam sit perlatum, Regina

Xauerianum Beatis. V. Rosarium.

Ma-

Matri Mariæ Medicæ anno 1638. 5. Septe m-
bris donatum, & ab hac anno 1642. 3. Iulij
Colonæ piè extinctâ Societati (adventente etiam,
quod aliunde habeo fide certâ, Fabio Ghisio Nun-
cio Apostolico, postea Alex. VII. ad supremum
Pontificatum per sanctè euecto.) Colonæ destina-
tum, atque à Ludouico XIII. Rege, iuxta Matris
destinationem eidem datum ineunte anno 1643.
Patratum per hoc in mari miraculum ait è Ge-
lenio Sibenius, cum sua maiestas ex Hollandia in
Angliam nauigaret. In periculosa enim maris tēpe-
state P. Suffren Soc. IESV, Confessarius Reginae Ma-
tris, ad obtinendum per DEI misericordiam & inter-
cessionem S. F. Xau. serenitatē, Rosarium dictum, singu-
lare instrumentum deuotionis erga Sanctissimā DEI Ma-
trem, mari procelloso immisit, itaq; tēpestatis cessa-
tionē procurauit, cum nauis defunctæ Matris valdè
periclitaretur &c. Singula particulatim videri pos-
sunt in ipso Gelenio quem è Sibenij epistola supra
laudauit. ANNO MDCXLIII. Soc. 103.

S. 3. n. 23.
a pag.
511.

1136 P. Aluarius Arias Hispaniæ Aristens scrip-
sit *Pactionem Sanctissimam cum B. Virgine ineundam* :
eamque Baëzæ impressit anno 1639. Ea pactione se-
lectis ex Hispanico prolixiore paucis ita in vsum
deduci potest: *Liceat mihi pacisci tecum, ò Domina.*
Quoties dixerò; Domina, gratias ago: toties tanto
cordis mei ardore quanti capax esse potest humanum cor,
gratias ago DEO pro ijs beneficijs quibus te ornauit, ò
magna Domina: & quod te nobis dederit Matrem, Do-
minam, Aduocatam: item pro beneficijs omnibus quæ
accepi à te, seu à Deo per te. Item, quoties dixerò;
Domina, offero tibi; rogo et idem intelligas atque si
dicerem: Offero me tibi ad patiendum quiduis pro defen-
denda æterna Virginitate tua. Offero tibi omnia om-
nium

ob. 1643.
Roma.

Pactiones
cum B.
Virgine
inire.

niam tuorum obsequia, quæ unquam sunt facta, & fient,
 & quæ fieri velles. Offero tibi voluntatem expendi
 milliões ad ædificanda tibi templa, celebran-
 das pompas festorum, & ad iuuandos omnes pauperes
 addictos tibi. Offero tibi omnia ea obsequia quæ ipse
 SS. Filius tuus tibi exhibuit in terra, & quicquid sua-
 uissima teneritatis ac deliciarum ab eo & cum eo habuisti
 cum illum infantem haberes coram, & postea. Quo-
 ties dixerò; Domina, laudo te; obsecro vt id ita in-
 telligas atque si illud maiore, quàm ab illo creato corde
 fieri possit, affectu dicerem; Laudo, seu laudare
 te cupio omni laude cuius te capacem in terra & in ca-
 lo fecit Filius tuus DEVS: omni laude, quæ te unquam
 laudarunt deuoti tui seu verbo, seu scripto, & qua
 te laudabunt in omnem æternitatem tum illi, tum omnes
 Angelorum chori; & qua te laudarent singula maris
 gutta, terra puluisculi, herbulæ, arbores, si linguam
 & loquendi facultatem haberent. Item cum dixerò:
 Domina, ego te adoro; cupio quanta creatum cor id
 capere potest efficacitate reuereri te omni ea reuerentia cui-
 us es capax, qua te in terris honorauit Filius tuus obe-
 dienter tibi subditus; quam idem tibi exhibet etiamnum
 in celo; quam exhibent omnes p̄j tuis imaginibus, aut
 nomini tuo, & exhibebunt in secula. Quoties dixe-
 ro; Domina, peto à te; desidero, vt intelligas sup-
 plicem me calore cordis quanto id maximo fieri potest à
 te petere omne illud pro me, ac alijs, quod continetur
 in oratione Dominica à Deo Filio tuo composita; vt
 Dei mei granditatem, & meam vilitatem cognoscam
 & habeam donum orationis, tres virtutes Theologi-
 cas, dona Spiritus Sancti, humilitatem, castitatem, pa-
 tientiam, mansuetudinem, mortificationem, & obedi-
 entiam; vt tollas à me id quod displicet Filio tuo, & po-
 nus in me id quod illi placet; vt eternum, Principes, et
 pec-

peccatores illuminet; mibique det perfectam imitationem
tui. Quoties dixerō: DEI Mater, ego te amo: rogo
ut intelligas quod amore maiore quàm ullus esse possit
optem amare te tanquam Matrem Dei, & meam: ut Re-
ginam dignissimam, dominam Sanctissimam, plenam
gratia immensa, ut beneficentissimam. Desidero te ama-
re, si fieri posset, amore quo te amat SSS. TRINITAS,
humanitas tui Iesu: quo omnes Angeli, hominesq; te amant
vel amabunt; gratulando tibi, & gaudendo unà cum
illis de illa tua gratiæ & gloriæ granditate; desiderando
ut orbis terrarum uniuersus te norit, amet, colat per-
fectè, etiamsi ad hæc omnia tibi procuranda deberem pati
ingentia. Denique cum dixerō: Omni modo possi-
bili desidero seruire tibi; rogo, & paciscor, ut intelli-
gas omne id quod hætenus dixi, tanquam denuo repeti-
tum. Excerptamus nunc, & nostro vsui accomode-
mus selectissima quædam & paucissima ex eiusdem
libello Encomiorum B. Virginis, eaq; in meditando
aspirandiue normam contexamus, ut vsui esse pos-
sint: *Aue MARIA* abacus gloriæ Dei, ablutio lachryma-
rum nostrarum, abyssus humilitatis, gratiæ, misericordiæ,
sapientiæ, miraculorum, luminis, abyssum inuocans, aditus
recuperationis, altissima speculationis miraculum altitu-
dinum, alueus gratiæ, anchora spei, apis paruula, aquila
grandis alarum magnarum, arbor magna in qua habitant
caelestes auiculæ, arca salutis firma, arx gratiæ, asylum
ad habitandum tutissimum, aula pietatis, aurea Christi
vestis. Fac me Sanctum, ô basis sanctitatis, bonum
generis humani, botrus vitis. Accende in me sitim
æternitatis beatæ, ô calix propinans orbi nectar diui-
num, candelabrum è celo accipiens ignem, caput libri
obsignatum, charta diuinissima, cathedra Cherubim, sca-
lum Dei, circumscriptio incircumscripti, cithara Spiritus
Sancti, ciuitas Dei, clavis celorum, collegium Sanctita-
tis,

Patres vè
de ibi
quos ipse
citat pro
singulis ti-
tulis.
Alphabe-
tum lau-
dum B. V
expendere

tis, commune reconciliatorium, commercium celi &
 terra, concha vñionem Christum concipiens, congregatio
 omnium gratiarum, conuentus virtutum, corona San-
 ctorum, currus Dei, custos hominum, corona anni beni-
 gnitatis Domini. Impetra cordi meo famem san-
 ctam, ô dapifera deliciarum, declaratrix profundorum
 diuine incomprehensibilitatis, dies festa, dioptra perfecti-
 ua, diuersorium peccatorum, directio dubitationis nostra,
 disciplina totius Trinitatis, domicilium virtutis, dux
 omnium. Impetra mihi castissimam, & liberalissi-
 mam charitatem, ô Erogatio munerum, aternitas vir-
 ginitatis, exemplum perfectionis. Guberna sensus
 meos, ô fastigium Virginum, finis iræ festiuitatis no-
 stræ principium, medium, & finis, flos vitæ. Fac vt de
 ijs gaudeam quæ amat DEVS, ô gaudij pelagus inex-
 haustum, gloria Dei. Imple me virtute quam ma-
 ximè amas, ô habitaculum omnis virtutis, harmonia
 omni delectabilior, hymnus Angelorum, honor celi.
 Dispone tempora mea, ô idæa vitæ, incensum celi &
 terræ, ineffabile concilium curationis humana, insigne
 felicitatis æternæ, indefinens letitia nostra. Auerte à
 corde meo cæcam caliginem, ô lampas dulcissima no-
 stræ animæ. Impetra mihi magnum amorem Dei, ô
 magnificentia Dei, mammilla paruulorum, mundus se-
 ctialissimus, munus omnium Dei donorum præstantissi-
 mum. Tuere me inter tot pericula naufragij æter-
 ni, ô nauis mundi, negotium seculorum, noua gloria
 ara. Auerte à me falsa gaudia, ô oblectamentum
 omnium, organum letitiæ. Serua me à morte æterna,
 ô panarium vitæ immortalis, panegyris salutaris recon-
 ciliationis, præmium gloriæ nostræ magnum, præses vitæ.
 Da vt laborem pro te, ô quies Dei gloriosa. Penetra
 me, posside me, ô radix diuinitatis, raris mundi, radix
 gloriæ, & gaudij, raptrix cordium, requies gemituum.

nostrorum, renouatrix vniuersi. Inlere cor meum
 cordi Iesu, & tuo, *ô Sacrarium sanctimoniam, stupendus*
Ecclēsiæ thesaurus, stabilimentum religiosorum. Dedi-
 ca me Deo, *ô templum misericordiæ Dei, thesaurus*
totius sanctitatis, thesauraria Domini. Fac meum
 cor vas viuum amoris DEI, & tui, *ô vas celestis leti-*
tiae, vehiculum nostrarum animarum ad Deum, vexilli-
fera Regis Christi.

1137 P. Albertus Mescinski quoties in tirocinio
 Romæ conclaue intrabat, flexo ad S. MARIAE Maio-
 ris templum genu, illam salutabat, cæteris Nouitijs
 exemplum vltro secutis. Hoc petebat à IESV S. I.
 dephonsus, *vt impetrem, inquit, in seruitute puerperæ*
Virginis iugi seruitutis deuotione ligari. Et certè ad
 firmandos in IESV obsequio animos mirè facit ob-
 sequium Virginis. Vnde memini, olim in tiroci-
 nio Leobij Litanias B. V. Lauretanæ post medita-
 tionem vespertinam coram S. MARIAE Maioris
 imagine à nobis omnibus collectis in vnam coro-
 nam Nouitijs recitatas, ad constabilienda, ope Vir-
 ginis, ea decreta quæ meditando conceperamus.
 Et memini etiamnum non sine teneriore sensu tot
 filiorum tantâ flagrantia quotidie repetitam toties
 in illis Litanijs *Matrem, Matrem, Matrem* implo-
 rantium.

1138 Hispali hoc anno P. Antonij de Quinta-
 naduennas liber prodijt Hispanicè, titulo: *Nomen*
Sanctissimum MARIE. vbi traditur exercitium pra-
 cticum variè illud colendi: sæpè illud cum IESV no-
 mine repetendo; quemadmodum narrat de Iaponi-
 ca illa Neophyta, IESV & MARIE nomen vno die
 centies quadragies millies repetente, quia toties
 olim nomen Amidæ quotidie innocarat: variè item
 illud ornando, vbi ait quòd Beatissima virgo tribus

caesus
 1643
 Vid. an-
 num dier.
 illustr.

de virgi-
 nit. B. V.
 c. 12.

Nomen
 Mariæ
 variè ce-
 lebrare.

lib. 3. §. 12
13. 14.
Vti, non
abuti spe
patrocinij
B.V.

Cauere
suspectos
modos.
pag. 413.

Miracula
B.V. scri-
bere.

ob. 1643.
Tolosa.

nde 4.

puellis quæ MARIÆ nomen in aurea tela gemmis
pingebant, cum SS. Agnete & Catharina apparue-
rit, easque impensè laudârit. Item hoc anno P. Pau-
lus Zehentner impressit Græcij Promontorium mala-
spei: vbi probat quòd Deiparæ Virginis patroci-
nium, scapulare, rosarium &c. perseverantibus in
sua improbitate securitatem non promittat. Ve-
rum Deiparæ cultum à fictis quibusdam vulgi reli-
gionibus scitè secernendum docuit vulgatis hoc
anno Gratianopoli *Diptychis Marianis* P. Theophilus
Raynaudus: vbi addit quotidianam praxim Virgi-
nem venerandi è Richardo à S. Laurentio, quæ sic
vltui accommodari posset: *Dominæ, benedico sanctis-
simos pedes tuos, quibus Dominum portasti; cor, unde
in eum fortiter credidisti, & eum dilexisti; vbera quibus
lactasti; manus, quibus nutruisti; os, & linguam, quibus
ei felicia oscula dedisti; aures, quibus dulcia eius eloquia
auscultasti; oculos quibus ipsum deuotè respexisti.* Ait
ibid. Richardus; istud esse vnum è maximè gratis
DOMINI Matri obsequijs. Hoc anno P. Iacobus Iysing
Monachi, edidit *D. Virginis Oetingana historiam*: in
qua Societas pro sacro pœnitentiæ tribunali sedet:
vbi etiam tertiæ probationis Domus pro Patribus
condita studet cultui Virginis propagando. P. Al-
phonſi Andrade liber de *studente perfecto* Hispanicè
hoc anno editus, cap. 26. 27. 28. totus in sancta cul-
tus B. Virginis cum studijs coniunctione versatur.
Ibi, Umberto teste, sæpè visa est adesse aperto libro
Deipara illis qui student. dicitur *Minerva Ecclesie, &c.*
P. Odo de Gisleby autor est *historiæ B.M. Aniciensis*,
dictæ *Rupis Amatoris*. S. Ioseph: *Inintelligibilis pro-
funditas & Ineffabilis sublimitas, per quam nos deificati
sumus.*

1139 Cameraci ægrum hoc anno Sacerdoti

nostro peccata in confessione conatu difficillimo explicantem, ac mox facile omnia expedientem, adeoque corpore quoque repente firmum interrogavit Pater; unde illi tam repentinum venisset auxilium. Respondit ille ex agro sanus; Deiparam sibi eo tempore quo constebatur, Augusto vultu in nube videri visam, porrectumque sibi ab illa è celo funiculum. Iussit se illo funiculo apprehenso bene sperare in patrocinio DEI Matris: ita enim præclare secum actum iri. Et illicò sibi confessionem ex animi sententia cessisse.

Confessio.

1140 P. Evangelistam de Gattis ferunt à Christo & Angelis non semel visitatum, & ab ipsa quam coram videbat DEI Matre Societatem amplecti iustum esse.

*ob. 1643.
14. Dec.
Vocatio.*

1141 P. Ioannes Bouuetus per ipsos 25. annos quothebdomadis (quando per rubricarum leges id licuit) vnum de B.V. sacrum celebrabat, vt feliciter sacris expiatus, & nulli grauis moreretur. Impetravit vtrumque. Nam eodem die quo matè sacrificârat, breui morbo, & sacramentis omnibus instructus extindus est.

*ob. Nancij 1643.
Sacrum de B.V. quothebd.*

1142 P. Franciscus Marquez Iapon cum ad Societatem aspiraret, Ducem elegit Beatissimam Virginem quæ i'tic Dux dicitur extra Malacam. Ad illam per continuos nouem dies exhibat, vt eius ope bonus Iesu miles esse posset. In Societate postea, post egregios labores, per nouem dies Iaponica tormenta perpessus, in odium fidei gladio cæsus est. Plura de his dedi 25. Martij in Anno dierum illustrium. Oremus illam cum S. Ildephonso: Oro te, vt per illum spiritum accipiat anima mea Iesum, per quem concepit caro tua eundem Iesum.

*ob. Nangasachi 1643.
25. Martij.
Nouendialis.
Dux nostra.
Biblioth. PP. t.8.
lib. de virgin. B.V. c. 12.*

P. Fran-

ob. 1644.
Tornaci.

Val. Ma-
xim. l. 1.
c. 2. n. 4.

Noctū il-
lam lau-
dare.
Val. ibid.

S. Iose-
phum co-
lere.

Prou. 27.
18.

Docere ar-
tes colendi
B. V.

ANNO MDCXLIV. Soc. 104.

1143 P. Franciscus de la Croix Gallobelgicae Præpositus, Beatissimam Virginem Prouincialem constituit; ut illa Prouinciam maternam suam prouidentiam tueretur, cum illa (ceu eius tantum vices agens) omnia sua consilia conferebat. Aiebatque sibi, etiam cum Rectoris munere fungeretur, id feliciter euenisse, quod se illi regendum dederit. Sanctius longè quam Sertorius prædicabat ab alba cerua se admoneri quænam aut agenda, aut vitanda essent.

1144 Idem P. Franciscus noctu post primum somnum solebat surgere, ac hymnum S. Casimiri *Omni die die* MARIE & c. modulari: Religiosius & hinc quam Numa Pompilius, qui aiebat se noctu à Dea Egeria consilia capere, ac eius monitu accepta sacra instituire.

1145 S. Iosephum, tanquam virum MARIE, colebat: eiusque officium, pro dono deuotionis & cum Deo vnionis obtinendo, quotidie recitabat: tanquam custodi Domini sui, & Dominæ. *Qui custos est Domini sui, glorificabitur.*

1146 In amœnissimo illo suo *Hortulo* MARIANO tot iam typis, linguisque vulgato, meoque ac eorum qui mecum religiosæ vitæ tirocinium Leobij in Austria Prouincia posuere, in hac arte velut Nouitiorum Magistro, habet selecta Deiparam colendi officia. Tres collocat comites deuotionis erga illam: 1. Diligentiam & feruorem: 2. Constantiam: 3. discretionem, ut vocat, sine prudentiam. Preparandum ait animum ad preces illi fundendas: rogandum Angelum Custodem ut illam saluet vice nostra sanctus. Plura vide ibi.

1147 Hoc anno editæ sunt Coloniae P. Maximiliani

liani sandei ad Sodales epistolæ. Epistolâ 9. aperitur testamentum MARIÆ Deiparæ, qualem illa Sodalibus alijsque suis legauerit hæreditatem super mel & fauum. Ep. 10. commendatur *modus dedicandi se MARIÆ Deiparæ in Mancipium*, multis ante seculis persanctè in Ecclesia vsurpatus, & per Indulgentias ab Urb. VIII. Pont. concessas honoratus anno 1635. Ep. 15. nomine Sodalium mortuorum ad Sodales viuos describitur iter ad alteram vitam: monita dantur viuentibus: petitur subsidium in igne purgatorij. Lugduni hoc anno P. Ioannis Rbo variæ virtutum historiæ prodiere, quarum lib. 3. c. 3. tractat *de religione erga D. Virginem Deiparam*, vbi habet etiam quædam exempla domestica.

1148. Tornaci propè Urbem in sylua nosser quispiam in annosa arbore imaginem B. Virginis collocarat. Ea hoc anno ab inimico quopiam homine malè truncata reperta est. Ergò triumphus ad festum Assumptæ in cælos Deiparæ adornatus: & solenni ritu supplicatio ducta ab ipsa nostra Probarionis Domo vsque ad syluam: & elegans B. V. statua publicè portata, succollantibus Virginibus, magno quâ sacro, quâ bellico festi celebris apparatu. Nouendialis deinde supplicatio instituta, Nostro quotidie istic de Diuinæ Matris laudibus ad concionem dicente. Statua verò illa Virginis à *Misericordia* nomen (ob insignia beneficia istic accepta) obtinuit. Felices Vrbes qua illatam ab aliquo DEI Matri iniuriam adeò luculentis modis resarciunt, vicissim ab illa impetraturæ id quod Græci ab ea petebant: *Opulentas misericordias tuas asperge super nos, ò Virgo, iuxta consuetudinem tuam*.

P. Ber-

Toto lib. 2

Illam per epistolas honorare pag. 203.

Imagines B. V. celebrare.

Iniurias illi illatas honore nouo sarcire.

Nouendialis cultus.

Menea 28. 120.

ob. 1644.
27. Jan.
Neap.

Pie Pere-
grinari.

1149 P. Bernardo de Ponte cum Lauretum ad B. Virginem pedes peregrinaretur, & valde fessus in antro quodam quiesceret, fama est Beatissimam Virginem adfuisse, eique byssum porrexisse, ut sudorem frontis abstergeret.

ANNO MDCXLV. Soc. 105.

ob. 1645.
3. Febr.
Lime.

Vocatio.

De illa
colloqui.

lib. de
Virg.
B.V. c.1.

ob. 1645.
1. Martij
Cocini in
India.

1150 Christophorum Garzes è prisco Regum Aragoniæ sanguine ortum, antè initam Societatem de earum quibus tunc liberaliter addictus erat deliciarum inanitate noctu cogitantem, somnoque mox oppressum, in somno DEI Mater brachio tenere videbatur, & in quadam Societatis Domo statueret, ac dicere: *Hic mane, Christophore: in hac sancta Societate mihi seruiens perseuera. Nam in illa mihi gratum imprimis prestabis obsequium.* At ille deliciarum deserendarum metu, solutus in lacrymas & experrectus, se lacrymis perfusum inuenit; atque se Societati dedit. Cum Ianitoris officio fungeretur, ijs qui ad portam affluebant, aliquid de B. V. sensim narrare instituit: id quod adeò piè ac blandè fecit, vt alij alios mutuo accitu adducerent: quos ille cum quotidie augeri videret, Patrum cuidam MARIANIS narrationibus inflammandos dedit. vnde florens omninò, & à summis quibusque desiderata & laudata Sodalitas conflata est. Ingenuè fassus est aliquando: nihil se à sua Domina (cui in Societate seruire se aiebat) quod non impetrauerit petiisse. S. Ildephonsus inter alia quæ à B. V. petit hoc est: *Vt de te vera, & digna sapiam, loquar, adaperi os meum.*

1151 Petrus Bastus Coad. cum contra dæmones, à quibus variè terrebatur, Aue MARIA recitaret, à Deipara dæmones fugante visus sibi est intra brachia, & sinum colligi: ac aliàs quoque ab eadem

dem

dem ad paternam vsque domum portari, cum à dæ-
mone ex equo deiectus fuisset in spinas . Hic idem
Olyssipponæ xi. annos natus voto castitatis se ob-
strinxit , quam Deipara illi seruauit illæsam . Vi-
sus illam sibi est videre frequenter ; etiam in quo-
dam naufragio , & in Nouitiatu : vbi aiebat se à
cōspectu pro Dei throno à Deipara Deo cōmen-
datum . Cūque aliquando coram altari ad illam
pro castitatis dono conseruando preces funderet ,
visum illi est quasi è SS. hostia candidissimum li-
lium in orantem exiliret. Per iter cum alijs Nouitijs
à spectabili Matrōna paruulum sinu complexa ,
quinque ferculis appositis benè habitus , cū pe-
terent Nouitij quænam esset , aiunt illam respon-
disse : Nos fundauimus Societatem : & euanuisse
ex oculis . Ægrum quoque Petrum , ait eius vita
cōspectu Deiparæ cum lactente paruulo , ac dein-
de lacte etiam virgineo, instar filij, recreatum , ore
vberibus sacris admoto , & sanatum . Fama etiam
est (& habet id eius vita) cum per octo dies festis
omnibus Deiparæ proximos , & in ipsis festis , ab
illa visitatum , ostenso quoque illius diei mysterio ;
cōspecta infante Deipara imminente illi SSS.
Trinitate . Cum à Deipara peteret illam virtutem
quam illa maximè illi necessariam iudicaret ad
Christi & ipsius Virginis imitationem , scribitur
ibidem , ter vidisse in Sanctissima hostia turrim
vnam ex auro , & lapidibus pretiosis fabrefactam ,
cum voce audita ; illic Deiparæ virtutes ostendi .
Vidisse quoque Deiparæ se ad mortem preparan-
tis apparationem , & quomodo à SSS. Trinitate
recepta sit in cælo in gloria , Custode Angelo illi
mirificè omnia explicante : vidisse 10. Sept. 1640.
in diuina hostia Deiparam cum paruulo in sinu : il-

*Tentatio.**Castitas.**In itinere**In morbo**Festis
B.V.**Examen
particu-
lare.
Virtutes.**Mors.*

Y Y Y

lam

lam Petro supplici, capite annuisse, ac paruulum dixisse Matri: *ita, ita; ita*. Pro moriente Magistro suo P. Alberto Laërtio 25. coronas Deiparæ recitasse; visam illi Deiparam è cœlo ad eum descendentem, ac niueam Alberti animam præsentem Deipara solutam corpore instar spheræ niuæ, ac demum in specie infantis incrementis, quem descendens de cœlo cantans triumphantis Societatis IESV chorus hinc eductum, in cœlo, in folio collocavit: vidisse animam cuiusdam nobilis, (quem Deiparæ singulari studio commendarat) in Beatissimæ Virginis manibus. A morbo etiam desperato per eandem, non semel est liberatus. De eodem testes iurati alia mira multa affirmant. P. Georgium de Fonseca, tunc necdum sacris initiatum, docuit vt ad impetrandas à Deo, etiam noctu, bonas cogitationes, *Aue MARIA* ter recitaret ore humi prono simplex honori puritatis Deiparæ; & in honorem SSS. Trinitatis symbolum Apostolorum ter etiam pronunciaret. Nocte proxima pessimè vapulauit à dæmonibus acerbè de illo conquestis, quòd illud pietatis genus alios doceret. Vnde dixit postea Georgio, vt illud obsequium non omitteret; certè illud dæmoni maximè displicere. Quotannis die Annunciationis Deiparæ videre se aiebat DEI Matrem in veste candida radiante, cum Angelo Gabriele in dalmatica (vt vocant) alis insignem, & humi prouum, ac eleuatis in Virginem oculis ei velut loquentem. Vnde & laminam è collo gestabat, in qua & Virgo, & Angelus ea specie pictus visebantur. Cùm aliquando, tunc adhuc secularis, fessus rosarium Deiparæ die aliquo omisisset, quod pro animabus in purgatorio quotidie recitabat, noctu expergefactus est à inuene quopiam rosarium illi

*Aue M.**Noctu.**Annun-
ciatio.**Imago B.
V. è collo.**Rosarium
pro anim.
purg. re-
citare.*

illi in manus porrigente, ac dicente : *Anima consuetam elemosynam à te expectant* : & recitando Rosario se accingens, occultâ vi sibi videbatur ad templi B. Virginis à Rosario dictâ portam rapi; ac ibi suâ pietati vacavit: vbi etiam ab illis animabus eum contra inimicos defensum aiunt qui illius gesta perscribunt : qui etiam perhibent illum ab Angelo Custode didicisse certam quandam, & DEO gratam normam Rosarij recitandi : item visam ab illo Deiparam cum S. Iacobo Apostolo per Coulanæ Urbis mœnia satagentem, & locum illum contra Ethnicos defendentem. Diè Beatiss. V. ad Niues adolescentem cœlestem sibi videre est visus, qui in charta illi quandam diuinorum attributorum imaginem dans, dixit : Dominus qui est principium, & finis omnium, tibi mittit in his figuris, & exhibet omnem suæ granditatis imaginem. Aliàs sibi videre in cælo maiestatem Deiparæ videbatur; aliàs eandem pro Vrbe, quadam obsessa supplicem, & coram Deipara orantem S. Xauerium.

1152 Hoc anno Montibus Hannoniæ Gallicè & Flandrico prodijt *via celi per Rosaria* autore P. Adriano van Lyere, interprete P. Aegidio à S. Aldegunda: sed & Colonia, vt ait Marraccius, P. Maximiliani Sandai *MARIA Aquila Mystica*. Item Colonia P. Gasparis Thausch liber de *SS. Matre Dolorosa*: cuius liber tertius docet modos, & praxes colendi matrem Dolorosam. Agit ibi de Sodalitate anno 1482. in venerationem septem Virginis dolorum instituta à 24. Episcopis; & ab Alexand. VI. ac Leone X. confirmata, miraculis inclyta, deinde collapsa, & Societate IESV adnitente in Belgio restituta. Suaudet, vt eius opem implores ne quid eorum omit- tas, quæ necessaria sunt ad indulgentiarum lucrum

*Illam pro
Vrbibus
orare.*

*Dolores B.
V. colere.*

In Indulgentiis acquirendis illius ope ut.

& ut ea, quæ facis acceptet, ut ne indulgentijs frustreris. In morbo suadet, ut omnes dolores Deo singulis horis, vel sæpius, offerantur per Christum, eiusque Dolorosam Matrem, omnibus eorum doloribus coniuncti, nunc pro hoc, nunc pro illo defuncto. aitque hanc industriam incredibiliter prodesse. Etiam in ijs quæ præscribuntur sacris fieri ait posse, ut Deo per B. V. manus illam obedientiam offeramus pro animabus purgatorij; aliàs totum sacrificium oblaturi, si nobis integrum id esset per obedientiæ obligationem. Nunc obedientiam victimæ loco fore. Affert consilium Deiparæ, quod dedit B. Ioannæ filiæ Ludouici XI. Regis Franciæ, ut quotidie recitaret quinquies *Pater*, & *Aue* in honorem, & vulnerum Christi, & ad imitationem Deiparæ sub cruce, illa vulnera salutantis.

Purgatorium.

Consil. B.V.

Artes Dei paræ colenda suggerere.

Imagines B.V. memorabiles colere.

1153 Hoc anno P. Martino de Esparrza, confessorio suo, donauit D. Beatrix septuagenaria, eximia ut nobilitatis ita virtutis scœmina, imaginem Beatiss. Virginis, dextra pomum, sinistra paruum gestantis in tabella more antiquorum altarium instructa alis hinc atque inde; quæ, ut portæ, imaginem claudunt, vel aperiunt. Earum altera habet S. Ioannem Euangelistam, altera supplicem coram Crucifixo, & cruentum pectus lapide verberantem S. Hieronymum. Hæc imago memoriam hinc meretur, quippe quæ à B. Francisco Borgia Româ in Hispaniam reduce donata fuerit Didaco de Ibarra spectatæ integritatis viro, & Consiliario Regio in supremo Consilio Castellæ. Didacus illam, tanquam pretiosum pignus, filiæ suæ Beatrici, ac demum hæc, dicto P. Martino dedit pro alenda suauitum Deiparæ, tum B. Borgia memoria. Eam ego apud P. Martinum, ex Hispania

pania Romam ad explicandam in Romano Collegio Theologiam euocatum, postea Romæ vidi. Tota spirat grauem quandam, ac veterem pietatem. Hoc anno, *triplicem B. V. coronam* è P. Poiræi Gallico aliàs bis impresso, latinè in breuiariam vtiliter contraxit, & Lugduni typis dedit P. Ludouicus Ianinus, vt pluribus prodesset. Suadet ibi, vt sæpè dicas illud, magni æstimans Dsi matrem: *Tues MARIA Mater DEI viui*: vt illi des clauas, ac potestatem tui; sicut cænobij sui S. Theresia: vt illius pedibus subijcias dæmonem te turbantem. Ibi dem narratur Anna Filusia Dominici Taroati Bononiensis in Gallia Ciuis vxor, partus fœmineos iam pertæsa; quæ voti sponsione prolem masculam impetrauit: nam vix nouem mensibus à voto in Deiparæ honorem concepto elapsis, geminos edidit, qui quo die nati sunt, eodem anniuera o Societatem postea inierunt. Nati deinde quatuor alij; & ex his quoque duo se in Societate IESV MARIÆ cultui manciparunt.

ANNO MDCXLVI. Soc. 6.

1154 P. Matthæo Cubero (qui in Residencia Valscensi hoc anno 3. Febr. vita est functus) olim puero sibi deuoto, & ægro visa Augustæ Deipara per quietem, & locuta, dixisse fertur: *Conualesces, fili: & per te multa bona operabitur Filius meus.* Conualuit, & Societati adscriptus, vaticinationem impleuit.

1155 Franciscus Falloxius Scholasticus, cum ad Societatem sibi aditum aperire non posset, ob colicos dolores quibus frequenter cruciabatur, instituta ad ædem Beatissimæ Deiparæ supplicatione, tantam immunitatem impetrauit, vt per omnem deinceps vitam non nisi ter, aut quater iisdem sit tenta-

Artes colendi B. V. docere.

cap. 4. pag. 223

In modo.

In modo.

Piè peregrinari.

tentatus. Admissus ope Virginis, talis vixit, ut etiam diuina pati interdum sit existimatus, & de salute sua certior factus; id quod ille socium aliquando complexus plenus mille gaudijs testatus est. Romæ Theologiæ operam danti morbus intercessit: ob quem Neapolim missus, ibi æger Beatissimam Virginem videre sibi visus, ab ea particulatim intellexit futurum, ut post vnus horæ spatium migraret è vita. Ita factum. Sic de illo testatus est is qui adfuit morienti.

Mors.

*ob. 1646.
Lima.*

1156 *Augustinus Salumbrinus* quondam B. Aloysij in Romano itinere dilectus comes, olim de vitæ statu deliberans, Beatissimam Virginem disertè dicentem audisse fertur; ut Societatem IESV eligeret: quam electam ingressum Deipara solido teneroque amore fouit, quando creberrimè, ut aiunt, visitatum recreauit, & erudiuit: ab eo vicissim arcto Sabbati vigilarumque ieiunio, ac alijs pijs artibus augustè culta. Quodam scrupulo seu religione tenerioris conscientiæ acerbissimè cruciatum solata præsens Virgo mater, dixit; id quo angeretur, ne venialis quidem peccati noxam habere. Et Augustinus tum demum acquieuit.

Vocatio.

In scrupulis illam orare.

1157 Hoc anno editus est P. *Laurentij Chrysogoni* tomus 1. seu *Mandus MARIANUS* Viennæ Austriæ. Colligit ibi, apud MARIANÆ instar, appositè, ac eruditè, pièque multa è Patribus de B. V. ibi Societatem IESV plantationem esse B. Virginis latè prosequitur.

*pag. 585.
Ob. 1646.
18. Maij
et. 80.*

In doloribus Aue Maris Stella recitare.

1158 P. *Matthæus Schrick* Aquisgranensis, cum in longa multorum annorum prodagra illi dolor per noctem integram somnum eriperet, *Aue Maris Stella* cantabat; dicebatque, se, pauperum adolescentuni more, ad beatam Reginæ Cæli la-

nuam

nuam cantillare *Aue maris stetla*. S. Isidoro Thes-
salonicensi hæc est *calum cali, opulencia gaudij, &*
formositaris.

ANNO MDCXLVII. Soc. 107.

1159 P. Iulius Cæsar Recupitus scripsit de B. V.
tam in tomo 1. in 1. partem, quàm in signis præ-
destinationis anno 1643. impressis, quàm deni-
que inter moriendi industrias. Hic industria 7. ait
enitendum esse, vt benè perpendat quilibet, quid
doni possit B. Virgini in hora lupremi sui agonis of-
ferte, ne tunc vacua manu coram illa compareat.
Sertum illi texendum è flosculis quotidie collectis.
Flosculus erit actus vnus mortificationis, v. g. in
occasione coorientis iræ linguam silentio sancto
premere. Et tunc dic intra te: *Hic sit flosculus pro*
bodierno die in honorem B. Virginis. Oculos valdè co-
hibere ab aspectu, maximè fæminarum, idque vt
rem gratam facias B. Virgini. In mensa, idcirco
etiam, à bolo aliquo abstinere. Libello cui hæ vi-
ctoriæ inscribuntur dandus titulus: *Sertum Floscu-*
lorum à me maximo peccatore B. Virgini offerendorum
in hora mortis meæ: inchoatum anno .. mense .. die.
Tum vesperi cubitum abiturus discussa conscientia,
vide num eo die aliquem mortificationis actum ad
placendum B. Virgini exercueris, id est, an flos-
culum aliquem seruo Virgini olim offerendo illiga-
ris. quotquot actus exercuisse te deprehenderis,
tot X. cruces notabis. Si quis dies nullum florem
dederit, dolendum de inertia, idque in libello
notandum. Intra paucos annos erunt millia flos-
culorum. Atque sic morte iam imminente offerres
libellum illum B. Virgini, & in eo tot flosculos
quos cruces, indices mortificationum; vt eos illa
recreet ac riget sanguine filij sui IESV. Ait: hæc
à qui-

Orat. 3. de
nat. B.V.

Ob Ne ap.
1647.

Quotidie
donare a-
liquid B.
V. pro bo-
na mortis

Quotidie
se vincere

Vesperi.

à quibusdam in vsum deducta, eorumque non vnum latâ morte obijisse diem, atque si paradifum haberent in manibus. Addo ego; posse à te libellum illum, & fofculos, vltimo quouis mensis, vel anni die, B. Virgini offerri eo modo quo moriens, velles à te fuiffe oblatos.

Indstr. 2. 1160 Idem rem fibi ab eo quocum ea gesta est narratam referebat, & impressit in suis industrijs bonæ mortis, eo mortuo à silentij sacramento iam liber. Quidam è Societate Nouitius coadiutor literarum planè rudis, cum acrius tentaretur, & ferè iam retrò respiceret, repente Deiparæ opem expertus est. Nam illa se oculis illius obijciens in veste candida, & blandè arridens, eum vigilem, & attonitum nominatim voce suauiffima compellans; Quid, aiebat, cogitas facere. Nihil dubita, Illicò enim ab hac tentatione liberabere, si voles ad meas, quas fortè hac atque illac videbis, imagines piè pronuciare verba illa fanctæ Ecclesiæ: *MARIA mater gratiæ, Mater misericordiæ, Tu nos ab hoste protege. Et hora mortis suscipe.* Sed illo se rudem, atque huius precationis ignarum dicente, benigna Mater se illi magistram fore promisit; & de verbo ad verbum sensim singula dicti sacri carminis verba pronucians, ea illius menti adeo altè infixit, vt eorum deinceps nunquam fuerit oblitus; neque illa mente, corde, ore versare desierit, maxime conspecta aliqua DEI matris imagine. Ita discussa omni caligine rem P. Recupito narrauit.

Vocatio.

Imagines B. V. salutare.

Intentione iaculatorijs vti.

Rudes in orando in situere,

A pag. 420.

1161 Idem in libro de signis prædestinationis signo 12. probat autoritate, & ratione post Spinellum, Binettum, Bonartium, & alios, deuotionem erga Deiparam esse quoddam signum prædestinationis; & non qualemcunque, sed eam, quæ fit

1. constans : 2. affectuosa : 3. emendatiua vitæ .
 Quædam solidiora ex illo reduci possent breuiter
 ad has ferè aspirationes : *Gaudeo, Domina, gaudeo*
syncerè de tua illa gloria ; doleo acriter, & indignor
linguis blasphemis in Deum, & in te ; propono sæpè lo-
qui de te ; vt amorem tui etiam inseram cordibus alio-
rum . Compator doloribus tuis cum illo apud S. Bir-
gittam, cuius consuetudo fuit compati doloribus tuis,
quoties eos considerabat, vel te nominari audiebat ;
ideo, vt tu Sanctæ illi dixisti, compendium salutis in-
uenit, & saluatus est . Fac, vt in te compendium
salutis inueniam, & saluer. Ora pro me, vt in me
verum experiar id quod è Sancti tui Ioannis Damasceni
ore circumfertur. Æternum vix non sentiet pro quo semel
orauerit MARIA .

*Expende-
re qualis
erga il-
lam pie-
tas sit st-
gnum pre
deff.*

png. 503.

1162 Hoc anno 13. Februarij, P. Antonio
 Casilio Rectore, ac templi præfecto P. Ioanne
 Paulo Farnesio, Romæ in porticu templi Collegij
 Germanici, & Hungarici, B. Virginis imago in
 muro detecta est, calce cadente quâ olim fuerat in-
 crustata. Ea nunc tabellis votiuis, frequentia po-
 puli, & Litanijs Lauretanis frequentatur. Huic
 imagini coronam auream misit Capitulum S. Pe-
 tri, vt solet alijs per Urbem Deiparæ imaginibus
 celebrioribus. & imago æri incisa est cum hac epi-
 graphæ: *Deiparæ Virginis imago quam in porticu S.*
Apollinaris Guillelmus de Estouilla Card. Rbotoma-
magen. Sacris rei diuinæ adhibitis, insigni olim religio-
ne, ac pietate coluit. Ne bellica vi prophanaretur, an-
no salutis 1495. ab eiusdem Ecclesiæ custodibus calce
obtectâ, rursus calcis rectorio inopinè decidente, anno
1647. idibus Febr. pristino, vt olim, populi Romani
cultu venerabilis apparuit. Hic de nobilissima inclyti
illius Collegij iuuetute dixerim illud S. Bonauenturæ:

*Veteres
Deiparæ
imagines
celebrare.*

Z z z

Super

P. 112.

Ob. 1647.
Iaroslavia.

Concio.

Imagines
illius è collo
gestare.
m. f. ode 9.
fer. 2.Domum
Laurentianam
propagare.Ob. 1647.
Roma.Elogium
Deiparæ
erudite
colligere.Vide syl-
labum
initio ope-
ris, & Pa-
tres.

super confidentes in eam aspectus illius . . .
1163 P. Albertus Vilgocki pro suggestu verba-
numquam fecit quin illa opportunè diuinæ matris
laudibus exornaret . Præmis læ oborto vicino iam
nobis, metuendoque incendio, quod ventus ve-
hementer ad nos rapere videbatur, P. Alberus ar-
reptam è Collegij ambulacro diuinæ Virginis sta-
tuam igni obuertit: & ignis extinctus est ope Dei-
paræ. Per omnem vitam semper è collo gestabat
IESU patientis, & MARIÆ cum filio dolentis effi-
giem. S. Ioannes Damasc. ad B. virginem: Cæ-
lestem carbonem in vlnis tuis ferens anima meæ passiones
combure.

1164 Hoc anno 1647. P. Guilielmus Gumpfen-
berg (autor Atlantis Mariani) Friburgi Heluetio-
rum, collata vltro liberali piorum stipe, Domum
Deiparæ, Laurentianæ simillimam, erexit; id quod
anno 1643. iam antea fecerat etiã Ratisbonæ. Scri-
bit mihi; sperare se hoc sibi summo præ alijs fore
solatio morienti.

1165 P. Silvester Petrasancta anno 1643. Ita-
licis typis edidit *Litanias B. V. Laurentianæ*. id quod
ante ac post illum è Societate complures alij præ-
stitère. Monachij autem hoc anno lucem aspexit
Pietas Mariana Græcorum latinè reddita à P. Simone
Vvangnereck. Paucula è longè plurimis, vt iactu-
latorijs precibus esse vsui possint, delibemus: *Salve*
humani generis primas, cordis medela, salutis deposita-
ria, cor nostrum dulcissimo filij tui amore conubnerans
torrens bonitatis diuinæ, calum ab igne diuinitatis ignem
accende me. Ave, infinitis honorum titulis dign-
olfactorium numinis, conchylium nudo Adamo purpura
vestiando, fons immortalitatis auro & nectare manans,
abyssus miraculorum, & mare gratiarum, domus Sain-
Etia-

itatis: recipe n e; vt sanctè habitem in te. Aue,
 mysticam chirurgiam exercens, volumen in quo contine-
 tar autor libri vite, cathedra in qua Christus docuit
 viam sanctitatis, & scortorem cordium nostrorum expellens
 thuribulum; imple sanctis odoribus cor meum. Aue,
 plena hieroglyphicis diuinitatis, vehiculum DEI, thesau-
 raria cali, amabilis aura, extinctam cordis nostri lu-
 cernam accendens; accende immortaliter cor meum.
 Aue, Sapiens calum; quæ nos ambulare nescientes in
 via virtutis manu propria ducis; in qua, vt in radice
 immortalitatis, peractum est totum negotium salutis hu-
 manæ; letitiæ mater, diuinum martyrum capitibus coro-
 namentum, cunctis altitudinibus altior, publicus gentis
 humana thesaurus; da mihi stipem, quam mihi ne-
 cessariam esse nosti. Aue, igneus solis diuinissimi
 currus, mystica dies, religiosos amplectens vt filij tui
 collegas in cruce, hortus voluptatis in quo efficit umbram
 virtutis altissimi, DEI sceptrum, myriadibus gaudiorum
 circumfluens verarum mundi hilaritatum origo. Exhi-
 lara cor meum lætitiâ perpetuâ. Aue, Beneplaciti
 paterni thesaurus, totius TRINITATIS significantissima
 species; impetra cordi meo, vt semper faciat vo-
 luntatem SSS. TRINITATIS.

1166 Messanæ typis vulgata hoc anno est P.
 Pauli Belli *Gloria Messanensium* de asserta B.V. episto-
 la ad Messanenses. Eiusdem autoris est *corona*
SSS. Trinitatis, & B. Virginis; item *Millelogium*
Iconiasticum MARIANVM, mille titulis, & *elogijs B.V.*
concinatum, de quo Marraccius in Bibliotheca
 sua *MARIANA*.

1167 P. Hadrianus van Lyere hoc anno Antuer-
 piæ in lucē edidit *Trifagion Marianum*. vbi Nominis
 MARIÆ plura texit Anagrammata Hebraica, Græca, pag. 67.
 Latina. Et multa eruditè tractat. Lugduni edita

Z z z 2 etiam

etiam est hoc anno *P. Ioannis Ferrandi Disquisitio reliquiaria*, eruditum & hoc opus, ubi diligenter agit de sacris *B.V. reliquijs*. Obijt Ingolstadij hoc anno *P. Iacobus Canisius* author *Hyperdulie MARIANÆ à Ioanne Berchmanno exercita.*

1168 *P. Rodolphus Houssin* Gallus diuinæ Matris amorem cum Angeli Custodis cultu tenerrimè coniungebat: vnde ab illa, & ab illo sub mortem suauissimè dicitur recreatus.

1169 In prouincia Lugdunensi hoc anno tironi quispiã nobili loco natus, cum se depositum videret à medicis, S. Xauerij poposcit imaginem: cum qua, disgressis omnibus, piè collocutus, visum à se dixit Xauerium, qui supplex coram Beatissima Virgine pro ægri salute orabat. Et Deiparæ, atque Xauerij ope confanuit.

1170 *Ioannes Daniel Coad.* æger hoc anno sanatus est à B. Virgine quam illi cum duabus à celo Virginibus visam fama est dixisse: *Ioannes, vis sanari?* Annuit; & sanatus est.

ANNO MDCXLVIII. Soc. 108.

1171 Neapoli Mauro mancipio cum fidei persuadere non posset quidam è Societate, qui Sodalitatis seruorum Præses erat, eum enixè rogauit vt persisteret in pietate erga imaginem B. Virginis in horti muro depictæ, cui suis expensis vesperi lampadem Maurus ille quotidie accendebat. Huic Beatissima Virgo per quietem spectata suasisse fertur, vt Mahometem cum Christo, Abelis nomen cum Iosephi nomine commutaret. Ipsam item Cæli Reginam, apprehensa Mauri manu, illum formare docuisse signum Crucis; & adiecisse de Patre illo, qui in Collegio Neapolitano præerat Congregationi: *Precationes te docebit Director Congregationis seruo.*

Imago
B. V.

Catechesin
docere.

rum : ad quem tu sine mora confugas . Accitnr is quem Virgo destinarat Pater ; Maurum imbuit fidei rudimentis ; & ipse 15. Augusti baptismo lustratus est . Ante baptismum die quopiam festum laboribus , ac opem Deiparæ implorantem aiunt visitatum ab illa dicente : *Iosephe , patientiam habe .*

1172 P. Alphonfus de Medrano quotidie recitando meditatè Rosario vnam horam genibus nixus dabat , etiam in graui senio , etiam in morbis , si quid vitium suppeteret . Vt primùm euigilabat noctu , Beatissima Virgo illi erat in mente , in ore verò hæc verba : *MARIA mater gratiæ &c.* Cùm ob incredibiles quosdam dolores vix benè sui esset compos fertur à B. Virgine obtinuisse , vt dolor ille cessaret quidem tantisper , at iterùm vt rediret .

1173 Romæ in templo Domus professa hoc anno 1648. instituta , & 2. Octobris inchoata est pro bona morte vniuersalis quædam ac publica IESV & MARIE Cōgregatio sexta quauis feria vtriusque dolores recolens breui quinque vulnerum per corollæ vsum meditatione , exhortatione , ac planctu *Stabat mater* cantato : id quod fit hora ferè tertia ante solis occasum , coram imagine Crucifixi , & MARIE , Ioannisque sub Cruce , SS. Sacramento palam exposito de quo libellus extat conscriptus . Manè quoque in communione pro felici morte instituta cantatur *MARIA mater gratiæ &c.* & oratur pro ijs qui eo mense sunt morituri . Qui semel in mense feria VI. in hoc templo communicat illi Sodalitati adscriptus , ei Alexander VII. indulgentiam plenariam concessit , quæ applicari potest alicui animæ è purgatorio liberandæ ad communicantis & pro ea orantis arbitrium . Pro Sodalibus ducen-

ob. 1648.
Granata .

Hora quotidiana
B.V.

Illam sub
cruce cole
re pro
goue .

ta sacra sexta quavis feria celebrantur. *Sustine*,
 ait S. Bouavent. *deutos ante tribunal Christi : suscipe*
causam eorum in manibus tuis.

Illam 1174 Artes, & industrias Sabbatinas pro cul-
Sabbati tu B. Virginis è Sabbatinis exemplis excerptas col-
cultu. va- ligere docet meus *Annus Marianus* Viennæ Austriæ
rio vene- hoc anno impressus. Sabbato cum S. Arsenio re-
vari. ceptui carente, examentotius hebdomadae insti-
 tuendum: cum S. Radegundæ Sabbato agris ser-
 uiente charitati vacandum. Cilicium Sabbatum
 suadet S. Ludouici Regis exemplo, item S. Tho-
 mæ Archiep Cantuariensis quem cum cilicium Sab-
 batino vsu laceratum reficeret, ipsa Virgo mater ad-
 iuuuit. Omitto reliqua. illud è Sabbato 51. non
 omiserim anagramma quod P. Buerardus Hockius
 (postea Gallobelgicae Prouinciæ) Duaci iam olim
 ex Antiphona *Alma Redemptoris mater &c.* pio, feli-
 cique ingenio in hæc verba carmini illigauit:

Anagram- *matu.*
 Ne metuas: quamuis cursu pernice procelle
 Nutat, & irrugit spumosa nanis in unda;
 Teque tuamque ratem placato fidere ducam
 Clarum lucis iter curpes: cita proa volabit.
 Errorem pelagi retegam: miserebor egeni.
 Euge: meos portus intra: sum ripa salutis.

Dolores 1175 P. Ildephonsus de Flores hoc anno edidit
177. in folio Neapoli tractatum de Martyrio Deipara ad
 ad Dominici Martyrii similitudinem efformato. Ad In-
 sulentibus typis prodire P. Ioannis Vincartij libri
 tres de cultu Deiparae Poësi Mariana conscripti. Lug-
 duni verò P. Antoni de Escobar tomus III. in Euan-
 gelia, qui est de B. Virginis festis.

Festa. 1176 Valencenis egregiè iuuat Mater admirabi-
 lis conatus nostros in prouehendo suo cultu; quip-
 pe mirificè benefica. Certè ab ea quæ in templo
 nostro

nostro colitur Deipara, Soda'ium ciniuum quidam hoc anno, primò petijt cuiusdam agnati sui emendationem seriam; impetrauit: petijt, vt illa obtinatum debitorem flecteret ad soluendum; adfuit mox ille, & negatum diu debitum falsus vltro persoluit: petijt, pro filia tibia sanitatem; obtinuit, *Mariam manna dixerim*, inquit Ambrosius.

*1.2 in pf
21 pag. 50
ob. 1649.
8. Iunij.*

ANNO MDCXLIX. Soc. 109.

1177 P. Vincentius Carrasa Soc. IESU VII. Præp. Generalis, præter ferix 4. ieiunium, ac Sabbatinam inediam pane tantum, & aqua quoquomodo leuatam, domo numquam prodibat, quin aliquod B. Virginis templum inuisere: quotidie à primis atatis annis vsque ad vltimos, precem illam *Q. Domina mea S. MARIA &c.* septies recitabat flexis genibus. *Septies in die laudem dixi tibi.* Ps. 118. 164. Huic olim egro ac propè deposito, & vigili visam aiuc Deiparam, vt siue viuere, siue mori eligeret offerentem; illum verò in manu Virginis reliquisse arbitrium vtriusque. Repetamus hîc illud Bonaventuræ Ps. 71. *In manu tua salus, & vita consistunt: latitia perpetua, & aternitas gloriosa.* Resperge cor meum dulcedine tua.

*Ieiunium
fer 4. &
Sabb.*

*Septies il-
li se quoti-
die com-
mendare.*

*Se illius
arbitrio
permittere.*

1178 Idem, cum id poterat, in vigilijs B. Virginis prandium publicum præbebat pauperibus. Demus quod possumus in eius honorem, quam teste S. Sabba, *Deus pro vite aterne comparatrici* adhibuit.

*El-emofy-
na illam
colere.
Menez
27. Ian.*

1179 Ferreum circulum pedis inducebat P. Vincentius, vt se B. Virginis mancipium testaretur. S. Sabbas: *O Deo desponsa, me redime à vinculis quibus infernales piræ me inter angustias tenent.*

*Manci-
piu B. V.
Menez
16 Ian.*

1180 Cum studeret in Collegio Romano, postulatam sibi concedi postulabat, vt emendicatâ stipe

stipe

*Psalterio
S. Bona-
uentura
illam co-
lere.
Ps. 108.*

*Epistolis
illam com-
mendare.*

Ps. 153.

*Christo pa-
tienti, &
B. V. de-
uotum es-
se.*

*ob. 1649.
2. Iunij.
Mors.*

Obedire.

*Casus
1649.*

stipe modica, emere sibi liceret *Marianum* S. Bona-
uenturae *Psalterium*: sed illud ei P. Fabius de Fabijs
Rector vltro dedit. S. Bonauentura: *Benedic, anima
mea, Virgini MARIAE: Honor, & magnificentia eius
in perpetuum.* Hoc à Societate vniuersa fieri deside-
rabat impensè Vincentius cum ei præesset. Vnde
in impressa sua epistola sic habet, post alia quæ im-
pensius commendarat: *Verum, ut hec in auras non
vanescant, sed factis, rebusque sanciantur, etiam atque
etiam desidero, ut in cultu Beatissimæ DEI Matris suam
singuli instaurant expoliantque pietatem. Nam si Iesus
totus est titulo singulari, ac peculiari nomine Societas
totam quoque MARIAE esse necesse est; sperareque ab ip-
sa patrociniū atque opem ad implendam vocationis no-
stra, ac Apostolici propositi mensuram. Ita ille. S. Bo-
nauentura verò: Clarifica, inquit, Domina, de alto
manum tuam, & cantent serui tui laudem, & gloriam
tuam.* Vincentius certè opinabatur; nullius Dei
param enixius colentis preces irritas vnquam esse:

1181 Idem P. Vincentius Beatissimæ Virgini
commendatus fertur à Christo, qui vulneribus suis
velut gemmeos riuos fundere videbatur, & dice-
re; Patrem Caraffam à se hoc nomine amari, quòd
ille Beatissimæ Matri esset valde addictus.

1182 P. Andreas de Catorla scripsit Romam ex
Hispania; quendam è Societate seu morientem, se
aliquorum opinione iam mortuum repente exclamasse,
dixisseque: se à Beatissima Virgine contra
dæmones dirè infestos defensum, cum illa diceret:
*Sinite illum, sinite: est enim in Societate filij mei, &
bene exercuit obedientiam.*

1183 P. Ioannes Brebeuf quodam die percussus
à Barbaris, vesperi grátias agebat DEO: & videre
sibi visus est Beatissimam Virginem atibus in pectus
de-

defixis ensibus doloris plenam; audireque loquen-
tis in cor DEI vocem qua invitabatur ad B. Virgi-
nem imitandam; quippe quæ semper fuerit confor-
mis cum voluntate DEI. Sæpè illum Beatissima
Deipara, S. Ioseph &c. inuisere, vt dixi in anno
dierum illustrium, Romæ nuper in lucem dato. E-
ditum quoque montem spectauit, Sanctis vndique
coopertum; in cuius vertice Sanctorum omnium
Regina sedebat. Aliàs vel sola Deiparæ veste, aut
eius vestis ora conspecta sentiebat se lumine quodã
perfundi: nec audebat oculos ad ipsam eius vul-
tus maiestatem attollere.

1184 Ex aliorum exemplis elicere documenta
ad B. V. cultum idonea docet is qui è Gallico la-
tinus hoc anno prodijt P. Pauli Barry Paradisus aper-
tus: in quo centum exercitia ponit erga B. Virginẽ,
è breuibus exemplis excerpta v.g. S. Franciscus de
Paula quempiam salulaturus, aut alicui locuturus,
prius *Aue Maria* pronunciabat: vti & S. Catharina
Suecica petenti consilium datura. S. Xauerius sæ-
pè S. Pulcheria Imperatrix tertiã, & quarta qua-
uis feria in templo B. Virginis excubabat. S. Isa-
bella soror S. Ludouici Regis cænobium instituit,
humilitati B. Virginis dedicatum. Ioanna Franci-
ca ordinem instituit in honorem *Humilitatis B. Vir-
ginis*, voluitque vt *Præfecta Mater ancilla* vocaretur,
pag. 263. ait; quod si omnes auri massas haberet,
cor ex ijs conflaret quod ducentas auri myriades
penderet; in illud omnium seruorum B. Virginis
nomina incideret, ac Deiparæ offerret ritu solen-
niore quàm quem sol vnquam spectauerit: Sicut S.
Stephanus Hungariæ Rex templum B. Virgini ere-
xit, in cuius aris imagines primarias ex auro lactas
& eas multiplici præstantissimarum gemmarum or-
dine

AAAA

dine

Pati.

Velle
quod vult
Deus.

Illam, &
SS. omnes
colere.

Elicere
documen-
ta cultus
B. V. ex
exemplis.
Verba
sua illi cõ-
mendare.
pag. 133.
134.

Excubia
in templo
B. V.
pag. 189.
227.

Humili-
tas.
pag. 250.
251.

Cor. deside-
ria noua
cuncipere.
Pretiosa
omnia illi
dedicare.

dine emicantes collocavit. Regnum Hungariæ idē eidem Deiparæ obtulit; neque se aliter quàm Proregem B. Virginis appellabat. Cuperem, ait, imperium in totam mundorum myriadem obtinere: & hos omnes tibi, Domina, subijcerem. Ibid. pag. 414. iussa est à B. Virgine S. Brigitta hymnum *Aue maris stella* quotidie domi cum suis palàm recitare: & promisit B. Virgo se illius Domus curam habituram. Id quotidie à Societate fieri dicam numero 1192. Ibidem, quidam (postea Societatem amplexus) cum in aula nobilis ephēbus esset, per occasiones lubricas intactus euasit, recitata quotidie prece illa: *sub tuum præsidium &c.* Elegantiore cantilenas à diuersis selectoribus ingenijs componi, & domi suæ D. S. I. parenti accini curauit Comes Gabriella Cheurieria. Reliqua vide ibi: nec te opera pœnitebit.

1185. P. Petrus Bebecius religiosi ad excogitandum ingenij vir, à Beatissima Virgine obtinuerat olim quiddam pro Tyrnauienti Collegio, cui tunc præerat. Quocirca voti se reum sensit, ne quoque in eius quam moliebatur rei conscientiam ultro accito. Et occasionem attentè quaesitam Pofonij tandem reperit, prona ad hæc pia voluntate etiã Georgij Lippai Archiepiscopi Strigonientis. Illius ergo auctoritate, annuentibus Superioribus, nouum istic cœtum erexit sub titulo *MARIE matris morientium, & mortuorum*: ac adhibito amicorum consilio, illi statuta & leges condidit impressas Latine, Hungaricè, Germanicè, atque Bohemicè; quibus præfixa est præfatio ipsius Archiepiscopi iam laudati. Dabo hîc eam Deuotionis formulam quâ se huic Sodalitati transcribunt Sodales. Eam ego tunc, eiusdem Patris rogatu, & Superiorum iussu, conscripsi

*Cōsil. B. V.
Aue maris
Stella
pag. 416.
417.*

*Cassitas.
Cantus.
pag. 465.*

*ob. Pofonij
1649. 10.
Maij.*

*Pro felici
morte se
illi deuo-
nere.*

301b

AAAA

scripsi, P. Nicolao Vuesselenio Pofoniensis Collegij
 tunc Rectore: & Viennæ impressa est ad calcem li-
 belli legum huius cœtus, in hæc verba: S. MARIA
 Mater Dei, & Virgo, mater morientium, mortuorum,
 & omnium gratiarum, ego N. nescio tibi, quando, &
 quomodo moriturus, indignus seruus tuus, Te pro mea
 & meorum consodalium omnium felici agone, tuoque
 in morte, ac post mortem fidei auxilio, maternaque
 tutela, hodie, pro singulis diebus & horis totius vite
 mee, in Dominam corporis, & animæ meæ, Patronam
 vite meæ, ac advocatam mortis meæ, eternam eligo: fir-
 mitate tua ope, statim ac propono, me nunquam Te dere-
 licturum, neque contra Te aliquid unquam dicturum, fa-
 cturum, neque permissurum, ut à meis subditis contra tuum
 honorem aliquid unquam agatur; Te denique pro felici
 morte, singulari pietate, pro me, meisque consodalibus
 crebro inuocaturum. Obsecro te igitur, suscipe me
 nunc, & in hora mortis meæ in seruum perpetuum adstis
 mihi in omnibus actionibus meis, quas omnes, & sin-
 gulas ad maiorem DEI gloriam, per te nunc offero, una
 cum extrema mea expiratione, seu morte: nec me dese-
 ras in hora mortis meæ; pro qua, singulari cura, nunc pro-
 tunc Te inuoco, per felicissimum agonem Tuum, per
 aternam gloriam tuam; Et per tuum cui morienti do-
 lenter adstitisti Iesum; & per Sanctos omnes ac Sanctas
 DEI, quibus singulari tua ope in extremo agone adfuis-
 ti. Amen.

1186 Hoc anno 1649. (vt ad me, cum in his
 essem, scripsit P. Marcellus Spinellus Neapolitanæ
 Prouinciæ Præpositus Prouincialis) 6. Aprilis col-
 locata est in Potamiensi S. MARIE de gratia dicto
 templo, in clyta illa, & admirabilitate sua illustris
 imago S. Xauerij Potamiensis. Neque alio in tem-
 plo eam vnquam fuisse positam, vel translata affir-

A A A A 2

mat

Templa
B.V.

mat. Collocatam verò ait à Patribus Ioanne Angelo Franco, & Andrea Vcello, qui tunc istic sacram expeditionem celebrabant. Adeoque beneficentia suæ tantæ maternum veluti nidum esse voluit Xaverius finem S. MARIÆ de Gratia. Hoc anno edidit Romæ P. Theophilus Raynaudus Nomenclatorem Marianum, cum observationibus, & glossario erudito.

Vide hic
n. 1200.

ob. Vien-
na 1649.

In morbo.

1187 Andreas Dedrusinus æger Nouitius, cum à Nouitijs Stabat mater dolorosa velut in cantum flexa vocerècitari audiret, molitus est & ipse voce iam suprema similis canenti ea prosequi quæ audiebat; ut illam in finem vsque amaret, cuius ope ab omni letalis noxæ labe, ut constans fert opinio, per omnem vitam integer est seruatus. Eia, aiebat, mater, fons amoris, &c. Fac ut ardeat cor meum in amando Christum Deum &c. Inflammatus, & accensus per te, Virgo, sim defensus in die iudicij. Quando corpus morietur, Fac ut animæ donetur Paradisi gloria. Aspiremus & nos ad illam, quæ S. Ildephonso est signaculum fidei, interitus mortis.

Serm. 4.
de Ass.
ob. Glacij
1649.
3. Iulij.

1188 P. Daniel Stigelius ieiunia MARIANA tam constanter seruabat, ut ea nec in morbis omiserit: adeoque postremo etiam vitæ suæ sabbato ieiunavit.

ob. 26.
Aug. 1649

1189 P. Martinus Stredonius extremis quinque annis vitæ suæ, singulis noctibus è lectulo se se ad B. Virginis imaginem conferebat. Ibi per illam DEO pro felici morte supplex abiectus in genua, se in eo statu collocabat in quo solent esse ij qui ultimo vitam inter, mortemque singultu migrantem iam animam trahunt. S. Andreas Archiep. Cretensis Beatissimam Virginem vocat *Theaurum vitæ à Deo signatum*.

Noctu.
In S.
Georgium
m. f. ode 8.

Fran-

1190 *Franciscus Paglia* Coad. cum de quadratis Coadiutorum pileis à Congregatione, & à Præposito Generali abrogatis Româ nuncium audiret, ipse vltro, non iussus, citra strepitum, pileum suum quadratum Beatissimæ Matri offerens dedicauit, planeque deposuit.

ob. Lupijs
1649.

Vincere
se.

1191 *P. Alphonsus Gianottus* in libello suo de praxi virtutum, pro quotidiana erga Deiparam pietate suadet, vt in honorem quinque sensuum B. Virginis recites quinquies orationem Dominicam, & quinquies Angelicam salutationem; eique gratias agas pro recto singulorum sensuum vsu, ac exemplo nobis exhibito: petasque oculis tuis, ac sensibus reliquis, citra vllum abusum, rectè vti.

ob. 1649.
19. Sept.
Bonon.

Praxi 25.
pag. 169.

Sensuum
custodiam
illi dedi-
care.

ANNO MDCL. Soc. 110.

1192 Nona Congregatio Generalis hoc anno celebrata laudauit, & approbavit inductum in Societatem hunc morem, vt ordinarijs Sanctorum omnium Litanijs, quæ quotidie recitantur, adiungantur quotidie *Aue maris stella &c. Sub tuum præsidium &c. & oratio: Defende, quesumus, Domine, B. MARIA semper Virgine intercedente, istam ab omni aduersitate familiam, & toto corde tibi prostratam, ab hostium propitius tuere clementer insidijs.*

Societatem illi
commen-
dare.

1193 Tyrnauia in Hungaria, maior B.V. Visitantis Sodalitas hoc industriæ hoc anno inuenit, vt eius Præses varia erga B. Virginem obsequia describeret, eaque aliquo MARIANO exemplo breuiter firmaret. Ea exempla, (vt in vrna, quam fortunæ vocant, fieri solet) alia alijs sortitè obtingebant, id facturis quod scheda sorte accepta iussisset; ad dente ad eam exercitationem stimulum etiam tunc breuissimè narrato exemplo alicuius qui id honori Deiparæ olim præstiterit. Sic debet coli illa de qua

Vrna B.
V. sorte ducta
obsequia

m. s. fer. 3.

qua S. Ioannes Damascenus Christo sic loquitur: *Thesaurum salutis, turrim securitatis fecisti Genitricem tuam.* Videndum quomodo thesauro illo usi sint alij, ut illo uti bene discamus.

ob. 1650.

Sancto-
rum pra-
xes in cul-
tu B. V.
imitari.

1194 P. Christophorus Scheiner magistrum sibi S. Brigittam delegerat, assiduissime peruolutandis ijs quæ ab illa de isto cultu præscripta sunt ita intentus, ut paratus esset ea quæ legerat, velut iussa capessere, ac exequi. *Ego Regina misericordie,* ait ibi B. Virgo, *clamo ad habitatores mundi, ut eleuent oculos, & videant misericordiam.* Ego moneo & rogo quasi Mater; consulo quasi Domina.

Reuel. 1.
2. c. 19.

Sabbatum.

1195 Hoc anno is qui in templo Domus Professæ Romanæ conciones quotidie in verno ieiunio habebat ad populum, veteri P. Salmeronis exemplo renouato, de B. Virgine dixit Sabbato, raro nunc exemplo. Amat Deipara illum diem, B. Veronica ab Angelo rapiebatur ad cælestia per singulos dies Sabbati toto anno.

Bolland.
13. Iaa.
pag. 917.SSS. Tri-
nit. cultus.

1196 Annus SSS. TRINITATIS hoc anno Sodalitati B. V. Tyrnauix ab eius Præside adornatus, docet multa quæ faciunt ad inflammandum amorem, & ad Deiparæ cultum coniungendum cultui SSS. TRINITATIS.

Purgato-
rium.

1197 Ut Matrem DEI nobis pro auxilio adsciscamus ad purgatorij animas adiuuandas, est documentum *Anni morientium & mortuorum* Tirnauix hoc anno editi pro ijsdem. Expertum ait esse opem Virginis in purgatorio militem quendam, eò quòd in B. V. peruigilijs consueuisset eiusdem officium recitare.

Hebd. 5.

1198 Præter alia erga Crucifixum, eiusque Matrem obsequia, in tentatione ad illam eundum ait *Annus Crucifixi* Sodalibus ijsdem à Præside

hoc

sup

hoc anno datus: meminitque tentati Nouitij pane porrecto à B. V. tranquillati. Vide ibi plura.

Hebd. 20.
In tenta-
tione.

1199 Hoc anno eadem Sodalitas icunculam, animarum purgatorij cum SSS. Trinitate, SS. Sacramento, Beatissima Virgine, ac Angelo Custode, sparsisque libellis, rosarijs &c. ari incidi curauit, & imprimi auersæ illius paginæ nomina Sodalium ab anni vnus interuallo mortuorum. In octaua B. V. Visitantis celebratum est sacrificium pro mortuis Sodalibus, pegmate excitato.

Pro ani-
mabus
Purga-
torij in-
dustrias
excogita-
re.

1200 Vt solidior sit amor noster erga Deiparam, illi stabiliendo tenera quædam, & fortia è Sanctorum in Ecclesia probatorum scriptis collegit P. Nicolaus Lancicus asceta non ignobilis, tomo 2. opusculorum Antuerpiæ hoc anno impresso; laudatis eorum è quibus ea decerpit autoribus. E quibus in vsum iaculatoriarum delibo paucissima, more meo: Aue MARIA, gratiarum pelagus, & conceptaculum potentiæ diuinæ; Sanctitatis thesaurus, superælestis latitiæ vas, thesaurus dispensationis planè arcanus; quam velut ignis ferrum spiritus S. totam igniuit, ita vt in te spiritus S. flamma tantum videatur, nec sentiatur nisi ignis amoris: in cuius utero confectus est communis nostræ libertatis libellus, aduersus mortem fabricata sunt arma; nutrix Sanctitatis, cuius lacte omnes iusti, & sancti aluntur: pulchritudinis diadema, microcosmos Ecclesiæ. Etiam si omnes, inquit ibi S. Ioann. Damascenus, toto orbe dispersæ lingua in vnã conueniant, non possunt eius laudes oratione consequi, cum ipsa omnium encomiorum laudes excedat. Idem fecit Raynaudus in Nomenclatore quem anno superiore laudauit: apud quem Patres vide qui DEI Matrem elogijs magnis celebrant: è quibus hæc accipe: Aue MARIA, altitudo cogitandi inaccessibilis, apex gau-

à pag. 430

Gloriosa
B. V. elo-
gia con-
scribere.

dij nostri, arx religiosorum, hymnodia Angelorum, coadiutrix Christi, celum mirabile, diarium creaturae Domini, dilectissima dilectarum, domus sanctitatis, fauus mellis Christi, firmamentum omnibus firmamenti firmius, fluvius clementiae, folium sanctimoniae, fons aurifluus, fons uberrimus totius sanctitatis, gloria religiosorum; imago diuini archetypi, nobilitas caeli & terra, organum latitiae, origo omnium amoenitatum, peluis emundans conscientiam; recreatio potentissima eorum qui affliguntur; nobilitas omnium electorum; solum natale gaudij.

*lib. 2. c. 1.
& 2.*

*Domum
in qua
habitas il-
li dicare.*

1201 P. idem Nicolaus Lancicius opusc. 17. hoc anno edito, ait defensum contra sagas quoddam in Sicilia Collegium à Sancto quopiam è caelo veniente, atque dicente: *Collegium illud esse hominum peculiari cultu Deiparam colentium; & sub speciali eius patrocinio constitutum.* Bransbergæ conspectam à saga, Collegium intrare volente, Deiparam expanso pallio prohibentem, ne saga posset introspicere.

*A S. P.
Ignatio
petere
amorem
erga BV.*

1202 Hoc anno Catanæ Matrona illustris per quietem videre sibi est visa oblatam sibi perillustrem speciem S. P. Ignatij caelesti splendore perfusi, & pulcherrimam DEI Matris effigiem manu gestantis, ac in hæc ferè verba illi tunc anxie loquentis: *An me non nosti? Acquiesce pacato animo. Nam, magnæ Matris patrocinio, sospitem te reddam, atque incolumen.* Experta postea est dæmonem nihil ausum, à quo tamen antehac variè terrebatur.

*annua
n. 4.*

*Cor Tairi
spirituali
aperire.*

1203 In Sardinia fœminam dæmon minaciter perterrebat, quòd cuidam de Societate confessario suo conscientiam circa omnes dæmonis fraudes enucleatè aperuisset. Huic caeli Regina consultrix dixisse fertur in annuis; *Omnia conscientiae tuae arcana deinceps confessario tuo fac aperias. Hæc DEI est voluntas*

tas, omnia ut reueles; neque ullam aduersario fidem adhibeas, qui, ut diabolicis parere possis insidijs, hanc te circumueniendi artem commentus est.

1204 Neapoli hoc anno Victoria Millonia admoto ad maxillam doloribus plenam chirographo P. Vincentij Caraffæ, illum per eum amorem quo B. Virginem dilexit in terris, & per gaudium quod ex illius aspectu capit in cælis precata est, ut dolorem illum abstergeret. Repentè ab acerrimo dentis dolore liberatam esse fama literis prodita testatur.

1205 P. Laurentius Chryfogonus diligens, & eruditus MARIANI Mundi autor, pro acceptæ à Deo per Deiparam vocationis beneficio, præter psalmos pœnitentiales, etiam B. Virginis coronam in grati animi pensum quotidie recitabat. Paruulam DEI Matris, Filium sinu complexæ imaginem præ oculis habebat semper. Si quam eius iconem videret, eam verbis Angeli salutabat. Eiusdem statuam Græcij anno Societatis confirmatæ centesimo crexit; & testamentum scripsit, quo Deiparæ tenerè memor, prouidenter se morti parauit.

1206 Mechliniæ hoc anno constitutum est, vt in singulas hebdomadas vnum in Sodalitatis oratorio sacrificium curent Sodales, eidemque religiose intersint, pro militibus, alijsque egentioribus qui in valetudinarijs publicis migrant è vita. Ego sum, ait illa, Mater misericordiæ; ego iustorum gaudium, & aditus peccatorum ad Deum. Nulla pena est in igne Purgatorij quæ propter me non remissior erit, & lenior ad ferendum.

1207 In Paraquaria Sodali nostro, seu suo potius, ægro & anxio à Regina cæli præsentibus elegantem librum ostensum aiunt annuæ, ac dixit se:

B R B B

ob. 1650.

Vocatio.

Imago

B.V. quæ

mali sui

Toto ingenio illi

seruire.

Sacra pro defunctis curare.

Reuel. 5.

Birg. l. 6.

c. 10. init.

Diligentem esse in obsequijs Sodalit.

se: Hoc in libro exarata sunt omnia ea obsequia qua
 tu amore mei est toties executus. Louanij 16. Iulij hoc
 anno primarius lapis positus pro templo Societatis
 IESV, Deiparæ Immaculatæ ab Ernesto Comite Hen-
 burgico, nomine Leopoldi Archiducis Guber-
 natoris Belgij.

*Catechis-
 mis illam
 honorare.*

1208 Viennæ in Austria lecta tironum manus
 in catechesim pagatim effusa solenni supplicatione
 innocens agmen sub MARIANA imagine, veluti sub
 vexillo, duxit. In tironum choro ibidem Foyensis
 Deiparæ statua, & Sabbatina ex argento lampas
 appensa est, teneris illis pectoribus igne Sabbatino
 dulcius inflammandis.

*Hyperdu-
 lia illam
 colere.*

1209 Monostorini in Transyluania octo dz-
 mones à nostris ex energumena eiekti, dixerunt
 se timere DEI Matrem super omnia infra Deum. Ame-
 mus ergo eam nos, & colamus super omnia in-
 fra Deum.

*Illam
 elemosy-
 nis implo-
 rare.*

1210 Afflicta, ac desperata valetudini suæ,
 apud nostros consilium, apud Deiparam auxilium
 hoc anno reperit Zagrabia vir nobilis, cum con-
 silium petenti noster Beatissimæ Virginis opem
 per mendicos implorandam suggessit. Nobilis ele-
 mosynâ lautâ parere promptus, Patri reliqua
 commisit. Pater mendicos vicatim totâ Urbem
 collectos distinctè disponere, & supplicem illam
 pompan omnem ad immaculatæ Matris aram de-
 ducere, monereque vt Deum, & DEI Matrem,
 quæ salus est infirmorum, pro salute ægri illius
 beneficique capitis flagrantius exorarent. Effusum
 est in preces, & cæntus illud agmen eò maius quo
 maior extra Urbem annonæ caritas omnia vrge-
 bat. Sublatâ voce omnes, symphoniam ducentem
 yno, reliqui Lauretanos Virginis titulos, modu-
 latio-

latione ad pietatis magis quam ad artis modulos composita decantabant. quo euentu, res docuit. Nam largam in illos, in viduas item & orphanos, beneficentiam effusum argentum atque annona, agro nobili breui longam attulit sospitatem. S. Ioannes Damasc. *Ad protectionem tuam, tanquam ad pretiosam medicamentorum officinam recurro.*

1211 In Hibernia Kil emiensis nostra Residencia hoc anno ciuitatem ad eximiam quendam cultum Deiparæ excitauit. Statutum eligenda in Ciuitatis Patronam Deiparæ diem octo dies qui proximi præcessere, multifariam celebres fuerunt per varia misericordiae ac pietatis opera, quibus ciues se ad præstitutum diem comparabant. *Statua Mariana* in templi eiusdem nomine sacri medio, tota die cum facibus, cælitum ipsanis, & vexillis ad venerationem exposita. Additæ Litaniæ; & ignes per plateas accensi &c. Mirum quanta subito morum commutatio sit secuta, omni ætate ac sexu ter quotidie in foro, etiam in luto, DEI Matrem in statua ibidem salutante. *Populi gentium, clamat Psalmista Virginis, exquirite prudentiam eius: & inuestigate thesauros misericordiae eius.*

1212 *Marcus Martinez* Coad. in Boetica, laborum assiduitatem insigni erga DEI Matrem pietate condiebat. Omitto singula percensere. Constantia eius meretur non taceri. Cum vnum aliquem à famulis hortaretur vt Rosarium Deiparæ quotidie recitaret, illo dicente se id hætenus minime præstitisse, quod vel fuisset oblitus, vel otium minime reperisset; respondit: Mihi verò à septimo ætatis meæ anno nullo die vel memoria vel otium defuit quominus illud quotidie recitarem.

Hoc anno P. Antonius Chanut edidit To-

m. f. ser. 2.
ode 9.

Vrbes illi
dedicare.

S. Bonæ
ps. 84.

ob. 1650.
11. Febr.

Constan-
tem esse
in cultu
B. V.



loſæ præcipua ſeptem auguſtiſſimæ B. Mariæ myſteria in plura poemata diſtributa. Vide ibi lib. 6. myſterium primum, miraculum 9. de nummo aureo, eiufque inſcriptione mirabili.

Triduo ſc
ad feſtã
illius præ
parare.
Iudic. 8.
22.

illi ſc
ut ſc

Superero-
gationis
operibus
illam co-
lere.

Oratione.

Eleemoſ.

Humilita
te.

Piſs collo-
quijs.

1213 Quod olim omnes viri ſrael dixerunt ad Gedeon hoc nos in Societate ab ipſa ineunte noſtra ætate, à tirocinio uſque in ſenectam & ſenium clamamus ad Virginem Marrem: *Dominare noſtri tu, & Filius tuus.* Hoc anno Neapoli Magiſter & Noſtitij, ad imminentis feſti MARIANI apparationem ita exarsere, ut triduo quoduis magnæ Mariæ feſtum antegreſſo, diuinum Euchariſtiæ Sacramentum in facello domeſtico palàm eâ de cauſa poſitum ſint venerati, quò Filius Virginis, Mariæ ſuæ ſeruos ad feſtum diſponeret, ac præpararet. Præter matutinæ mentalis comprecationis horam triduo illo iſtic expenſam, aliam quoque horam non tirones modò ſed & Domus reliqua vniuerſa dabat ibidem coram Chriſto in Euchariſtia abſcondito, quæ fuit hora apparationis ad feſtum imminens auguſtius celebrandum. In ipſa feſti vigilia multi ieiunium pane tantum ac frigidâ circumſcribunt, & id quod pro triclinio domeſtico paratum erat obſonij, Rectore annuente, aperto capite ipſi diſtribuunt pauperibus piâ priùs catecheſi, exomologeſi, ſynaxique inſtructis. Omitto ea quæ de pulpito palàm domi legenda ſcribunt; quæque adiſciunt veſperi, flagris voluntarijs ultro ſuſceptis. In Urbem etiam prodeunt pannofi nonnulli, ut ſtipem colligant, quam dent pauperibus: alij iumentum purgamentorum baiulum præ ſe agunt. In loco ad colloquendum deſtinato pro animi relaxatione, perſcitè depicta ſeptem Deiparæ feſta appendi curauere maiores, ad oculos inuitandos, &

ad

ſol

c a a a a

ad argumentum suggerendum de Virginis Matris cultu, & laudibus colloquendi. Ea MARIANI tridui pietas iam pro suo modulo in Sodales quoque Marianos porrecta est. Vsitatum illis est, parvulam Deiparæ effigiem circumferre collo vel brachio annexam, velut armillæ ornamentum. Dicam hic ego Novititiis nostris (& si audire volent, etiam Sodalibus quos in cultu Deiparæ educamus) dicam id quod celebris ille Thomas à Kempis suis dicebat: *si malignus hostis vos tentat, & à laude DEI ac Mariæ impedit, non curetis, nec laudare, & orare cesseris; sed eo ardentius MARIAM invocate, Mariam salutate, Mariam cogitate, nominare, honorate, semper glorificate; cum MARIA in cella manete, cum Maria silete, cum Maria gaudete, cum IESV & MARIA calos ascendite.*

ANNO MDCLII. Soc. III.

1214. Græcij Sodales hoc anno ad varia se afflicti experimenta excitati. Eorum vnus calescente MARIAE nomen humi linguâ lentè tractâ descripsit, velut calamo Mariano, cum aliâs, tum Sabbato maxime. Et prius quàm siccaretur, descriptum simplex amanterque legebat, & suavissimis osculis honorabat. S. Bonaventura: *Ecce quàm bonum, & quàm iucundum, MARIA, diligere nomen Tuum. Unguentum effusum, & aromaticum est diligentibus ipsum.* Ad hunc vsque annum deducta sunt ibidem impressa *Inciumenta mea, & Praxes colendi Beatissimam Virginem Matrem; firmata exemplis domesticis Græcij ac Tyrnaviæ Sodalibus dedicata; quæ hic passim, & potissimum post annum 1640. reperies. Euit is libellus horum Annalium velut prodromus, & rudimentum: ac, vbi licuerit, poterit auctario nobilissimo ex his ipsis annalibus exaugeri.*

Tyrna.

Vide annuas
Nec.

Serm. p. 3.
Serm. 2.

Sabbatum.
Mortific.

Nomen
Maria.

Ps. 142.

B. Vir-
ginis libel-
lum sup-
plicem
purrigere.

m. f. Do-
minic ode
4.

Noua
Dei Ma-
tri sacel-
la erige-
re.

1. 2. in c. 2.
2. Matth.
hom. 2.

ob. 1651.
Festum
Present.

Quotidie
illam pro
felici mor-
te orare.

Apud Mi-
chou. Lit.
Laures.
disc 252.
pag. 487.

1215 Tyrnauia Praeses Sodalitatis B. V. Viti-
tantis, ad Beatiss. Virginem, ad S. Iosephum, &
SS. Barbaram, Ursulam, socias, aliosque caelites
eorum qui in extremo agone laborant aduocatos
libellum supplicem dedit, hoc anno ibidem impres-
sum. S. Ioannes Damasc. *O immaculata, quae es
diuinus locus sanctificationis eximantia, sanctifica ani-
mam meam.*

1216 In Olberstorfensi Bohemie Residentia Soc:
IESV, visum est opportunum in excello Ribneri vi-
cini montis iugo sacellum Dei Matris imponer-
id quod factum prona populorum liberalitate.
S. Ioannes Chrysostomus refert Orientales quosdam
quotannis post messem ascendisse in montem antea-
nissimum qui dicebatur *Mons victorialis*: quem
montem ascendentes, & lauantes se, offerebant,
& laudabant in silentio Deum, & in illo monte
apparuisse illis paruulum puerum cum cruce. In
Mariano Ribneri monte idem agitur confessione, &c.

1217 P. Robertus de la Planche, magnus Dei Ma-
tris Ecclesiastes, author fuit vt Brugis Praesentatio-
nis B. V. festum per octo dies cum insigni pompa
celebraretur.

1218 Ioannes de Neue Coad. Mechliniae hoc
anno eadem, vt obseruatum est, hora mortuus est,
qua Beatissima Matri quotidie constanter conse-
crata, coronam eiusdem precitabat supplicem, vt fe-
licem in Societate mortem oppeteret. *Nunquam
male peribit, inquit S. Ignatius Episc. martyr, qui
Genitrici Virgini deuotus sedulusque existerit. Idem
Ioannes cum nihil haberet quod pauperibus daret,
recitata salutatione Angelica pro illis a Regina cae-
li eleemosynam flagitabat.*

1219 Hoc anno, & alias, per plures Vices
la-

latè in familias est propagatus mos vesperi post conscientiam probè discussam somni non prius capessendi, quam tota familia coram B. V. imagine Litanias Lauretanas recitarit. S. Ioannes Damasc. *Dormitatio negligentia, & somnus peccati occupavit me. Tu excita me.*

Vesperi.

m. f. ser. 5.
ode 4.

1220 Augustæ is qui Sodalibus civibus hoc anno præfuit Pater, aiebat. Sodalium singulis in extremo vitæ limine illam, qua se Virgini dedicaret syngrapham & formulam in manus inferendam pro mortis leuamento, pulcherrimoque solatio, & pro itinere ad cæli Reginam istâ cõmendatione, ac velut patentibus literis muniendo. Idcirco optimi illi Sodales eo incitamento incitati eam formulam qua se Deiparæ quotannis dedicant, argento alij, auro alij (vnusquispiam sanguine) descripsere. Friburgi Helueticorum verò Sodalium quidam Sabbatinos dies ieiunio, noctes accensis lampadibus coluere. S. Io. Damasc. *Affulge mihi purissimis pœnitentiæ radijs, ò Domina, porta lucis.*

Mortis felicis industrias inuenire.

Sabb.
Lucernæ,
m. f. Sabb.
ode 3.

1221 Nouesij hostico præsidio excedente, Vrbe die B. V. Visitantis liberatâ, actis Deo gratijs, Nostro id pro concione impensè virgente, ad singulas Urbis portas augustæ Dei Matris statuæ (belli tempore vel ablata, vel sine honore relicta, maiore quàm vnquam ornatu sunt restituta, ac festis dominicisque diebus multâ luce funeralium honorata. S. Bonauentura: *Fructus gratiæ inueniet qui sperauerit in illa: porta paradisi referabitur ei.*

Vrbium portas B. V. imagine honorare.

ps 90.

1222 Hoc anno Arensbergæ, ac vicinæ toti à Nostri facile quinquaginta volumina imaginum, & 250. duodecades Marianarum coronarum empta, ac distributa: vt gratis accepta pietatis Virgineæ instrumenta plures ad pietatis officia inuiterent.

Cultum eius minusculis propagare.

ps. 152. rent. *Laudate pueri*, ait S. Bonaventura, *Matrem Dei; glorificate senes, nomen eius: ipsa enim est via ad gloriam sanctitatis.*

Vesper.

1223 A Molshemiensi missione foris duobus in locis in morem inductum, vt quotidie sub diem exeuntem laudes B. Virginis decantentur. *Exaltabo te, Mater Filij Dei*, ait S. Bonavent. & per singulos dies cantabo laudes tuas:

ps. 154.

Vsum E^u
charistia
illius a-
more ac-
cendere.

1224 Ars B. Virginem amandi, ope SS. Eucharistia Sacramenti est excolenda & perficienda: id quod multis illustrat *Annus meus Eucharisticus Tyrnavia* hoc anno editus. Ibi visa est ipsa Deipara eos qui sacra Synaxi refecti fuerant reuereri; alias vero, florido paludamento suo contegere, ac Domino IESU commendare.

Castitas.

Tentatio-
nes.

1225 Quibusdam impura tentatione crebro pulsatis hoc dedit consilij de Societate quidam in Austria Prouincia, vt voto concepto Christi infantis honori semel quotidie orationem dominicam, semel Angelicam recitarent, ac tantundem immaculatae Deiparae Conceptioni honorandae adijcerent. Huic obsecuti, nullo deinceps conflictu sunt victi, licet saepe tentati. S. Io. Damasc. *Totum desiderium meum excito ad te, o purissima Domina: a carnalibus concupiscentijs quantocyus libera me.*

m. f. Sabb.
ode 3.

Genibus
flexis de
illa audi-
re.

1226 Viennae Austriae in Collegio nobilissimae vnius classis corona vniuersa, Magistrum suum de amanda Virgine Deipara hortatorem genibus nixa pie audiuit, & voto chirographi subscriptione firmato, suam quouis formulam eidem porrexit. Voti summa erat; Immaculatam Dei Matris Conceptionem semper tueri vsque ad sanguinem, si res ferret, nutu Ecclesiae. Hoc, suo quouis nomine Virgini Matri offerri dum peteret, is qui singulorum
sche.

chedas accepit Magister, conceptis verbis è schedis omnium vnam precandi formulam composuit, quam illi deinceps quotidie singuli recitarent, omnes verò vnà in gymnasio renouarent, ei cui S. Io. Damasc. *O ineffabile Domini miraculorum promptuarium, & mundi renouatio.*

1227 Nancei hoc anno octo à B. V. Assumptæ festo dies à nostro concionibus celebrati. Romæ in templo Domus Professorum per eisdem narratur exempla de B. V. Antuerpiæ celeberrima B. V. Præsentatæ solemnitas ad totos octo dies augustè colendos extensa. id quod fit ferè passim in Belgio: vbi festum hoc præ quàm fortè vsquam alibi celebratur. S. Bonauentura: *scire, ait, & cognoscere te est radix immortalitatis; & enarrare virtutes tuas est via salutis.*

1228 Ingolstadij, hortatu studioque cuiusdam è Societate, intra vnius anni curriculum, pro animabus purgatorij, collatâ plurimum industriâ Virgini Matri dedicatâ, donatæ sunt preces ac rosaria, quæ numerum nouendecim millium & centesimum ac nonagesimum superârunt. Oranda est vt pro eis oret illa de qua S. Bonauentura: *Super thus & balsamum oratio eius; incensum preces eius; non reuertuntur vacuæ ac inanes.*

1229 Hoc anno Patanij editum est P. Lauentij Chryfogoni *Speculum mundi MARIA*, in folio: Viennæ verò Austriæ Latinè è P. Ioannis Bucelleni calamo prodière *Sancti affectus amoris* ex Italico P. Gregorij Ferrarij fonte ducti. In his hoc de B. V. non dissimulandum. *Qui (ait ille) excellere vult in sanctitate, quomensibus anni, prima dominica, & festis sollemnioribus B. Virginis, communicet ad honorem dicte Domine nostræ.*

m. f. fer.
3. ode 8.

Octo dies
ab eius festo
proximos
colere.

Pf. 85.

Pf. 83e

S. Synaxim
frequentare.
pag. 311.

ob. 1651.

Ope illius
ad actus
nobilissi-
mos eli-
ciendos
vis.

Magnifi-
cat.

3. Ian.

ob. in Po-
lonia
1651. 25.
Apr.
Vocatio.

Decomiam
omnem il-
li com-
mendare.

1230 P. Franciscus Piccolomineus Præp. Gen. cum in morbo supremo actus fidei eliceret, rogabat Beatissimam Virginem, ut in quo ille deficeret, e suæ fidei plenitudine illa suppleret. Post communionem, Domina, aiebat, patere quaso ut tua merita offeram Deo meo: cum enim propria non habeam, nisi tua offerrem, vacuus in conspectu Domini apparerem. Cum id per vires adhuc posset, per quartam horæ partem nudis humi genibus perstabat, orans ut B. Virgini dedicato die Sabbati mori posset. Magnificat sæpè secum, ac teneriùs repetebat; illa potissimum; & exultavit spiritus meus in Deo salutari meo. quasi diceret cum S. Sabba in Menæis: Apud te omnem salutem meam, cuius me tenet fiducia, vitamque per te dirigendam, depono. Libera me à periculis simul tua intercessione ad portum tranquillitatis atque salutis perducas.

1231 P. Ioannes Slostouuski. Deiparæ imploratæ consultricis monitu Societatem ingressus fertur voce illa audita: Pete; ingredi Societatem IESV. In Societate moriens, Patri conscientia suæ Præfecto candide affirmavit, se à purissima sua Domina opportunam Oeconomiam suæ pluuiam, serenitatem, & quicquid aliud petierit, semper impetrasse: eiusdem impetratione, à vitæ discrimine una cum equo in profundam foueam secum delapso, & aliàs cum ab equo raptaretur, ereptum.

1232 P. Hieronymus Ansaldus hoc anno die Annunciationis B. Virginis, in eiusdem sacello sacrum celebrans, à persona id iureiurando testata conspectus dicitur post consecrationem sub quadam nube, quæ de cælo veniens, illi caput & humeros obtegebat, ipso luce tanta perfuso, quantum aspicientes oculi vix ferebant.

A N-

ANNO MDCLII. Soc. 112.

1233 Nonnemo ad dictum proximè P. Anfaldum, Beatissimæ Virginis nomine veniens dixit; se ad illum à Beatissima Virgine mitti, quæ ei nunciabat, vt à cæli Regina maiora deinceps fidenter peteret; ea se illi à suo Filio impetraturam.

ob. Romæ
1652.
2. Febr.
Fiducia.

1234 In Paraquariæ pago *Candelaria* dicto Indus æger dixit visam sibi S. Mariam Magdalenam, & S. Catharinam, quæ nomine Reginæ Angelorum illum inter Angelos victurum euocabant; idesse aliàs præmium Sodalium B. V. perfectorum. Hortatæ illum ergo sunt, vt omninò Sodalitati nomen daret. Accitus est Præses noster Sodalitatis; & ille albo inscriptus, obiit. Ibidem in pago yapeyuenfi puella Inda à morte vel ab alto somno expectata dixit visam sibi Deiparam, à qua in cælum euocabatur, sed iubebatur Sacerdoti culpam, quandam leuissimam aperire. Aduolauit Pater de Societate, illamque expiavit, ac læta morte migrantem vidit.

Annua ab
anno
1650.

Mors

Venialia
etiam diligenter
expiare.

1235 Ioannes Daniel Coad. hernia graui laborans, quò ad omnia sua esset expeditus, per multas hebdomadas in templo *Colloquij B. Virginis Matris Admirabilis*, iconem B. V. quam *Consolatricem* vocant, assidue visitabat vt curaretur. Anno 1647. hic orantem somnus, occupauit. Aiunt adfuisse illi Deiparam, quam ille *Matrem Admirabilem* vocabat, duabus S. è cælo virginibus comitatam; & dixisse: *Ioannes, vis sanari?* Respondit ille; velle se, si ita vellet illius Filius. Experfectus à somno, suauissimis perfusus lacrymis, se à morbo illo planè immunem sensit. quod Deiparæ miraculum ab Ordinario ritè expensum est, & approbatum. *Seruite illi*, monet S. Bonauentura, *reuerenter exultantes;*

ob. 1652.
Montibus
29. Dec.

In morbo.

Pf. 93.

tes; & sanabit vos benedictus fructus castissimi ventris eius.

ob. Roma
1652.

Exempla
de B. V.
adnotare.

Pf. 153.

1236 P. Philippus Alegambe iam inde à 3 Augusti anni 1642. vsque ad 1650, Sabbatina quæ in templo Domus Professæ Romanæ narratur exempla in libro ad id præparato diligenter in vsum publicum adnotabat, eo qui id narrauit, & autore adscripto. In Bibliotheca Scriptorum Societatis in singularem Indicem digessit scriptores MARIANOS. S. Bonauentura: *Clarifica*, inquit, *de alto manuum tuam: & cantent serui tui laudem & gloriam tuam*.

Sacrum
Commu-
nio.

Hebdoma
da Ma-
riana.

Exempla.
Contritio.

Palam se
illi dedi-
care.

m. s. fer.
3. adusp.

1237 Idem sibi ad altare ad sacrificandum eunti præscribit illa S. Bernardi: *Per te accessum habeamus ad Filium &c.*

1238 Idem, vt alia omittam, Deiparam per hebdomadæ dies cum Sanctis colendam ita distribuatur, vt Dominico Reginam Angelorum coleret. fer. 2. Reginam Patriarcharum, & Prophetarum: fer. 3. Martyrum. fer. 4. Pontificum, & Doctorum: fer. v. Confessorum: fer. vi. Monachorum, Eremitarum: Sabbato Reginam Virginum, & omnium Sanctorum. Conceptis verbis & conscriptis se Deiparæ dedicabat.

1239 Arimini Collegium hebdomadariæ Sabbatini exempli narrationi hoc adiecit, vt ea narratione concitatus vniuersæ concionis animus, ad eliciendum (impetrante id Deipara) conceptis à præeunte Sacerdote verbis, contritionis actum inuitetur. Additur formula qua se omnes dedicant DEI Matri. Præit ad hæc exemplo S. Io. Damasc. ita illam orans: *Spatiosissima DEI regio facta es. Rogo, vt me demonum domum, & passionum tabernaculum, liberare digneris.*

In

1240 In suburbana Mechliniensium tironum, villa facellum est erectum, in quo nobilis statua Deiparæ visitur cum hac epigraphe: *Mater Novitiorum*. Hic locus beneficentia Virginis inclarescit usque ad admirabilitatem. Ut benè conuertamur ad Deum, conuertamus cor ad cor Virginis, de quo B. Laurentius Iustinianus. *Ad Deum conuersum est totum cor Virginis noua irradiatum luce, insolito charitatis desiderio liquefactum.*

Novitios ad eius cultum accendere.

Cor. In Annunc. B.V. ob. 1652. Oeconomia illam proficere.

f. 1. in Nat. B.V.

1241 P. Petrus de Beye Dunkerchæ dum reget, Virgini Matri, magna fiducia, pauperis ærarij præfecturam transcripsit, adeò feliciter, vt nullis æris alieni nominibus contractis, templum à fundamentis ad fastigium extulerit; vt de aula scholisque nil dicam. B. Petrus Damiani ait, illâ *nil sublimius esse, nil dulcius misera mortalitati, & mortali miseria.*

Pristinos R.V. Loro res restituere. m. f. Dom. ode 6.

1242 Ariæ in principe Urbis Basilica, nostro apud concionem connitente, antiquata iam olim Deiparæ Virginis, quæ istic *Panetaria* dicitur, pietas in pristinum florem redijt. S. Io. Damascenus ad illam: *Tu portus tranquillus facta es nobis laudantibus te.*

In scholis imagines B.V. collocare.

1243 Quemadmodum olim in Græcæ Academia limine visebatur *amoris effigies*; ita hoc anno Duaci sanctiore studio in publica scholarum area *Reginæ Sapientia* imago à nostris est collocata: vt dum frequens ac pia iuuentus ad gymnasium affluit, flexo ad reuerentiam genu ab omnibus consalutetur optima Dei Mater. Idem Dusseldorpij hoc anno factum: item in Meppensi Residentia celebritate ac supplicatione solenni, statua *MARIANA* 2. Iulij pro Scholarum fronte posita, & dedicata. Eiusdem egregiam imaginem habet in capite gra-

Pf. 92

graduum domi, & in scholis Collegium Romanum.
S. Bonaventura: *Qui desideratis sapientiam Christi,
seruite Matri eius animo reuerenti.*

Theatra
laudum
B. V. M. a-
gnificat.

1244 Veldkirchenses nostri hoc anno eximia,
cum venustate, sub literarij anni finem teatro de-
dêre *Magnificat* canticum MARIANUM, insigni plau-
su, & sensu suauissimæ pietatis. Friburgi Brisgoiæ
extaticos S. Dionysij Areopagitæ in Deiparam Vir-
ginem amores dedit scena nobilis, pia cum volu-
ptate spectata: uti & Dilingæ *Annus Deiparæ* Sacer-
placuit ingenio & pietate. *In manibus tuis sunt the-
sauri miserationum Domini*, ait B. Petrus Damiani:
*occasionem queris saluandi miseros, & misericordiam
effundendi.*

fi. in
Nat. B. V.

ob. 1652
Oenip.

Laureta-
ne adis
cultum
extendere
In fine
serm. de
Nat. B. V.

1245 P. Thomas Anreiter, ut in Deiparæ hono-
rem ædes Lauretanæ similis excitaretur author fuit,
fructu pulcherrimo pietatis, id quod ab alijs quo-
que factum. Repetamus hîc illud B. Petri Damia-
ni: *Summa gloria est post Deum, te videre, adhaerere
tibi, & in tua protectionis munimine demorari.* audi
nos: *Nam & Filius nihil negans honorat te.* Prodiit
hoc anno Lugduni posthuma P. Bonifacij Constanti-
nini *Historia Angelorum*; cuius c. 24. multa Ange-
lorum obsequia erga Sodales B. V. colligit. A pag.
370. probat quod *BB. Angeli SS. Deiparæ sint Admi-
nistri*, atque id eruditè. & pag. 389. inter obse-
quia Angelis exhibenda ponit *cultum Regina Ange-
lorum.*

Sanctos
mēstruos
colere.

1246 Sanctorum cultus semel quotmensibus
est argumentum cohortationis quam in Sodalita-
bus habent Præsides. ita ut cœtus illi sint velut
gymnasia in quibus docetur ars honoris Cœlitibus
exhibendi. Didicit hoc Sodalis Ciuis Coloniae, qui
funebrem tumbam sibi fabrefactam, pijs eorum
Cæli-

Cælitum, quos in B. V. Sodalitate quot mensibus accipiebat iconibus, intus ac foris vnde quaque conuestiuit. Alius ibidem ante mortem produxit Sanctorum nomina, & patrocina per triginta circiter annos in B. V. Congregatione collecta, contemplabaturque illum cumulum, secum loculo inferendum, non sine sensu fiducia admirandæ.

1247 Fuldæ Sodalis noster, nobilis adolescens hoc anno iam cubitum concesserat, somnum etiam propè auspicatus, cum repente neglecti per inconsiderantiam eo die *Rosarij Mariani*, ac eorum quæ de retinenda in B. V. cultu constantia in Scholis ac Sodalitate audierat sanctè memor, strato extemplo exiliit, & se Rosario recitando accinxit. Interea superior lecti tabula, seu cælum ligneum, magno impetu & pondere in lectum corruit, certo exitio iuuenem oppressura, nisi eum constans pietas exitio subduxisset. S. Bonaventura DEI Matricæ *Non deficiat, inquit, laus tua de labijs nostris, ne charitas tua de præcordijs nostris. Qui te diligunt, benedicantur à DEO: & qui te volunt diligere, non defraudentur à fide.*

Hortari omnes ad pensum B. V.

Pj. 135.

1248 P. Gebhardus Razenried edidit *Hebdomadam MARIANAM*: & dignas Deiparæ amore virtutes inædificabat suo erga illam studio quo flagrabat.

ob. Mantua 1652.

1249 Hoc anno Societati nomen matura iam ætate, ac obitis magnis muneribus, dedit *Marraccio* in Biblioth. Mariana, scripsit & vulgavit eleganter Italicè librum de *Sanctissimo Rosario Beatissimæ Virginis*. In eo autem libello quem anno 1636. edidit pro animabus purgatorij, toto capite quinto loquitur de amore quo *Beatissima Virgo* prosequitur animas purgatorij. Amemus quod amat.

Amare animas purgatorij imitatione illius.

In

Temple
B. V. eri-
gere.

Sabbato.

Lectio.

Mensa
30. Ian.

ob. 1652.

Manci-
pium fie-
ri B. V.

Conuersa
tio pia.

De illa
legere.

ob. Panor-
mi 5. Aug
1652.

Illam
consule-
re per sy-
naxim
Sabbati-
nam.

Populum
eius amo-
re inflam-
mare.

1250 In Sinis, in Vrbe Yempim, templum
DEI Matri à Patre quodam de Societate extructum,
Mandarinis nobilibus per epigrammata docta de-
dicationem celebrantibus. Ibidem in alio templo
singulis hebdomadis sabbato confluunt Christiani;
ac audito de B. V. sacro varia de rebus caelestibus
legunt, & audiunt; adiecto seверо eius diei ieiunio
& flagris quibus ipsi se vltro afficiant. S. Sabbas:
O, inquit, auro comante fulgentissima turris, irrigate
solaribus radijs throne, incomprehensum prodigium!

1251 P. Stanislaus Phoenicius Lublini anno
1632. edidit libellum cui titulus: *Mariae Mancipium*,
sive modus tradendi se in mancipium Deiparae
Virginis. vbi de Marino fratre B. Petri Damiani,
Deiparae mancipio, felicissimè moriente.

1252 Florentiae hoc anno Italicè typis in lu-
cem dedit P. Ioannes Dominicus Ottonellus *Conuersa-
tionem IESU, MARIAE, IOSEPHI; Augustae autem*
P. Vuolfgangus Herman, *corollam honoris B. V. seu*
synopsim testimoniorum de B. V.

1253 Caesar Caietanus è Cassari Principe, & Sor-
tini Marchione Societatis IESU Nouitius, cum de
Societate ineunda Deiparam consultricem opta-
ret, praeter adhibita Sabbatina & pridie festorum
eius arcta ieiunia, Sabbato quouis sacrae synaxi
accubuit: postea in Societate quoque illi tenerè
addictus.

ANNO M D CL III. Soc. 113.

1254 Annuae Paraquariae in hunc annum late
exequuntur, quanto in Deiparam studio populum
illum accendat Societas. Nouum quendam pa-
gum B. V. Lauretanæ pagum vocant. Ibi Bea-
tiss. Virginis Sodalitatem collegere Patres, quam
ille populus tanti facit, vt se in illa salutis suae tes-
seram

seram habere opinetur. Ager quidam cum de
ineunda illa Sodalitate cogitaret, dicitur vidisse
aperto vltro tecto ac cælo ipsam cæli augustam
ad se descendere, à qua salutatus & bono de re-
cuperanda incolumitate animo esse iussus est.
Habebat vasculum cælesti quodam liquore ple-
num Virgo: & mox apprehensâ vtraque infirmi
manu, illi aliquid è pretioso illo liquore infudit,
iussitque ori inferre. Paruit æger: & admirabilis
liquoris illius fragrantia suauitateque se adeò re-
creatum sensit, vt illicò morbus omnis aufugerit.
Elinguis præ gaudio, & sui vix iam compos, ac
deliciarum & lachrymarum plenus Deiparam in-
tuebatur: quæ illi blandè iterum locuta: Eia, inquit,
fili, hoc pretium ac præmium est illius pietatis qua
ad meam Congregationem aspiras; maiora cõsecu-
turus indies, nisi torpeas in incepto. Hæc ille Sodali-
tatis illius Præsidi narrauit, & albo inscriptus est.

1255 Fœminæ ad bonam frugem à socijs
adductæ atque à Deipara pro tribunali Christi ad-
iutæ, in agone musica de B. V. imagine erumpen-
te recreatæ mortem vide latius n. 18. in annuis ibid.

1256 P. Ioannes Almeida stupenda sui afflictatio-
ne mirabilis, catenis, flagris, cilicijs se atterebat.
Deiparæ, ac S. Iosepho aram in corde constituit,
sæpè illud ingeminans: *Iesus, Maria, Ioseph; Gloria*
Patri, & Filio, & Spiritui Sancto, & Virgini Marie,
Idem se coram Deo Deiparâq; humi sternebat,
ibi iacens instar iumentum vlcibus scatentis, tabe
pleni, ac mortui. Cum esset paruulus, Vianæ in
Lusitania Sabbato quouis ad B. V. templum piam
peregrinationem instituebat cum pia fœmina à qua
educabatur, quippe hospes ex Anglia. Sæpè offi-
cio Ecclesiastico persoluto, aliud de sancta illius

Sodalitate
B. V.
magni fa-
cere.

Morbus.

Sodalita-
tes fouere.

ob. in Bra-
zil. 1653.

Mortifi-
catio. Ia-
culatione
Humili-
tas.

Sabbatina
peregrina-
tio.

DDDD

Con.

Conceptione integrum addebat. Inter iaculatorias his etiam sæpè utebatur: *O SSS. Trinitas! ò Domine IESV! O Virgo sanctissima! O Mater admirabilis! O mors, ò iudicium, ò aternitas.* Plura de illo in annuis, & mira.

ob. 1653.
10. Iun.
Fiducia.
Pj. 92.

1257 De P. Iosepho Cataldino Paraquarienses memoriæ produnt, illi, præter alia, visam sæpiùs DEI Matrem; quæ etiam aliquando de salute anxio dixerit: *Noli timere, Fili.* Quis, inquit S. Bonavent. *quis satisfaciet enarrare opera tua, Domina, & quis inuestigabit thesauros misericordie tue?*

ob. 1653.
Domum
suam
B.V. dica-
re.

1258 P. Carolus Musart Viennæ pluribus autor fuit; vt præ foribus domorum B. V. statuas ponerent, ac præ his lampades appenderent, & Sabbato Litanias cani curarent, atque ita impetrarent illud quod petit S. Io. Damasc. *Affulge mihi cum radio veræ penitentiae: illumina me salutiferis splendoribus, ò purissima.* De Francisco Pennant hoc anno mortuo vide annum 1639. n. 873.

Sabb.
m. s. f. r. 4.
odc 5.

1259 Hoc anno Romæ, nostro quodam è Domino professorum adnitente, numisma elegans curatum est, cuius partem superiorem in cælo B. Virgo cum paruulo suo IESV occupat; inferiorem, anima vna manibus è purgatorij flammis ad IESVM, & MARIAM porrectis, cum inscriptione: *Mater Misericordie.* Hac arte tam B. Virgo, quàm felices illæ animæ in mentem veniunt; cum numismata è rosario, colloie pendentia longè faciliùs præ manibus, oculisque versentur quàm imagines. S. Bonaventura: *Miserationibus tuis repletur paradisus; & à terrore tuo hostis confunditur infernalis.* Qui sperat in te, inueniet thesauros pacis; & qui te non inuocat, non perueniet ad Regnum DEI.

Numisma
B.V. cum
animabus
purgato-
rij.

Pj. 86.

1260 Philosophia Pragensis Collegij cum Magistro

gistro suos 70. Magistros emeritos & laureatos ad Beatissimæ Deiparæ Montem Sanctum septimo Praga lapide diffitum religiose duxit hoc anno, seque illi dedicavit. Appensum anathema fuere Philosophorum nomina serico explicato impressa, ac Matri, & sedi Sapientia dedicata: calamus item argenteus, auro elegans, pendulus a catena. Imago etiam eiusdem Virginis æri incisa impressa latè sparsa. Felicia ingenia quæ sanctas, & nouas DEI Matrem colendi artes inueniunt, & exemplo extendunt.

Studia sua illi dedicare. Et finem omnis operis.

1261 In Annis Franciæ, hoc anno in mari ob seuientem tempestatem, iam spem vitæ, & clauum abiecerat gubernator. Vouit noster, qui istic vnâ periclitabatur, ieiunium diei Sabbati tota vitæ, & nouendiale Sacrificium. Mercatoribus persuasit varia opera pietatis: & facta est tranquillitas magna.

Novendiale saccrum. Sabbat.

1262 In Austria Prouincia hoc anno quidam cum ad defectionem a Societate tentaretur, ei quæ Passauij Auxiliatrix titulo colitur Virgini Deiparæ se impensius commendauit semel, iterumque; & placidè conqueuit, illas voces sibi visus audire: Permane constans ibi vbides. S. Bonauentura ad B. V. Irradiatio gloriæ tuæ dilucidat intellectum: Et lux miserationum tuarum perducit ad salutem.

In tentatione. ps. 85.

1263 Viennæ Austria, bonorum operum, quæ in Sodalitate quot mensibus Præfidi dant singuli, catalogum Sodales aliqui suo sanguine conscripsere, ac aræ Virginis obtulere, iuxta illud St Bernardi: Modicum istud quod offerre desideras, purissimis illis, & omni acceptione dignissimis MARIE manibus offerendum tradere cura, si non vis sustinere repulsam.

Opera sua in B. R. manibus deponere. in fine ser. de Aqueducto

1264 Hispali hoc anno curru triumphali



Immacu- cum pompæ multifariam splendida apparatione,
lata B.V. præter Sacramentum immaculatæ Conceptioni de-
Conceptio- fendendæ dictum, quoad per Ecclesiam id liceat,
nem hono- ducta supplicatio ac triumphus, magna omnium
rare. (& quorundam etiam gaudio lachrymantium)

ps. 102. exultatione; quasi dicerent cum S. Bonaventura,
Scholasti- *Benedic, anima mea, Matri IESU Christi, & omnia*
cos ad eius *præcordia mea glorificate nomen eius.* Sublata in al-
cultum tum hastis triumphalibus formula iuramenti. In
accendere. prægrandi vexillo hæc epigraphæ à Theologo ge-
 stabatur: *Pro MARIA Concepta sine peccato originali*
Collegium, & Scholæ S. Hermenegildi Societatis IESU.
 Triduum tenuit variè semper admirabilis, noua,
 & omnium plausu publico accepta dierum, noctium,
 templi, fori, platearum, equitum, tubarum, dra-
 matum, certaminum, symbolorum, carminum,
 Sodalitatum, nationumque iurantium celebritas,
 Hispali tota cælestis cuiusdam, ac triumphatricis
 Urbis magnificentissimam imaginem referente.

10. 10. f. 2. S. Augustinus: *Quid dicam pauper ingenio? Si ca-*
de Ass. *lum te vocem, altior es; si Matrem gentium dicam,*
B.V. *precedis; si formam DEI appellem, digna existis.*
fol. 270. 1265

Hoc anno Granatæ hoc MARIANÆ coro-
 næ auctarium est adiunctum, ut ad maiora grana
 gratia à Deo petatur ad actum veræ contritionis
 eliciendum; ad singula verò grana salutationis An-
 gelicæ eliciatur actus vnus contritionis. S. Ioannes
 Damascenus ad B.V. *Cordi obductum callum ac demo-*
num impetus velociter extermina.

ob. 1653. 1266 P. Ioannes Machuca dolentis Deiparæ
Dolentem (cui à solitudine nomen est à triduo Christi in se-
Virginem pulchro iacentis) cultum per celebrem reddidit,
celebrare. procuratâ illi statuâ, arâ in templo, ac varijs
m. f. fer. 3. officijs pietatis. *Me dignum fac compassione tua,*
 in-

inquit idem S. Ioannes Damascenus.

1267 In Rheno Superiore Sodales inter coronæ, quam recitant, decades, velut intercalare carmen interponunt eius quod celebrant festi *Mariani memoriam* v.g. in festo Visitationis; *Per amabilem, & latabilem Visitationem tuam, visita me, & doce me ut in æternum magnificet anima mea Dominum.* Ita S. Ioannes Damascenus ibidem, *Matrem tuam*, ait, *ego infelix offero tibi, ò Verbum, ad intercedendum pro me; quam tu suscipiens libera me.*

1268 M. Leonardus Schaffers ad Deiparæ cultum voti Sacramento se obligavit; idque agebat assidue quod vouerat. S. Bonaventura: *Nihil abscondas mihi de amore tuo. Quid retribuam tibi nisi me totum? Domina, suscipe me.*

1269 Sunt de Societate qui sacra, coronas, ieiunia, cilicia, & cætera quæ animabus purgatorij donant liberaliter, omnia deponunt in manibus B. Virginis; vt illa de illis applicandis arbitrato suo disponat: sunt qui animas illorum potissimum adiutas volunt qui in hac vita B. Virgini singulari studio fuere addicti. Cortraci primæ notæ Sodales Sacramentum dixere, quo se ad pias illas animas cum alijs pietatis officijs, tum verò communionis mensuræ indulgentijs, precibus, pietate, ac Sabbatino ieiunio enixius adiuuandas liberaliter obtinere. Mexici hoc anno 2. Nouembris initus est numerus mortualium sacrificiorum, è datis quatuor in singula sacra regalibus, siue iulijs (quorum septem ac decem faciunt vnum aureum, quem Vngaricum vocant) procuratorum à nostris Sodalibus: & numerata sunt id genus sacrificiorum, tredecim millia quingenta triginta nouem; omnia Sodalium pietate curata, aliquot scutorum millibus
eam

Fest.
B.V.

ob. 1653.
Volo se il-
li obstrin-
gere.
ps. 119.

Purgatorij
animas iu-
uare.

eam in rem piâ liberalitate impensis. S. Bonâuentura: *Intellectus bonus omnibus honorantibus te: & sors illorum inter Angelos pacis.*

ps. 110.

Ang. los
cum illa
colere.
vid. l. b. d.
14. 31. 43.
50.

1270 Annus meus Angelicus hoc anno pro Tyrnauienti B. V. Sodalitate datus in lucem ait Angelis perplacere in nobis cultum Deiparæ. Affert autores qui dicant Regiam olim in Vngaria infantem, dum nasceretur, claro sermone Vngarico hæc protulisse: *Aue Regina celorum: Mater Regis Angelorum.*

l. b. d. 24.
Piorum
corda illi
fferre.

1271 Annus meus pueri IESV hoc anno, in eorundem Sodalium gratiam Antuerpiæ typis datus, ait visam esse Deiparam *Salve Regina* canentium, sanctimonialium singularum corda in aureo vaseculo collegisse, distributè disposuisse, suo Filio obtulisse. Hoc meditationis horâ agendum, & aliàs: cor tuum cum omnium per vniuersam Societatem orantium cordibus Beatissimæ Virgini attentè commendandum; vt illa omnia nostra corda offerat Deo IESV.

ob. 1653.
Domesticis
exemplis
illam co-
lere.

1272 P. Ioannes Bourghesius edidit anno 1620. Duaci libellum laude dignum, cui titulus: *Societas Iesu Mariæ Deiparæ & Virgini sacra.* Mihi certè illum in tirocinio voluenti singularem attulit voluptatem. Utinam & hic meus proffit omnibus.

S. Gabrie-
lem colere.
Vid. pag.
85. 187.
190.

1273 Lugduni hoc anno P. Honoratus Nicqueus eruditum, ac pium librum edidit de S. Gabriele Archangelo: vbi de illo explicat etiam ea quæ spectant ad B. Virginem ab eo salutatam: aitque illum eius Angelum Custodem fuisse. Per illum petendum esse amorem erga Christum, & eius Matrem.

1274 Caput in more poni cœptum, vt B. Virginis per uigilijs omnibus, pauperibus, quotquot

con-

conflexerint, prandium detur sumptibus eius Collegij; eisque Patres, ac fratres ministrent. *Felix religiosus ille, inquit Thomas à Kempis, qui Dominam nostram elegit sibi in Matrem consolantem, & totius vite suae custodem protegentem.*

1275 P. Christophorus Vega Tubalensis edidit hoc anno Lugduni in folio *Theologiam MARIANAM*; hoc est, *certamina literaria de B. V.* Eamque ipsi Deiparæ dedicavit proœmio luculento. Dicendum illi ait id quod olim dixit Philosophus: *O abyssè, cum te capere non possim, tu me recipe!* Penetrandum illud Euthymij dicentis: *oportet habere linguam Theologicam ad loquendum de Matre DEI.*

1276 Prodiit hoc anno etiam P. Bohuslai Baloini Sodalitatis Parthenius, Olomucij: Parisijs autem, P. Laurentij le Brun *Vespera MARIANÆ.*

1277 Hoc anno in Paraquaria Sacerdote nostro ad peccata confitenda Indum ægrum exhortante, dæmon ægri aures occludebat. Sed vocata in opem Deipara dæmonem abegit: & æger Patris exhortatione tandem audita expiatus decessit. Hoc factis Oratoribus nostris, hoc Confessarijs est agendum, ut Beatissima Virgo & nobis linguam ad appositè loquendum, & ijs quibus loquimur aures ad sanctè audiendum aperiat, & perficiat.

ANNO MDCLIV. Soc. 114.

1278 Etiam ea quæ S. P. Ignatius laudavit & in usu habuit æstimare discimus à DEI Matre; illamque hac etiam arte benè colimus, si illam habeamus Consultricem. Hoc anno Veteris Oetingæ Senex quidam antiquæ probitatis, sine fuce vel dolo, à Patre quodam è Societate, apud quem peccata deposuerat, petijt; quid illi de quadam orandi formula videretur, quam ipse aiebat se ab ipsa Dei-

Elem. syna in Virg. festorum B. V.

Partis 3. serm. 2. de mas. i. co etiam ingenio illam celebrare. orat. 2 de de Zona.

Confessionis impedimenta per illam submouere.

Orare attentè ad Crucifixum.

Deipara didicisse. Iussus illam edicere, antiquam illam, & S. P. Ignatio magnoperè dilectam precandi formulam; *Anima Christi sanctifica me* &c. totam idiomate vernaculo pronunciauit; candore ingenuo asseuerans, quicquid id esset, sibi ab alio nemine vnquam auditum, nisi à Sanctissima Dei Matre, quam sibi, per quietem, adstantem, hortantemque audire sit visus, vt eam precandi formulam deinceps quotidie illo temporis intervallo recitaret, quod inter sacræ hostiæ, atque calicis elevationem est interiectum. *Gerardus Dominique* Coad. de Beatissima Virgine, ac de diuinis alijs rebus perlibenter loquebatur, aliàs quoque Deiparæ cultui eximiè addictus. Hunc tertio post mortem die Patri Theologiæ tunc illic Magistro quocum de diuinis rebus sapiùs fuerat collocutus, noctu oranti spectandum se in veste Societatis obtulisse perhibet ipse ille Pater, vir fide dignus. Collucebat illi caput, & in ore micabat stella illustris, præmium frequentis de spiritualibus rebus colloquij. Roganti num DEO frueretur, annuit capite modestè inclinato; & Patri commendauit sermonem de diuinis rebus, vt quid inferis amarum, superis verò gratissimum. Vtinam MARIA stella in ore nostro micet.

Alios ad orandum instruere adhortari. In sacro. pag. 56. ob. 1654. 14 Iulij. Mussiponti De illa sapè colloqui.

Cultum dolentis B. V. pro pagare. In Mariali Maracci Romæ edito pag 147. & 256.

1279 Viennensis Professorum Domus in Austria, hoc anno, permagna populi approbatione, ac pari fructu constituit, vt in templo per omnes quadragesimæ Dominicas post prandium coloratio habeatur qua sacrosancti Deiparæ Dolores, velut in viuo emblemate præ oculis frequentissimæ concionis à sacro explanatore ponantur. S. Germanus Patriarcha: *Beata Virgo in morte Christi adeò amare flevit, vt post uberrimum lachrymarum effusum imbrem*

imbrem, tandem sanguineas lachrymas fuderit.

1280 Tergesti in ita inter 150. Sodalium lectissimos pactione statutum est, ut generales communionis instituerent, atque omnes indulgentias, & quicquid animarum purgatorij commodo istic dari potest, illis applicarent; vteò animas illas eueherent quò aspirat S. Io. Damascenus DEI Matri sic loquens: *Ad mundum illum locum, ad gaudium illud*

Purgat.

m s. ser. 6.

immortale deduc me, ò castissima, ubi est illa pulchritudo speciosissima, & ubi fulget lux illa sempiterna, atque excellentissima Filij tui.

1281 P. Arnaldus de S. Maria Niuernensis è nobili familia Rapinorum, ut illustre suum nomen pietate ac humilitate honoraret, illud exiit, & de S. Maria cognomentum accepit. O celeberrimi nominis Maria, inquit S. Bonaventura, *quæ etiam deuotè nominari non potes sinè nominantis utilitate.*

ob. 1654.

Humilitas.

Nomen.

B. V. honorare.

Spec. B. V. fol. 44.

col. 2.

Scholasticos ad eius

cultum

excitare.

1282 Aldenardæ Scholarum nostrarum discipuli, nostrorum ductu, supplicabundi, ac labaris aliquod B. V. elogium præferentibus insignes, stellam ex argento Matri Virgini obtulere hoc anno.

1283 Berhuniæ die festo *Vistationis* B. V. & per octo secutos dies quotidie oblatum est B. Virgini, Nostris aduentibus, *cor argenteum* sub Litanij per octo illos dies decantatis, vel inter ipsam diuini sacrificij celebritatem. Additi versus *idiomate* vario.

Cor illi dedicare.

1284 Leodij Patrum quidam homini irato, & ad dandam nescio cui veniam pervincere se nolenti consilium dedit, ut ad B. V. nostræ *consolatricis* diætæ aram adiret, ac peteret ab ea in qua triennio vixerat cordis duritate atque sceleribus liberari. Paruit; & sibi istic oranti cor sensit remollescere; simul ad Deiparæ cultum, & veniam inimico

Obstinatos

per B. V.

mitigare.

E B E

dan-

dandam, ac à Deo petendam accensus.

Confessio. 1285. Oeringæ quidam dixit se cuidam de Societate peccata confessum, & illicò visa sibi læta, omnia, lucida, & amœna; cum tamen ante confessionem visus sibi sit videre totum Deiparæ facellum obscurum, ac ipsam B. Virginis effigiem squallidam ac rugosam.

Theatra, & Scenæ Mariana. 1286. Hoc anno à Rottenburgensibus nostris dato publico dramate propensissimus Deiparæ erga suos clientes animus, in desertores verò, & contemptores potens indignatio est ostensa. Bellizonæ iuuenis à Deiparæ cultu relanguescens in scena spectatus alios accendit: & in Residencia Rotuulana Marinus B. Virginis *Mancipium*, placuit. *Solve*, inquit S. Thomas à Villanoua, *cogitationibus habenas, dilata intellectui fimbrias, & describe apud te in animo Virginem quandam omnibus charismatibus decoratam, Deo gratissimam. Quantum potes tantum aude: maior est ista Virgo; excellentior, superior est Virgo ista.*

Tepidi. 1287. In Resid. Kaufburana hoc anno, pio Præsidis hortamento, Sodales ita in morem recepère, vt cum è cœtu illo, aliqui ad vitæ supremæ deueniunt, consuetam se Deiparæ ritè deuouendæ formulam ante susceptum sacrum viaticum, accensum in manu habentes cereum, quanta possunt pietate pronuncient; vel si id per virium imbecillitatem haud liceat, eam ab alio audiant recitari. *Tu Virgo nos dirige*, inquit idem S. Thomas, *ibidem; tu nos ad Iesum deducito: tu ipsum nobis ostende gloria & honore coronatum, Angelis stipatum, regnantem.*

Per illam se morti felici parare. 1288. P. Petrus Clauerus cum Maioricæ studeret, ab Alphonso Rodriguez, inter alia documenta hoc etiam in scripto commentariolo accepit: *Sit deuotus* erga

ob. in India Carthagine 1654. 2. Septo.

erga

erga Sanctissimam Virginem: non perdat ullam occasio-
nem illi in re quapiam gratum obsequium exhibendi.

Quoties ad conficionem dicebat, semper pro anima-
bus purgatorij semel pronunciabat Angelicam sa-
lutationem; & mancipijs rosaria distribuebat, vt
ea pro animabus fidelium defunctorum DEI Matris
honoris persoluerent. Memoriae proditum est in
eius vita impressa Hispanicè, quendam ab anima
è purgatorio apparente ad P. Petrum fuisse missum,
vt ab illo B. V. coronam peteret, eamque pro mor-
tuis recitaret.

*Purgatory
animas ro-
sarijs re-
uare.*

1289 Idem P. Petrus diuino sacrificio operatu-
rus, à Beatissima Virgine supplex eleemosynam
flagitabat, quâ locuples factus, eius Filium pro di-
gnitate acciperet.

*Stipem ab
illa petere
anse sacræ*

1290 Biduo, triduoè ante festa B. V. exhibat in
vicos & plateas, omnesque ad festum imminens Sa-
cramentis obeundis religiosè celebrandum inuita-
bat. Aiebat; gratissimum DEI Matri. præ célébrita-
te omni festum esse, si corde mundo reciperetur Fi-
lius Virginis.

*Festum
B. V.*

1291 Iphis Deiparæ festis idem sub meridiem
epulum pauperibus instruebat, ijdemque ministra-
bat. mox & ipse cum illis (tanquam cum B. Virgi-
nis filijs) accumbens vescebatur; musicâ quoque
adhibitâ cantatis selectis laudibus DEI Matris.

*Eleemo-
syna.
festa.*

1292 Rosarium B. V. integrum quotidie reci-
tabat; idemque vt alij facerent autor erat. E certo
granorum in montibus istie nascentium genere
plurima Rosaria scitè conficiebat, & distribuebat,
inter egentiores rudioresque potissimum.

*Rosaria
conficere,
donare.*

1293 Sodalitatem B. V. instituit; in qua Mau-
ros, mancipia, & plebem infimam erudiebat in cul-
tu, & amore Deiparæ.

*Rudes do-
cere.*

Post com-
munionem

1294 Sabbato semper ad miraculis claram
B.V. imaginem, quæ est in templo Collegij, diuinis
operabatur. Reddendis post sacrum gratijs finem
imponerebat coram eadem imagine.

Domo exi-
re, ac redi-
re illius
dusu.

1295 A Deiparâ in illa imagine visitatâ opem,
consilium, benedictionem flagitabat quoties exiret,
eique omnia offerebat quæ erat acturus. ad eandem
redibat domum redux, gratiasque agebat pro ijs
quæ foris peregerat.

Accenden-
do B.V. a-
mori visi-
lia adno-
tare.
Lectio.

1296 Conscripterat plura in suo commenta-
riolo apta concipiendo igni caelesti hausto è virtu-
tibus DEI Matris meditatè ponderatis. Legebat
perquam lubens libros de cultu illius conscriptos;
quæque legerat, narrabat alijs, vt eos inflam-
maret.

Hora qua-
uis illam
salutare.

1297 Horologij sono audito, *Salve Regina*
recitabat; & sæpè iaculatorijs precibus ad eam an-
helabat.

Preces ad
illam con-
cipere.

1298 Composuerat sibi ad vsûm quotidianum
simplicem quandam precandi formulam, quam ex
Hispanico hîc pono ad verbum: *Domina mea, Virgo
MARIA, plena gratia & misericordia, ego indignus hu-
millimè te rogo, vt non sinas me mori morte repentina;
ne anima mea migret ex hoc mundo sinè integra confes-
sione, & satisfactione pro omnibus peccatis meis. O
Virgo sanctissima, ora pro me peccatore. Amen.*

Pro morte
ab illa pe-
tere bene-
dictionem.

1299 Cùm mortem vicinam opperiretur, de-
scendit ad templum, & ibi pane Angelico pro viatis-
co munitus est. Tum adiit aram B. Virginis de mi-
raculo dictam, & supplex ab ea flagitauit vt breui
morituro benè precaretur. In cubiculo demum ipso
nascenti Deiparæ sacro die ad felicem, vt optimè
speramus, æternitatem concessit.

1300 Herbipoli hoc anno cùm virum acatho-
licum

licum longa febris tabefecisset, is qui Catechesi præerat Pater ei Deiparæ coronam dedit, & suavit; ut se in Dei Matris fidem daret. Annuit æger confilio; & sanitate illicò donatus, Catholicæ fidei manus dedit. S. Ioannes Damascenus: *Concede mihi, Domine, quæ Deum peperisti, vulnere animæ, morborumque carnis sanitatem.*

Hæreticos ad eius cultum ablicere.
m. f. ser. 2.
ode 4.

1301 In Rheno Superiore dæmon cuidam vigilantanti certo pulsu præsentia suæ clara dabat indicia: dormientem verò turpibus imaginibus libidinose incessabat. Huic persuasum à nostro, ut ante quietem, Beatissimæ Deiparæ, ac trium Angelorum Michaëlis, Gabrielis, & Raphaëlis, præsidio se commendaret. Paruit; & hostem abegit. Verùm id ubi omisit, vetera terribilia iterùm rediëre. At remedio eodem repetito dæmon ita fugatus est, ut nec vigilem deinceps, nec dormientem affligerit. S. Ioannes Damascenus: *Incomparabili fortitudine tua contere omnes arcus hostium inuisibilibus; ut cum tranquillitate animæ magnificem te.*

Castitas.
Vesper.

Constantia.

m. f. ser. 3.
ode 8.

1302 Ioannes Baptista Lechner Coad. Sabbatina, & alia Deiparæ ieiunia constanter seruabat, in quemcunque die festum Deiparæ incidissent. Mancipium se Deiparæ, gestatâ e collo catenâ fatebatur; cum qua voluit etiam sepeliri. S. Ioannes Damasc. *Peccatorum meorum catenas dissolue: & Christi charitatis vinculo liga me, atque à sempiternis & horribilibus catenis libera me.*

ob. 1654.
Viennæ.
Mancipium.

m. f. ser. 5.
ode 4.

1303 Puellæ de templo reduces Grupnæ in Bohemia adolescentibus ad templi fores corollas suas, procaci ad petulantiam inuitamento, porrigebant. Nunc, nostrorum suasu, illæ Virginum Virgini gratificaturæ, modestiam illi suam omnes (aliquæ corollas quoque siue ferta) dedicant,

Morum leuitatem abijcere.

cant, leuitatem pristinam execratæ.

Singulis
mensis die-
bus illam
colere.

1304 Hoc anno cum recusa Colonia mea
MARIA Matre Agonizantium prodijt meus item,
Mensis MARIANUS; in quo exhibentur varia ad be-
nè moriendum præparationes è Marianis benè mo-
rientium exemplis excerptæ, ac in mensis dies sin-
gulos distributæ: qui mensis etiam Romæ postea
Italicè in lucem venit, interprete P. F. S. Flexiæ
P. Caroli Paiot Epitome Perfectionum B. Virginis Galli-
cè est impressa.

Dolentem
B. V. colere

1305 Antuerpiæ in lucem hoc anno exijt pars
II. Lucis Evangelicæ P. Henrici Engelgraue: ubi Do-
minica infra octauam Natiuitatis ponit emblema,
& horologium afflictissimæ Christi Matris; cui condo-
lendi præses adducit lectu dignas, & feriâ ponde-
ratione.

Victoriam
sui Deipa-
ræ dedica-
re.

1306 Monasterij Eiffliæ iuuenis nobilis ab
ignobili puella fœdis amoribus illigatus, aiebat se
DEO potius quàm illi nuncium remissurum. No-
ster, implorato Virginis Matris auxilio fretus, persuasit
illi tandem, ut armillam quandam, quam ab illo ge-
stari videbat, inter Deiparæ anathemata pro donario
appenderet. Fassus est lachrymans iuuenis, eam
armillam è scelestæ illius capillis textam esse: sibi-
que per eam ab illa furorem iniectum. Auulsâ er-
gò è manibus, & B. Virginis honori appensâ ar-
millâ, restinctum est in infano hætenus iuuenis pe-
ctore infame incendium; gratiæque actæ Virgini,
cuius ope iuuenis peruictus est ut se peruinceret:
adeoque ipsum anathema testatur victoriam Deiparæ
manibus partam esse. S. Ioannes Damascenus:
Aue, reseratrix viarum penitentiae; aue,
laptorum erectio; aue, thronus igneus Regis Chri-
sti. Aue, mundi emundatrix; aue, antemurale
inuo-

m. s. ode in
Dominica.

inuocantium te; *ave*, diuina habitatio; *ave*, mons sanctus.

1307. P. Franciscus Aguado in suo *Sapiente Christiano* solidum planè Deiparæ colendæ modum tradit; nempe, vt illius imitatione omnia nostra opera emendatè, accuratè, perfectè agamus; iuxta illud S. Gregorij Nazianzeni, quem laudat: *Illa tibi sit omnis operis, & verbi spirans imago.*

1308. Idem Deiparæ ope se ad Societatem ap- pulisse aiebat, cum horam faciendæ hac de re deli- berationis illi dedicasset. Per illam se perniciosam cuiusdam tepidi consuetudinem abiecit. Vide plura in *Annis Toletanis*.

1309. Villaregij pro suis Nouitijs erexit idè sa- cellum Deiparæ. Eiusdem imaginem in ærea lamina pictam semper gestabat in pectore, quæ illi consul- trix fuit, & pro suspirijs argumento. Sabbato in triclinio fixis humi genibus *Aue Maria* recitabat, & pedes osculabatur accumbentium seruorum DEI Matris.

ANNO MDCLV. Soc. 115.

1310. Chilenses Annæ aiunt hoc anno in Col- legio nostro Bonæ Spei repertam in direptione barbarorū, Deiparæ imaginem loco ab illis moueri non potuisse; manum barbari quæ imagini cola- phum infixerat, illi exaruisse; apud Boroanos Deiparæ imaginem tories cum Christi effigie su- dore maduisse quoties Christiani (singuli ad B. V. imaginem à nostris adducti, expiati, & Deiparæ de- dicati) cum barbaris confligebant; & Christianos victores è prælio reuertisse; licèt hi parua manu cum illis conflixerint. Oeconomix quoque præfe- cta est Virgo Mater: ideòque Sabbatum delectum quo foras erumpebant obsessi, & annonam abundè in-

ob. 1654.
15. Ian.
fol. 354.
accuratè
agere om-
nia.

Vocatio.

Imaginem
illius ge-
stare.

Imago
B. V.

In bello.

inter tot pericula referebant. De victorijs latius agunt annuæ: adduntque Deiparam Indo cuidam, fideli conspectam nostræ in templo imagini similem, prædixisse fore ut breui in libertatem affererentur oblessi, ab ijs qui ex Vrbe Conceptionis venturi essent Hispani. Venere illi salui: & Boroanos secum incolumes eduxere, ac abduxere: cæsisque per iter hostibus plurimis non pauciores in Urbem Conceptionis quam inde abierant rediere.

Sabb.

Anagrammata Mariana.

Salve Regina.

Ave, Maria.

Miracula illius conscribere.

1311 Hoc anno suavissima illa Ecclesie Antiphona *Salve Regina* &c. pium argumentum fuit *P. Bohuslao Aloysio Balbino*, ut felix inde, ac vndeque integrum anagramma educeret, *Deipara* veluti respondente, ac dicente:

Me saluere cupis? Venio tua Virgo, Sodalis.

Sic te claudo sinu Mater: lac accipe nostrum.

Vbere celestes destillo mellis honores.

Et tergo lachrymas, & vultum amplector amatum,

Arbor ego vita, spes si in me fixa reclinet.

Fide Deo! Iuuat ingenuos mea cura Sodales.

Dein vultu ostenso mea maxima gloria Christus

Te fessum (ò iocunda dies!) in sidera condet.

1312 Idem pari felicitate duxit hoc anagramma è fonte totius salutationis Angelicæ; *Ave MARIA* &c.

Chare Sodalis, ama! ut non te peccata moventur,

Ingrediare sinum: tuus est: clauderis in isto.

Totus ibi Matrem bibe: sapius vbera pressu.

Nam tibi nectur erunt cordi: fauus omnia vincet;

Vincet amor.

1313 Hoc item anno Pragæ idem autor in lucem edidit *Dinam Virginem Vvartensem*, miraculis inclytam.

1314 Huius anni Iunio eidem autori contagione

gione pestiferè afflato, & deposito, eadem Vuar-
tensis Virgo, voto implorata, reddidit sanitatem.

In morbis.

1315 P. Franciscus Camacho se DEI Matri da-
bat in victimam; sub eius festa ieiunijs, & sex
asperis cilicijs, ac mirâ somni breuitate in seipsum
seuerior. S. Elizabethæ filix Regis Vngariæ Bea-
tissima Virgo dixit: diuinorum donorum affluen-
tiam, orantibus & carnem suam affligentibus aperiri.

*Festa .
Cilicium .
S. Bona-
uent. c. 2.
medit. vi-
ta Christi.*

1316 Hoc anno Romæ à nostro quodam typis
data sunt duodecim Consilia B.V. consulericis, & sin-
gula singulis exemplis Marianis, sententijsque fir-
mata. Idem tibi dicit MARIA, quod Rebecca olim
(eius vmbra) filio suo dixit: *Fili, acquiesce consilijs
meis.*

*Consilia .
illius con-
scribere .
ac sequi .
Gen. 27. 3.*

1317 Omnes Urbis in qua habitas (imò orbis
totius) B. Virginis ædes, ac imagines corde inui-
sere disce ex illa quæ Romæ hoc anno, eodem au-
tore, typis data est, ac dono distributa industria,
omnibus Deiparæ templis in LII. Sabbata, quibus
visi possint, digestis, cum hac ad B.V. salutatione
ibidem Italicè impressâ: *Aue, MARIA. Visito; te
saluto te: gratulor Tue maiestati, gloriæ, granditati,
O MARIA Mater Dei, viventium, ac morientium pia
Mater! Omne id quod ego facio, & quicquid factum
est, aut fiet, fieri potest unquam in celo & in terra
pro tuo amore, & gloria à DEO, à Sanctis, ab omnibus
omniò tibi deuotis, ab omnibus denique quæ condi pos-
sunt creaturis, totum illud offero tibi per manus San-
ctorum illorum qui tibi præ alijs omnibus magis fuere
addicti; ad honorem SSS. Trinitatis, ac tuum; ad impe-
trandam per te ab illa mortem pretiosam. Gratias tibi
ago, Deus meus, mi Iesu; & vobis, omnes Angeli, ac
Sancti & Sanctæ DEI, quod MARIAM hanc honore tan-
to, amore tanto prosequamini. Facite me, facite bonum*

*Omnia .
B.V. tem-
pla corde
visere.*

FFF

ser-

seruum, bonum discipulum, bonum filium MARIE Re-
gina cordis mei, Magistra actionum mearum, Matris
anime mee. Domina, per omnes tuos honores, per om-
nem illum amorem quo amas SSS. Trinitatem, & quo
illa te amat, quoque te complectuntur omnes electi, ob-
secro te; offer cor meum (ab toties rebelle Deo, sed iam
penitens!) & omnia corda omnium amicorum & inimi-
corum meorum una cum cordibus omnium electorum,
& cum corde tuo sancto, cordi IESU. Inuito te, ut quem-
admodum ego nunc te corde visito habitantem in celo,
& ubicunque coleris per omnia templa, altaria, & ima-
gines totius mundi; sic me tu vicissim revisas, iuuesque
potentissimo tuo auxilio in hora mortis mee: ut ingre-
diar illam Ecclesiam triumphantem, in qua te amabo,
& honorabo, non iam in tuis imaginibus, verum co-
ram; & gratias tibi reddam aternas pro omnibus benefi-
cijs que mihi à tuo Filio impetrasti, ad viuendum & mo-
riendum in gratia, & ad laudandum illum una tecum
in gloria. Rogo te per sanctissimam mortem tuam, per
pretiosam mortem omnium filiorum tuorum, atque ser-
uorum, per omnia miracula que Roma, que Laureti, & in
orbe uniuerso patraſti; fac mecum hoc unum, unicum,
pretiosum aeternumque miraculum, ut saluer; & hoc
unum sufficit mihi. Aue MARIA.

*Feriam 3.
Deipara
celebrare.*

1318. Barienses nostri hoc anno effecere, ut in
templo B. V. Constantinopolitanæ tertiâ cuiusli-
bet hebdomadæ feria, post hymnos de B. V. à
musicis decantatos, coram populo historia de
B. Virgine narretur; id quod facit vnus è nostro
istic Collegio.

*Morien-
tes iuua-
re.*

1319. Laureti verò, nostris etiam adnitentibus
perfectum est, ut pro omnibus animam agentibus
preces horariæ in templo Mariano semel quotmen-
sibus celebrentur; & ære campano quotidie altera
ante.

ante Solis occasum horâ signum detur in templo Deiparæ, quo ad comprecandum pro ijs qui in agone laborant civitas admonetur. S. Bonaventura ad Deiparam; *Erue me in die mala: & in die mortis ne obliuiscaris animam meam. Deduc me ad portum salutis: inter iustos scribatur nomen meum.*

Pf. 139.

1320 Brunæ Henricus Vlrich Coad. noctes non raro integras peruigil ducebat in Sacello coram S. Mariæ Maioris imagine olim à B. Borgia istuc missa.

ob. 1655.
Noctu.

1321 P. Hyacinthus de Magistris hoc anno in Vrbe, Prouinciæ Malabaricæ Procurator, ait; Cocini templum nostrum esse ac dici *templum Matris DEI*: singulis diebus Sabbati multos in eo diuinam Synaxim frequentare; esseque illis concessam indulgentiam plenariam singulis mensibus pro aliqua die Sabbati cuiusuis arbitrati eligenda: iucundum esse spectaculum videre populum in diuinæ Matris amore adeò sedulum, & ardentem.

Sabbati
Commu-
nis.

1322 P. Ioannes Ludouicus Minius Venetus, religiosè omninò colebat DEI Matrem. Moriens *Aue, maris stella* &c. sibi cani voluit; atque ipse quoque supremis, quâ poterat, vocibus respondebat; quasi diceret cum S. Bonau. *Excita spiritum meum ad amandum bonitatem tuam: excita mentem ad extollendam nobilitatem tuam.*

ob. 1655.
Mortu se
per istam
parare.

1323 Oeniponti hoc anno datus est in teatro spectandus Ramirus Hispaniæ olim Heros, qui ope B. Virginis de Atocha Mauros vicit: & duas filias paterna manu immolatas DEO (ne in impuras barbarorum manus inciderent) saluas recepit. *Friburgi Brisgoiæ* spectatus est S. Ioseph boni Mariani *Sodalis idæa optima*; *Lucernæ* adolescens Deiparæ videntæ quam oculorum suorum retinendorum amantior;

Pf. 94.
Amorem
Deiparæ
per thea-
tra & sce-
nas pro-
mouere.

Oculi.

Constantia, & Straubinga, Theophilus; Landishuti, ex-
piari gemini sceleris, & veniæ per B. V. obtentæ
spectaculum admirandum, Ioannes Guarinus. Et
 vix annus elabitur sinè hac huius amoris inflam-
 mandi industria.

Illam
etiam ter-
re osculis
honorare.

1324 Vnguarini quidam Sodalium toto hoc
 anno quotidie terræ sexaginta tria oscula imprime-
 bat, honori amorique Deiparæ, quam tot annis
 vixisse audierat.

Elogia
B. V.

1325 Friburgi Heluëtorum, Sodalitas coronam
 MARIANAM centum Beatissimæ Virginis elogijs con-
 textam sparsit pro xenio in Sodales.

Recta in-
tentio.

1326 Tyrnauia, ac Landishuti singulari studio
 edocti Sodales, vt quicquid micat in venis, & quo-
 ties micat, singulæ spiritus reciprocationes, oeu-
 lorum nictus, &c. offerantur Deo ad eius amorem
 & gloriam per Christi merita, & per manus MA-
 RIA: quæ, S. Isidoro, dicitur *vite interminabilis*
globus splendidissimus, alabastrum odoris nunquam
defuturi plenissimum.

oraz. 4.

Sodal.
Manci-
piorum
B. V.
Sabb.
Hora.
Domus,

1327 In Angrensi Insula principe Tertiarum,
 instituta seruorum Deiparæ cultui ritè mancipato-
 rum hoc anno Sodalitas; quæ, inter alia, hoc ha-
 bet pro more perpetuo vt Sabbatinâ inediâ colat
 Deiparam; horæ sono audito *Aue MARIA* pronun-
 ciet, idque semper; neque pedem domo efferat
 vllus nisi exeundi veniam prius ab hac Domina
 postularit.

Se illi de-
dicare.

1328 Hoc anno Burghusij Marianus quidam
 70. annorum senex, consuetam Sodalium dedica-
 tionem quâ se Deiparæ addicunt, aureo annulo in-
 sertam in Sodalitate DEI Matri donarium vnâ se-
 cum dedit. Demus nos illi sacros cui Ecclesia
 in festo S. Mar. Magdalenzæ ita canit: *DEI Parens*
pys-

piissima, Eux nepotes flebiles de mille vitæ fluctibus salutis in portum vehas.

Humilitate & charitate illam colere.

1329 *Limæ Sodales quouis mense, quinta hebdomadæ primæ feria ducuntur ad pedes pauperum in Xenodochio ablúendos, multa Urbis nobilitate istuc exemplo pertracta. In Austriæ Provincia hoc anno octoginta Sodalitates MARIANÆ sunt numeratæ.*

1330 *Badenæ de gymnasio nostro Sodalis iam desperanter æger, Nostri, à quo visebatur, suafu, erecto quâ potuit, corpusculo, aperto ad reuerentiam capite, S. Maria Mater DEI &c. attentè pronunciauit; sponnditque, se, si discrimen euaderet, per mensem quotidie recitaturum hymnum *Aue maris stella*. Audiit, vt piè creditur, clientem Patrona: nã è mortis ereptus faucibus restitutus est sanitati.*

Ægris illam, illi agros commendare.

1331 *Græcij quoque noster fœminæ in brachio apoplexia ic̄ta pauculas Lauretani olei è lampade B. Virginis accepti guttas dedit: & brachium illo vnctum, vsui pristino est restitutum. Plura id genus vide hoc anno in annuis.*

Oleum B.V.

1332 *In Austriaca Cæsaris missione, nostri Neocatholicos in Vucissenburgensi agro conuersos Marianis corollis instructos ad B. Virginem, Cellensem supplicabundos duxêre; vt gratias agerent DEO per illam de qua S. Bonauentura: *Ex ipsius accessu remeabitur deuotiores, ex ipsius tactu mundiores, ex ipsius amplexu virtute & gratia profusiores, & nitidiores.**

Gratias illi agere pro conuersis.

In Præfat. ad psalmos.

1333 *Selestadij noster ad B. V. Foyensis aram sacrificauit pro felici litis inter duos coortæ successu; cum alter alteri negaret se debere pecuniam, quam debebat, iurare iam paratus. Sed cessit alter coram magistratu, ne mendacem illum ad peieran-*

Pro felici exitu illam orare,

ieran-

*In Litan.
B. V.*

ierandum compelleret, Vix è curia discessum est, cum ille mendax, veluti arcanâ vi perculsus, pedem refert: fatetur palàm debitum, pecuniàmque promittit. id quod Deiparæ acceptum retulit is pro quo noster in *DEI Matris honorem* sacrificio fuerat operatus. S. Bonaventura: S. MARIA, inquit, que tuos seruos exaltas. S. MARIA, super omnes diligentius amanda.

*Vincere
se in ho-
norem
B. V. &
id alijs
persuade-
re.*

psal. 115.

1334 Moguntia noster Sodali vindictam in alium meditati persuasit, vt hoc amori Deiparæ daret, ac veniam ipse peteret à lædente. Fecit id ille vi tanta sibi illata, vt lachrymæ illi ab oculis ybertim caderent à memoria recentis iniuriz. Fecit tamen: & ingenuo candore factus hilarè postea est, se illius victoriæ ingens prætium à Deipara retulisse. Ab eo quippe temporis articulo, precipuâ quadam pietatis experrectæ suauitate totum sibi pectus exarsisse. S. Bonaventura: *Compatere animæ meæ, & dirige illam: dignare beneplacitum tuum insinuare illi: statue illi testamentum pacis, & dilectionis tuæ.*

*Lit. Lau-
ret.
Immac.
Concept.*

1335 Pragæ hoc anno in lucem exiêre P. Christophori Vvatislau stimuli celestes, vbi explicantur Litaniz Lauretanæ à nostris pluribus illustratæ. Romanæ lucem aspexit P. Martini de Esparza Artieda tractatus breuis, cui titulus: *Immaculata Cenceptio B. M. Virginis deducta ex origine peccati originalis.* Ibidem P. Iohannes Rho Italicè edidit Sabbata templi Domus Professe Romanæ, seu 110. historias de B. V.

*eb. 1658.
atq. 86.*

1336 Antuerpiæ P. Martinus Philippus de Conuelt (vir qui suæ virginitatis thesaurum se DEI Matris cultui debere factus est confessorio suo) hoc anno impressit in folio tomis duobus *Theatrum excellentiarum SS. Deiparæ ex consociatione excellen-*
tia-

narum sui Filij . Dedicat opus *Virginum ac Matrum maxima*. Ibi de illa oracula erudita omnium seculorum. & ingentia nomina; ibi opulentæ origines nominis *Mariani*; & denique *consociatio* illa mirabilis inter Filium Deum, & Matrem Dei. Olim Laureti fuit pœnitentiarius. De Deipara libenter, & suaviter loquebatur.

Pia eruditione illam celebrare.

1337 Athi imago B. V. *Consolatricis* Luxemburgensis, pompa nobili in templum Societatis, & insigne sacellum illata, theatris per plateas erectis, in quibus exhibebatur expugnatio malorum, pestis, famis, belli ad conspectum *Consolatricis* nostræ. Sodales ciues ad quotidianas B. Virginis Litanias vesperi decantandas, facesque præferendas conuenere frequentes. Ad hanc Virginem *nouendiali* prece ac sacrificio supplices parentes extorrem filiam recepere, quæ cum inter hæreticos versaretur, licet manere istic posset, se tamen arcano instinctu sentiebat inuitari ad redeundum: id quod, collatis temporibus, tunc factum esse compertum est, cum pro illius recuperatione *nouendialis* illa comprecatio fuit ad *Consolatricem* Deiparam instituta. Qui eam verè colunt, in ærumnis *Inundationem* huius maris quasi lac sugent.

Eius imagines pompa solenni celebrare.

Theatra.

Nouendiales preces.

Deut. 33. 19.

Ob. 1655. Scripto quoque se per illam morti felici parare. Mensa 9. Iulij.

1338 P. Michael Apathi in Deip. Assumptæ festo pro sacro tribunali ab ijs quos expiabat pestem hausit, & mortem. In scheda quæ illius manu scripta, post mortem reperta est, ita scripsit: IESV patientissime, da mihi honore, & amore tui, tuæque sanctissime Genitricis mori. Ecclesia Græca: Omnes quidem, inquit, te ò Deipara, ut int: ruentrice valida & efficaci apud Filium Deumque tuum fruuntur, sed nos religiosi præ omnibus, utpote Filio tuo in Cruce confixi.

1339 Constantiæ quidam à scrupulis agitarus, ne.

*Illam
contra
scrupulos
inuocare.
Menea
24. Aug.*

neque somni, ac iam vix etiam mentis compos, nostri suasu, ad Deiparam spei cognomento insignem abiit; & ibi fufis flagranter precibus, demitigatam sibi à Matre sanctæ spei conscientiam miratus est. In te, ait Ecclesia Græca, ò Virgo, repono spem salutis meæ: absterge me. Mentis meæ euagationes corrige: & salua, & custodi me ab ijs qui per singulos dies crudeliter inuadunt me.

*Ob. 1655.
Noctu corona B. V.
Ps. 117.*

1340 P. Adrianus Horn DEI Matri vnicè addictus Coloniae cum Deiparæ corona in manu (vti aliàs dormire solebat) repertus est in lecto extinctus; quasi diceret illud S. Bonauenturæ: *Conuerte re anima mea, in laudem ipsius; & inuenies refrigerium in nouissimis tuis.*

Ob. 1655.

1341 P. Philippus Turisser Nouædomi in id impensè ac feliciter intentus erat, vt si quem hospitem è mechanicis in Urbem aduenisse audiret, eum omni arte atque industriâ in Sodalium cœtum pelliceret, insigni operæ pretio, & Sodalitij incremento.

Sodales:

*Ob. 1655.
In Rheno
Sup.
Lauretana domus.
Ode 9.*

1342 P. Iacobus Bannach DEI Matris sanctuarium Lauretanae Domui vnde quaque simillimum, corrogatis impensis extruxit, annuâque dote instruxit pro missæ sacrificio istic quothebdomadis celebrando. Stabiliamus aliquid honori Virginis, quæ S. Iosepho hymnographo, *stabilimentum, & illuminatio nostra facta est.*

*Aulicum
esse B. V.*

1343 Hoc anno Lugduni editus typis est à P. Iosepho Filere Aulicus *Beatissimæ Virgini deseruiens.* Et certè magnum operæ pretium fecerit qui nobilitatem ad cultum Reginae cæli pertraxerit. Est in Domo Professa Romana Sodalitas nobilium perantiqua, quæ quot mensibus Sanctum toti cœtui communem sorte capit; quotannis 40. horarum preces

appa-

apparatè instruit in templo Professorum triduo ante cineres postremo : & alia multa habet argumenta nobilis pietatis .

1344 Cuidam in Flandrobello consilium dederat noster, vt contra dæmonem, cui se addixerat, ope Deiparæ vteretur; & coram eius imagine supplex terram sæpius exoscularetur quotidie. Id aliquando cum ageret, coram illa B. V. imagine reperit humi chirographum, quo se dæmoni obligarat.

1345 Kaufburæ persuasum est pluribus patribus matribusque familias, vt corona B. Virginis domi palàm è clauo pendeat; quam recitare debet, si cui per inconsiderantiam verbum parum modestum aut decens elapsum est.

1346 Gandavi hoc anno prodigiosa Deiparæ, quæ Mater Gratiæ dicitur, statua in throno excelso supplicatione solentis in templum nostrum, inde diu exul, magno omnium ordinum comitatu plausuque est deportata, falso ex energumena dæmone, sibi ab ea vires haud parum infractas, ex quo eò est reportata.

ANNO MDCLVI. Soc. 116.

1347 P. Ioannes Neruius post multas preces ad Deiparam suas didicit, S. Dorotheam ea dote pollere in cælo, vt suos clientes à rebellatricis carnis sordibus victores seruet, atque defendat. Virgineo suo pudori seruando, & DEI Matrem, & eius instinctu, S. Dorotheam impensè coluit virginitate semper illibatâ; quam tamen ita custodiebat, vt nunquam bibendo sibi tantum indulserit quantum ad hilaritatem est satis; & nullam diem per ipsos 40. annos sine cilicio gestato, inflicisque sibi flagris immunem abire permiserit, etiam à

Tentatio.
Imago
B. V.
Oscula
terra.

Examen
particula-
re.

Illam sup-
plicationi-
bus hono-
rare.

ob. 1656.
Prage
25 Aug.

S. Doro-
theam cu-
lere.

Mortific.

purgatorij animabus adiutis mirabilis.
 1348. Christophoro Auerfano Coad. aliquan-
 do spectabilem DEI Matrem augustissimâ specie
 adfuisse fama est constans. quâ de re interrogatus
 ipse, æqualis fuisset illa quam vidisset Deipara.
 Virgo, simplici candore quærebat quid ad expli-
 candum augustius posset inuenire; dicebatque di-
 uinitatis simile quiddam, ac velut istar Deæ nescio
 quid sibi in ea visum.

1349. Hoc anno (qui à S. P. Ignatij ex hac
 vita decessu sancto centesimus est, siue secularis)
 Lugduni editus est Gallicè P. Pauli Barry liber de
 B. V. in quo Paulinus, & Alexius de B. V. dialo-
 gismum texunt. Incundum est illud quod obser-
 uat in nomine MARIA. Hoc Gallicè dicitur Marie
 cuius anagramma est *Aimer*, id est, *amare*. MARIA
 quoq; Latino anagrammate vertitur in *Amaris*, tum
 subdit:

O felix nomen, quod soluta dicit Amorem!
Quodq; aliud nihil est nisi sæper Amare, & Amarj.
 Deinde huius nominis literas vocabulis integris
 concinnè præficit, ut illam laudet: v.g.

Mater admirabilis Redemptoris IESU Amatissimi.
Multum Amabilis Regina Inclyta Angelorum &c.
 Ibi laudatus Philippus Abbas pag. 142. ait: *clien*
MARIA nullus eternum perit. Terciam libri partem
 dat anno, seu 12. mensibus amantium B. Virgi-
 nem, singulis in dies singulos assignatis. Imite-
 mur senos DEI in obsequijs Matris DEI. S. Hede-
 phonus: *Et*, inquit, *comprober seruire Deo, domi-*
nium Matris eius super me in testimonium quoro.

1350. Hoc anno Ingolstadtensis B. V. Annun-
 ciatæ Sodalitas in lucem dedit meas *aspirationes*,
 quarum hebdomada 52. tota Deiparæ cultum ad
 Deum.

De hoc vi-
 de n. 1375.

pag. 101.
 Amorem
 Dei per
 illam pe-
 tere.

Singulis
 anni die-
 bus præfi-
 cere ali-
 quem Ma-
 riæ Num.

lib. de
 vig. B. V.
 t. 12. col.
 263.

Deum refert : tota è primo fonte haurit amoris actus erga B. Virginem diuino amori illigatos, eorumque motiua, modos, finem ostendit: gratulatur DEO, & Virgini, gratias agit, amat, petit plus amare, obsecrat omnes qui excelsius amant, vt nos in eo inuent. Deum, illam, & quicquid ad illum ac illam spectat, arctè complectitur.

B.V. cole-
re ex mo-
tuo amo-
ris Dei.

1351 P. Petrus le Brun cùm per ipsos 50. annos incredibili animi tædio ac mœrore fuisset afflictus, totas aliquando noctes orando ducebat vigil ad B. Virginem; ne illa clientem suum tam diu affligi permetteret. Sub mortem timens, ne dolores patientiam supergressi, aliquam crucis amatore atque discipulo indignam vocem exprimerent, duos è socijs rogauit vt suo nomine ad celebre Deiparæ sacellum Virduno quatuor ferè leucis distitum peregre abirent, ibique morienti lauamentum vltimum ab ea postularent. Abiêre, ac rediêre voto potiti. Nam fufis ad B.V. precibus continuo remisit calculi dolor: & P. Petrus placidè requieuit. S. Bonauentura: *Sæpè expugnauerunt me à iuuentute mea inimici mei; libera me, Domina, & vindica me ab ipsis. Ne des illis potestatem in animam meam.*

ob. 1656.
Virduni.
In octo-
re

Alios ad
illam suo
nomine
destinare.

Ps. 138.

1352 Lucernæ religiosa Virgo, ægra eoque ad labores inutilis, conualuit rosario B. Virginis in honorem S. Xauerij recitato. A Rosarij recitatione perpetuâ cùm Patrum comes domo exiret Thomas Crescentinus Coad. vulgato passim nomine vocabatur Iesuita qui semper Rosarium recitaret. Etiam si ad campos exiret, non prius loquebatur quàm corona B. V. prius recitatâ.

In morbo.

ob. Arima-
ni 1650.

1353 Franciscus Pereira Scholasticus, nunquam Patris spiritualis, vt vocamus, cubiculum ingre-

ob. 1656.
Conim-
brica.

*P. Spiritus
ualis*

Pf. 138.

*Supplicationes ad
B. V. ducere.
Statua
B. V.*

*In calamitate pu-
blica*

diebatur quin ante omnia Deiparæ imagine salu-
tata, ab illa integram corporis & animi puritatem tenerè flagitaret. Nec vana esse creditur quæ de illo percrebuit perpetuæ innocentia servatæ opinio. S. Bonaventura ad B. V. *Custodi omnia interiora, & exteriora mea.*

1354. Solutâ Valencenarum obsidione, nostri Sodales omnium Sanctorum titulo insignes hoc anno Duaco Valencenas ad B. Virginem à funiculo dictam, supplicationem duxere, gratias reddituri. Ab Insulensibus nostris celebritate summâ quâ potuit restitutæ sunt pristino cultui per pagos B. Virginis statua, quas passim profligarat licentia militaris.

1355. Valencenis sub obsidionis quâ Vrbs cincta fuit initium, erectum est altare in medio templi nostri, & imposta illi statua B. V. *Consolatrix*, ac Litaniæ Lauretanæ quotidie vesperi in magna populi frequentia decantatæ. Olla incendiaria militaris octoginta librarum eò per rectum & fornicem templi irrumpens, ablato, citra ullam fistularum noxam organi tegumento, in pavementum cecidit: & ibi ad aram, usque B. V. *Consolatrix*, velut ad eius pedes, est pronoluta, nulli mortaliæ damno illato, cum tamen istic tunc essent homines circiter 400. Hæc deinde à populo Marianæ protectionis miraculum appellata, argento illigata, & ad aram Deiparæ, ingrati animi tesseram est appensa. 16. Julij soluta est obsidio: & 12 eiusdem B. Virginis imago in supplicatione publica succolantibus nostris Patribus, unâ cum alijs templorum variorum Sanctorum, reliquijs est deportata: ut Sanctis etiam gratia redderentur; atque ipsi quoq; ad reddendas cum Vrbe *Consolatrix* gloriæ

riose gratias inuitarentur inuitante nos ad id S. Bonaventura: *Ad ipsius laudem inuocabitis choros Angelorum, & Sanctorum, nationes hominum, insulas gentium, calum, & pulchritudinem luminarium, ac totum orbem terrarum.*

1356 Ingolstadij Annunciata Deiparæ festum, hoc anno publicâ decem horarum comprecatione in templo nostro celebratum. Neoburgi Mariophilus cantato dramate in scena spectatores ad Virginis Matris amorem incendit: vti & Landishuti S. Emericus Princeps Vngariæ Deiparâ consultrice vsus placuit; & B. Virgo Exhilaratrix: Tridenti autem, *Dies Parthenius.*

1357 Faciles ad bona consilia capienda Namurci Sodales, Præside aduigente, anno superiore *Cor argenteum*, hoc autem anno *argenteum* item *diadema & sceptrum* Reginae gloriæ obtulere in festo Sodalitatis præcipuo, & solenni. Sed & pro Roma ac Neapoli è lue liberandis, B. Virginis statuam, per Urbem in supplicatione portauere: illius nempe Reginae, quæ apud S. Germanum Patriarcham est *proæmium gaudij, maledictionis finis, gratiarum corona.* Pro urbibus autem implorandam esse Deiparam docet idem; *Tuam, iuquens, hanc Civitatem, quæ te velut turrim & fundamentum habet, triumphis coronato.*

1358 P. Gaspar Vultheim Magdeburgum seu Mariæburgum, à Catholicis captum ingressus, omnes, quæ in S. Mauritij æde, velut in asylo, congregatæ erant, puellas & fœminas, à militum iniuria seruauit illæsas, cum ipso iubente, ac verba præeunte, omnes *Aue, MARIA* palàm recitarent ad opem Matrum, ac Virginum ter optimæ, terque maxima implorandam. Ibidem marmoream,
B. Vir-

In Prefatione ad Psalter.

Festa B.V.

In scena.

Festa B.V.

Gratias Deo per illam reddere.

In Nat. B.V.

orat. 1. in Present. B.V.

Rebus perturbatis, ad illam confugere.

Statuas
B. V. ho-
nori pri-
mo re-
stituere.
f. A. in. Ass.
B. V.

ob. 1656.
Coloniæ.
Morti se
per illam
parare.
In laude
ad B. V.
fol. 403.

Mors.
Templum.

Ingenium
ab ea pe-
tere.

B. Virginis statuam, quæ multis iam annis negle-
cta iacuerat, excusso pulvere colendam proposuit;
effecitque, ut nemo esset qui templum ingredere-
tur vel egredere, quin Deiparam salutaret. Po-
tentissima, teste Bernardo, & piissima B. Virginis
charitas, & affectu compatiendi & subueniendi abundat
effectu, æque locuples in utroque. ad hunc igitur fon-
tem sitibunda properet anima nostra, ad hunc misericor-
diæ cumulum tota sollicitudine miseria nostra recurrat.

1359 P. Hermannus Bauing per ambulacra ipsa
Litaniæ B. Virginis, & quotidie terna minimum,
eiusdem rosaria recitabat, quasi suprema vitæ octo-
ginta iam annos supergressæ tempora eius honori
& amori libans, atque id agens quod olim ad il-
lam S. Bernardus dixit: *Mentem, & oculos pariter
cum manibus ad te, Regina mundi, attollimus; & co-
ram tuæ celsitudinis gloria genu flectimus, cervicem
inclinamus, ac plenis suspirijs ad te preces in cælum
transmittimus.*

1360 Hoc anno Turocij in Hungaria Sodali-
tas *MARIÆ Matris agonizantium* instituta: Varasdi-
ni in Croatia templum Assumptæ in cælos Deipa-
ræ pro nostris erectum, & dedicatum: Zagrabia
imago Dei Matris è veteri templo in nouum Col-
legij templum illata magno plausu, mox ægris mi-
rè opitulari cœpit.

1361 Clagenfurti hoc anno adolescens cum se
in scholis inter postremos doleret, ingenium pie-
tate suppluit, frequentibus ad Matrem Sapientiæ
suis precibus, assiduitate tantâ, ut etiam cum al-
terâ manu librum teneret, Rosarium ex alterâ non
dimitteret. Hac felici cote pietatis acuto ingenio,
breui plures ex ijs quos suspiciebat antecelluit.

1362 Dusseldorpj equestri signifero presen-
tis.

tissimam leuamenti occasionem dedit eius à quo
 visebatur è. Societate Patris pietas erga Dei Ma-
 trem. Cùm enim is reus capitis ageretur, & ani-
 mi anxius variè fluctuaret, vidit pendente è. col-
 lo Patris Deiparæ imaginem, eamque sibi tantis-
 per concedi petijt, atque obrinuit. Mox illâ ma-
 nibus in altum elatâ, *Domina, inquit si huic me-
 periculo subduxeris, Lauretanus honori tuo Litanias*
spondeo quotidie recitandas. Tum imagine illâ velut
 armatus ad causam dicendam prodijt: ac tam di-
 fertè, fortiter, feliciter pro se perorauit, vt liber
 abire sit iussus. Mox gratias Virgini egit; fassus,
 illi se suum caput, ac libertatem debere. Tu alti-
 tudo cali, pergit ibid. laudatus Bernardus, *beatos*
oculos tuos, quibus incomprehensibilem gloriam illam
lucis æternæ cum desiderio temper intueris, ad tuos sup-
plices, in hanc mundi miseriam projectos de alto inclina-
re non despicias.

1363. Nouesij, templi nostri Sanctus Ioseph,
 gymnasij Beatissima Virgo. Præses electa est hoc
 anno. Ad ingressum, ceu thronus Cælorum Re-
 ginæ in muro collocatus, & vario ingenio exorna-
 tus est die Natali Deiparæ; mox Virginis icone
 istuc pompâ celebri, longâque iuuenum paulò an-
 te pane caelesti, refectorum supplicatione deductâ,
 & ibi collocatâ. Clero demum, & Urbis Confu-
 libus ac Senatoribus, mox Virginibus, & matro-
 nis coram illa in genua pronolutis. Tum iacti flo-
 res, & herbæ; factæ festiuæ acclamationes, saluta-
 tiones vernaculâ linguâ cantatæ, displosæ ferreæ fi-
 stulæ; ac vsque ad S. Michaëlis festum, idest per
 dies omnino 22. vesperi continuata celebritas. Ad
 singulas quoque Urbis portas Beatissimæ Dei Ma-
 tris imago est collocata, vt custos; ad quam, clau-
 sis

*Imaginem
 illius è
 collo ge-
 stare.*

*Illam pro
 tribunali
 patronam
 eligere.*

*Gymnasio
 illam præ-
 ficere.*

*Urbes ad
 cultum il-
 lius instam-
 mare.*

sis portis, festis Dominicisque diebus, innocens paru-
ularum ætas deducitur, & Lauretanis litanij de-
cantatis Reginz gloriæ gratulatur. *Aperi*, ait ibi-
dem Bernardus, *aperi itaque tu, Mater misericor-*
diæ, benignissimi cordis tui ianuam deprecatur filio-
rum adam.

*Demi eius
imaginem
in loco pu-
blico ve-
nerari.*

1364 Viennæ Austriæ in Collegio à Scholasti-
cis Societatis, vetusta, & elegans Deiparæ Statua,
pro gradibus collocata, & Sabbatinâ lampade
adornata, quæ in peruigilijs etiam festorum B. V.
accenditur. Colitur contra pestem, atque incen-
dium: estque Socijs illac transeuntibus incitamen-
tum nobile pietatis. Aiunt; voto ad hanc olim
nuncupato, iuuenem lethaliter saucium anno 1644,
persanatum.

*Orationes
de illa ty-
pis edere.*

1365 Ibidem hoc anno P. Nicolaus Auancinus
Orationes octo impressit, quarum sextâ conficit
MARIAM Matrem nostram esse; octauâ Aduocatam.

*Deiparæ
familiam
colere.*

1366 Constantiæ Sanctorum IESU, MARIAE,
IOSEPHI consanguineorum syllabus, & ad illos pre-
ces in lucem datæ Sodalibus ad nouum inuitamen-
tum pietatis.

*Instru-
menta
Mariana
pietatis
venerari.*

1367 Honoranda sunt ipsa etiam instrumenta
pietatis, quibus maiores nostri Matrem DEI hono-
rarunt. Fecere id hoc anno Colonienses Patres,
cùm S. Francisci Xauerij rosarium de quo anno 1642.
dixi, thecæ argenteæ inclusere. quasi pro Coloniën-
si Collegio adhuc è rosario illo Deiparam oret Xa-
uerius, dicatque illud S. Sabbæ: *Possessum à te gre-*
gem, ô Deipara, ubi ubi necessitas fuerit, incolumem
serua, patrocinio tuo nulli unquam repulsæ obnoxio
Deus exorans.

*Mena
5. Ian.*

*ob. 1636:
Mechl-
nia*

1368 P. Otho Zylius Beatissimæ V. Syluældu-
censis miracula eleganter conscripsit, ac edidit An-
tuer-

merpiæ anno 1632. Hoc illi perpetuum fuit in cultu Deiparæ, ut quicquid precum ad illam voce depromeret, id faceret morâ attemperatè adhibitâ. Coronam eiusdem recitans, quò attentum animum attineret, alijs diebus alijs nominibus illam appellabat: habebatque in promptu quibus se accenderet. S. Hieronymus de B. Virgine: *Noli cessare à laude. Omnino prætermittendum non est quod impleturi sumus quandoque.*

1369 Dedicare libros *Beatissimæ Virginis*, pars est erga illam eximiæ reuerentiæ, ac amoris. Hoc anno *P. Emmanuel Mascarenhas* suum de Sacramentis librum *MARIÆ Virginis Sanctissimæ, Immaculatæ Dei Genitricis*, epistolâ egregij amoris indice dedicavit. *Faciunt id & plures alijs de Societate auctores.*

1370 *P. Ioannes Baptista Masculus* venam suam Poëticam haud vulgariter piam & ingeniosam, etiam diuinæ Matris laudibus nobilitavit, toto octavo Lyricorum libro, illius festis & gloriæ pandendæ dicato.

1371 *P. Antonius Braem* scripsit libellum pium & utilem, eòque sapiùs recusum, quo *MARIANUM* Sodalem vnumquodque opus rectè instituendi modum perfectè ac paucis docet. *P. Franciscus Daix* ut festum *Concept. B. V.* in templo nostro per triduum augustiùs coleretur, pro eo 40. horarum indulgentias impetrauit.

1372 *P. Franciscus de Hollandre* dignus est censeri in catalogo Mariano ob varia eius honori facta: inter quæ illud etiam est, quòd varia Deiparæ beneficia perdiligenter in commentariolum retulerit, quibus tenerum erga illam studium per pia colloquia in omnium animos inferere nitēbatur.

1373 Hoc item anno Lugdani lucem aspexit

И Н Н Н

à P. Io-

Miracula eius conscribere. Attentiō orare.

In festo Assumpt. B. V.

Libros illi dedicare,

Illam carmine celebrare.

Mortui 1656.

Id quod agis agere accurate.

Ob. 1656.

Athi. De illa colloqui.

Illam imitantia proponere.

à P. Iosepho Filere Gallicè editum B. Virginis, ac S. Iosephi coniugium, omnibus coniugibus omnium virtutum exemplar,

1374 Prodiit & Valentia P. Ioannis Eusebij Nierembergij *Theoria compendiosa de solida veritate conceptæ Deiparæ absque labe originali, ex canonicis, atque Orthodoxis fundamentis. Item eiusdem Sacrosyllabus de explicata ab Ecclesia & Patribus scriptura pro immaculata Conceptione.* ad Alexandrum VII. Pontificem; qui hoc anno Philippo IV. Hisp. Regi concessit vt ad agendas DEI Matri pro beneficijs in Hispania collatis gratias *vnun festum particulare Patrocinijs B. V. nuncupandum* quotannis celebretur. idque fit secundâ Dominicâ Nouembris. Non desunt qui pro beneficijs à DEO per B. Virginem Societati vniuersæ concessis crebrò per eandem gratias DEO agant.

Martyrol. Hisp. 7. Dec. pag. 367.

Gratias agere per illam Deo

Vide hic nu. 1348. Ieiunio feriae 4. illâ clere.

Men. ca. 22. Mayj.

Eius opem pro Sacramento pœnitentiæ implorare.

1375 Christophorus Auerfanus Coad. inter charitatis heroës & victimas à me hoc anno descriptus quartâ qualibet feriâ (præter alia ieiunia) ieiunabat; Deiparæ dedicabat quicquid per officij labores liceret, visus à precibus vultu totus accendi. Hæc illi Virginitatis custos, hæc ad omnem quæ optimos Coadiutores deceat virtutem illi dux fuit, & magistra. Hoc est quod ab illa petebat S. Ioseph hymnographus: *Inueniam te semper, ò castissima, manducantem me ad virtutes, & ad pœnitentiæ vias inducentem.* Vide plura de illo n. 1348. hîc.

1376 Hoc anno Romæ typis edita est è R. P. Hippolyti Marraccij è Congregatione Clericorum Regul. Matris DEI calamo eruditè Parthenio Diua Virgo Copacauana, vbi cap. 16. pag. 86. Cùm, inquit, P. Ferdinandus de Monroy Societatis IESV apud Peruanos ægroti cuiusdam peccata pro confessione audi-

andiret, quædam quæ ab eo dicebantur, ob linguæ minis exactam peritiam, nullâ ratione capiebat. Quamobrem Pater, qui D. Virginem in Copacauanensi æde miraculis coruscantem eius linguæ Magistræ sibi delegerat, ad eam tum ipse, tum ægrotus confugerunt; vt ei necessitati pro sua clementia consuleret. Nec mora, illa annuente, omnis euauit locutionis obscuritas, tamque bene sacerdos Indi loquentis verba sensusque percepit, quàm si Hispanus cû Hispano colloqueretur. Quod quidem beneficium quàm opportunum fuerit, mors ægri statim consecuta satis ostendit. Hæc Marraccius. Nempè in hac vna P. Ferdinandi MARIANA industria, & læto successu, eluxere omnia illa Dei matris elogia quæ ibidem pag. 5. affert idem Marraccius, dum illana cum antiquissimis Græcis, & Latinis ibi laudatis vocat *originem omnium amœnitatum, originem verarum mundi hilaritatum, originem lucri, miraculum præcipuum in Sacratio diuino repositum*, quæ teste S. Isidoro Archiep. Thessalonicensi, est *iucunditas nostra incomparabilis, & quæ neminem sibi obsequentem, ac serio seruientem abire aliquando permisit indonatum*.

1377. Patres Romanæ Prouinciæ qui hoc anno tertiæ probationis annum egere Florentiæ, ad sacras expeditiones pro more, missi, cultum Dei Matris inter præcipua habuere quæ populis persuaderent. Sublani in Hetruria, & alibi, Rosarij pius vsus viuicè commendatus, & ad mores probè formandos accommodatus. Institutum enim est, vt, quia hætenus rari admodum extra Paschæ tempora ad SS. Synaxim accedebant, deinceps singulis diebus Dominicis, in honorem totidem mysteriorum Rosarij MARIANI quindecim deligerentur quæ

Н Н Н Н 2 viri,

Zelo animarum illam præficere.

Moribus illius fidei committere.

Orat. 4. ib. pag. 34.

Cultum B. V. in missionibus propagare.

*Et simul
Sacramē-
torum fre-
quentem
usum.*

*De excell.
Virg. M.
c. 4. n. 10.*

viri, quā fœminæ pro SS. Euch. Sacramento percipiendo post Rosarium ab omnibus in templo publice recitatum: nempe vt in bonis mentibus amor Matris, & Filij vicissim crescant; cū ipsa filium adeo amârit, vt S. Anselmus dicat: *Superat omnes omnium rerum creaturarum amores. & dulcedines magnitudo amoris istius Virginis in filium suum; & dulcedinis immensitas qua exultabat, & liquefiebat anima eius in eundem Dominum Deum suum. Itaque cui concessum fuerit sapè dulci studio posse cogitare de illa, magnum promerendæ salutis indicium esse coniecto.* Sic Anselmus.

ANNO MDCLVII. Soc. 117.

*Imagines
B. Virgi-
nis ab ali-
quo San-
ctorum
cultas æri
incidere.*

1378 Pertinet ad egregium Dei Matris cultum, eiusdem imagines à Sanctorum quopiam cultas curare, vt æri incidantur, quò pietas latius porrigatur. Factum id hoc anno 1657. Romæ cum imagine Beatæ Virginis à Corde: quam à S. P. Ignatio acceptam, vt hîc num: 240. dixi, P. Araozius in Hispania petenti eiusdem S. P. Ignatij nepti Eleonora tantisper concessit dum rediret inde quò iter adornabat. Quia verò Araozius non redijt; Eleonora vsque ad senium illam penes se habuit; & ne tam pretiosum pignus periret, per fideles manus Cæsaraugustano Collegio destinavit. Huius imaginis ectypum datis in Hispaniam literis impetraui. Nam Dominicus Langa nunc Hispaniæ Assistens, nuper Cæsaraugustani Collegij Rector, illam Cæsaraugustæ peritâ imitatricis manus arte ita depingi curavit, vt archetypo suo nec maior esset, nec minor, atque vt imago tota Ignatianæ illi Beatissimæ Virginis imagini vndequaue responderet. Eam ego ab eodem P. Langa Romam in Ianuario huius anni appulso allatam, A. R. P. N. Gofuui-
no

no Nickel Præposito Generali ostendi : quam ille attentè contemplatus , ac pio demum osculo veneratus , mihi restituit . Gratum verò tam Deiparæ Virgini , quàm S. P. Ignatio , ac Socijs omnibus me facturum existimaui si eam æri incidi curarem ad spargendam latius in focios cum ea pietatem ; vt à Patre Matrem amare discamus . Annuit , probavitque consilium dictus Noster P. Præpositus Generalis , & imago Cæsaraugustanæ illi simillima , nec longior , latiorue (subscribente quoque pro more , vt incidi posset , Sacri Palatij Magistro) æri incisa est . Sed omne artis ingenium in eo volui collocari , vt sculptor non quàm pulchra secundum artis regulas esset imago attenderet , verùm quàm similis primo ectypo Cæsaraugustanum prototypum penitus referenti , vt ipse P. Assistens , eiusque socius contestantur qui Cæsaraugustæ tantum prototypon quàm ectypon alterum cum altero , attentè cõtulère . Et feliciter cessit imitatio , affirmantibus ijsdem hanc Romæ sculptam imaginem Cæsaraugustanæ illi primariæ ac Ignatiana secundum omnia esse simillimam . Nomen , S. MARIA à corde obtinuit ; quòd gladius doloris illi cor penetrârit , quòdque à S. P. Ignatio tot annis , per tot Hispaniæ , Galliæ , Belgij , Italiæque itinera vsque ad Romanam in hac Professorum Domo habitationem , & extremos ferè vitæ annos , fuerit in pectore gestata ad cor : id quod incisa sub imagine epigraphæ breuiter explicat in hæc verba : S. MARIA A CORDE , *illi simillima que in Cæsaraugustano Soc. IESV Collegio asseruatur : quam S. P. Ignatius eiusdem Societatis fundator , à primo sua conuersionis die vsque ad senium in pectore semper gestabat ad cor ; per illam se à DEO ubique miris modis adiutum testatus .* Neque nimum feceri-

*de rebus
Polon. lib.
5. mibi
pag. 105.*

cerimus, si cum Ignatio id obsequij Reginae huic nostrae ac Matri optimae praestiterimus, quod apud Cromerum Patri suo praestabat Boleslaus III. Poloniae Rex, qui gestabat e collo suspensam in pectus auream laminam, in qua nomen & imago Patris insculpta erat; quam subinde memoriam eius sibi refricaret, & quicquid vel faceret vel loqueretur, sic ageret, quasi inspiciente omnia, & exaudiente Patre. Legi apud alios, illum eandem imaginem osculo etiam saepius honorasse, atque dixisse: *Absit, o absit, mi Pater; ut à me unquam aliquid indignum Regio tuo nomine statuatur.* Dicamus S. MARIAE à

*Ex hymno
veteri in
cod. m. s.*

Corde illud Hermanni Iosephi Ord. Praemonstratensis: *Gaude festum Cordis mei, o solennis sponsa DEI: Quod de Corde meo meat In cor tuum fac ut eat.*

*ob. 25. Iul.
1657.*

P. Gulielmus Rose catenam qua se cingebat, iussus in morbo extremo deponere, illam de collo appendit, in signum, ut inquiebat, sua in obsequio

Cilicium.

Deiparae captivitatis. Ad Cestochouiensem in Polonia Deiparam, nouendiales preces sibi indixit cum valeret, ad veram humanarum rerum despicientiam inpetrandam.

*In cubiculo
habere
familia-
rem B. V.
imaginem.*

1379 Ut coram nobis, dum orationi, studiis, alijsue in cubiculo operam damus, sit aliqua B. Virginis imago, ad quam identidem oculos, & nostra consilia referamus, per quam diuino amori omnia quae agimus offeramus, apte suadet S. P. N. Ignatij exemplum; cui familiarem olim Deiparae parvulum Filium sinu complexae imaginem hoc anno in mensa coram A. R. P. Nostro Praeposito Generali Gosuino Nickel vidi, & ad aliquot dies ut illam in cubiculo habere possem obtinui. Fama est, quae à veterimis Patrum ad nos usque peruenit, hanc imaginem S. P. Nostro Ignatio pra oculis fuisse

in

in cubiculo, coram qua Consultrice, ac adiutrice agebat omnia seu oraret, seu alijs occuparetur. Subscripta illi sunt hæc verba: *Monstrate esse matrem. Sumat per te preces. Qui pro nobis natus tulit esse tuus.* Magnitudo imaginis ferè palmaris est: & ipsa Filij ac Matris effigies in campo, seu fundo aureo magis emicat in oculos intuentis. Quanto magis displicet dæmoni, & eius affeclis, si B. Virginis imagines honoremus, par est, vt nos tanto eas honoremus magis. Displicere verò sibi dæmon disertè id falsus est seni Eremitæ; cui suavit, ne quam habebat B. V. imaginem, honoraret. *Habebat autem hæc imago, inquit Pratum Spirituale, expressam figuram Dominae nostræ S. Dei Genitricis MARIÆ, ferentem D. N. Iesum Christum.* Ita ibi: quæ verba etiam de familiari hac S. P. Nostro Ignatio Deiparæ imaginè dici possunt. Oelenbergæ restituta hoc anno, seu erecta Sodalitas Deiparæ auxiliatricis animarum in purgatorio gementium.

1380 Hoc anno 1657. Romæ prodijt meus liber *de imitatione DEI*: in quo, lib. 3. c. 11. ostenditur modus imitandi Deum in amore erga B. Virginem. & cap. 12. *Imitationem B. Virginis esse viam ad imitationem Dei.* afferuntur quidam docentes MARIÆ nomen, idem esse ac DEI imitatrix. *Imitemur, inquit Hugo de S. Victore, Beatam MARIAM sub breuitate temporis; vt cum ipsa gloriari mereamur in diuturnitate æternitatis.* Ratisbonæ hoc anno narrant annuæ; Sodali vesperi conscientiam examinanti, & se sacro Sodalium cœtu indignum iudicanti visam Deiparam cum puero IESV in sinu: quæ iubebat pergere in benè cœptis: visurum etiam in morte sub cuius præsidio viuerent Sodales MARIANI.

1381 Valentiz autem P. Ioannes Eusebius Nieren-

cap. 45.

Deum im
amanda
B. V. imi
tari.

pag. 589.

ser. 55. in
fest. B. V.

*Festum
Concept.
P.V.*

rembergius Latine in lucem dedit librum cui titulus: *De sanctitate instituti festi certa, & necessaria ad cultum singillatim in festo Conceptionis præcepto à summis Pontificibus*. Zagrabia Deipara quæ in templo nostro colitur, hoc anno puellam à proco violento, foeminam ab infamia, aliam ab insidiatore dæmone nobilis viri personam mentito, liberavit voto supplicii implorata.

*In ærnis
actibus il-
lam colere*

1382 Neapoli prelo dedit *P. Thomas Auriemma* Italicè *Affectus mutuos inter Beatissimam Virginem, & ei additos*. Goritia Sodalitas Conuersationis IESU, MARIAE, & IOSEPHI libellum vulgavit, ad sanctam conuersationem in familias introducendam.

*Acade-
mias ad
eius cul-
tum exci-
tare.*

1383 Tyrnauia hoc anno 17. Iunij Rector Academiae, & facultates (sacris ritu soleanni operante *Georgio Lippai* Archiepiscopo Strigoniensi, ac Regni primæ) pro asserendo (quantum per Ecclesiam id licet) Immaculatæ Conceptionis mysterio iurauere: id quod Vienna, Gracium, & in Bohemia Praga iam ante præstiterant. Mos verò est Academiarum Prouinciæ Austriae votum illud de tuenda Immaculata Conceptione quotannis sub festum Sanctorum omnium in studiorum initio instaurare. Habeo penes me literas *Ferdinandi III. Imp.* ad *P. Franciscum Pizzonum* Collegij Gracensis Rectorem ea de re datas, vt id Gracij quoque fiat quod Viennæ iam antea factum esse laudat; adnitente tum Viennæ, tum in Comitibus Polonij *P. Zacharia Trinckellio* tunc Domus professoris Viennensis, postea Prouinciæ vniuersæ, Præposito: quæ omnia latè vide in ijs quæ de hoc argumento ab Imperatore scripta, & postea typis mandata sunt.

*ob. 21. Oct.
1657.*

1384 Viennæ *P. Otto Ponienreiff* cum ea quæ de Deiparæ dedicare solebat formulâ petijt sepeliri.

In-

Ingolstadij lucem aspexit hoc eodem anno P. *Guilielmi Gumpfenberg* (cuius operâ Lauretanas Domos erectas aliàs dixi) *Atlas MARIANVS* : siue liber de imaginibus Deiparæ per orbem Christianum miraculosis . Dedicat illum Deiparæ Virgini Lauretanæ . Ait pag. 26. eam quæ sub titulo *Matris ter admirabilis* Ingolstadij in Coniunctu colitur S. *MARIÆ Maioris* imaginem , olim P. *Iacobo Rhem* ad eò familiarem (vbi etiam dicitur certior factus diuinitus Deiparæ *Matris admirabilis* titulum maximoperè placere) summa in veneratione haberi eo etiam nomine quòd ij qui deliberabundi consilia vitæ instituendæ ponunt cum anima sua, istic de diuina voluntate certiores se reddi sibi persuadeat . Benè illa consulitur quæ S. *Andræ Archiepiscopo Cretensi*, est *arcanorum incomprehensibilitatis diuinæ profundorum manifestatio ; seculorum scopus quo tendebat prouidentia , diuinorum oraculorum coronis* . Benè in celebrandis eius quæ statuis , quæ imaginibus desudant calami plurimum Sociorum , quæ eidem Sancto Antisliti est excellentissima pulchritudo, statua à Deo sculpta, bene descripta ad pristinam archetypi similitudinem imago , omnis contemplationis & ascensionis fulcimentum, indepredabilis cella vitæ .

1385 Romæ item hoc anno typis mandatæ sunt pretiosæ occupationes morientium in Societate IESV : in quibus permulta sunt de B. V. cultu . Dicamus omnes, etiam cum ægri iacebimus, illud S. Germani ad illam : *Experientia didicimus , te esse vehementissimam nostram defensionem . Ad te confugimus tuus populus , tua hereditas , tuus grex qui tui filij appellatione exornatur , & gloriatur* . Ita ille : & nos cum illo . Ibidem ab eodem calamo, superiore anno, prodijt *Dies S. Iosepho sacer* ;

I I I I

hoc

*Imaginū
B. V. origi-
gines eru-
ditè, ac
piè inue-
stigare.*

*Mater ad
mirabilis*

*in m. s.
orat. 5. in
dorm. B. V.
apud Mar-
raccium .*

*c. 10. 12.
24.*

*Encomio
in adorat.
zone
p. 140.*

*S. Iosephū
colere.*

hoc verò *Hebdomada S. Iosepho sacra*: vbi præter alia Deiparæ cultui apta suggeritur Praxis Sabbatina de cultu B. V. & S. Iosephi; vt alter ab altero inflāmetur.

Rotuuiæ rusticus visus sibi est per somnium ab ea quæ apud nos colitur Deipara increpari, quòd conscientiam pridem iam minimè expiasset. Iussus ab illa ad nostrum ire, ac id facere: paruit.

*Vitā eius
piè, ac eru-
ditè expen-
dere.*

1386 Mediolani hoc anno approbata, postea edita in lucem est à P. Hortensio Pallauicino magna Deiparæ Vita Encomiasticè, & historicè descripta: cuius parte 1. inter alia veluti prolegomena ponit elogia de fascia qua Deipara Virgo diuinum filium ex Ægypto è collo inter brachia suspensum peregrinum in Iudæam retulit. Ait; quòd textilis hic thesaurus sit Mediolani in Ecclesia Collegij Braydenfis Soc. IESV, toti Mediolanensi vrbi beneficia caelestia largè impertiens; parientium præsertim Matrum, & nascentium fætuum, fœlicitatem sospitans. In Bohemia, Deipara nostra in sacro monte hoc anno miracula multa; & peregrinorum ferè 47. millia numerauit.

*Origines
aditum
B. V. per-
scribere.*

1387 Hoc anno Panormi, operâ P. Petri Salerni prælo datum tandem est Opus posthumum, P. Octauij Caietani de vitis Sanctorum Sicularum: vbi tomo 2. adiectæ sunt Origines illustrium aditum SS. Deiparæ MARIÆ in Sicilia, ad promouendum illius cultum, & pietatem. Ibi, præter alia lectu longè dignissima, Deipara dicta Sicula Neapoli; quæ Ladislaum Regem à sciatica persanauit, quam Ioanna eius soror Sabbatis singulis inuisebat; à qua sani redibant qui eam adibant ægri. Ibi Imago B. V. diuinitus picta in valle montis Ætnæ, quæ scit ignibus, & niuibus seruare fidem: ibi Rauenosæ Virgo militibus aquam in siti & victoriam impetrauit: ibi ima-

Sabbat.

imago B. V. ab Angelo Panormum deportata, ædes B. V. Messanensis volatu columbæ designata, Deipara dæmonem fuste pellens. Ibi festum B. V. in monte Messanensi: & Tyndaritanæ 8. Sept. festum B. V. à catenis 18. Augusti: Syracusanæ à miraculis 18. Aprilis: inuenta B. V. imago Lilybœi 20. Ianuarij: Deiparæ imago sudore sanguineo manare, visa in oppido S. Angeli 23. Aprilis: Thermis Himæorum memoria Deiparæ miraculis claræ 14. Ian. & 20. Iunij: item Panormi 10. Maij: Aleamensis B. V. imago in vepreto mirabilis 19. Iunij: Salernitana 13. Maij: eiusdem festum 25. Martij: imago ad Modicam admiranda anno 1515. 4. Maij reperta: & 10. Maij patratum nouum miraculum die Sabbati sub Litanijs B. V. 22. Octobris à S. Conone deportata B. V. Imago, & 29. Octobris in turri deposita, quem 24. Martij visus erat S. Conon lustrare. Denique 30. Martij anni 1564. celebratū initium miraculorum B. V. Panormitanæ à crypta in ipso littore.

*Festa
B. V. per
annum.*

*Ian. 14.
20. Martij
24. 25.
30.
April. 18.
23. Maij
4. 10 13.
16. Iun. 19
20. Aug.
18. Sept. 8.
Octobr.
22. 29.*

1388 Mussiponti Immaculatæ Conceptionis B. V. Congregatio hoc anno, quatuor, & viginti; Veldkirchensis, tres, & viginti Sodales transcripsit varijs religiosis Ordinibus, illic Deiparæ addictius seruituros. Darem hîc, si haberem, numerum eorum qui è Duacensi, Pragenfi, Viennensi, Græcensi, Tyrnauiensî, &c. Sodalitatibus ad Sacros Ordines conuolarunt plurimi atque lectissimi; quibus etiam dedicata sunt mea *Incitamenta*, & *Praxes cultus B. Virginis*, vt patet è Dedicacione libello præfixa Græcij.

*Sodales
B. V. facti
religiosi.*

1389 Lucernæ nouum nostrum triclinium Deiparæ dedicatum hoc anno, celebri Christophori Schuarzj manu pictâ Dei Matris imagine principe loco positâ, quam domesticæ Societatis res gestæ cir-

*In mensa
eius honori
omnia de-
dicare.*

cumstant. Etiam in Dom. Prof. Romanæ triclinio portæ imminet magna imago Deiparæ expanso pallio Societatem tam triumphantem quàm adhuc militantem complexæ.

Nova industria pro festo: Assumpt.

1390 Bellizonæ trigessimus à B.V. obitu dies apparatus longè maximo celebratus. Eiltadij edita prerogativa Sodalitatum B. V. In Bressuirensi Collegij Pictaviensis missione, nobilium fœminarum Sodalitas instituta, quæ aris cultiùs exornandis, & visendis ac procurandis agris pauperibus operam sanctam nauent.

ob. 1657.

Noctu.

1391 Leonardus Amman Coad. noctu à somno experrectus, illicò B.V. rosarium recitabat. Belliloci disertè affirmavêre ex energumenis dæmones, se à Beatissima Virgine, & S.P. Ignatio prohibitos ne per adolescentem quendam maleficio sacris vrceolis misto, Patres Societatis perimerent; adolescente quoque postea idem, fasso.

Hymnus B.V. in scena.

1392 Veldkirchenses Sodales dramate MARIANO celebrem illum S. Casiniri hymnum *Omni die dic MARIE mea laudes anima &c.* dedêre spectandum amabili ad B.V. cultum inuitamento. Lincij statua Fœiensis Virginis in Sacello S. Xaverij posita, & distributi de B. V. miraculis libelli, eiusdemque lapilli, incitant Lincensium pietatem.

Miracula B. V. celebrare,

1393 Caluomontanum in Gallia Collegium à Deipara Virgine Matre habet insigne benevolentie pignus beneficentia nobili contestatum. Est ibi angusta Deiparæ Matris ædes, in cuius altari, S. Iosephi titulo celebri ad dexteram ingredientium (venerunt literæ hoc anno inde perscriptæ) conspicitur sub capsula auro insigni icuncula lignea Beatissimæ Virginis Matris puerum IESUM complexu tenero gestantis, à Fide vulgo nuncupata; ad quam per-

mul-

multa diuinæ erga ægros misericordiæ signa eduntur, miraculis proxima, seu vera miracula: quæ non nemo iam ritè firmanda, & conscribenda suscepit. Et rectè. Sic enim dum accepta grati narramus, nos ad accipienda noua disponimus. Imò hoc ipsum grati amoris est signum, quòd nolimus taceri non ea tantùm quæ ipsi à Dei Matre accipimus, verùm & quæ alij apud nos ab ea acceperunt. *Laudamus, inquit de B. V. S. Bernardus, laudamus uirginitatem, humilitatem miramur; sed misericordia miseris sapit dulcius; misericordiam amplectimur charius, recordamur sepius, crebrius inuocamus.*

ANNO MDCLVIII. Soc. 118.

1394. P. Indoci Andries de B. V. doloribus di-centis faciè fama est visam splendore illustrem radios vibrasse. A P. Ioanne Eusebio Nieremberg (vt de illo Celada, Andrade, & Igarza in impressa Hispanicè eius vita testantur) quidam de Societate è purgatorio suffragia expetiit; dixitque sibi vt ad petendum auxilium venire posset, à Deo id concessum, *Beatissima Virgine impetrante.* Post dies aliquot, peractis pro anima illa omnibus quæ promiserat Ioannes magnum quendam splendorem, citra vocem vel strepitum vllum, vidit in eodem loco in quo anima illa preces postulans apparuerat.

1395. Quidam ærumnosam vitam exosus, atque à patibulo, cui se iam alligare inceperat, redux, dixit se à Beatissima Virgine ad ignotum sibi P. Ioannem Eusebium missum esse. Adfuisse sibi morti iam vicino angustam illam Virginem, ac dixisse: Tu quidem in eo statu es qui te ad æternum exitium ducit: at quia Rosario meo quotidie recitator mihi addictus fuisti, Filius meus tui misertus est, ne moriaris. Vade illicò ad Societatem illius nomi.

*ser. 4. in
Ass. B. V*

*ob. 1658.
Bruxellæ.
ob. 1658.
Madriti.
7. April.*

*Orare pro
defunctis.*

*Item pro
existentib⁹
in peccato
mortali.*

minis; & quære P. Eusebium, qui te solabitur. Mox, aiebat, apprehenso arboris ramo me sustentans à laqueo expediui. Tum ad quæsitum, & repertum P. Ioannis Eusebij pedes abiectus, apud illum ita ut Beatissima Virgo prædixerat, solatium luculentum, inuenit.

Modestia.

1396 Alius quidam dicebat, se in teterrimis facinoribus volutatum animo iam destinasse, ut Sacramento conscientiam nunquam expiaret. Verum adfuisse, siue adesse visam, sibi spectabilem DEI Matrem, quæ nihil omnino locuta, coram steterit, modestissimeque apertis oculis se intuita, videri desierit. Dicebat; illo aspectu sibi cor liquefactum, seque totum in lachrymas vbertim erumpentes effusum: eo tempore quo à Virgine aspiciebatur, omnia totius vitæ antea peccata (etiam illa quæ obliuione longâ exciderant) velut in catalogo distinctè particulatimque vidisse, vnâ cum viuâ quadam imagine sibi obiectâ de enormi illorum foeditate, ac simul spe veniæ obtinendæ. Ad hæc affirmabat; eodem ipso articulo ab augusto illo amabilique Matris misericordiæ aspectu impressum suæ menti nomen P. Ioannis Eusebij è Soc. IESV, tanquam eius per quem esset adiuuandus. Accito ergo (nam æger erat) P. Ioanni Eusebio omnia percensuit; & peccata ita confessus est, ut P. Ioannes dixerit, nihil ab vlllo Theologo expectari posse magis accuratum, ac expeditum, etiam post longam plurium mensium disquisitionem. Adfuit eidem quinto post die morienti P. Ioannes; & dixit, illum inter selectissimos exquisiti erga DEVM amoris actus extinctum, idque videri fuisse præmium constantiæ quâ ille per omnem vitam, etiam inter peccata, DEI Matrem coluerat, cuius ope tandem è peccatis emerit.

P. Ioan-

1397 P. Ioannes Eusebius Nieremberg ad virtutum adeptionem utebatur eâ quâ DEI Matrem colebat pietate. Oprabat olim optimum quorundam selectissimæ virtutis adolescentum contubernium; sed vt erat verecundus, rem diffimulabat silentio. Quare ad eam quæ Madriti *Inclusa* dicitur B. Virginis imaginem suppliciter adiit; & ab illa socios petijt, quorum confortione ad illam impensius colendam proficeret. Post preces prolixè istic fusas, cum pedem ex templo efferret, famulum ad portam reperit, qui illustrium illorum, & virtute singulari præstantium adolescentum nomine illum ad lectissimum illum cœtum accersebat, atque vnâ Salmanticam ad studia inuitabat. Hoc erat quod impensè optabat Ioannes: & mox à limine ad B. V. imaginem redux illi gratias reddidit pro beneficio impetrato. Postea Societati adscriptus est.

Ab illa bonos socios petere.

1398 Deiparæ festa colebat, pridie pane tantum frigidâque contentus. Ad eos quorum peccata Sacramento expiabat dirigendos DEI Matrem habuit pro admirabili cynosura, vt habent fufius annuæ, ac eius vita.

Ieiunare arctius.

1399 Scripsit de B. Virgine plura, quæ reddidit suis annis. Edidit anno 1635. libellum de affectu erga B.V. Hispanicè, qui nunc alijs quoque linguis loquitur. Illius sunt & eę quæ Antuerpiæ anno 1655. typis datæ sunt *Exceptiones Concilij Tridentini* pro omnimoda puritate Deiparæ Virginis MARIE. Item *Dissertationes Epistolice de Immac. Concept. B.V.* Hoc extremo vitæ anno ibidem exiêre in lucem eiusdem *Trophæa MARIANA*; seu de Victrice Misericordia Deiparæ patrocinantis hominibus. vbi lib. I. Patres producit de B. V. vigili, potentissimâque misericordiâ loquentes; Ethnicos, Reges, Prouincias

Legere de illa, & scribere.

cias illi honorandæ intentas. lib. 2. agit de B. V. patrocínio in Hispania: tertio, de vârijs victorijs per orbem vniuersum eius ope obtentis: quarto, de spiritualibus victorijs: quinto, de Trophæis B. V. asyis, imaginibus: sexto, de templis, miraculis, eiusque erga nos amore. Laudat ibidem pag. 305. & aliàs P. Ioannem de Alloza è Societate, qui scripsit *de celo stellato* B. MARIE. Ibidem ad calcem adiecit Apologeticam Dissertationē de Virginitate Sanctissimæ DEI Matris superadmiranda, superexcelsâ, & DEVM decēte, vltra leges naturæ & virtutis moralis, comprobante Immaculatam Conceptionem Virginis; etiam passiuam.

ob 1658.
Iudenbur-
gi.
Sabbatum.
Mortifi-
catio.

In ther-
mis eius
cultum
promouere

Sabbato.

1400 P. Georgius Arobizki religiosæ ac amabilis modestiæ, atque erga omnes reuerentiæ vir, adibat sæpius chorum templi *Sabbatinis noctibus*, atque istic post diurnam iteratamque sui verberationem orabat suspirijs in voces ab alijs quoq; auditas erumpentibus, pro ijs qui mortali peccato tenentur obnoxij. Reliquas eius laudes loquuntur Annæ Austriæ: quæ etiam hoc anno Badenæ ad Viennam in thermis, quò magna vis mortalium confluit quotannis, in morem inductum aiunt adnitentibus nostris, vt palàm corona, & encomia Deiparæ piè recitentur; atque ad hanc pietatem accendendam nobilis eiusdem statua in thermis erecta est, magno virtutis non rarò istic periclitatæ compendio. Sabbato spontanea sui verberatio Gortriæ in Seminario hoc anno in morem abiit: vbi etiã iuuentus non priùs in triclinium descendit vesperti quàm Immaculatæ Conceptionis B. V. officium recitârît.

1401 Dum hæc typis parantur, accipio à Tynduensi B. V. Visitantis (vti etiam sæpius à Viennensi

nenſi S. Barbaræ) Sodalitate literas impreſſas, quibus inuitor ad ſolenne feſtum Deiparæ celebrandum. Eſt enim in Auſtriæ Prouincia etiam hæc reperta induſtria ad cultum DEI Matris latiùs extendendum, vt quotannis Sodalitates Academicæ imminente ſui cœtus feſto epiſtolam eiufdem exempli typis vulgatam ad Sodales abſentes mittant, vnâ cum Catalogo Sodalium intra eius anni circulum mortuorum.

Hoc anno in Actis SS. Februarij Antuerpiæ editis à P. Ioanne Bollandò, & P. Godefrido Henſchenio, 2. Februarij P. Godefridus Henſchenius, è S. Methodio, alijsque ex antiqua eruditione appoſitè atque copioſè erutis argumentis luculenter oſtendit, elucubrato hac de re Commentario hiſtorico, longè antiquiorem eſſe quàm Baronius exiſtimauerit Purificationis B. V. celebratam, etiam cum cereis, in Palæſtina, Phœniciâ, Syria, Cypro, Aſia, &c. ponitque è m. ſ. Græco Latinam S. Sophronij de hoc feſto orationem, eamque notis illuſtrat: omnia curatè, diſertè, ac eruditè.

1402 P. Paulus Belli luculentum commentarium ſcripſit de aſſertâ epiſtola B. Virginis ad Meſſanenſes. Collegit è varia lectione auguſtiſſimos, ac tenerrimos quoſque Deiparæ titulos; & in ſingulos adiecit meditationes, ſermones, ac ſymbola. Item conquirebat vnde vnde poterat, tot quot poterat libros de B. V. conſcriptos vbidem vnicuique terrarum; & confecit egregiam Bibliothecam MARIANAM è libris ac libellis de hoc ſolo tam pretioſo & amabili argumento conſcriptis, vnde ſuam aliorumque pietatem locupletaret; annuentibus ijs quorum eſt prouidere, vt hæc fiant citra iniuriam paupertatis. Illo adnitente multum celebri-

K K K K

tatis

*Inuitare
alios ad
feſta Sodalit.*

Geſta illius eruditè illuſtrare.

*ob. 1658.
Meſſane
15. Ian.*

*Deipara
titulos me
ditari.*

*Bibliothecam Marianam
condere.*

tatis accepit festum quod vulgo dicitur *Beatis. Virginis à littera*.

ob. 1658. *Antuerpia.* 1403. *P. Laurentius Chiffletius* cum nullo exteriorum agebat familiaris quem *Matris Misericordiae* cultu non imbueret. Fecit idem pluribus libellis editis variâ pietate. Sed & ipse coram eadem pro peccatoribus pronus & supplex quotidie illos humi stratus eidem demissè ac vnicè commendabat.

De illa colloqui. Peccatores illi sapius quotidie commendare. pag. 29. 96. 97. 152. 153.

1404. Romæ lucem hoc anno aspexit *P. Christophori Schorrer* Germaniæ Assistentis, postea Vicarij Generalis, *Theologia Ascetica*: in cuius Systemate collocat Beatissimam Virginem: & post alia plura, tractat ea quæ faciunt ad summam de illa opinionem concipiendam; deinde ad amorem; denique quoad externam, ut ait, habitudinem erga illam. Vocat illam Matrem Amoris, & salutis nostræ studiosissimam, ad iuuandum promptissimam: illam posse, ac liberaliter velle opitulari. Huic opinioni inniti summum erga illam amorem propter Deum; gratiarum actionem DEO dandam pro bonis quibus illam ornauit; desiderium illam colendi, & ut colatur in cælo ac in terra ab omnibus creaturis; odium sanctum in eius Filij inimicos; fiduciam in eius præsidio; submissionem summam internam, & externam; promptitudinem se illius cultui penitus impendendi; studium se formandi ad eius exemplum; votum cum illa fruendi DEO; defensionem gloriæ illius. &c. Externo cultu comprehendit eisdem Deiparæ laudes voce, ac scriptis; publicè, ac priuatim; singillatim, vel vnâ cum alijs, celebratas; reuerentiam palàm, ac priuatim exhibitam ipsi, & ijs quæ ad illam spectant, imaginibus &c. seruitutem, implorationem præsidij, exaltationem illius

Cultum illius ad certa capita reuocare.

per

per colloquia, conciones, per narrata beneficia &c.

1405 Bononiæ hoc etiam anno edidit P. Iacobus Pasinettus Italicè septem dies itineris ad Sapientiam Christianam. Sessione 8. latè agit de B.V. protectione, vt in sanctitate ac iustitia conseruemur. Consideratione 2. differit *quid sit agendum*, vt ab ea protegamur. Amandam esse, quia Christo coniunctissima, pulchra, excellens, Mater nostra, & se amantium amantissima est. Sed addit è S. Bernardo dicente: *Obsecro vos, filioli, si MARIAM diligitis, si ei placere contenditis, emulamini modestiam eius.*

Praxim pietatis erga illam doceat.

1406 Eodem hoc anno Romæ Italicè in lucem exiit P. Ioannis Rho centum affectus erga B.V. Callicè verò impressit P. Georgius Faultriel Historiam, B.V. de miraculis in Vrbe Rhedonensi in templo S. Saluatoris; Constantiæ autem P. Iacobus Reiff centum elogia S. Iosepho Deiparæ Sponso data; vbi eum etiam *Societatis Patroni* elogio laudat.

pag. 288.

1407 Monasterij in Vuestphalia, cum hoc anno nouus Domus cuiusdam incola coram quodam de Societate quereretur domum illam spectris esse obnoxiam, suasu illius, ibi Deiparæ imaginem collocauit, & sensit omnia tranquillata.

Imagines B.V. domi contra spectra affigere.

1408 Ibidem sacer noster Orator cum explicandis Dei Matris doloribus conciones aliquot impendisset, ac Belgij, Bauariæ, aliarumque Prouinciarum, & Urbium pietatem in erigendis per campos Deiparæ dolentis imaginibus disertè commendasset, propensos etiam aliàs erga Deiparæ cultum, animos feliciter inflammavit, vt eas quas vocant stationes collato ære honori Dei Matris erexerint, vbi mysteria dolentis Virginis picta visuntur in erectis ad id pijs ædiculis in eo interuallo quod inter

Stationes illi erigere.

ter Urbem, Telgetum vsque interiacet: ita vt eun-
tibus dolores Virginis, redeuntibus verò eiusdem
gaudia in ædiculis illis picta occurrant.

Vile hic
nu. 1378.

Imaginem
B. V. se-
cum ge-
stare.

1409. Hòc etiam anno Monachij maior B. V.
Sodalitas Ignatianam Deiparæ à Corde dictæ ima-
ginem Romæ æri incisam & istuc missam æri de-
nuò incidit, Sodalibusque distribuit. Quidam
hanc penes se gestabat, & cum vnâ cum equo in
aquis fuisset delapsus, eius quam secum habebat
imaginis recordatione sensit se ad fiduciam vehe-
menter accendi. sic è periculo eius ope emerfit, &
suam incolumitatem S. MARIAE à corde adscripsit.
Augustâ quoque literæ ita habent: Sensit & è no-
stris Patribus vnus piam ac thaumaturgicam Matris
potentissimæ Matrum opem; qui eius auxilio im-
plorato, adhibitâque imagine MARIANÂ (quam
à corde vocant) graui morbo solutus est.

1410. Exeunte hoc anno, in Nouembri celebra-
ta est Romæ in Domo Prof. Congregatio Patrum
quam Procuratorum à Prouincijs missorum vocant.
Ab his quædam accepi, quæ lubet hîc breuiter ad-
notare circa cultum Deiparæ à Societate in varijs
Prouincijs variè cultæ.

De illa
colloqui.

1411. Burdigalæ Nouitij ab annis aliquot hoc
in morem induxere, vt quothebdomadis cum ad
recreationem conueniunt, colloquendi exordium
ducant ab aliquo exemplo vel miraculo Christi aut
Beatiss. eius Matris. Ita mihi retulit Procurator
Aquitan. P. Guilielmus Ricard Rector, & Mag.
Nouit. Burdigalæ. Quid hac in re fiat in Austria-
ca Prouincia, dixi suo loco.

1412. In Aragoniæ, ac Boeticæ Prouincia (vt retu-
lit P. Petrus de Oiea Proc.) diebus Sabbati datur
signum ære campano post prandium ad verren-
dum

dum templum. Tum P. Prouincialis, Rector, & Patres, ac alij, ad verrendum descendunt.

Humilit.

1413 In eadem Aragonia is qui manè socios a somno excitat, more iam recepto hac utitur formulâ salutandi dum cubicula singulorum ingreditur, vt lumen accendat: *Gloria Patri &c. Laudetur S.S. Sacramentum, & purissima Conceptio Beatissima V. MARIA.*

Manè.

1414 In vigilijs maiorum festorum B. V. ibid. sparsi per plateas socij populum docent actum contritionis; breuem allocutionem habent; & omnes ad B. V. festum ac diuina mysteria obeunda inuitant.

Festa

B. V.

1415 Prouincia Rheni Superioris (teste P. Ricquino Geltgens) habet ab annis plus quam 30. statâ consuetudinem post meridiem Lit. B. V. Laurentanas recitandi (id quod Tolosæ quoque audio à Nouitijs factitari) cum oratione: *Defende quesumus &c. Spiræ Professores ac Magistri quotidie ducunt totam Scholasticam iuuenturem ad templum: vbi Salue Regina, & Ave Maria gratia plena cantatur, coram illa B. V. statua quæ fertur S. Bernardo dixisse: Salue, Bernarde. Hic mihi in mentem venit illa imago (alia ne ab hac, non disputo) quæ S. Bernardo dicenti Ave MARIA, respondit: Salue, Bernarde. Eius lapideæ imaginis partem Bruxellis esse in Collegio Soc. Iesv affirmat Menologium Cisterciense 18. Octobris.*

Post meridiem.

1416 P. Stephanus Turturetus missus è Sicilia Procurator ait, nostris adnitentibus Messanæ 3. Iunij adiunctam celebritati festi B. V. de litterarum communionem generalem, tantâ populi è Sicilia & Calabria eò confluentis celebritate, vt censeantur sæpè plus quam octoginta millia capitum diuinæ mensæ accumbentium. Ita festum illud reddi-

Festa

B. V.

tur

tur longè celeberrimum, ac longè vtilissimum. Per mensem integrum longè ac latè sparsis per Urbem socijs missio Urbica celebratur; vt populus ad festum illud, & S. Synaxim præparetur. Certis annis etiam ducitur supplicatio paruulorum & paruularum eo festo ad sanctissimum Eucharistia Sacramentum primò percipiendum accedentium, longâ pompâ cum corollis ornatuque insigni; accuratâ prius institutione præmissâ, quâ docentur quomodo debeant tunc primò ac deinceps per omnem vitam, cæleste hoc mysterium frequentare.

Post scho-
las.

1417 P. Remundus Baile missus à Prouincia Tolosana, testis est; istic moris esse vt sub finem Scholarum vespertinarum eatur ad templum ab omnibus Scholasticis, & Magistris, signo ad id dato campanâ classicâ; sicut manè signum datur ad sacrum; ibique cantari tono (vt vocant) figurato, præcinentibus duobus, alijs verò accinentibus, Antiphonam de B. Virgine, cum aliquot orationibus, seu collectis. Alia de alijs Prouincijs dedi suis locis passim; & dabo vbi plura accepero.

1418 Eriburgi Brisgoia Henrici Mayr S. I. libellus prodijt, cui titulus: *Felix pie mortis hora quam Christi sanguine redemptis omnibus, præsertim verò magnam Dei Matrem eximie colentibus, præstat Henricus Mayr S. I.*

1419 Viennæ mirè increuit pietas erga Deiparæ statuam in gradibus Collegij expositam, de qua dixi anno 1656. Nuncius Apostolicus, adeoque Serenissimus quoque Archidux Carolus Iosephus cum duabus sororibus, ac alijs, illam prolixè ac piè de geniculis salutarunt. Item in thermis Badenensibus posita Deiparæ statua, & mos inductus

Litaniarum, ac Rosarij recitandi, Viennensibus socijs adnitentibus, vt nuper dixi.

1420 Bononiæ recuditur meus *Annus celestis* olim Viennæ impressus: in quo ad singula Deiparæ festa, etiam ea quæ in Breuiario non sunt, meditatio, seu oratio expendenda, proponitur. Ponuntur ibidem *anni celestis dies* MARIANI cum Aspirationibus ad B. V. è proprijs cuiusuis diei gestis à Deipara memorabilibus in anni dies singulos distributis. Item Pragæ impressum *Diurnum quotidiana virtutis è varijs IESV & MARIÆ Sodalium, clientum, sociorum exemplis, & ephemeridibus concinnatum, atque quotidiana Sodalium quæ lectioni, quæ commentationi dedicatum*, vno alteròue ad meditando de Deipara puncto in dies singulos assignato, & ex ipsis præsentis diei gestis deprompto.

1421 P. Alphonsus Mendez Æthiopiæ Patriarcha, in ea quam hisce annis Romam misit narratione, cum de visitatis Christianis agit, affirmat ab aliquo è Societate habitam ad eos qui sacro crismate confirmandi erant adhortationem de fide, spe, charitate &c. Tum addit; *Aliquam etiam de Beatissima Virginis laudibus vel miraculis narrationem subiiciebat: tam quòd gens hæc uniuersim in illius cultum quàm maxime sit propensa, quàm quòd pernicaces quidam, ad conflagrandum nobis odium, imperita multitudini persuaserint, illius nos hostes esse capitales; cum tamen ipsius cultum ac honorem & in cordis fibris, & in oculorum pupillis altè impressum habeamus. Hanc doctrinam opus erat iterùm, ac tertio repetere &c.* Ita c. 25. Patriarcha. Probatam ait ibidem mirificè doctrinam Societatis à Præfecto quodam, quippe qui se Deiparæ verè amantes ostendant, contra quàm dixerant impostores.

1422. Lugduni exiére in lucem posthuma quædam

m. f. lib. 2.
c. 7.

dam P. Ioannis Eusebij Nierembergij in tomo cui
titulus: *Opera Parthenica*.

1423 Templis quoque nostris Deiparæ cultum,
quà licet, inferre, argumentum est egregiæ in DEI
Matrem pietatis. Accepi literas à P. Martino Pal-
kouichs Collegij Tyrnauiensis bis Rectore; quibus
prescribitur; Eszterhasianum istic Societatis tem-
plum per sacella distributè habere titulos Beatissi-
mæ Virginis; vt in sacello quouis, præter San-
ctum cuius nomine dedicatum est, etiam Deipa-
ræ memoria oculis & animis obuerferur. Templum
fuit dicatū iam olim S. Ioannis Baptistæ memoria.
In ara maxima supra principem Christi à Ioanne
baptizati imaginem est imago Beatiss. Virginis
Elizabetham S. Ioannis Matrem visitantis, vbi
Ioannes ad MARIÆ vocem in Matris utero exulta-
uit. Sacello S. Patriarchæ nostri Ignatij imminent
duo Angeli cum scuto, cuiusepigraphe aurea
est: *Regina Patriarcharum*. Sacelli S. Xauerij Indo-
rum Apostoli, inscriptio est:

Regina Apostolorum.

S. Stephani Protomartyris, ac Martyrum,

Regina Martyrum.

Sacelli S. Iosephi, *Regina Virginum*.

Sacelli S. Angeli Custodis: *Regina Angelorum*.

Sacelli MARIÆ Reginae dolorum mortuum,

Christum sinu complexæ: *Deipara Dolorosa*. Atque
hæc in honorem & amorem Reginae Sanctorum

26. & 28. Julij. omnium; cui S. Ioseph Græcus: *Gaude, gaudium*
Angelorum, titulus honorificus Apostolorum: efficias
nos templa Filij tui.

1424 Poëtico etiam ingenio Marianis versibus
arte variâ illigato colere Deiparam est inter artes
obsequiorum Virgini DEI Matri à Societate im-
pen-

sup smullhoq inveni ni vrbico inubgu i
insh

penforum: Quid in hoc genere fiat ab ijs qui scho-
 las, humanitatem potissimum ac Rhetoricam, tra-
 ctant, infinitum esset referre. Dabo hic versus quos-
 dam, quos, ab autore, accepi e Romano Collegio.
 Res non tam longa quam rara, eoque grata, est in ar-
 gumeto amoris Mariani, & epistolę Marianę. P. Hie-
 ronymus ergo Retrucius, Camers, harum artium
 probe gnarus Magister, scripsit de epistola, *asserta*
Deiparę Virginis ad Messanenses iambicos puros quin-
gentos circiter, & quinquaginta. Ibi Marianus

Muscam docens amor

Rotator ille siderum, modos modis,

Globos globis repercutit rotas rotis.

Ultimus hic senarius quinque vocibus eã lege
 compositus est, vt vocibus varię collocatis centies
 viciesque perlectus centum ac viginti purorum
 versuum iambicorum pariat turbam.

Poëmãti Mariano præit hoc epigramma:

Ad Iambum Marianum Tabellarium.

Volas, Iambe quadrupes:

Volas, volucris octipes:

Volas, iambe centipes:

Volas, iambe millipes.

Nisi est molestum, & impudens

Iambe, quò celer volas

MARIA ab ore Virginis

Tabellio celerissimus

Epistolam daturus hanc

Peloricis celerissimam.

Gradum cito: vovo viam: fero Deum: Deo fero:

Ultimus hic octonarius, vocibus ac pedibus varię
 gradientibus, etiam retrogradis, parit iambicorum
 purorum quadraginta millia trecentos, ac viginti.
 Eadem lege, metro, arte fluunt hi, versus Messan

-sup

L L L

nen-

nensium votum complexi. in quo, Autoris eiusdem, seu cancellarij Mariani calamo, Messana (Mesa; & Mese dicta veteribus). Deiparae epistolam illam assertam scribenti respondet duodecim versibus referentibus coronam stellarum duodecim, quae stellae varie collocatae totum caelum implere possunt. Dabo & versus, & commentarium iisdem omnino verbis quibus ab autore perscripti sunt. Sic habent:

Tibi, Dei Parens, facum trias quater ligat comas.
Tegit latus Mihræ peplum, triceps subit pedem
iubar.

Tuum caput Poli decus pauet Polus; tremat chaos.

Tuas comas, suas plagas; tuas nives, suas faces;

Tuum sinum, suum torum, suum thronum Deus

Tua manu, an Dei manu? Mese tuae canis notas?

Tuam manum, notas tuas, rosas suas Mese legit.

Notas tuas libris suis, fibris suis Mese notat.

Tuas notas Mese tulit? Notis tuis, rosis suis

Quotas notas, quotas rosas, quotam charin Mese

refert!

Minor genu, madens genis, salam, solum, fretum,

Pharum,

Tibi vieos, tibi Domos; Tibi Mese Mesem dicat.

Mese, & Mesa Messana Straboni, alijsque Scripto-
ribus. Eadem in harmonia caelesti summum caelum
Marco Tullio; Boetio Sol in mundi corde; & cor
mundi: eadem Musicorum in tetra chordis octava
nota. In hac corona stellarum duodecim octona-
rij totidem mutato pedum, vocumque situ modu-
lantur iambicos puros; quadraginta millia ac tre-
centos supra viginti. Si vero conlaueris ex iisdem
sesqui octonarium iambicum, ordinemque ac si-
tum variaueris; habebis omnino numerum 479001600

qua

quatermillies nimirum & septingenties noniesque centena millia, insuperque dena, senaque alia purissimorum millia iambicorum: miliones vulgo quadrigentos ac septuagenos, insuperque sedecim millia. Si autem, non singuli, sed duodecim simul versus vniuersivariâ concatenatione, situque misceantur, illorum voces numero 96. dabunt innumerabilem iambicorum multitudinem quâ nullus Archimedes, nullus Archita numerare possit. Sanè tres in Collegio Romano Mathematicarum olim professores disciplinarum, exputatâ, & disputatâ rei veritate diutiùs, vnanimi sententiâ responderunt: Earum nonaginta sex vocum innumerabiles inter se nexus, atque congeminaciones quatuor mundi non caperent. In ea varietate non inficiamur aliquando sensum non bellè congruere: sed aptam sæpe nasci sententiam inficiabitur nemo. Ita Petruccius ingenio Mariano ad verbum

Pium pijs reciprocans metrum metris.

Ignoscat Lector quòd ista posuerim fortè prolixius. Meminerit Deiparam nec has laudes dedignari, quam Beatam dicunt, vt omnes generationes, ita omnes artes bonæ atque ingenia. Nempe Regina hæc *circumdatur varietate, diademate aureo, fascijs aureis vestita est.*

1425 Vidi nuper in tabulis, & libro Primæ Primariæ Sodalitatis B. V. Annunciatæ longam annorum seriem distinctè adnumerantem qui Deiparæ cœtus, & quibus annis Romanæ primariæ Sodalitati sint illigati; iuxta illud quod cuius Rectori etiam atque etiam cordi esse vult Societas ad propagandum etiam hac arte Deiparæ cultum intenta, illi sic præscribens: *Det operam, vt Diuæ MARIE Annuntiatæ Congregatio ex Romano Collegio*

LLL 2

in

ps. 44.
Vid. Hieronibi.

Sodalitates.

In rat.
stud. reg.
23.

Sodalitates illius propagare.

Rat. stud. reg. 5.

in suum propagetur: cui qui nomen non dederit, non esset in Academiam in qua recoli solent literarie exercitationes admittendus &c. Quam autem accuratè foveri velit hanc Sodalitatum curam & pietatem, argumento est illud quod præfecto Academiae cõmendat impense his verbis: *Horas Academiae, repetitionum scilicet, disputationum, & similium ita dispenset, ut horas Congregationis non impediant; quò Academici commodè possint utrisque exercitationibus interesse: quam etiam ob rem nullus erit, sine magna causa Congregationis tempore privatis colloquijs detinendus.* Ita ibi regulæ Rectoris, ac Præfecti. Nunc quia illigatarum Romanæ Primariæ aliarum orbis Congregationum annos ac dies exequi longum & operosum esset, lubet earum titulos tantum ita ut eos in libro reperio adnotare. Singuli tituli Congregationes plures habent, aliqui centenas & centenas.

1 Congregatio Annunciationis B. V.

2 Nativitatis

3 Assumptionis.

4 Immaculatæ Concept.

5 Visitationis.

6 Expectationis partus.

7 Præsentationis.

8 Matris DEI.

9 Purificationis.

10 Rosarij.

11 B. V. ad Niues.

12 B. V. Angelorum.

13 IESU & MARIAE.

14 B. V. Lauretanæ.

15 B. V. Remediorum.

16 Reginae Angelorum.

17 B. V. ad Reges.

Cong.

- 18 Cong. B. V. Sacerdotum.
- 19 B. V. de Pace.
- 20 B. V. Parituræ.
- 21 Domina Regum.
- 22 B. V. à Populo.
- 23 B. V. Pietatis.
- 24 Assumptæ Regina Angelorum.
- 25 B. V. Gaudiorum.
- 26 Mariana S. Quintini.
- 27 B. V. inuenientis Filium in templo.
- 28 SS. Sacramenti, & B. V.
- 29 B. Virginis Vitæ.
- 30 B. Virginis Salutis.
- 31 S. Mariæ de Pœnitentiâ.
- 32 B. M. Protectionis.
- 33 B. V. à Victoria.
- 34 Regina omnium Sanctorum.
- 35 B. V. Dolorosæ.
- 36 Regina Martyrum.
- 37 B. V. Pietatis.
- 38 Desponsatæ Virginis.
- 39 B. V. à Quiete.
- 40 B. V. Cælorum Regina, & S. Barbaræ.
- 41 B. V. & S. Ioannis Euang.
- 42 B. V. Patronæ Hungariæ.
- 43 SS. B. V. parentum Ioachimi, & Annæ.
- 44 B. V. de Guia, seu Ducentis.
- 45 B. V. & S. Rochi.
- 46 B. V. Deum parientis.
- 47 S. Iosephi Sponsi B. V.
- 48 Iesu, Mariæ, Iosephi.
- 49 Transitus B. V.
- 50 Annunciata Patronæ Hungariæ.
- 51 Regina Angelorum Custodum.

B.V.

- 52 B.V. Deiparæ sub Cruce .
 53 B. V. Matris Admirabilis.
 54 S. Mariæ , & SS. MM. Seuerini, ac Socij.
 55 S. Mariæ, & SS. Crispi, & Cypriani .
 56 Beatorum nominum Mariæ, Ioseph, &
 Ioannis Euangelistæ .
 57 Romæ mortis, sub inuoc. vulnerum, &
 B. V. dolorosæ .
 58 B.V. M. Sponsæ Spiritus sancti .
 59 Crucifixi, & cruciatæ B. V.
 60 Pueri IESU, & Virginis Lauretanæ .
 61 B. V. de Candelaria .
 62 Sinè macula Conceptæ Patronæ Hun-
 gariæ .
 63 B.V. iuxta Crucem lacrymosæ .
 64 S. Conuersationis IESU, Mariæ, Ios.
 65 B.M. V. Agonizantium .
 66 Passionis D.N. Iesu Christi, eiusque Dei-
 paræ Martyrum Regina .
 67 B.M. Virginis in Ægyptum fugientis .

Accepi ego quidem à P. Francisco Pizzonio Au-
 striæ, & à P. Andrea Schambogen Boëmiæ Procu-
 ratoribus Romam ad Cong. missis grandem Cata-
 logum, numerumque Sodalium; sed nec ibi sin-
 gula Sodalitia suum numerum posuere; & ego alia-
 rum quoque Prouinciæ catalogos expecto .
 Certè vnica Prouincia numerat Sodalium 26. mil-
 lia, & plus quàm quingentos. Dabo hæc accura-
 tè vbi ea magis particulatim accepero. In Pro-
 uincia Flandrobeltica anno 1630. fuere Sodali-
 tates 98.

1426 P. Ioannes Baptista Cancellottus Alex. VII.
 Pont. confessarius, habet approbatos, qui iam præ-
 lum expectant, Annales Ecclesiasticos MARIANOS;
 vbi

vbi multa in annos eruditè digesta amplum suggerent argumentum de B. Virgine disertè ac piè differendi.

1427 *Diurnum Divini Amoris*, dum hæc imprimuntur, Romæ typis vulgatum, habet Caput integrum de Amore divino MARIANI Amoris Magistro, vbi (& passim aliàs) docet modos colendi Deiparam, decerptos ex ipsis Christi ac Deiparæ montis, atque adductis Sanctorum, & Sanctarum documentis, orationibus, & exemplis: vocatque *Horam Beatissimæ DEI Matris*.

1428 P. Carolus Franciscus de Luca Heroico Poëmate, quod nunc imprimitur, laudat, & prosequitur *Iter Lauretanæ Domus* libris viginti: in quibus sunt carminum ferè viginti millia.

Atque hæc hæcenus de Annalibus MARIANIS. *Prou. 9.9.*
Dedi sapientibus occasionem; ut plura inueniant. Eapropter, ista lecturos RR. Patres iuuito; ut mihi vel coram, vel per litteras, ea suggerant de artibus colendi Deiparam, exemplisque domesticis, è quibus hæc locupletare possim vel ego, vel successor meus cui concinnandorum Societatis Annalium cura incumbet, etiam postquam hinc ad immortales abiero. id quod ut feliciter mihi eueniat, omnes tam in cælo quam in terris Deiparæ addictius amantes, ac per illos ipsam DEI Matrem, supplex oro, ut id à supremo æternæ vitæ Domino mihi obtineant. Ita spero.

Ad Mai. Dei, Deiparæ Virginis, S. P. Ignatij, Xauerij, & omnium Sanctorum gloriam, ac vltimi agonis nostri solatium sanctum.